

**GERARDI JOANNIS  
VOSSII  
RHETORICES  
CONTRACTAE, SIVE  
PARTITIONUM...**

---

Gerhard Johann Vossius



6

8-e

27



1248

5. A

0-8027

96



GERARDI JOANNIS VOSSII  
**RHETORICES**  
 CONTRACTÆ  
 SIVE  
**PARTITIONUM**  
 ORATORIARUM  
 LIBRI QUINQUE.

BIBLIOTHECA  
 ROMA  
 VITTORIO EMANUELE

Editio juxta exemplar Lipsiense quantum  
 fieri potuit diligentissime correctæ, &  
 duplici Indice locupletata.



Nec defunt Tabulæ Synopticæ M. JACOBI THOMASII  
 in Academia Lipsiensi Eloquentiæ professoris.

*Donus Prob. X Andreae Soc. Jesu de Urbe*

*Ex Bibb.*



*Rhetoricorum*

VENETIIS, MDCCXXXVII.

APUD JO: BAPTISTAM RECURTI.

SUPERIORUM PERMISSU, AC PRIVILEGIO. 15

D. PROB. ROM. S. J.

THE UNIVERSITY OF CHICAGO

PHYSICS DEPARTMENT

CHICAGO, ILLINOIS

OFFICE OF THE DEAN

55 EAST 57TH STREET

CHICAGO, ILLINOIS 60637

2

ADMISSIONS OFFICE

55 EAST 57TH STREET

CHICAGO, ILLINOIS 60637

ADMISSIONS OFFICE

55 EAST 57TH STREET

CHICAGO, ILLINOIS 60637

ADMISSIONS OFFICE

55 EAST 57TH STREET

CHICAGO, ILLINOIS 60637

ADMISSIONS OFFICE

55 EAST 57TH STREET

CHICAGO, ILLINOIS 60637

*Perillustri VIRO*

BENIAMINO AUBERIO

MAURERIO FONTIDANGÆO

Christianissimi Regis in sanctiore  
Consistorio Consiliario,

Et ejusdem in foederata Belgica Legato.

*Illustissime Domine*



**E** T si præsentem Galliarum, & foederatæ  
Belgicæ statum cogitanti, non difficile  
esset conjicere, quantopere, si unquam,  
nunc publica te negotia distinerent: fi-  
ducia nihilominus fuit compellendi tui,  
atque id non alia de causa, quàm ut  
Rhetorices hos libellos quinque de manu tibi in ma-  
num traderem. Parum id verecundè à me factum es-  
se, dixerit aliquis, sed tamen multa erant, quæ ad  
illud impellerent. Nam obversabatur animo primùm  
singularis planè, ac propè divina in tanta dignitate  
humanitas tua. Simul occurrebat, te, magni Mœce-  
natis exemplo, literatos non minùs, quàm literas  
amare, virum utique exquisitissimæ doctrinæ succo,  
non leviter modò tinctum, sed penitus imbutum. Ne-  
que olim duntaxat hic ardor tuus: verùm nunc et-  
iam occupationes gravissimas elegantissimè diffindis  
Palladis ac Musarum sacris. In mentem quoque ve-  
niebat, eo in studiorum genere versari hunc laborem  
meum, quo cives tui, fortissima Gallorum ratio,  
ab omni propè gentis memoria, commendari non mi-  
nus,

nus, quàm armis, solent. Memineram enim, ab antiquo illo Catone proditum esse, *pleramque Galliam duas res industriosissimè persecutam, rem militarem, & argutè loqui*. (a) Sciebam, urbem, terrarum olim dominam, Gallos dicendi magistros habuisse: atque hujus etiam gentis (b) fuisse L. Ploxiū illum, qui extremis L. Crassi temporibus, primus dicendi artem Romæ intulit: idque magno concursu, quod studiosissimus quisque apud eum exerceretur teste ad M. Titinnium Cicerone. (c) Offerebant se etiam, tum Narbonensis (d) Votienus, magni sub Augusto nominis Rhetor, quem postea à Tiberio in Baleares fuisse insulas relegatum, Tacitus (e) auctor est: tum Iulii, qui sub Nerone floruerunt; Domitius Afer Nemaufensis, Clodius Quirinalis Arelatensis, L. Stadius Ursulus Tolosanus. Et quis enumeret omnes Galliæ Rhetores, atque Oratores? præsertim si ad; posteriora etiam tempora deveniendum sit, quorum multos referunt Burdigalensis Ausonius ac B. Hieronymus. Ad hæc cogitabam, à veteri gloria non descivisse Galliam tuam, in qua & hæc, & patrum ætas, tot excellentes in arte nostra viros protulerit: quorum nomina tabulis æternitatis Fama inscripsit. Omnes illos dicere si velim, non patietur ingens numerus: & si possim, negotia tua vetabunt. Unum tamen præterire non sinit præsens instituti ratio. Est, is, vir summus, **JACOBUS AUBERIUS**, patruus tuus: qui

---

(a) Apud Sospitrum l. 2. ex Originum libris. Ac, puto, eodem respexit B. Hieronymus adversus Vigilantium, cum ait: Sola Gallia monstra non habuit: sed viris semper fortissimis, & eloquentissimis, abundavit. Atque idem epist. ad Rusticum laudat ubertatem Gallici, nitoremque sermonis (b) Hier. in Chron. (c) Apud Svet. de claris Rhetor. (d) Martial. l. 8. Hieron. in Chron. (e) Lib. 4. Annal.

qui primum magna cum eloquentiæ laude in suprema  
 Parisiensium curia advocatus vixit: ac postea virtutis  
 & honoris ergo præturæ urbanæ præfectus fuit: at-  
 que in ea ita se gessit, ut ob singulares, animi dotes  
 admirationi esset omnibus: unde & hoc inter alia vir-  
 tutis suæ prætium tulit; quod Rex ipse Henricus II.  
 rara ejus prudentia, & Nestorea motus facundia, eum  
 ad Britanniae Regem miserit legatum. Qua in digni-  
 tate, Regis sui, civiumque summam de se expecta-  
 tionem etiam vicit: facileque ostendit, non alteri ju-  
 stius convenire, quod de Cethego dixit Ennius, (a)

*Flor inlibatus populi, Suadeque medulla.*

Neque istam domus tuæ gloriam pateris obscurari, vir  
 Illustrissime: sed eam nominis tui luce, qua longè  
 lateque omnia implesti, potius adauges. Quippe quasi  
 viva, & spirans quædam patruus tui, vel potius Pithus  
 ipsius imago, ita prudentiæ juxta, ac facundiæ laudem  
 pariter es complexus, ut Christianissimo Regi non alius  
 æque idoneus visus sit, qui apud præpotentes fœdera-  
 tæ Belgicæ Ordines legati munus nomine regio, obi-  
 ret. Quantopere hic, Domine, alterius triumphare  
 oratio in dicendis laudibus tuis! Atque id satis inteli-  
 gunt, quos minime fugit, ut in legatorum non pau-  
 cis sæpe desideratum fuerit facundiæ decus. Quæ ubi  
 penitus abest, quid nisi <sup>ἀπαρὸν πτόρε</sup> (b) dixeris cum  
 Antiphane (c)? Sin potius manca mutilaque sit,  
 quàm nulla: scio, assumi solere <sup>συμπεπλεγμένης</sup> (d)  
 ut verbo utar, quo Halicarnassensis Dionysius (e) hanc  
 rem expressit: ubi id fecisse ait Tarentinorum, ac  
 Nolanorum legatos, cum in Neapolitnao senatu di-  
 cendum esset. Ac quorundam judicium esse video, non  
 magis id illis vitio verti debere, quàm acri & strenuo  
 \* 3 viro,

(a) Lib. 9. (b) Oratorem mutum.

(c) Apud Asbenzum lib. 10.

(d) Patronor.

(e) In excerptis de legationibus.

viro , Lyfandro , cum orationem edidicit (a) scriptam sibi à Cleone Halicarnasseo . Tibi verò , Amplissime Legate , nihil aliena opus facundia , qui iudicio tanti regis omnes implesti numeros , ut consilarii prudentissimi , ita disertissimi oratoris . Cujus rei , etsi & antea in Gallia , & multis inde annis in fœderata hac Belgica , maxima dederis argumenta : non tamen latissimam hanc aream ingrediar oratione mea , qua laudibus tuis tenebras potius , quàm lucem affunderem . Sublimes enim curæ illæ de moderandis regnis & rebuspubl. captum meum , meique similia , hominum quippe umbraticorum , longissimè transcendunt . Atque ne ista quidem pauca , quæ hæcenus delibavi , alio à me sine dicta sunt , quàm ut videant omnes , non me potuisse melius certiusque tutelæ , ac patrocinio cujusquam commendare hos libellos meos , quibus oratorem formo , & firmo : quàm illi , qui & summus ipse esset orator , & ea ex familia , quæ facundiæ decus quasi proprium sibi vindicasset : & non ejus tantum nationis civis , sed ab ejus etiam nationis Rege orator ad Belgas , missus , quæ eloquentiæ laude Græcos pariter , ac Romanos , provocaret . Quamvis verò magna sint ista , & talia planè , quæ optimo jure plurimum me moverint : tamen aliud præterea accessit , & quidem , quod me propius tangat . Nempè præclarum de me judicium tuum , summaque erga me benevolentia : quam cum ex aliis , tum præfens ipse nuper satis perspexi : ac potissimum ex eo , quod egregiæ indolis , eximique ingenii liberos tuos , charissima sanè pignora , cum doctore suo apud me potissimum vivere voluisti . Quare omnino putavi , rectè me facturum , si eadem opera ostenderem , & quanti faciam affectum hunc erga me tuum , & quibus præceptis existimem juvari posse liberos tuos , quo cum

æta-

ætate paulatim ad eloquentiæ virtutisque paternæ  
gloriam adsurgant. Hoc, scio, voves ipse, illustris-  
sime Domine, atque adeò, ut vel patris nomen, si  
fieri possit, vincant. In quo tuo, & omnium nostri  
voto ( æternus Deus audiat nos, atque exaudiat )  
felici omine desino, Lugd. Bat. clb. lbc. XXI. XXII.  
kalend. Septembr.

*Illustrissimo nomini tuo devotissimus,*  
Gerardus Joannes Vossius.

\* 4 IN

# IN RHETORICAM CONTRACTAM

*Clarissimi Viri*

## GERARDI VOSSII.

**D**um pereunt artes, dum se facundia nobis  
Eripit, sensim barbara turba sumus;  
Quam bene, quod, VOSSI, fugientem, maximus  
auctor,

Sistis, & errantem sub tua signa vocas!  
Haud tibi cum trivulo quicquam est, inventa Pelasgum  
Pandis, & ex imis fontibus hnuſta doces.  
Miramur pariter, pariterque addiſcimus omnes,  
Nec tantum obſtriſta eſt noſtra juvenſta tibi:  
Plus quoque venturi debebit temporis ætas,  
Soli barbaries nec metuenda tibi eſt.  
Ut pereant artes, pereat facundia tota,  
Et redeat, paulò quod fuit ante, chaos.  
Dum ſolos diſcatque tuos, relegatque libellos,  
Addiſcet pro te poſtera turba loqui.

Daniel Heinſius

ME-



## LECTORI BIBLIOPOLA

S. D.

**C**UM in aliis operibus suis, tùm in his præcipue Partitionum Oratoriarum libris tam observans methodi fuit doctissimus Belgarum pariter ac diligentissimus Vossius, ut facile sit, universa hæc præcepta in perpetuas tabulas redigere: aded nihil in his est, quod non aut à præcedentibus pendeat; aut nexu quodam sequentia circumplectatur. Hæc me causa movit, ut huic editioni Synopticas quasdam ac generales *Tabulas* præfigerem, è quibus Librorum saltem ac Capitulum inter se cohæsionem arbitrari, pulcherrimique operis quasi prima lineamenta paucis inclusa paginis intueri liceret. Quod Lectori neutiquam ingratum fore plane confido, sive præcepta Vossii memoriæ velit mandare, sive jam mandata repetere secum & ruminare. Cæteris, qui jam aut aliorum systematibus assueti sunt, aut ediscendi otio destituuntur, quod multis contingere solet, quibus huic curæ destinati anni seu sua, seu magistrorum culpa effluxerunt, his igitur, inquam, præcipue serviet *Index* noster Alphabeticus. Ejus enim beneficio & illi cum aliorum definitionibus facilius comparabunt Vossianas: & hi, quotiescunque technicæ alicujus, ut appellant, vocis Rhetoricæ declarationem exoptabunt, eam absque inquirendi anxio negotio invenient. Atque his duabus accessiunculis cum auctiorem nostram editionem cæteris prodire vellem, *Tabulis*, inquam, & *Indice*, id insuper elaborandum putavi, ut nec ea omitterentur, quæ Autor ipse in ultima volumini, hujus recensione interjicienda textui censuisset, & mendæ typographicæ tollerentur: id quod variarum editionum non indiligenti collatione præstitum esse mihi persuadeo. Vale, humanissime Lector, & quod damus, gratum habe.

# NOI RIFORMATORI Dello Studio di Padova.

**C** Oncediamo licenza à Gio: *Battista Recurti* Stampatore, che possi ristampare il Libro intitolato *Gerardi Joannis Vossii Rhetoricæ Contractæ* giusto l' esemplare Stampato nell' anno 1727.

Data 10. Aprile 1737.

( Gio: Francesco Morosini Kav. Ref.

(

( Pietro Grimani Kav. Proc. Ref.

*Agostino Gadaldini Segret.*

TA.

# TABULÆ SYNOPTICÆ.

H A

In LIBR. I.

Partes Rhetorices (de cujus natura c. i.) pro numero partium officii Oratorii, sunt quatuor:

I. De Inventione, cujus doctrina	generalis agit de argumentis	docentibus seu λόγους	artificialibus	generalibus seu communibus, quæ sunt,	possibile & impossibile magnum & parvum	c. 2.
				Specialibus s. quæ singulis causarum generibus (de quibus univ. sim c. 3.) sunt propria, nempe	Demonstratio. c. 4. Deliberatio. c. 5.	
					conjecturali. c. 7. finitivo. c. 8.	
				Juridicialibus c. 6. pro statu	qua-lita-tis qui vel	Negotialis c. 9.
					Juridicialibus c. 9.	Rationalis c. 9.
					Legitimis s. Legalis c. 10.	
					quantitatis c. 11.	
				inartificialibus, præcipue generis juridicialis c. 12.		
				permoventibus, seu κἀρθεσί.	† B	LIB. II
				conciliantibus, seu ἡρθεσί		
	Specialis. † C.					
II. De dispositione	† D.	LIB. III.				
III. De Elocutione.	† E. F. G. H. I.	LIB.				
IV. & † K. L.		LIB. V.				
IV. De Pronunciatione.	† M.					

*In Librum Secundum Tabula prior.*

Argumenta ( <i>vide retrò Tab. A.</i> )	Pervoventia seu $\pi\epsilon\upsilon\sigma\eta$ c. 1. locum habent alia magis in genere	Deliberativo	Metus. c. 2.	c. 4.
			Confidentia. c. 3.	
			Pudor.	
			Impudentia seu Inverecundia	
		Demonstrativo	Lætitia. c. 5.	
		Juridiciali	Gratia. c. 6.	c. 14.
			Ira. c. 7.	
			Lenitas. c. 8.	
			Amor. c. 9.	
			Odium. c. 10.	
			Indignatio. c. 11.	
			Invidia. c. 12.	
			Misericordia. c. 13.	
			Æmulatio.	
			Contemptus.	
		Conciliantia seu $\sigma\upsilon\gamma\chi\eta$ . De his unicum est Caput 15.		

1<sup>us</sup> Librum Secundum Tabula pōsterior.

Doctrina de Inventionē specialis (*vide retrō Tab. A.*) continet præcepta de particularibus quibusdam orationum generibus.  
Eæ verò orationes subjiciuntur generi

Demonstrativo

1. Panegirica & huic affines. c. 16.

2. Nuptialis. *ἐπιδαμνιος* c. 17.

Natalitia, Funebres. c. 18.

3. Gratiarum actoria, Gratulatoria, Lamentatoria. c. 19.

4. *ἐπιβιβησας* c. 20.

*προκεματτικη*.  
Monitoria, Commēdatoria. c. 21.

2. Concitatoria, Conciliatoria. c. 22.

Adhortatoria, Dehortatoria. c. 23.

3. Consolatoria. c. 24.

4. Petitoria. c. 25.

Deliberativo

Investiva.

Objurgatoria. c. 26.

Expostulatoria.

Exprobratoria. c. 27.

Deprecatoria.

Juridiciali

*In Librum Tertium*

Secunda Pars Rhetorices agit de Dispositione:  
(vide retrò Tab. A.) quæ versatur in  
collocandis Orationis partibus.

## Cap. I.

Hæ sunt:	I. Exordium: de cujus	Locis	Duplici officio	
			Generalibus	c. 2.
			Specialibus	c. 3.
		Vitiis	οὐκ εὐλογίαι	
				c. 4.
	II. Narratio, c. 5.			
	III. Propositio. c. 6.			
	IV. Contentio quæ dividi- tur in	Confirmationem		
		c. 7.		
	V. Epilogus. c. 9.	Confutationem		
		c. 8.		

## In Librum Quartum Tabula prima.

Tertia pars Rhetorices agit de elocutione (*vide retrò Tab. A.*) cujus præcepta sunt vel

Generalia de	Elegantia , quæ conficitur tum in		Latinitate . c. 1. Perspicuitate . c. 2.	
	Dignitate , quæ conficitur in	Tropis quorum	Species veræ	
			Primariæ , c. 3.	
			Metaphora . c. 4. Metonymia . c. 5. Synecdoche . c. 6. Ironia . c. 7.	
			Secundariæ & à primis ortæ	
Metalepsis . Antonomasia . Λιτότης . c. 8.				
Affectio- nes .		Metalepsis Allegoria . Catachresis Hyperbole . c. 9.		
Species putativæ		1.		
2.		Sarcasmus . Diasyrismus . Charientismus . Asteismus . Mysterismus . Mimesis . Periphrasis . Icon . c. 10.		
3.		Epitheton . ὀνομασπορία . ἀντίφρασις . ὕπαλληλος .		
Schematibus † E.				
Compositione . † K.				
Specialia . † L.				

## In Librum Quartum Tabula Secunda.

Schemata seu Figuræ (vide retrò Tab. E.) sunt vel	Dictionis seu Verborum, posita in	Subticientia	Ellipsis. Asyndeton. Pleonasmus.	C. II.	
		Abundantia	Polyasyndeton.		
		Repetitione vocis	Ejusdem	ἀντανάγκησις, πλοκή. συνωνυμία. εξεργασία. ἀναφορά. ἐπιστροφή. συμπλοκή. Repetitio mediana. ἐπανάληψις. ἀντιδίωσις. Repetitio ἀνώνυμος. ἐπάρδος. ἐπίζευξις. κλίμαξ. πολύπτωσις,	
				Sono fimi- lis	παρηγμέρον. προρομμία. ὁμοιόπτων. ὁμοιοτέλευτος. παρήχησις.
Sententiæ seu rerum.		† G			



Inventionis, pertinentque magis ad

**Conceptus simplices; & referuntur ad**

**Proban-**  
**dum**

Explicandum vel amplificandum.

**Quod in re est, &**

**Sumuntur ab**

Essen-  
tiali-  
bus  
Con-  
junctis

Si-  
mi-  
lia  
hinc

**D**iffimilia . hinc  
**A'**νομοίωσις . c. 18.  
**O**p-  
**p**-  
**s**ita  
**h**in

**Pertinet  
ad diver-  
sa gene-  
ra, ut:**

## Plus aut minus

ἀυξησις  
 τῆς αὐγῆς  
 πρὸς λαλῆσιν  
 Incrementum. c. 20.  
 ἀεὶ φησιν.

Affectus, \* H.  
Dispositionis. † I.

† H.

## In Librum Quartum Tabula quarta.

Schemata rer.  
quæ sunt orna-  
menta Inven-  
tionis, & ma-  
gis ad Affectus  
pertinent ( *vi-  
de retrò Tab.  
G.* ) sunt vel

Generalia

Abso-  
lutaAd alium  
relataSpecialia  
ornantia  
affectum

ἐκφώνησις.

ἁπορῆα.

ἐκπύρωσις.

ἁποσιμῆσις.

Sermocina-  
tio.

ὑποσυντομία.

Interroga-  
tio.

ἁποσπῆ.

C. 2.

Gratum κληνδρι-  
μός.In-  
gra-  
tum Irrisio cū  
suis spe-  
ciebus.Me-  
dici ἁρε-  
δένσις.  
Admira-  
tio.

εὐχῆ.

# † I

## *In Librum Quartum Tabula quinta.*

Schemata rerum, quæ ornant  
dispositionem (*vide retrò*  
*Tab. G.*) sunt

{	Transitio.	}	C. 22.
	Rejectio.		
	Revocatio.		

---

# † K

## *In Librum Quintum Tabula prima.*

Præcepta generalia de  
compositione (*vide*  
*retrò T.E.*) agunt de

{	Junctura.	}	C. 1.
	Ordine.		
	Periodo ,	{	C. 2.
	cujus		
	Partes		
{	Numero	}	C. 3.

# † L

*In Librum Quintum Tabula secunda.*

Præcepta Elocutionis specialia (*vide retrò Tab. B.*) agunt de characteribus dicendi. Quorum

Species sunt tres, nempe Character	Sublimis.	Cui opponitur	Frigidus: c. 5.
	Tenuis.		Aridus.
	Mediocris.		Fluans.
Affectiones sunt duæ, nempe,	Venustas.		παροξυσμός: αχρεΐς. c. 7.
	Gravitas.		

*In Librum Quintum Tabula tertia.*

Quarta Rhetorices Pars agit de pronunciatione.

(*vid. retrò Tab. A.*)

cujus

Fundamentum: memoria.

Partes duæ

Una de Voce:

Alter a de motu corporis. c. 9.

# I N D E X

## S E R I E S C A P I T U M

### L I B R I P R I M I.

#### C A P. I.

<b>D</b> E natura Rhetorices.	pag. 1.
II. De inventione generatim.	7
III. De generibus Causarum.	15
IV. De genere demonstrativo.	16
V. De genere deliberativo.	30
VI. De genere Juridicali, ac universe de statibus,	38
VII. De statu conjecturali.	40
VIII. De statu finitivo.	50
IX. De statu qualitatis.	52
X. De statibus legalibus.	54
XI. De statu quantitatis.	61
XII. De argumentis inartificialibus	63

## S E R I E S

### L I B R I S E C U N D I.

#### C A P. I.

<b>D</b> E affectibus generatim.	69
II. De metu.	71
III. De confidentia.	74
IV. De pudore.	77
V. De lætitia.	80
VI. De gratia.	82
VII. De ira.	84
VIII. De lenitate.	86
IX. De amore.	89
X. De odio.	91
XI. De indignatione.	99
XII.	

XII. De invidia.	94
XIII. De misericordia.	95
XIV. De æmulatione, & contemptu: item epilogus doctrinæ de affectibus.	99
XV. De moribus.	101
XVI. De inventionis parte speciali universæ, ac di- stinctæ de orationibus panegyricis, & aliis quæ iis sunt adfines.	109
XVII. De oratione nuptiali, item de epithalamiis.	114
XVIII. De oratione natalitia & funebri.	119
XIX. De gratiarum actione, oratione gratulatoria, & lamentatoria.	126
XX. De oratione, qua discedentes, vel domum re- deunt utimur, vel alium discedentem pro- sequimur.	130
XXI. De monitione, & commendatione.	133
XXII. De concitatione, & conciliatione.	137
XXIII. De adhortatione, & dehortatione.	140
XXIV. De consolatione.	144
XXV. De petitoria.	150
XXVI. De investiva, & objurgatione.	153
XXVII. De expostulatione, exprobratione, & de- precatione.	157

S E R I E S  
L I B R I T E R T I I.  
C A P. I.

<b>D</b> E dispositione universæ.	161
II. De exordii duplici officio, & utriusque lo- cis generatim.	162
III. De specialibus exordiorum locis.	169
IV. De exordii <i>οἰκονομία</i> & vitiis.	178
V. De narratione.	186
VI. De propositione.	189
VII. De confirmatione.	189
VIII. De confutatione.	193
IX. De epologo.	196

SE-

S E R I E S  
LIBRI QUARTI.  
C A P. I.

<b>D</b> E elocutione universè, ac particulatim de priori elegantiz parte, quæ in Latinitate consistit.	202
II. De perspicuitate.	219
III. De dignitate, ac tropis generatim.	223
IV. De metaphora.	226
V. De metonymia.	229
VI. De synecdoche.	234
VII. De ironia.	237
VIII. De metalepsi, antonomasia, & ea, quæ <i>τὴς</i> dicitur.	238
IX. De allegoria, catachresi, & hyperbole.	240
X. De sarcasmo aliisque irrisionis speciebus, item ono- matopeja, antiphrasi, & hypallage.	245
XI. De schematibus generatim; deque iis speciatim, quæ defectu, aut excessu figurent orationem.	247
XII. De schematibus <i>λέξεις</i> , quibus eadem vox repe- titur.	249
XIII. De schematibus in verbis similis soni.	257
XIV. De occupatione, subjectione, communicatione, confessione, & concessione.	260
XV. De sententia, noemate, & distributione.	265
XVI. De ætiologia, diatyposi & hypotyposi.	268
XVII. De assimilationis speciebus, & dissimilitu- dine.	269
XVIII. De schematibus, quibus opposita junguntur.	273
XIX. De digressionem, & epiphonemate.	276
XX. De schematibus, quibus res exaggerantur.	278
XXI. De figuris pertinentibus ad argumenta <i>τιζέ</i>	280
XXII. De transitione, rejectione, & digressionem.	290

S E R I E S  
L I B R I Q U I N T I,  
C A P. I.

<b>D</b> E prima, alteraque compositionis parte, quæ sunt <i>junctura, &amp; ordo.</i>	293
<b>II.</b> De incisís, membris, periodis.	297
<b>III.</b> De numero.	304
<b>IV.</b> De triplici caractere, & speciatim de magni- <i>fico, ac vitio ejus.</i>	309
<b>V.</b> De caractere tenui, ac vitio ejus: item chara- <i>ctere mediocri, vitioque opposito.</i>	313
<b>VI.</b> De venustate, vitioque ei adversante.	315
<b>VII.</b> De gravitate, & vitio, quod ei opponitur.	318
<b>VIII.</b> De pronunciatione generatim, deque voce par- <i>ticulatim.</i>	320
<b>IX.</b> De corporis motu.	323



GERARDI JOANNIS VOSSII

# RHETORICES

CONTRACTÆ,

Sive



# PARTITIONUM

ORATORIARUM

LIBER PRIMUS.

C A P. I.

DE NATURA RHETORICES.

§. I.



**R**HETORI nomen impositum est à dicendo, quod Græcis est *ῥήτορ*. Unde bene dicendi scientia RHETORICE vocatur.

RHETORICEN alii dictam volunt ab *ῥέω*, id est, dico, quia doceat bene dicere: alii à *ῥέω*, id est, fluo, quia ejus beneficio, fluminis instar, procurrat oratio. Sed etymologia neutra est vera. Nam *ῥέω* quidem, quia præterito destituitur, mutuari illud cogitur ab *ῥέω*, unde *ῥήτορ*, non *ῥήτωρ*, *ῥηλόγος* diceretur. A *ῥέω* autem, quod fluo significat, foret *ῥήτωρ*, & *ῥήτορική*. Quod alia verbalia  
*Rhetorica Vossii.* A      osten-

ostendunt : ut sunt *ῥεύμα* (a), *ῥεύσις* (b), *ῥεύσις* (c). Quare omnino venit à *ῥέω*, id est, *dico*, unde & *ῥήμα* (d), *ῥήσις* (e), *ῥήσις* (f). Hoc *ῥέω* autem κατ' ἀνάγκην factum est ex *ῥέω*, quo pro *ῥέω* utuntur Homerus, Lucianus, alii.

§. 1. Differunt rhetor, & orator, quod rhetor sit, qui bene dicendi præcepta tradit, orator, qui accommodare ad persuadendum potest dicere.

Quamquam enim, si propriam significationem attendas, qui Græcis est ῥήτορ, Latinis fuerit orator : tamen discrimen assignatum jam Ciceronis ævo obtinuit ; ut cognoscimus ex primo ejus de Oratore. Ac pro eodem accipi solent, orator, dicendi peritus, facundus, disertus, eloquens. Nisi quod eloquentis nomen videatur augustius, quam disertis (g).

§. 3. Definitur RHETORICE ab Aristotele, facultas videndi in unaquaque re, quod in ea est ad persuadendum idoneum.

Aristot. lib. 1. Rhet. Cap. 11. Ἔστι δ' ἡ ῥητορικὴ δύναμις περὶ ἕκαστον τῶν συμβαλλόντων πρὸς ἀνδεχόμενον πειθάνον. Genus in hac definitione est δύναμις sive facultas : quam Aristoteles potius genus statuit, quàm artem ; quia in definitione accurata genus proximum adferri debet ; ars autem est genus remotum, facultas proximum : Nam illæ tantùm artes facultatis nomen obtinent apud Peripateticos, quæ æque respiciunt utrumque contrarium : quomodo Dialectice, & interrogantem instruit, & respondentem : Rhetorice item, & actorem, & reum : quæ duæ idcirco propriè facultates dicuntur. Differentia in allata definitione petitur à fine, officio, & materia : quæ tria distinctè explicabimus.

§. 4. Finis Oratoris ultimus est persuadere.

Hoc est, diserta oratione aliquem impellere ad agendum, sive ad persequendum bonum, & fugiendum malum.

(a) Humor affluens, (b) Fluendi actus. (c) Fluidus. (d) Verbum, vocabulum. (e) Dictum, sententia. (f) Dicendum. (g) Cic. lib. 1. de Orat. pag. n. 93. edit. Ald. & in Bruto pag. 195

malum. At rhetoris finis alius est : nempe : instruere futurum Oratorem.

§. 5. *Officium oratoris est videre , quid ad persuadendum conducatur, sive dicere ad persuadendum accommodatè.*

Officium oratoris vel *ῥητορίας* (a) ratione consideratur, vel *πράξις* (b). Priori modo considerat Aristoteles, cum officium esse dicit *ῥητορίας τὸ πειθάνειν* (c). ubi *ῥητορίας* rationem haberi, indicat vox *ῥητορίας* (d). At *πράξις* spectarunt Cicero, & alii : quando nunc generatim dicunt, officium illud esse bene dicere, sive dicere ad persuadendum appositè; nunc speciatim, officium esse ajunt docere, conciliare & promovere : item cum officium vocant, invenire quiddicas, inventa disponere, deinde ornare verbis post memoriæ mandare, tum ad postremum agere ac pronuciare. At differt ab hoc officio officium Rhetoris, quod est tradere præcepta bene dicendi.

§. 6. *Materia est τὸ ἕκαστον, sive unaquæque res. Sed ita versatur circa res omnes, ut magis occupetur circa civiles; & ex his ipsis magis circa hypothesein quàm thesin. Est verò thesis quæstio infinita, sive universalis: ut, an bellum sit gerendum. Hypothesis autem est quæstio finita, sive singularis : ut: an utile sit Atheniensibus, bellum gerere cum Peloponnesiis, aut succurrere Corcyraeis.*

Materia, sive subiectum, circa quod se occupator, est res quælibet : quæ si per interrogationem proponatur, *Quæstio* dicitur.

Dividitur autem quæstio quadrifariam.

Primum in quæstionem simplicem, & conjunctam.

Simplex, est unius & simplicis thematis, quod ad popularem notitiam explicatur : ut, *de DEO, paradiso, virtute, &c.*

Conjuncta, est pronunciati alicujus, quod argumentis probatur : ut, *an ducenda sit uxor.*

Deinde quæstio, vel theoretica est, vel practica.

A 2

Theo-

---

(a) *Cognitionis*. (b) *Actionis*. (c) *Videre quid aptum sit ad persuadendum*. (d) *Videre*.

## Partitionum Oratoriarum

<sup>4</sup> Theoretica instituitur cognitionis gratia: ut, *quæ causa sit Lunaris defectus*.

Practica tractatur propter actionem: ut, *an vim vi liceat repellere*.

Præterea vel infinita est quæstio, vel finita.

Infinita quærit universe: ut, *an quaptam de causa homini hominem liceat interficere*. Hæc Græcis *ἁπλως*, Latinis (a) *propositum & consultatio* dicitur.

Finita restringit quæstionem universalem ad personam aut rem singularem: ut, *an jure Clodium occiderit Milo*. Hæc Græcis *κατὰ μέρος*, Latinis vocatur *causa*, aut *controversia*.

Denique quæstio vel principalis, vel incidens est.

Principalis est, quæ præcipue in controversiam venit: ut *an Opimius Gracchum, aut Milo Clodium jure interfecerit*.

Incidens vocatur, quæ propter aliud tractatur: ut, *num Reip. conservandæ causa civem liceat occidere, seditiosum quidem, sed indemnatum*. Item, *num Gracchus, vel Clodius, cives fuerint seditiosi*.

Quæstio simplex, item theoretica, nec non infinita, ut plurimum quæstiones sunt incidentes. At quæstio principalis solet esse conjuncta, practica, finita. Et ex conjunctis magis versatur Orator circa practica, ex practicis, magis circa finitam. Unde liquet, triplicem esse ejus materiam; communem, magis propriam, & maxime propriam: communem esse, rem quamvis: magis propriam, res civiles; maxime propriam, quæstionem singularem, sive hypothesin.

§. 7. Duabus rebus (b) eloquentia paratur, natura, & cura: quarum hæc in duobus occupatur, artis præceptis, & usu sive exercitatione. Natura incipit, ars dirigit, usus perficit, Sed arti comes esse debet magnarum rerum scientia, sine qua non tam eloquentia acquiritur, quam linguæ volubilitas, & inanis loquacitas.

Maximam ad dicendum vim adfert natura. Nam  
& ani-

(a) Cic. in Topicis.

(b) Fabius l. 2 c. 9. & l. 11. cap. 2.

(a) & animi, atque ingenii celeres quidam motus esse debent; qui ad excogitandum acuti, & ad explicandum, ornandumque sint uberes, & ad memoriam firmi, atque diuturni. Cujusmodi *suavia* si adsint, facili labore eloquentiam adipiscimur. Sin natura obtigerit planè infelix, supervacua erit omnis doctrina. Unde vulgò dici solet, eloquentiam (mediocrem saltem) aut cito parari, aut nunquam. Quanquam non, si bonitate naturæ præcellant alii, desperare statim oportet. Natura enim invalescit, si cura adjuvetur. Cura vero hæc in duobus consistit; artis præceptis, & usu. Quibus aliqui adiungunt multijugam doctrinam absque qua eloquentia potius fuerit, quàm eloquentia. Quod ne contingat, operam dare oportet, tum historiarum, tum philosophiæ civili, & aliis, quæ prudentiam adferunt oratori: tum etiam scientiæ rerum naturalium; unde sæpe similitudines petuntur: item poetarum fabulis, aliisque; unde ornatus multum accedit orationi. Nec propterea damnamus eos, qui tria duntaxat statuunt artis principia; naturam, artem, usum. Nam illa variarum disciplinarum notitia non est de Rhetoricæ artis *essentia*, sed extra artis cancellos petenda est. Ut quam nec rhetor doceat, quatenus est rhetor: nec orator sciat, quatenus orator. Sunt qui superioribus imitationem adiciant. Sed ea sub usu continetur: quippe qui in præstantium oratorum cum lectione & auditione, tum imitatione, consistat. Vel si per imitationem intelligimus doctrinam, unde, & quos, & quomodo imitari oporteat hauriamus, jam ad præcepta artis pertinebit.

§. 8. Pro quatuor verò officii oratoris partibus, quæ sunt, argumenta invenire, inventa disponere, disposita exornare, & exornata pronunciare, totidem sunt partes Rhetorices, doctrina inventionis, dispositionis, elocutionis, & pronuntiationis

Hunc partium numerum alii augent, alii minuunt. Augent, qui cum Cicerone, atque aliis antiquo-

(a) Crassus apud Cicer. l. 1. de Orat.

rum, addunt memoriam. Nos Aristotelem sequimur; quia, quæ memoriam juvant, ad distinctam artem pertinent, quæ *μνημονεύει* dicitur.

Qui numerum hunc imminuunt, hi Inventionem, & Dispositionem, omittunt, tanquam Logicæ partes.

Verùm & Inventio & Dispositio Dialectica plurimum distat à Rhetorica. Nam primum differunt *fine*. Quia Rhetorices finis est persuasio: Dialectices autem, probabilis disputatio aut victoria. Dialecticæ quæstiones cognitionis gratia instituuntur; at Rhetoricæ, actionis causa.

Propter hanc finium diversitatem etiam materia, ac forma est diversa.

Materia quidem, quia tota Inventio Dialectica est generalis, ut quæ tractet quælibet argumenta *ἁπλῶς*, sive probabilia; Rhetorica, si propriam materiam spectes, est specialis, quia tractat *πιδυα*; seu persuadibilia.

*Ἐπιδόξον* autem, sive probabile, cum Aristotele (a) appello, quod probatur, vel omnibus, vel pluribus, vel sapientibus, iisque vel omnibus, vel pluribus, vel maxime probatis.

At *πιδυα*, seu persuadibile, illud tantum vocatur, quod vel omnibus hominibus, vel pluribus probatur: non item quod sapientibus solis verisimile sit.

Adhæc Dialectica versatur tantum circa argumenta docentia; quibus id, quod in quæstione est, vel explicatur, vel probatur. Rhetorica insuper instruit argumentis, tum amplificantibus, tum conciliantibus, & permoventibus, quæ *ἡθικὰ*, & *πραγματικὰ* appellantur. Forma etiam differunt, sive spectes locos Dialecticæ & Rhetorici communes, sive Rhetorici peculiare, qui ex prioribus derivantur. Communes utriusque artis à Logico considerantur absolute, & quatenus utiles sunt ad mentem instruendam. A Rhetore verò restringitur hæc consideratio ad popularem notitiam, & voluntatis atque

(a) 1. Top. cap. 1.

que affectuum motionem. Logici quoque accurate illos pertractant in Topicis; Rhetores autem, quia nemo nisi Logicis imbutus ad Rhetoricem admitti debet, doctrinam hanc omittunt, vel solum pinguiori docent Minerva; contenti in his locis considerare, quomodo argumenta ex illis petita ad voluntatem movendam applicentur.

Quod ad locos probationum speciales, qui Rhetorices proprii sunt, fluunt hi quidem ex locis communibus, & sub iis, ut genus sub specie, continentur; veruntamen Dialecticus considerat argumenta  $\pi\epsilon\iota\sigma\mu\epsilon\nu$ , quatenus sunt  $\epsilon\upsilon\delta\omicron\gamma\mu\alpha$ ; Rhetorice verò, quatenus  $\pi\epsilon\iota\sigma\mu\epsilon\nu$ , Clarius dicam, Dialectice considerat argumenta persuadibilia generatim, & in communi natura, quatenus nimirum sunt probabilia: cui simile fuerit, si quis hominem spectet; quatenus est animal. Rhetorice speciatim hoc agit, quatenus ad persuadendum idonea sunt: cui simile est, si quis hominem consideret, quatenus est homo.

Idem plurimùm differunt Dispositio Logica, & Rhetorica. Logica docet rectè disponere utrumque terminum cum medio, ut bonus fiat syllogismus. Item qua methodo quæstiones simplices, aut conjunctæ, debeant tractari. Ac denique qua serie ordinare oporteat disciplinas; Rhetor autem ostendit, quo ordine collocari debeant partes orationis  $\mu\epsilon\tau\omicron\delta\omicron\varsigma$ ; quomodo item argumenta eum disponere conveniat, tum qui adstruit, tum qui refellit: atque ut Orator ordinem partium in syllogismo ferè immutet, ac quandoque etiam planè invertat.

## C A P I T U L U M II.

## DE INVENTIONE GENERATIM.

**I**NVENTIO, quatenus materia Rhetorices est  $\pi\epsilon\iota\sigma\mu\epsilon\nu$  <sup>507</sup> (a) non tantum extendit se ad quæstiones con-

A 4

jun-

(a) Unaquaque.

junctas; sed etiam ad res simplices. Atque hoc respectu definiri potest, excogitatio eorum, quæ vel expositioni rei simplicis, vel probationi quæstionis conjunctæ, conducunt.

Explicatio rei simplicis vel narratio est, vel descriptio. Narratio est facti, vel quasi facti. Hæc continet fabulam sive apologum, narrationem pressius sumptam, quæ poeticam, civilem, & historicam, comprehendit, & ethopæjam, qua alicujus dicta, aut facta, pro personæ & circumstantiarum ratione, verisimiliter effingimus.

Cum verò narratio, ut diximus, sit facti aut quasi facti, descriptio erit quævis alia simplicis rei explicatio. Nec enim refert, utrum quid substantiæ sit, an accidens; universale, an individuum; totum, an pars; absolutum, an relatum; simplex, an collectivum, abstractum, an concretum; positivum, aliquid, an privatio; an denique res vera, an imago rei, ut picturæ, aut statuæ; quales sunt descriptiones Callistrati.

Quomodo autem res simplex, vel descriptione, vel narratione explicetur; partim rhetorum præceptis addiscitur, partim oratorum exemplis. Ac de utroque, quod satis est, cognoscere fuit ex progymnasmatis: quæ repetere hoc loco nihil attinet. Nam veterum consilium perplacet, apud quos juvenis progymnasmatis, tanquam justæ orationis particulis, grandi præludere operi solet declamandi. Quia igitur, quæ ad simplicem quæstionem pertinent, satis illic explicantur: jure optimo de sola quæstione conjuncta agere antiqui solent in suis de arte oratoria commentariis: ad quos progymnasmata sunt manuductionis loco. Quamquam altera etiam ratio accessit. Nam sophistis quidem constituere orationem integram solet descriptiuncula quæpiam, ethopæja, vel aliud simile: sed germani oratores illa potius assumunt in tractatione quæstionis conjunctæ, ad aliquid vel probandum, vel ornandum, aut amplificandum.

Qua-



Quare & qui justum artis *αἰσῆμα* ( a ) perscriberent, ista olim inferebant vel inventionis, vel dispositionis, vel elocutionis doctrinæ; considerantes ea, quatenus vel huic, vel illi, vel isti inservirent; ac propterea tractantes de iillis in ea parte, cujus gratia solent assumi. Nos quoque etsi juniorum consilium non penitus damnamus, tamen, quia ratio satis gravis non est, cur recedamus ab antiquis, exemplum horum imitabimur. Esto itaque etiam nobis materies Oratoricæ inventionis. Quæstio conjuncta: & superior Inventionis descriptio hunc in modum restringatur.

§. 1. *Inventio est excogitatio argumentorum, quæ ad persuadendum idonea sunt.*

Intellige autem, quatenus argumenta isthæc sunt istiusmodi. Hoc est, quatenus sunt *πείθω*. Nam hac considerandi forma differt Inventio Rhetorica à Dialectica, ut paulo ante diximus.

§. 2. *Argumentum est probabile inventum ad faciendam fidem.*

Prout Cicero definit. 1. de invent. Sive, ut in Top. ait, est ratio, quæ rei dubiæ facit fidem. Vel ut Fabius describit lib. V. Cap. X. est ratio probationem præstans, qua colligitur aliud per aliud, & quæ, quod est dubium, per id, quod non est dubium, confirmat. Juniorum aliqui laxius hac voce utuntur, ut quibus argumentum dicatur, non tantum quod ad conjunctæ quæstionis probationem adfertur, sed etiam quod simplicium explicationi inservit. Nobis cum veteribus, ut sapere, ita & loqui animus est.

§. 3. *Argumenta petuntur è Locis, Loci sunt sedes ac notæ argumentorum, quarum admonitu invenitur, quid in quaque re aptè ad persuadendum dici queat. Horum alii sunt Rhetoricæ cum Dialecticæ communes: alii verò Rhetoricæ peculiæres, Loci utriusque facultatis communes è Topicis petuntur.*

Estque locus ambarum communis, vel artificialis, vel inartificialis. Artificialis est, vel vocis, vel rei. Locus vocis,

cis,

( a ) *Corpus sive Compagium.*

cis, vel est notationis, vel conjugatorum. Locus rei vel primus est, vel ortus ē primo. Primus est internus vel externus. Internus est generis, & speciei; materiæ, & formæ; totius, & partis; subjecti, & accidentis. Externus partim est causæ efficientis, & finalis, ac effectus, partim circumstantiæ, objecti, & signi. Locus ortus est definitionis, quæ indicat: descriptionis, quæ petitur ab accidentibus, effectis, vel partibus: divisionis, quæ species exponit, aut partes, sive per se, sive per accidens insint: comparationis, quæ est majorum, minorum, parium, aut similium, oppositionis quæ est disparatorum, reatorum, contrariorum, privantium, & contradicentium. Atque his ex Locis petitur Argumentum, quod opinionem pariat, & quandoque etiam scientiam. At locus inartificialis, sive assumptus, est argumenti gignentis fidem. Estque testimonii, vel divini, vel humani. Quæ omnia exemplis illustraremus, nisi isthæc notissima forent à Logicis: quorum intelligentem prius esse oportet, si quis seridè rhetoricari velit. Interim ne planè hanc partem neglexisse videar, illustrem apponam Ciceronis locum, quo de locis Topicis agit, eaque exemplo illustrat. Est is lib. II. de Orat. ubi sic scribit: *Sisti is, qui & doctrina mihi liberaliter institutus, & aliquo jam imbutus usu, & satis acri ingenio esse videatur, illic eum rapiam, ubi non seclusa aliqua aquula teneatur, sed unde universum flumen irrumpat, qui illi sedes & tamquam domicilia, omnium argumentorum commonstret, & ea breviter illustret, verbisque definiat. Quid enim est, in quo hæreat, quo viderit, omne quod sumatur in oratione aut ad probandum, aut ad refellendum, aut ex sua sumi vi atque natura, aut assumi foris? Ex sua vi, cum aut res, quæ sit, tota quæritur, aut pars ejus, aut vocabulum quod habeat, aut quippiam rem illam quod attingat. Extrinsecus autem, cum ea, quæ sunt foris, neque in hærent in rei natura, colliguntur. Si res tota quæritur, definitione universa vis explicanda est, sic: Si majestas est amplitudo ac dignitas civitatis, is eam minuit, qui exercitum hostibus Pop. Romani tradidit, non qui eum, qui id fecisset Pop. Romani potestati tradidit. Si pars, partitione,*

hoc

hoc modo: Aut Senatui parendum de salute Reipub. fuit, aut aliud consilium instituendum, aut sua sponte faciendum. Aliud consilium, superbum: suum arrogans: utendum igitur fuit consilio senatus: Sin ex vocabulo, ut Carbo: Si consul est qui consulit patriæ quid aliud fecit Optimus? Sin ab eo quod rem attingat plures sunt argumentorum sedes ac loci. Nam & conjuncta quæremus, & genera, & partes generibus subjectas, & similitudines, & dissimilitudines, & contraria; & consequentia, & consentanea, & quasi præcurrentia, & repugnantia: & causas rerum vestigabimus, & ea quæ ex causis orta sunt: & majora, paria, minora quæremus. Ex conjunctis sic argumenta dicuntur: Si pietati summa tribuenda laus est, debetis moveri, cum Quintum Metellum tam pie lugere videatis. Ex genere autem: Si magistratus in Pop. Romani potestate esse debent, quid Norbanum accusas, cujus tribunatus voluntati paruit civitatis? Ex parte autem ea, quæ est subjecta generi: Si omnes, qui Reip. consulunt, chari nobis esse debent: certe in primis imperatores, quorum consiliis, virtute, periculis retinemus & nostram salutem & imperii dignitatem. Ex similitudine autem: Si feræ partus suos diligunt, qua nos in liberos nostros indulgentia esse debemus? At ex dissimilitudine: Si barbarorum est in diem vivere, nostra consilia sempiternum tempus spectare debent. Atque utroque in genere, similitudinis & dissimilitudinis exempla sint ex aliorum factis aut dictis, aut eventis, & fide narraciones sæpè ponendæ. Jam ex contrario: Si Gracchus nefariè, præclarè Optimus. Ex consequentibus: Si & ferro interfectus ille, & tu inimicus ejus cum gladio cruento comprehensus es in illo ipso loco, & nemo præter te tibi visus est, & causa nemini, & tu semper audax: quid est, quod de facinore dubitare possimus? Ex consentaneis, & præcurrentibus, & repugnantibus, ut olim Crassus adolescens: Non si Opimium defendisti, Carbo, idcirco isti te bonum civem putabunt: simulasse te & aliud quid quæsisse perspicuum est quod T. Gracchi mortem sæpè in concionibus deplorasti, quod P. Africani necis socius fuisti, quod

eam

eam legem in tribunatu tulisti, quod semper ab onis dissensisti. Ex causis autem rerum sic: Avaritiam si tollere vultis, mater ejus est tollenda luxuries. Ex iis autem quæ sunt orta de causis, Si ærarii copiis, & ad belli adjuvmenta & ad ornamenta pacis utimur, vètigalibus serviamus. Majora autem, & minora, & paria comparabimus sic. Ex majore: Sin bona existimatio divitiis præstat, & pecunia tantopere expeditur, quanto gloria magis est expetenda? Ex minore sic.

Hic parvæ consuetudinis

Causa, bujus mortem fert tam familiariter?

Quid si ipse amasset? quid mihi hic faciet patri? Ex pari sic: Est ejusdem, & eripere contra Rempubl. & largiri pecunias. Foris autem assumuntur ea, quæ non sua vi, sed extranea sublevantur, ut hæc: Hoc verum est: dixit enim Q. Lutatius, hoc falsum est: habita enim questio est, hoc sequi necesse est: recito enim tabulas. De quo genere toto paulo antè dixi. Hæc ut brevissimè dici potuerunt, ita à me dicta sunt. Ut enim si aurum cui, quiddam esset multifariam defossus, monstrare vellem, satis esse debet, si signa & notas ostenderem locorum, quibus cognitis ille sibi ipse foderet, & id quod vellet, parvo labore, nullo errore inveniret: sic has ego argumentorum novi notas, quæ illa mihi quærenti demonstrant ubi sint: reliqua cura & cogitatione eruuntur.

§. 4. Quemadmodum autem opus est ingenio ad inventiendum: ita etiam judicium requiritur ad seligendum. Nam licet universos locos percurrere animo debeat orator: non tamen utetur omnibus; sed aptis: non à causa alienis, non levibus, non illis etiam, quæ parum idonea sunt ad captum popularem.

Uti inter alia sunt perfectæ Logicorum definitiones: quales parce adhibet orator: ut qui non subtili, & sicco, sed populari, & fuso, delectetur genere dicendi. Nosse tamen eas debet, ne inanibus verbis frustra luxuriet oratio.

§. 5. Loci Rhetorum proprii sunt triplices; alii argumentorum docentium, alii conciliantium; alii permo-

ven-

*Ventilum*. Græci eos vocant. λόγος, καὶ πᾶσι (α)

Optimè hanc rem expressit Aristoteles 1. Rhet. & ex eo Cicero lib. 1. de Orat. ubi inquit: Ratio omnis dicendi tribus ad persuadendum rebus est nixa; ut probemus vera esse ea, quæ defendimus; ut conciliemus nobis eos, qui audiunt; ut animos eorum, ad quemcumque causa postulabit motum, vocemus. Et ibidem: Mærotius orationis, & istius ipsius, quam modo Crassus in cælum verbis extulit, tres sunt rationes, ut ante dixi: una conciliandorum hominum: altera docendorum; tertia concitandorum. Harum trium partium primæ lenitatem orationis, secunda acumen, tertia vim desiderat. Nam hoc necesse, ut is, qui nobis causam adjudicaturus sit, aut inclinatione voluntatis propendeat in nos, aut defensionis argumentis adducatur, aut animi peroratione cogatur.

§. 6. Omnis ea de triplici hoc argumentorum genere doctrina dividitur in partes duas; primariam unam, ac magis simplicem; alteram verò ex priori ortam.

Prior illa seorsum exponit λόγος quibus probatur quæstio finita: seorsum item de singulis affectibus agit: seorsum quoque ἡθολογία tractat. Et quæ hæc pars planè necessaria: unde ab Aristotele, & veterum aliis, accurate explicatur. At posterior applicat superiorem doctrinam ad species quasdam minores: ut sunt gratulatio, gratiarum actio, consolatio, & similes. Hanc partem Aristoteles non tractat ex professo, eò quod ratio de istis agendi, modo usus aliquis accesserit, non ita magno negotio ex iis, quæ dixerat, cognoscatur. Propterea nos quoque de priori majori cura dicemus; alteram strictius, nec negligenter tamen exponemus.

§. 7. In parte principe aspiciendum ab argumentis ἀποδεικτικοῖς, sive docentibus. Sunt hæc vel ἐντεχνία sive artificialia: vel ἀτεχνία, sive artificialia. "Εν-

τεχνία,

(α) Rationes, mores & affectus.

τεχνη, & inventenda sunt, & tractanda oratori: ἀτε-  
χνη non inveniuntur ab oratore, sed foris allata tantum-  
modo ab eo tractantur.

Artificialia Ciceroni dicuntur *infita*: inartificialia au-  
tem, *assumpta* (a). Ita causæ insunt argumenta, quæ  
probant, aliquem esse cædis auctorem, quia habuerit  
occidendi animum, item vires ad eam rem, atque oc-  
casionem: quia signa essent cædis ab eo patrata. At  
illa foris assumuntur, quæ petuntur à confessione ser-  
vi, rumore vulgi, aut similibus.

§. 8. *Loci artificialium argumentorum vel generales  
sunt, vel speciales.*

§. 9. *Loci generales sunt domicilia argumentorum tri-  
bus causarum generibus communium.*

§. 10. *Ejusmodi sunt duo. Prior est, possibile, &  
impossibile. Nam sive instituatursuasio, vel dissuasio, si-  
ve laus, vel vituperatio; sive accusatio, vel defensio:  
semper probandum est, aliquid potuisse, aut non potuis-  
se; posse, vel non posse fieri.*

§. 11. *Alter est, magnum, & parvum: quo perti-  
nent Comparatorum loci: ut cum ostenditur, aliud alio  
esse utilius, vel inutilius; honestius, vel inhonestius,  
æquius, vel iniquius.*

Hæc planiora fient ex iis, quæ de tribus dicendi ge-  
neribus infra, cum universè, tum speciatim, dicemus.

§. 12. *Loci speciales sunt domicilia ac sedes argumen-  
torum singulis causarum generibus propriorum. Itaque  
pro varietate eorundem variant.*

### C A R. III.

#### DE GENERIBUS CAUSARUM.

##### §. 1.

**S**unt verò tria genera causarum sive *ἁγῶν*, demon-  
strativum, deliberativum, & iudiciale.

##### §. 2.

(a) *In partit.*

§ 2. Demonstrativum est, quo laudamus, aut vituperamus: Deliberativum, quo suademus, aut dissuademus: Juridiciale, quo accusamus, aut defendimus.

§ 3. In docendo demonstrativum habet finem propositum honestatem: deliberativum, utilitatem: Juridiciale, justitiam, & æquitatem.

§ 4. At in movendo, orationis finis est affectus, ad quem præcipue impellit animos auditorum: ut in demonstrativo est delectatio: in deliberativo, spes aut reformidatio: in juridicali, clementia, aut sævitia.

§ 5. Qui laudat, aut vituperat, fere tractat præsentia: qui suadet, aut dissuadet, versatur circa futurum: qui accusat, aut defendit, considerat præterita.

§ 6. In demonstrativo auditor est: Sæpè sive spectator; in deliberativo, si causa est publica, senator: in juridicali, iudex.

§ 7. Sæpè autem fit, ut eadem in oratione & laudet, & consulat, & defendat orator: sed ejus generis oratio fit, statui tunc debet ex principali fine, sive questione ea, ex qua aliæ nascuntur. Aut si parvis omnium partium ratio fit, ut in causa multiplici contingere potest: pro diversis partibus, unde constatur oratio, ad aliud, atque aliud, dicendi genus pertinebit.

Atque hæc universè naturam aperiunt trium dicendi generum. Deinceps speciatim de iis videbimus.

Ordinemur autem à genere demonstrativo. Nam etsi dignius est deliberativum; unde & ab eo Aristoteles cœpit: tamen alterum illud facilius est. Adde quòd hoc genere non ingenia tantùm adolescentium excoluntur, sed etiam mores: dum ea, quæ laude digna sunt, jam prima illa ætate à turpibus discernere, & quæ honesta sunt, laudare probareque adsuescunt.

C A P. IV.

DE GENERE DEMONSTRATIVO.

§. I.

**E**Πιδεικτικὸς, sive demonstrativum genus ita dicitur, quia solum demonstrat personæ rei que naturam: nec per se intendit auditorum actionem, uti in aliis generibus fit. Vocatur quoque ἐγκωμιαστικὸν aut παρηγορητικὸν quæ nomina, à parte nobiliori, universo induuntur generi.

Nam propriè ἐγκώμιον est laudatio facti, instituta coram tribulibus αὐτῶν κώμους (a) παρηγορητικὸς λόγος propriè laudatio est, ac interdum etiam suasio, instituta αὐτῇ παρηγορίᾳ (b)

§. 2. Continet hoc genus, ut diximus, laudationem & vituperationem. Illa exponit bona, quæ alicui insunt: hæc contrarium facit.

§. 3. Utrique tam latè patet, quam rerum natura, Nisi quod in aliquibus alterum illorum, solum habet locum. Nam in DEUM, aut Divina, non cadit vituperatio. Præcipuè verò occupari solent Oratores in laude, aut vituperatione, personæ, facti, aut rei.

§. 4. In PERSONA laudanda, aut vituperanda duplex est ordinis ratio. Nam aut temporum gradus servantur, aut generum distributiones.

§. 5. In temporum ordine orationem dividimus in ea, quæ spectant ortum, vitam, & mortem.

§. 6. In ortu consideramus genus, & patriam.

§. 7. Per genus autem intelligo parentes, avos, consanguineos, affines. Ac vel honestum obligit genus, vel infame. Infame satius est præterire. Honestum vel illustre est, vel obscurum. Si illustre sit, dicemus, aliquem respondisse ejus splendori: quomodo agendum esset in laudatione Aristotelis, qui ex genere erat Asclepiadarum,

(a) In vicis. (b) Totius gentis celebritate.



rum. Sin fuerit obscurum, dicemus, eum illustrasse genus virtute sua. Addemus, hoc esse majoris virtutis argumentum, quòd quis sine commendatione natalium, sine opibus ullis, ad tantum decus pervenerit.

§. 8. Patriæ nomine signo natale solum, ac interdum etiam, ubi diu quis commodè acceptèque vixit. Ab hac quoque bifariam laudamus. Si enim patria præclara est, hoc ipsum in laude ponitur: ut, quòd Xenophon fuerit Atheniensis. Sin humilis; dicemus, patriam ab eo fuisse illustratam, atque exornatam, quomodo Stagiram nobilitavit Aristoteles.

§. 9. Istis subjiciemus, si quid singulare nativitatis tempore acciderit, aut si quid in somnis visum, vel auditum; quod de nascituro infante haberi possit præsagium.

§. 10. In vita spectemus, naturam, fortunam, institutionem, actiones, & honores.

§. 11. Natura vel corporis est, vel animi. Corporis sunt, sanitas, robur, agilitas, & pulchritudo.

§. 12. Animi sunt, ingenium, judicium, memoria, studium: tum etiam mores faciles, ac suaves.

Nam hæc omnia quodammodò natura insunt: non item eruditio, quæ studio comparatur, eoque hujus loci non est

§. 13. Fortunæ subiiciuntur opes, quæ vel privatæ sunt, vel cum imperio.

§. 14. Institutio naturæ fidem facit, & eandem perficit. Huc refer, apud quos educatus quis fuerit, ac quibus studiis, & à quibus imbutus, & sub quo genere Reip.

§. 15. Institutionem verò perficiunt actiones: quæ spectandæ sunt secundum singulas virtutes.

§. 16. His subjunge honores, quos quis virtutis ergo adeptus fuit.

§. 17. In morte consideratur, tum genus & causa mortis: ut quòd aliquis, pro patria pugnans fortiter occubuerit; aut quòd defunctus sit pro studio veritatis, post exantlatos maximos labores.

§. 18. Post mortem consideranda sunt, pompa funebris, jactura Reipublicæ, luctus bonorum. Potissimum autem commemorari debent honores, siqui sint habit

Rhetorica Vasti.

B

defun-

*defuncto*. Ut quoddam Aristoteli statua fuerit erecta, cum inscriptione istiusmodi: Aristoteles Philosophorum Primus.

§. 19. *His omnibus, si quis recens defunctus est, subjicitur consolatio. Imò &, cum ea locum non habet, additur de liberis, posteris, discipulis. Item illius, quem laudamus, comparatio cum aliis. Ut si Aristotelem conferamus cum Platone, eumque ostendamus præferri oportere.*

Hunc temporis ordinem sequitur Isocrates oratione funebri, qua Evagoram, Salaminis Cypriæ regem, laudavit.

I. Nam primum explicat genus, quod à Jove, & Æaco usque arcessit.

II. Deinde ait, præterire se velle omnia vaticinia, somnia, quæ antecessere ejus nativitatem, & ostenderunt, humana illum sorte fore majorem.

III. Postea exponit, quæ in puero eluxere, formam, modestiam, vires.

IV. Hinc virilem ad ætatem accedit; quam excelens fortitudo, sapientia, & justitia exornavit.

V. Denique magnitudinem rerum gestarum explicat, nempe quam piè, & strenuè recuperarit regnum; quàm præclare item illud administravit; quanta virtute defenderit contra Persas. Post quæ omnia Nicoclem ad paternæ hujus virtutis imitationem adhortatur.

Alterum etiam exemplum paulò post adducemus in laude & vituperatione Julii Cæsaris.

Nec ab ordine isto multum abit Tullius in vituperando Antonio.

§. 20. *Est verò ordo hic facilis, sed vulgaris, & scholam redolens, & plerumque languidus nimis, nisi verborum sententiarumque floribus conspergatur, & acutis excitetur sententiis: uti factum a Plinio in Panegyrico suo.*

Ubi Trajanum laudaturus, ab adoptione ejus orditur, ac deinde provehitur ad virtutes illius, & res præclare gestas. Quæ venustè adeò, atque argutè, &  
cum

cum majestate quadam tractat, ut pro optimo haberi exemplo ea debeat oratio.

§. 21. *Alter ordo erat, cum generum sequimur distributionem, nulla temporum habita ratione.*

Ita Cicero in Maniliana ait, summo imperatori quatuor res inesse oportere, scientiam rei militaris, virtutem, auctoritatem & felicitatem: atque ad quatuor ista omnes Pompeji laudes reducit. Hic ordo plus artis habet, quam prior.

§. 22. *Est præterea ordo ex duobus his mixtus. Ut si à natalibus & pueritia exorsus; ubi ad virilem ætatem fuerit perventum, actiones omnes digerat secundum proprias virtutes.*

§. 23. *In omni autem laudatione personæ, quatuor ista observabimus. Primum, ne ad fictitias & ementitas laudes recurramus. Nam ejusmodi non decus adferunt orationi; sed in veris etiam fidem derogant oratori. Quod illustrare possumus Lysippi exemplo. Apellem is (a) reprehendit, quia Alexandrum Magnum pinxisset fulmen gestantem. At ipse eum hastam manum tenentem effinxit. Nam facile videbat, posteros non credituros de fulmine: imò propriam quoque hastæ gloriam ignoraturos fuisse, nisi ea monumentis fieret testata; nunc tot veram ejus laudem prædicantibus, fore omnino, ut nulla illam secula conticescant.*

§. 24. *Alterum est, ut ne in meliorum copiores consellemur exiles factaque leviora. Nam videbimur ejus quidem amantes esse, quem volumus laudare: sed reperire vix posse, quod laudem magnopere mereatur.*

Propterea scitè dicebat Phavorinus Philosophus, turpius esse exigue, atque frigide laudari, quam instantè, & graviter vituperari. Vide Gellium lib. 19. cap. 3.

§. 25. *In magnis tamen viris quandoque etiam minutias commemorare conducit.*

Fecit hoc in Apollonio suo Damis: eoque nomine

B 2 re-

---

(a) Philastr. lib. 1. cap. 4.

reprehensus, argutè respondit (a), de mensis Deorum, analecta quoque sedulò colligi debere, ne ambrosiæ illius aliquid depereat.

§. 26. *At cavendum tunc, ne exigua quæ sunt, immodicè extollamus. Satiùs enim est, ut quæ parva sunt, contenti simus attigisse, dum id prudenter, & loco suo fiat.*

Siquidem plus valet verbum prudenter dictum, quàm omnes puerilium hyperbolarum ineptiæ.

§. 27. *Tertium est, ut non tam confitemur laudes multis competentes, quàm proprias, aut communes cum paucis. Vel saltem posterioribus his magis immorabimur. Interim concessum est, præsertim si argumentum jejuniùs sit, atque aridius, excurrere in locum communem, ac hypotbesin adferre ad thesin.*

Ut si in encomio formosæ, aut castæ, laudes bonum formæ, vel castitatis. Aut si in laudatione artificis extollas artem, quam exercuit.

§. 28. *Etiam digredi interdum licet, vel in descriptionem aliquam, vel alicujus reprehensionem.*

Ut si describas urbem aut regionem, cui quis præfuit, aut Senatù, cujus quis pars fuit: aut Academiàm, in qua docuit. Item si reprehendas, aut eos, qui extollunt laude indignos, atque ita fidem adimunt aliis etiam vera dicentibus: aut eos, qui occupantur in laudandis illis, quos nemo vituperat, aut quorum nomen satis est clarum: aut qui reprehendunt eos, quos ipsi laudandos suscepimus: aut qui vitio laborat contrario virtuti, quam in aliquo prædicamus: quæ collatio multum facit ad exaggerandum. Hujusmodi digressionum exemplum non unum suggerit Isocrates in laudatione Helenæ, & Busridis. At Poetæ multò etiam hac parte sunt liberiores, non in laudationibus modò, sed quandocunque materia exilior est. Quomodo Maro in Culice minimum habet de culice, longeque maxima carminis pars consumitur in laudibus vitæ rusticæ, arborum descriptionibus, inferorum argumentis.

Et

(a) *Philosfr. lib. 1. cap. 4.*

Et Catullus, Carm. de nuptiis Pelei ac Thetidis, minimùm agit de nuptiis, ac totus propemodum est in descriptione pulvinaris, querelis Ariadnes, de carmine Parcarum. Sed hujusmodi non exiguum imitandum judicium desiderant.

§. 29. Et hæc de laudatione personarum, ex quibus simul cognoscere est, quomodo institui debeat personæ vituperatio: quippe ubi omnia debent inverti.

Nempe iisdem ex locis petitur, & laus, & vituperatio personæ; quod luculento illustrat exemplo Emporius Rhetor antiquus. Verba ejus, etsi dictio duriuscula sit, adscribam.

I. Si dicemus in Cæsarem, laudabimus à genere, quòd Romanus, quòd Patricius fuerit, quòd usque ab Æneæ, & Julii gente descenderit.

Vel si reprehendetur, quod nihil ad laudem attineat ipsius, si urbe magna, aut genere nobili procreatus, si originem suam vitæ flagitiis colinquinaverit.

Quamquam mihi videtur hæc mentio generis tota parcius esse augenda, cum in cujusdam potestate non sit, quemadmodum natus sit: sed usurpanda potius ex intervallo, & pro opportunitate. Alioquin & hoc in vitio contrahemus, ut in diversis materiis uniformiter auspicemur.

II. Ex in nomen trahabitur, quod Julius à familiæ suæ principe, ipso Iulo, sit nominatus; & Cæsar ex eo, quod uni majorum suorum, hoc nomen adscitum sit, occiso in acie elephante, qui cæsar vocabatur. (a)

Vel contra irridebitur tam vanæ appellationis assumptio; quando æque sit nomen hoc totum falsum, ferum, abortivum: cum ipsi, qui defunctorum matrum uteris excutuntur, cæsares (b) nominentur.

Sed hoc ipsum omne nimium remotum est, ac peneridiculum, & tale certè, ut rarò personæ reprehendantur,

B 3 tur,

(a) Spartianus in Ælio, Servius in 1. Æn.

(b) Idem ibidem. Item Plinius lib. 7. c. 9. Servius in 10. Æn. Nonius Isidorus lib. 9. cap. 3.



tur, in quibus causas nominum mereri (a) possumus. Ac si quid est, quod de Cicerone, quod de Cæsare, quod de Servilio forte dicatur; nescio quid præbeat disputationis nomen Numæ, Gracchi, Pisonis (b) Cethegi.

III. Sequitur educatio, quam hoc pacto præferemus in Cæsare, ut illum, cum esset puer relictus à mortuo patre, dicamus cum matre vixisse; quæ in eo hoc diligentior, ac se verior fuerit, quod in illa sola manserit etiam patris officium.

Aut è contrario non probabimus educationem in contubernio mulieris, & matris.

IV. Item ab institutione, quam plurimum in facundia & dicendi studio fuisse probet, & quod primam est gloriam è forensi præstantia consecutus (c).

Itemque culpabitur, quod adeò non adeptus sit formam oratoris facultatis, ut eum Græcæ exornationis expertem fuisse manifestum sit.

V. Hinc forma corporis prædicabitur, tanquam emittens, & decora.

Hinc dicetur, ejusdem bonum pudicitie prostitutione violatum, quam Nicomedi subjecerit, Bithyniæ Regi.

VI. Tum facta omnia, quæcunque poterunt, in partem utramque ducentur. Dicetur enim accusatione Dolabellæ famam magnæ eloquentiæ consecutus.

Negabitur eandem meruisse, cum is, quem accusabat, evaserit (d).

VII. Dicetur Honoribus per ordinem functus esse. Intendetur, & quæsturam cruentam, & Præturam habuisse turbulentam, adeò, ut Senatusconsultis notaretur.

## VIII.

- 
- (a) Forte leg. invenire vel mereri more seculi illius dixit pro consequi. (b) De Pisonis nomine non videtur minus dici aliquid posse quam Ciceronis. Nam uti hoc à cicerone, ita illud à pistris. Vide Plin. l. 18 c. 3. (c) Ita hic scribere malui, ubi vulgo apud Emperium legitur. Et quod prima & gloria & forensis præstantia consecuta. (d) Valerius Max. l. 8. c. 9. Suetonius l. 1. c. 4. Plutar-  
in Cæs. & aliis.

VIII. *Dicetur consul fuisse popularis, & benignus in plebem, qui etiam agros putaverit dividendos.*

*Idem & cum collega dissensisse, & hostili terrore (a) usus in eundem, & contra morem majorum in perferendis seditionibus perseverasse.*

IX. *Gessisse illum bella magnifica, pertinebat ad laudem; uti Gallias subegisse.*

*At in eodem ipso objicietur, quod easdem provincias non civili modo, nec more majorum, decerni sibi per quinquennium elaboraverit, & quod tempore potius, quàm virtute, superaverit.*

X. *Bellum civile quod gesserit, inimicis illius objicietur. Clementia verò ejus in eodem aded memorabitur, ut appareat illum minimè arma voluisse.*

*Contra, nullam unquam fuisse causam tam magnam, quæ illum impellere ad bellum civile debuerit.*

*Ut maximè in eo lentior fuerit, non posse videri bellum clemens esse, quod tale sit.*

XI. *Mors quoque atrox, & impia, & tanquam ipsis rebus humanis lætuosa, & tamen ex hoc honesta dicitur, quod sit occisus in curia, & manibus senatorum.*

*E diverso hostem humani generis, & tyrannum civitatis, dignum sceleribus suis tulisse supplicium, multis vulneribus trucidatum, & in ipsa Pompeja curia tanquam Pompeji manibus, jugulatum.*

XII. *Postea verò declarabitur, quàm commota illius morte respublica; quam plane status civitatis everfus; quam denique ipsis percussoribus suis malo fuerit, illud parricidium peregissee.*

*Item contra usque eò illius exitum fuisse optabilem civitati; ut pene placuerit, ejusdem acta rescindi, & hostem judicari, qui eadem tuebatur.*

*Ad hoc felicitas, quæ in illo potest facilè laudari, extenuabitur eò, quod liberos non habuerit.*

B 4

§. 30.

(a) *Apud Emporium est hostiliter usus, unde feci, hostili terrore usus. Vel scripserat, hostili vi usus. Nisi magis placet, post hostiliter deesse viribus. Vel simile aliquid.*

§. 30. Nunc videamus de laude & vituperatione FACTORUM, quæ cum personarum demonstratione conjuncta est, quia etiam in facti laudatione persona à facto laudatur. Locorum autem, unde laus petitur, alii quidem sunt probationis, alii verò amplificationis.

§. 31. Loci prioris generis sunt, honestum, utile, difficile. Honesti quatuor sunt partes: decorum, quod personam decet; legitimum, quod legibus & consuetudini est consentaneum, iustum sive æquum, quod est pium in Deum, atque homines, gloriosum, quod cum egregia nominis fama est conjunctum.

§. 32. Utilis gemina est ratio: vel enim prodest adferendo aliquid boni; vel depellendo aliquid mali.

§. 33. Difficilis natura ex facili cognoscitur: facile verò est, quod sine magnolabore, aut sumptu, & brevi tempore confici solet.

§. 34. Loci amplificationis sunt octo. Nam ad facti laudem pertinet, quod quis primus fecerit, vel solus, vel cum paucis, vel præcipuè, vel tempore maxime necessario, vel sæpe, vel rem spectantem non primis laudem civitatis, vel quod primus eo novos acquisiverit honores.

§. 35. Nec propterea singulis ex locis istis argumenta semper peti debent: sed otiosa rescindere oportet.

Exemplo esto Lucretiæ factum, propter illatum stuprum se interimentis. Laudare hoc factum possumus partim ab honesto, partim ab utili. Ad quæ hæc argumenta referuntur.

I. Quia, quod fecit, castam decuit fœminam, Nam cum eam oporteat omnia metiri honestate; minimè decuisse, ut illatam pudicitiae suæ vim contemneret, aut dolorem violati pudoris ferret: sed post hujusmodi maculam, qua nulla fœdior esse posset, è vita potius excedere debuisse, quàm ut deinceps vel purissimam Solis lucem aspiceret, vel in hominis casti oculos incurreret.

II. Quia factò suo ostendit, quanti facere oporteat castitatem: atque ita consecuta est illud, ne impudica



dica ulla Lucretiæ se exemplo vivere posse dicat.

III. Quia mors non est è malorum genere, sed malorum finis; atque, ut è malis esset, tamen fortis animi non sit, expavescere eam, quæ sine ignominia, imò cum gloria est conjuncta. Cumque ea virtus etiam rara insit viro, tantò magis in fœmina sit prædicanda.

IV. Quia in malo tam gravi aliud perfugium aut solatium quæri non potuit, quàm mors. Nam honestius erat mori, ut pudicam; quam vivere, ut impudicam. Præsertim quando nemo sibi castitatem possit polliceri. Imò, cui grave haud foret, post jacturam pudoris, spiritum ducere, non crederetur invita esse perpeffa. Et poterit Tarquinius, ut adulterorum sunt mores, culpam omnem derivare in Lucretiam, quasi ad flagrantissimum amorem suum aperuisset prior. Nunc innocentiam ipsa, quam testibus non poterat, sanguine suo comprobavit. Unde vetus epigramma poetæ incerti:

*Cùm foderet ferro castum Lucretia pectus,  
Sanguinis & torrens egrederetur, ait:  
Accedant testes, me non fuisse tyranno,  
Ante virum sanguis, spiritus ante deos,  
Quàm benè producti pro me post fata loquentur,  
Alter apud manes, alter apud superos.*

V. Quia secuta est exemplum aliarum nobilium & fortium fœminarum, quæ gloriæ suæ hoc dederunt, ut injuriam, aut ignominiam, moriendo, vel vitarent, vel delerent.

VI. Quia fieri potuit, ut adulterum semen visceribus hæssisset. Atqui expectandum non fuit, usque dum ex corruptore suo prolem conspiceret, quæ in matris, ac familiæ viveret opprobrium.

VII. Quia atrocitatem illatæ injuriæ magis ostendit, cùm propter illam sibi conscivit mortem.

VIII. Quia morte sua dum vehementiùs ciet indignationem, simul viam patefacit ad vindictam publicam;

blicam; qua & tyrannus postea regno fuit exutus, & libertas parta est Romanis.

IX. Quia dum non pudicitiam solum vindicat fortiter; sed etiam ad auream libertatem viam munit feliciter: tum apud Romanos, tum etiam nationes omnes, nomen sibi peperit immortale.

X. Quia non erat, quod ultra caperetur dulcedine ac illecebris vitæ; cum jucunda illa castæ esse matronæ non possit post ereptum pudicitæ decus. Eoque nisi nunc sponte vitam ademisset sibi; postea pœnituisset vivere, cum non esset tam gloriosum mori.

At idem factum *vituperare* si voles: fiet id argumentis istis ab inhonesto & inutili petitis.

I. Primum, quia ratio, cur se interimeret, idonea non potest adferri. Nam libidini adscribi nequit, quod accidit invitæ: violatum erat corpus, sed animus fuit innocens: sufficit castitati bona conscientia.

II. Imò contrà, cur parceret vitæ, causa erat satis gravis. Nam iniquum est, ut quæ culpa vacet; ea non se absolvat, sed nocentem afficiat supplicio.

III. Adhæc non tota erat sua, sed ex parte etiam patris, ac imprimis mariti. Nunc & patrem invitum cara orbavit filia, & maritum optimum viduavit conjuge, animæ dimidio suæ: imò insuper dulcibus liberis matrem abstulit.

IV. Quid etiam quod ipsa erga Deum pietas avocare eam debuit à tam tristi proposito? Nam idè Deus amorem vitæ indidit animis omnium, ut nequis deferat vitam priusquam è ratione sua summus vocet imperator. Quare si ante innocens fuit, saltem facto hoc in culpam, quam fugiebat, incidit. Atque est ea culpa tanto major in æmina, quanto sexus ille à ferro est remotior.

V. Nec, ut ajunt, animi firmi, sed impatientis potius fuit, manus sibi adferre: Sanè Romana mulier, Tricipitini filia, ea ànimi magnitudine esse debebat, ut fortiter ferret injuriam sceleris alieni, cum sapientis nihil sit præstare præter culpam.

VI. Adde quod neque honori, vel suo, vel suorum  
fatis

fatis est velificata. Nam suspicio hinc potuit oboriri, quasi pœnitentia stupri sponte perpeffi solatium sibi, ac perfugium, quæsierit in morte voluntaria. Multa enim facilius in defunctam potuere confingi, quàm in superstitem.

VII. Præterea, si verè oderat corruptorem, seridòque ejus vindictam exposcebat: satiùs fuit exspectare, usque dum supplicium de eo maritus, ac conjunctissimi, fumerent. Ita enim oculos suos pascere potuisset inimici pœna: nunc cruore suo animum ejus satiavit, cujus pœnis ipsa potuit exsultare.

VIII. Denique non commoda minùs, ac fortasse etiam facilior, & certior, ad vindictam hæc fuisset via. Nam superstes non semel, sed semper, cùm suos, cùm alienos, plorando, obtestando, ad ultionem vehementissimè potuit inflammare.

§ 36. Ad RES præcipuè referuntur, tum loca, siue naturalia, siue artificialia: tum animi habitus.

§ 37. Prioris generis sunt regiones, & urbes: quæ ferè eodem tractantur modo, ac personæ. Nam quod in personis sunt parentes, & præceptores, id in his sunt reges, ac conditores: quod illic forma corporis, id hic situs; quod illic animi virtutes, id hic fertilitas; quod illic actiones, præmiaque, id hic incolarum res feliciter gestæ, ac per ea nominis claritas, & quandoque etiam privilegia, quæ cives universi virtutis ergo à Principe suo sunt adepti. Multum etiam ad gloriam addit, si cum aliis, seu regionibus, seu urbibus, comparatio instituitur. Quod si terra aliqua parum fertilis sit: dicemus, hoc incolarum augere prudentiam, eosque temperantiam docere. Vel etiam compensari illud situ loci: ut qui per commodus sit ad ea importanda, quibus solùm hoc destituitur. Omnino autem ad duo potissimum capita in talibus respici solet; utilitatem, & voluptatem.

Brevis sed elegans Campaniæ laudatio extat apud Florum lib. 1. Cap. XVI. Omnium non modo Italia, sed toto orbe terrarum, pulcherrima Campaniæ plaga est. Nihil mollius cælo: denique his floribus vernal. Nihil ube-

uberius solo: ideo Liberi Cererisque certamen dicitur: Nihil hospitalius mari. Hic illi nobiles portus, *Cajeta*, *Misenus* & tepentes fontibus *Bajæ*: *Lucrinus*, & *Avernus*, quædam maris otia. Hic amicti vitibus montes, *Gaurus*, *Falernus*, *Massicus* & pulcherrimus omnium *Vesuvius*, *Ætnæi* ignis imitator, Urbes ad mare, *Formiæ*, *Cumæ*, *Putcoli*, *Neapolis*, *Herculaneum*, *Pompeji*, & ipsa caput urbium *Capua*, quondam inter tres maximas, *Romam* *Carthaginemque* numerata.

Tarenti etiam hujusmodi laudatiunculam habes ejusdem libri Cap. XVIII. *Tarentus*, *Lacedæmoniorum* opus, *Calabriæ* quondam, & *Apuliæ*, totiusque *Lucaniæ* caput, tum magnitudine & muris, portuque nobilis, tum mirabilis situ: quippe in ipsis *Adriatici* maris faucibus posita, in omnes terras, *Histriam*, *Illyricum*, *Epirum*, *Achajam*, *Africam*, *Siciliam*, vela dimittit. Imminet portui ad prospectum maris positum theatrum.

§. 38. Posterloris verò generis sunt, tum dianoeticæ virtutes; ut sunt eruditio *Aristotelis*, eloquentia *Ciceronis*: tum morales; ut justitia *Aristidis*, castitas *Josephi*, vel *Hippolyti*. Sed rarò hujusmodi argumentum tractat orator. At sæpè in laudatione personæ, aut facti, digreditur in locum communem de hac vel illa virtute, aut vitio.

Bifariam virtutis laus tractari potest: in individuo; ut si dicas de sapientia *Salomonis*: vel universè; quomodo sapientiæ laudem scripsit *Aphthonius*: *Theticam* laudem appellat *Sopater*. Prior modus propriè hujus loci est; quatenus nempe genus demonstrativum, in quo versamur, species est causæ, sive *ὑποδείκνυς*, quæ est quæstio singularis. Verum rarò usu venit, ut isto modo consideratum ab oratore tractetur. At sæpè contingit, ut in laude personæ aut facti digrediatur orator in locum communem, de laude justitiæ, clementiæ, fortitudinis bellicæ, eloquentiæ, vel illius virtutis. Itaque ut plenè intelligantur ea, quæ ad personæ, aut facti, laudationem pertinent: etiam cognosci debet ratio universè extollendi scientiam, ac virtutem aliquam. Quam idcirco paucis hoc loco exponemus.

§. 39.

§. 39. *Laus illa scientiæ, aut virtutis, universè spectata petitur, tum ab honesto, quo refer quoque gloriosum, & alia, quæ supra in facti laudatione attulimus: tum ab utili, quò necessarium etiam, ac jucundum, pertinent: tum à facili, vel difficili.*

Exemplo fuerit jurisprudentia, quam laudat Cicero primo de Oratore: idque ex quatuor his locis,

I. A facilitate, quando ait: *Si ista esset cognitio juris magna, ac difficilis; tamen utilitatis magnitudo deberet homines ad suscipiendum discendi laborem impellere. Sed Scævola ipse dicere solet, nullius sibi artis facilitatem cognitionem videri.* Qua ratione verò facile hoc studium fiat, deinde ostendit.

II. A jucunditate. *Accedit, inquit, quo facilius percipi cognoscique jus civile possit, (quod minimè plerique arbitrantur) mira quædam in cognoscendo suavitas, & delectatio.* Hinc docet suavitatem illam inde provenire, quòd prodest multum ad notitiam antiquitatis, scientiæ civilis, philosophiæ moralis, item quòd magnæ sit voluptatis, videre, quantum Romani prudentia præstiterint ceteris gentibus.

III. A necessitate. *His, inquit, de causis dixeram, iis, qui perfecti oratores esse vellent, juris civilis cognitionem esse necessariam.*

IV. A dignitate, idque his verbis: *Jam verò ipsa per sese quantum adferat iis, qui ei præsumt, honoris, gratiæ, dignitatis, quis ignorat? Et quæ deinceps sequuntur.*

§. 40. *Et talis quidem est laudatio absoluta. Sed est præterea laudatio comparata; qua vel persona cum persona, vel factum cum facto, vel res cum re confertur; unumque alteri esse æquale, vel etiam præstare, ostenditur. Ut si compares Alexandrum Magnum, ac Julium Cæsarem; Rempublicam Romanam, ac Venetam. Instituitur laudatio talis iisdem ex locis, quibus laudatio absoluta.*

Vide, si voles, quæ de hoc dicuntur in Progymnasmatibus cap. de Comparatione.

CAP-

## C A P V.

## DE GENERE DELIBERATIVO.

## §. I.

**S**equitur genus deliberativum: cujus orationes habebantur apud Romanos in curia; apud Græcos ad populum.

Unde est, quod genus hoc ab iis vocetur *δημηγορικόν*: quemadmodum & quia ἐν ἐκκλησίᾳ, hoc est, concione, fiebat, idē iisdem dicitur ἐκκλησιαστικόν; q. d. concionale, sive ut Agellius loquitur, concionatorium. Latini rectē suasorium vocatur, non qua ratione suadere est probare; quomodo ea vox omnibus convenit causis: sed qua significat consilium dare, ut aliquid fiat; quomodo dicimur suadere conjugium, aut pacem.

§. 2. Materia in hoc genere sunt res contingentes, & positæ in nostra potestate; & quidem, quæ ad finem referuntur.

De his enim, non de fine ipso, consultatur.

§. 3. Speciatim autem, si causa sit publica, quinque sunt, de quibus, juxta Aristotelem, soleat institui deliberatio: vectigalia, bellum & pax, custodiaregionum, ea quæ importantur & exportantur, & ratio ferendarum legum: quæ perspecta nobis esse oportet, priusquam de consilio dando cogitemus.

Optimè Tullius secundo de Orat. Ad consilium de Rep. dandum caput est, nosse Rempublic. Quæ verò in singulis quinque istorum scire debeamus, hoc ab Aristotele discite in Rhetoricis (a).

§. 4. At in causis privatis certa materies speciatim assignari non potest: cum totidem de rebus possit consultari, quot negotia in vita, & re familiari, occurrunt.

§. 5. Loci in genere deliberativo ab Hermogene ponuntur sex: Primus est legitimum, quod petitur, tum à jure

---

(a) l. 1. cap. 4.

quod à juvando, hoc est, delectando, *jucundum* appellatur. Porro hoc quoque argumentum multum eos movet, qui, etsi viderint, honestatem cum utilitate esse conjunctam, molestia tamen operis deterrentur. Ac propterea, cum quid *ἡδὺς* utile, vel etiam necessarium esse, ostendimus; expedit, ut seorsum quoque probemus, aliquid esse *jucundum*. Ita dissidentibus, concordēs ut esse velint, suadebimus, non tantum quia concordia inter fideles honesta est, atque etiam utilis: sed quia *jucunda* simul sit, juxta illud regii Vatis (a): *Ecce quàm bonum, & jucundum, fratres habitare in unum*. A *jucundo* etiam est argumentum illud Tullii Lib. III. Epist. II. *Hoc velim tibi persuadeas, si rationibus meis à te provisum esse intellexero, magnam te ex eo, & perpetuam voluptatem, esse capturum*. Et hoc Annæ ad Didonem:

*Solane perpetua mœrens carpere juvenia;*

*Nec dulces natos, Veneris nec præmia, noris?*

§. 10. Quartus locus est possibile. Frustra enim illud suademus, quod creditur fieri non posse. Ac propterea, si de hoc scrupulus animo hæreat, ante omnia eximi is debet. Sub possibili autem continetur etiam facile. Nam eorum, quæ fiunt, alia facile (b) alia difficulter fiunt. Facile verò aliquid fieri probatur ab occasione, & circumstantiis.

Cur autem non honesto tantum, ac utili, sed facilitatis quoque argumento pugnemus: liquet ex iis, quæ diximus de *jucundo*.

§. 11. Sed si quid difficile sit, eò magis huic rei incumbendum, dicimus: quando nihil magni sine sudore, aut periculo præstatur.

Huc pertinet vetus verbum *χλεπὰ τὰ κλέα*

§. 12. Quintus locus est gloriosum: quod planè eodem tractamus modo, quo utile. Dicimus enim, si res suscipiatur, gloriam præsentem conservatum iri, nondum

Rhetorica Vossii.

C

ac-

( a ) Psalm. 133. ( b ) Imò facile eo dicitur, quia facere possis, ac quidem sine gravi labore.

*acquisitam posse comparari; infamia nos præsentis libertatum iri, & imminentem vitaturos. Sin secus à nobis fiat, infamiam præsentem permansuram, imminentem eventuram, præsentem dignitatem amissum iri, nec spectatam nos consecuturos.*

§. 13. *Ad gloriam etiam pertinet, quod idem fecerint alii, qui præclarum eo nomen sibi pepererint. Sin nulli præiverint, hoc ipsum ad laudem referemus, quod primi, & soli, vel cum paucis, præclarum facinus aggressuri simus.*

§. 14. *Sextus locus est eventus: qui dilemmate instituitur. Ostenditur enim, in utramvis partem res cadat; utilitatem nos, ac gloriam propositam, adepturos. Ac locus iste recensetur postremus, non quia cæteris sit levior: sed quia plerisque omnibus est firmior.*

Porro ex universis locis istis in una eademque causa peti possunt argumenta. Ut in causa illa, an Pompejus bello sit præficiendus Mithridatico. Ad hoc enim suadendum conducit argumentum à legitimo: ut cum Cicero ostendit, non esse contra consuetudinem, ut omnia ad unum deferantur. *Ab æquo*, item; quia iustum erat, ut debitus honor tribueretur Pompejo. *Ab utili*, quia hæc res prodesset ad conservationem vetigalium, & defensionem sociorum. *A possibili*, quia, etsi bellum erat difficillimum, utpote in quo se conjungerent duo reges potentissimi, ab eo tamen confici posset, qui tot, & tanta, terra marique gesserat, quot quantaque in oratione Maniliana commemorantur de Pompejo. *A glorioso*, quia Romani eo ex bello reportaturi erant maximum decus, & honorem, ac deleturi infamiam sibi à Mithridate antea iniustam. *Ab eventu*, quia, sive Romani Mithridatem vincerent, sive non vincerent, utile & gloriosum sit futurum Romanis contra eum bellum suscepisse.

§. 15. *Quemadmodum verò in genere demonstrativo ei, qui personam aut factum aliquod laudat, digredi licet in locum communem: ita in genere deliberativo non raro fit, ut hypothesis transferatur ad thesin. Eaque res tum ad probandum, tum ad amplificandum, plurimum valet.*

E. G.



E G. Si quæstio sit specialis ac finita, an Lacedæmonii urbem suam, Persis adventantibus, cingere debeant muris? licebit universè agere de quæstione hac, an urbes muris cingere utile sit?

§. 16. Cæterum argumentis magis abundemus, tùm in thesi, tùm in hypothesti tractanda: meminisse ejus oportet, quod superius dicebamus (a), præter locos Rhetorum speciales, etiam consuli debere locos Dialecticos. Ex quibus in hoc genere maximè isti frequentantur: locus à proprio adjuncto, ab effectis, ab antecedentibus, connexis, consequentibus, à majori vel minori, a contrario, ab exemplo, à testimonio. Dicit autem vix potest, quantum in persuadendo vim habeant exempla. Interim videndum, ne ita hæc condensemus, ut istis penè solis consistere videatur oratio. Curandum etiam, ut exempla illa similia sint. Neque enim aut tyranni, bonorum regum; aut plebeji, Patrum moventur exemplis.

Plenius hæc declarat Theo, de Thesi tractans. Nam primùm agit de locis specialibus: ut sunt honestum, sive laudabile & gloriosum, quod petitur è loco Dialectico proprii adjuncti: item utile, & jucundum, quorum utrumque partim ad adjuncta propria, partim ad effecta pertinet: ad hæc necessarium, quod utilis species est: nec non facile, quod ex circumstantiis adstruitur. Ibidem monet, ad locos istos etiam pertinere, quod tale, ut tutos præstare possit, quodque in causa futurum sit, ut res meliores fiant; quod ejusmodi, ut, nisi fiat, pœnitentia sit consecutura; neque facile, quod neglectum fuerit, compensari possit. His ita expositis, de generalibus Dialecticorum locis ista subjungit: A contrario autem sic: Nam si contrarium fieri non debet, hoc fieri debet: &, contrarium si turpe, hoc honestum erit: &, si inutile illud, hoc utile: &, contrarium si injucundum, hoc jucundum. Ac eodem modo à simili quoque. Si enim appetendum est simile, utique & hoc. Itidem à minore, & à majore; & a parte, & à fine, cujus ratione aliquid ap-

C 2 peti-

(1) Cap. 2. §. 3.

petitur. Si enim finis expetendus eſt, etiam id, quo ad illum pervenitur, appeti debet. Poſt hæc ex iis, quæ res continet: ut, quod multa complectatur honeſta, aut utilia, aut jucunda. Tum & ab antecedentibus negotium, & ab adiunctis, ac denique à conſequentibus quoque, argumenta ducemus. Quid ſi quis jam majores fecerit progreſſus, is in ſingulis locis ſupradictis arceſſet quoque teſtimonia virorum illuſtrium; uti poetarum, politicorum, philoſophorum. Nec non & hiſtoriæ, ſi quæ congruunt, cum iis, quæ memorantur, referendæ erunt; haud ſparſim tamen, nec temerè, ſed ita ut amplificatione inſtituatur oratio; adductis exemplis; primum eorum, quæ ſinguli privatiſque egerint; deinde, quæ princeps, aut rex; poſtea, quæ civitas; poſtremo, quæ in totis regionibus, aut gentibus, extiterint. In quo & hoc cavebitur, ne oratio hiſtoriis, poematiſve repleatur. Hæc de Theſi quidem dicuntur à Theone: ſed par ratio eſt in hypotheſi. Solum hoc hypotheſis differt, quod argumentis Theſios univeſalibus aliquid ſuperaddat ex accidentibus perſonæ; vel rei ſingularis, de qua conſultatur, ut ita generalia ad individuum, ac certas loci & temporis circumſtantias reſtringantur. Quamobrem & huic generi deliberativo non parum lucis acceſſerit ex iis, quæ in progymnaſmatis de Theſi dicuntur: & viciffim ex iis, quæ nunc adduximus, illa de Theſi accipient lucem.

§. 17. Quæadmodum autem in genere demonſtrativo, præter laudationem abſolutam, altera etiam eſt, quæ comparata vocatur: ita quoque in genere hoc deliberativo interdum quæritur abſolutè, ecquid honeſtum ſit, aut turpe? utile, an inutile? interdum comparatè, utrum utiliſ, honeſtiſque ſit? At quomodo unum altero utiliſ, vel honeſtiſ eſſe, probetur, conſtat ex iis, quæ in Topicis de Comparatione docentur.

Ubi Ariſtoteles (a) monet, id quod diuturnius ac ſtabilius eſt, item quod ſapientioribus probatur, aut quod

(a) Lib. 1. Top. cap. 1. & ſeq.

quod melioribus artibus paratur, aut quod per se & simpliciter bonum est, aut quod melioribus & honoratioribus inest, aut quod majoris boni causa est, & similia omnia, præferri illis, quæ non sunt hujusmodi.

§. 18. Imò interdum fit, ut ex una parte consilii honestas, ex altera pugnet utilitas.

Ut si deliberaret Scipio, num in Italia permanere, an in Africam cum exercitu transmittere velit? Nam ntile videbatur, si classem in Africam transveheret: sed turpe esse dicebatur, declinare Hannibalis præsentiam, atque vastandam ei Italiam relinquere.

§. 19. In ejus generis quæstione, si, quod utile est, suademus, præcipuè labo- abimus, ut hoc probemus; deinde ostendendum, etiam honestum, vel saltem non inhonestum, esse. Sin pro honesto pugnemus, hoc prius, quantum possumus, asseremus: ac deinde etiam, utile id esse, vel saltem non inutile, demonstrabimus.

Monet idem quoque Emporius præceptis de specie deliberativa.

§. 20. Quod si negotium nobis sit cum illis, qui honestate parum moveantur, imò nefandum aliquid in animo habeant, ac tale hoc esse ipsi sciant: magna omnino prudentia opus est; ut, apud quos dicimus, seriò non sui cura tangi arbitrentur. Sanè convitiis nihil proficiemus, neque enim consilia illorum moramur, à quibus nos credimus contemni.

Atque hæc sufficiant de genere deliberativo. Cui subjiciuntur quoque, oratio petitoria, consolatoria, ac quædam aliæ. Sed quomodo hæc debeant tractari, libro proximo commodius ostendemus.

## C A P. VI.

## DE GENERE JURIDICIALI

Ac universè de statibus.

## §. 1.

**G**ENERIS δικηδικῆ, *sive judicialis, loci variant pro statuum varietate.*

§. 2. Status, qui Græcè εἰσῆσις, *est questio ex prima causarum confictione proveniens.*

§. 3. *Habet autem locum in omnibus causarum generibus: sed hic de eo in primis tractabimus, quatenus pertinet ad genus juridiciale.*

§. 4. *Nascitur verò ex accusatoris intentione, quæ Græcis προβολή vocatur, & defensoris depulsione, quæ iisdem est ἀντιπροβολή. Cæteræ quæstiones dicuntur incidentes: inter quas primum sibi locum vindicat τὸ κρινόμενον, sive judicatio.*

§. 5. *Resultat κρινόμενον ex αἰτίας sive ratione defensoris, & συνεχέρτι: sive continente, hoc est, accusatoris firmamento.*

Exemplo hæc illustrabo. Clodianorum intentio est, Clodium occidit Milo. Milonis depulsio est, Occidi, sed jure occidi. Status est, Jurene, an injuria, Clodium occiderit Milo. Ratio Milonis est, Insidiatorem jure licet interficere. Continens, sive firmamentum Clodianorum est, Clodius non struxit insidias, nec fas est occidere civem indemnatum. Judicatio est, An Clodius insidias struxerit Miloni? &, An quapiam de causa interimi possit civis indemnatus?

Quod si hinc syllogismum extruamus, cognoscemus, statum incidere in conclusionem; judicationem, in assumptionem.

E. G. Insidiator jure interficitur.

Clodius fuit insidiator.

Ergo jure interfectus est.

Status est, an Clodius jure sit interfectus, quod  
con-

conclusionem colligitur. Judicatio, an fuerit insidiator, quod in assumptione ponitur. Nec id tantum in Judiciali, sed in aliis etiam causarum generibus locum habet. Ut in Deliberativo. Magno & necessario bello præfici debet optimus Imperator: Bellum Mithridaticum est magnum & necessarium, & Pompejus est optimus Imperator. Ergo Pompejus est præficiendus bello Mithridatico.

Estque hic primarius syllogismus orationis pro lege Manilia. Ac status in ea est, an Pompejus sit præficiendus bello Mithridatico? Judicatio, an Mithridaticum bellum sit grave adeo? item, an Pompejus sit Imperator optimus?

Idem fit in genere Demonstrativo, cujus species est gratiarum actio. Ut oratione pro Marcello: Ea est Cæsaris maxima laus, quæ etiam superat gloriam armis partam. At hæc laus, quam consequutus est ignoscendo M. Marcello, superat gloriam armis partam. Ergo hæc est maxima Cæsaris laudibus. Ubi itidem conclusio statum indicat, assumptio judicationem.

§. 6. Status est quadruplex; Conjecturalis, Finitivus, Qualitatis, & Quantitatis.

Ex quibus malè vulgo prætereunt statum Quantitatis.

§. 7. Status conjecturalis est, quo quæritur, ecquid fiat, factum sit, aut futurum.

Nec enim semper quæri, ecquid factum sit, sed etiam an fiat vel futurum sit, ostendit oratio Hannibalis apud Livium lib. XXXVI. ubi quæstio est apud regem Antiochum, an Romani è Græcia trajecturi sint in Asiam. Id omnino fore contendit Hannibal adversus eos, qui vel errore, vel assentatione, securitatem faciebant Antiocho.

§. 8. Finitivus est, quo de nomine rei conquiruntur.

§. 9. Qualitatis status est, quo quæritur, quale sit factum.

§. 10. Quantitatis status dicitur, quod de magnitudine rei disceptatio est.

blicam; qua & tyrannus postea regno fuit exutus, & libertas parta est Romanis.

IX. Quia dum non pudicitiam solum vindicat fortiter; sed etiam ad auream libertatem viam munit feliciter: tum apud Romanos, tum etiam nationes omnes, nomen sibi peperit immortale.

X. Quia non erat, quod ultra caperetur dulcedine ac illecebris vitæ; cum jucunda illa castæ esse matronæ non possit post ereptum pudicitiae decus. Eoque nisi nunc sponte vitam ademisset sibi; postea pœnituisset vivere, cum non esset tam gloriosum mori.

At idem factum *vituperare* si voles: fiet id argumentis istis ab inhonesto & inutiles petitis.

I. Primum, quia ratio, cur se interimeret, idonea non potest adferri. Nam libidini adscribi nequit, quod accidit invitæ: violatum erat corpus, sed animus fuit innocens: sufficit castitati bona conscientia.

II. Imò contrà, cur parceret vitæ, causa erat satis gravis. Nam iniquum est, ut quæ culpa vacet; ea non se absolvat, sed nocentem afficiat supplicio.

III. Adhæc non tota erat sua, sed ex parte etiam patris, ac imprimis mariti. Nunc & patrem invitum cara orbavit filia, & maritum optimum viduavit conjuge, animæ dimidio suæ: imò insuper dulcibus liberis matrem abstulit.

IV. Quid etiam quod ipsa erga Deum pietas avocare eam debuit à tam tristi proposito? Nam idè Deus amorem vitæ indidit animis omnium, ut nequis deferat vitam priusquam è statione sua summus vocet imperator. Quare si ante innocens fuit, saltem facto hoc in culpam, quam fugiebat, incidit. Atque est ea culpa tanto major in æmina, quanto sexus ille à ferro est remotior.

V. Nec, ut ajunt, animi firmi, sed impatientis potius fuit, manus sibi adferre: Sanè Romana mulier, Tricipitini filia, ea animi magnitudine esse debebat, ut fortiter ferret injuriam sceleris alieni, cum sapientis nihil sit præstare præter culpam.

VI. Adde quod neque honori, vel suo, vel suorum  
fatis

fatis est velificata. Nam suspicio hinc potuit oboriri, quasi pœnitentia stupri sponte perpeffi solatium sibi, ac perfugium, quæsierit in morte voluntaria. Multa enim facilius in defunctam potuere confingi, quàm in superstitem.

VII. Præterea, si verè oderat corruptorem, seridque ejus vindictam exposcebat: satiùs fuit exspectare, usque dum supplicium de eo maritus, ac conjunctissimi, fumerent. Ita enim oculos suos pascere potuisset inimici pœna: nunc cruore suo animum ejus satiavit, cujus pœnis ipsa potuit exsultare.

VIII. Denique non commoda minùs, ac fortasse etiam facilior, & certior, ad vindictam hæc fuisset via. Nam superstes non semel, sed semper, cùm suos, tùm alienos, plorando, obtestando, ad ultionem vehementissimè potuit inflammare.

§ 36. Ad RES præcipuè referuntur, tum loca, sive naturalia, sive artificialia: tum animi habitus.

§ 37. Prioris generis sunt regiones, & urbes: quæ ferè eodem tractantur modo, ac personæ. Nam quod in personis sunt parentes, & præceptores, id in his sunt reges, ac conditores: quod illic forma corporis, id hic situs; quod illic animi virtutes, id hic fertilitas; quod illic actiones, præmiæque, id hic incolarum res feliciter gestæ, ac per ea nominis claritas, & quandoque etiam privilegia, quæ cives universi virtutis ergo à Principe suo sunt adepti. Multum etiam ad gloriam addit, si cum aliis, seu regionibus, seu urbibus, comparatio instituitur. Quod si terra aliqua parum fertilis sit: dicemus, hoc incolarum augere prudentiam, eosque temperantiam docere. Vel etiam compensari illud situ loci: ut qui per commodus sit ad ea importanda, quibus solum hoc destituitur. Omnino autem ad duo potissimum capita in talibus respici solet; utilitatem, & voluptatem.

Brevis sed elegans Campaniæ laudatio extat apud Florum lib. I. Cap. XVI. Omnium non modo Italia, sed toto orbe terrarum, pulcherrima Campaniæ plaga est. Nihil mollius cælo: denique his floribus vernat. Nihil ube-

uberius solo: ideo Liberi Cererisque certamen dicitur: Nihil hospitalius mari. Hic illi nobiles portus, *Cajeta*, *Misenus* & tepentes fontibus *Bajæ*: *Lucrinus*, & *Avernus*, quædam maris otia. Hic amici vitibus montes, *Gaurus*, *Falernus*, *Massicus* & pulcherrimus omnium *Vesuvius*, *Ætnæi* ignis imitator, Urbes ad mare, *Formiæ*, *Cumæ*, *Puteoli*, *Neapolis*, *Herculaneum*, *Pompeji*, & ipsa caput urbium *Capua*, quondam inter tres maximas, *Romam* *Carthaginemque* numerata.

Tarenti etiam hujusmodi laudatiunculam habes ejusdem libri Cap. XVIII. *Tarentus*, *Lacedæmoniorum* opus, *Calabriæ* quondam, & *Apuliæ*, totiusque *Lucaniæ* caput, tum magnitudine & muris, portuque nobilis, tum mirabilis situ: quippe in ipsis *Adriatici* maris faucibus posita, in omnes terras, *Histriam*, *Illyricum*, *Epirum*, *Achajam*, *Africam*, *Siciliam*, vela dimittit. Imminet portui ad prospectum maris positum theatrum.

§. 38. Posterloris verò generis sunt, tum dianoeticæ virtutes; ut sunt eruditio *Aristotelis*, eloquentia *Ciceronis*: tum morales; ut justitia *Aristidis*, castitas *Josephi*, vel *Hippolyti*. Sed rarò hujusmodi argumentum tractat orator. At sæpè in laudatione personæ, aut facti, digreditur in locum communem de hac vel illa virtute, aut vitio.

Bisariam virtutis laus tractari potest: in individuo; ut si dicas de sapientia *Salomonis*: vel universè; quomodo sapientiæ laudem scripsit *Aphthonius*: *Theticam* laudem appellat *Sopater*. Prior modus propriè hujus loci est; quatenus nempe genus demonstrativum, in quo versamur, species est causæ, sive *ὑποθέσεως*, quæ est quæstio singularis. Verum rarò usu venit, ut isto modo consideratum ab oratore tractetur. At sæpè contingit, ut in laude personæ aut facti digrediatur orator in locum communem, de laude justitiæ, clementiæ, fortitudinis bellicæ, eloquentiæ, vel illius virtutis. Itaque ut plenè intelligantur ea, quæ ad personæ, aut facti, laudationem pertinent: etiam cognosci debet ratio universè extollendi scientiam, ac virtutem aliquam. Quam idcirco paucis hoc loco exponemus.



§. 39. *Laus illa scientiæ, aut virtutis, universè spectata petitur, tum ab honesto, quo refer quoque gloriosum, & alia, quæ supra in facti laudatione attulimus: tum ab utili, quò necessarium etiam, ac jucundum, pertinent: tum à facili, vel difficili.*

Exemplo fuerit jurisprudentia, quam laudat Cicero primo de Oratore: idque ex quatuor his locis,

I. A facilitate, quando ait: *Si ista esset cognitio juris magna, ac difficilis; tamen utilitatis magnitudo deberet homines ad suscipiendum discendi laborem impellere. Sed Scævola ipse dicere solet, nullius sibi artis faciliorem cognitionem videri. Qua ratione verò facile hoc studium fiat, deinde ostendit.*

II. A jucunditate. *Accedit, inquit, quo facilius percipicognoscique jus civile possit, (quod minime plerique arbitrantur) mira quædam incognoscendo suavitas, & delectatio. Hinc docet suavitatem illam inde provenire, quòd prodest multum ad notitiam antiquitatis, scientiæ civilis, philosophiæ moralis, item quòd magnæ sit voluptatis, videre, quantum Romani prudentia præstiterint ceteris gentibus.*

III. A necessitate. *His, inquit, de causis dixeram, iis, qui perfecti oratores esse vellent, juris civilis cognitionem esse necessariam.*

IV. A dignitate, idque his verbis: *Jam verò ipsa per sese quantum adferat iis, qui ei præsumt, honoris, gratiæ, dignitatis, quis ignorat? Et quæ deinceps sequuntur.*

§. 40. *Et talis quidem est laudatio absoluta. Sed est præterea laudatio comparata; qua vel persona cum persona, vel factum cum facto, vel res cum re confertur; unumque alteri esse æquale, vel etiam præstare, ostenditur. Ut si compares Alexandrum Magnum, ac Julium Cæsarem; Rempublicam Romanam, ac Venetam. Instituitur laudatio talis iisdem ex locis, quibus laudatio absoluta.*

Vide, si voles, quæ de hoc dicuntur in Progymnasmatum cap. de Comparatione.

CAP-

quod à juvando, hoc est, delectando, *jucundum* appellatur. Porro hoc quoque argumentum multum eos movet, qui, etsi viderint, honestatem cum utilitate esse conjunctam, molestia tamen operis deterrentur. Ac propterea, cum quid *εὐαὐτὸς* utile, vel etiam necessarium esse, ostendimus; expedit, ut seorsum quoque probemus, aliquid esse *jucundum*. Ita dissidentibus, concordēs ut esse velint, suadebimus, non tantum quia concordia inter fideles honesta est, atque etiam utilis: sed quia *jucunda* simul sit, juxta illud regii Vatis (a): *Ecce quàm bonum, & jucundum, fratres habitare in unum*. A *jucundo* etiam est argumentum illud Tullii Lib. III. Epist. II. *Hoc velim tibi persuadeas, si rationibus meis à te provisum esse intellexero, magnam te ex eo, & perpetuam voluptatem, esse capturum*. Et hoc Annæ ad Didonem:

*Solane perpetua mœrens carpere juvena;*

*Nec dulces natos, Veneris nec præmia, noris?*

§. 10. Quartus locus est possibile. Frustra enim illud suademus, quod creditur fieri non posse. Ac propterea, si de hoc scrupulus animo hæreat, ante omnia eximi is debet. Sub possibili autem continetur etiam facile. Nam eorum, quæ sunt, alia facile (b) alia difficulter fiunt. Facile verò aliquid fieri probatur ab occasione, & circumstantiis;

Cur autem non honesto tantum, ac utili, sed facilitatis quoque argumento pugnemus: liquet ex iis, quæ diximus de *jucundo*.

§. 11. Sed si quid difficile sit, eò magis huic rei incumbendum, dicimus: quando nihil magni sine sudore, aut periculo præstatur.

Huc pertinet vetus verbum *χαλεπαὶ τὰ καλὰ*

§. 12. Quintus locus est gloriosum: quod planè eodem tractamus modo, quo utile. Dicimus enim, si res suscipiatur, gloriam præsentem conservatum iri, nondum

Rhetorica Vossii.

C

ac-

( a ) Psalm. 133. ( b ) Imò facile eo dicitur, quia facere possis, ac quidem sine gravi labore.

acquisitam posse comparari; infamia nos præsentè liberatum iri, & imminenter vitaturos. Sin secus à nobis fiat, infamiam præsentem permansuram, imminenter eventuram, præsentem dignitatem amissum iri, nec speratam nos consecuturos.

§. 13. Ad gloriam etiam pertinet, quod idem fecerint alii, qui præclarum eo nomen sibi pepererint. Sin nulli præverint, hoc ipsum ad laudem referemus, quod primi, & soli, vel cum paucis, præclarum facinus aggressuri simus.

§. 14. Sextus locus est eventus: qui dilemmate instituitur. Offenditur enim, in utramvis partem res cadat; utilitatem nos, ac gloriam propositam, adepturos. Ac locus iste recensetur postremus, non quia cæteris sit levior: sed quia plerisque omnibus est firmior.

Porro ex universis locis istis in una eademque causa peti possunt argumenta. Ut in causa illa, an Pompejus bello sit præficiendus Mithridatico. Ad hoc enim suadendum conducit argumentum à legitimo: ut cùm Cicero ostendit, non esse contra consuetudinem, ut omnia ad unum deferantur. Ab æquo, item; quia iustum erat, ut debitus honor tribueretur Pompejo. Ab utili, quia hæc res prodesset ad conservationem vetigalium, & defensionem sociorum. A possibili, quia, etsi bellum erat difficillimum, utpote in quo se conjungerent duo reges potentissimi, ab eo tamen confici posset, qui tot, & tanta, terra marique gesserat, quot quantaque in oratione Maniliana commemorantur de Pompejo. A glorioso, quia Romani eo ex bello reportaturi erant maximum decus, & honorem, ac deleturi infamiam sibi à Mithridate antea iniustam. Ab eventu, quia, sive Romani Mithridatem vincerent, sive non vincerent, utile & gloriosum sit futurum Romanis contra eum bellum suscepisse.

§. 15. Quemadmodum verò in genere demonstrativo ei, qui personam aut factum aliquod laudat, digredi licet in locum communem: ita in genere deliberativo non varò fit, ut hypothesis transferatur ad thesin. Eaque res tum ad probandum, tum ad amplificandum, plurimum valet.

E. G.

E G. Si quæstio sit specialis ac finita, an Lacedæmonii urbem suam, Persis adventantibus, cingere debeant muris? licebit universè agere de quæstione hac, an urbes muris cingere utile sit?

§. 16. Cæterum argumentis magis abundemus, tùm in thesi, tùm in hypotesi tractanda: meminisse ejus oportet, quod superius dicebamus (a), præter locos Rhetorum speciales, etiam consuli debere locos Dialecticos. Ex quibus in hoc genere maximè isti frequentantur: locus à proprio adjuncto, ab effectis, ab antecedentibus, connexis, consequentibus, à majori vel minori, a contrario, ab exemplo, à testimonio. Dicti autem vix potest, quantum in persuadendo vim habeant exempla. Interim videndum, ne ita hæc condensemus, ut istis penè solis constare videatur oratio. Curandum etiam, ut exempla illa similia sint. Neque enim aut tyranni, bonorum regum; aut plebeji, Patrum moventur exemplis.

Plenius hæc declarat Theo, de Thesi tractans. Nam primùm agit de locis specialibus: ut sunt honestum, sive laudabile & gloriosum, quod petitur è loco Dialectico proprii adjuncti: item utile, & jucundum, quorum utrumque partim ad adjuncta propria, partim ad effecta pertinet: ad hæc necessarium, quod utilis species est: nec non facile, quod ex circumstantiis adstruitur. Ibidem monet, ad locos istos etiam pertinere, quod tale, ut tutos præstare possit, quodque in causa futurum sit, ut res meliores fiant; quod ejusmodi, ut, nisi fiat, pænitentia sit consecutura; neque facile, quod neglectum fuerit, compensari possit. His ita expositis, de generalibus Dialecticorum locis ista subjungit: A contrario autem sic: Nam si contrarium fieri non debet, hoc fieri debet: &, contrarium si turpe, hoc honestum erit: &, si inutile illud, hoc utile: &, contrarium si injucundum, hoc jucundum. Ac eodem modo à simili quoque. Si enim appetendum est simile, utique & hoc. Ibidem à minore, & à majore; & a parte, & à fine, cujus ratione aliquid ap-

C 2

peti-

(1) Cap. 2. §. 3.

petitur. Si enim finis expetendus est, etiam id, quo ad illum pervenitur, appeti debet. Post hæc ex iis, quæ res continet: ut, quod multa complectatur honesta, aut utilia, aut jucunda. Tum & ab antecedentibus negotium, & ab adjunctis, ac denique à consequentibus quoque, argumenta ducemus. Quid si quis jam majores fecerit progressus, is in singulis locis sapradictis arcesset quoque testimonia virorum illustrium; uti poetarum, politicorum, philosophorum. Nec non & historiæ, si quæ congruunt, cum iis, quæ memorantur, referendæ erunt; haud sparsim tamen, nec temerè, sed ita ut amplificatione institutur oratio; adductis exemplis; primum eorum, quæ singuli privatique egerint; deinde, quæ princeps, aut rex; postea, quæ civitas; postremo, quæ in totis regionibus, aut gentibus, extiterint. In quo & hoc cavebitur, ne oratio historis, poematisve repleatur. Hæc de Thesi quidem dicuntur à Theone: sed par ratio est in hypothesi. Solum hoc hypothesis differt, quod argumentis Thesios universalibus aliquid superaddat ex accidentibus personæ; vel rei singularis, de qua consultatur, ut ita generalia ad individuum, ac certas loci & temporis circumstantias restringantur. Quomobrem & huic generi deliberativo non parum lucis accesserit ex iis, quæ in progymnasmatibus de Thesi dicuntur: & vicissim ex iis, quæ nunc adduximus, illa de Thesi accipient lucem.

§. 17. Quænam autem in genere demonstrativo, præter laudationem absolutam, altera etiam est, quæ comparata vocatur: ita quoque in genere hoc deliberativo interdum queritur absolutè, ecquid honestum sit, aut turpe? utile, an inutile? interdum comparatè, utrum utilius, honestiusque sit? At quomodo unum altero utilius, vel honestius esse, probetur, constat ex iis, quæ in Topicis de Comparatione docentur.

Ubi Aristoteles (a) monet, id quod diuturnius ac stabilius est, item quod sapientioribus probatur, aut  
quod

---

(a) Lib. 1. Top. cap. 1. & seq.

quod melioribus artibus paratur, aut quod per se & simpliciter bonum est, aut quod melioribus & honoratioribus inest, aut quod majoris boni causa est, & similia omnia, præferri illis, quæ non sunt hujusmodi.

§. 18. Imò interdum fit, ut ex una parte consilii honestas, ex altera pugnet utilitas.

Ut si deliberaret Scipio, num in Italia permanere, an in Africam cum exercitu transmittere velit? Nam utile videbatur, si classem in Africam transveheret: sed turpe esse dicebatur, declinare Hannibalis præsentiam, atque vastandam ei Italiam relinquere.

§. 19. In ejus generis quæstione, si, quod utile est, suademus, præcipuè laborabimus, ut hoc probemus; deinde ostendendum, etiam honestum, vel saltem non inhonestum, esse. Sin pro honesto pugnemus, hoc prius, quantum possumus, asseremus: ac deinde etiam, utile id esse, vel saltem non inutile, demonstrabimus.

Monet idem quoque Emporius præceptis de specie deliberativa.

§. 20. Quod si negotium nobis sit cum illis, qui honestate parum moveantur, imò nefandum aliquid in animo habeant, ac tale hoc esse ipsi sciant: magna omnino prudentia opus est; ut, apud quos dicimus, serid non sui cura tangi arbitrentur. Sanè convitiis nihil proficiemus, neque enim consilia illorum moramur, à quibus nos credimus contemni.

Atque hæc sufficiant de genere deliberativo. Cui subjiciuntur quoque, oratio petitoria, consolatoria, ac quædam aliæ. Sed quomodo hæc debeant tractari, libro proximo commodius ostendemus.

## C A P. VI.

## DE GENERE JURIDICIALI

Ac universè de statibus.

§. 1.

**G**ENERIS δικηρικῆς, sive *judicialis*, loci variant pro statuum varietate.

§. 2. Status, qui Græcè *στάσις*, est *quæstio ex prima causarum conficiione* proveniens.

§. 3. Habet autem locum in omnibus *causarum generibus*: sed hic de eo in primis tractabimus, quatenus pertinet ad *genus judiciale*.

§. 4. Nasquitur verò ex *accusatoris intentione*, quæ Græcis *προβολή* vocatur, & *defensoris depulsione*, quæ iisdem est *αντιπροβολή*. Cæteræ *quæstiones dicuntur incidentes*: inter quas primum sibi locum vindicat τὸ *πρῶτον*, sive *judicatio*.

§. 5. Resultat *πρῶτον* ex αἰτίᾳ sive *ratione defensoris*, & συνεχόντι: sive *continente*, hoc est, *accusatoris firmamento*.

Exemplo hæc illustrabo. Clodianorum intentio est, Clodium occidit Milo. Milonis depulsio est, Occidi, sed jure occidi. Status est, Jurene, an injuria, Clodium occiderit Milo. Ratio Milonis est, Insidiatorem jure licet interficere. Continens, sive firmamentum Clodianorum est, Clodius non struxit insidias, nec fas est occidere civem indemnatum. Judicatio est, An Clodius insidias struxerit Miloni? &, An quapiam de causa interim possit civis indemnatus?

Quod si hinc syllogismum exstruamus, cognoscemus, statum incidere in conclusionem; *judicationem*, in *assumptionem*.

E. G. Insidiator jure interficitur.

Clodius fuit insidiator.

Ergo jure interfectus est.

Status est, an Clodius jure sit interfectus, quod con-

conclusionem colligitur. Judicatio, an fuerit insidiator, quod in assumptione ponitur. Nec id tantum in Juridicali, sed in aliis etiam causarum generibus locum habet. Ut in Deliberativo. Magno & necessario bello præfici debet optimus Imperator: Bellum Mithridaticum est magnum & necessarium, & Pompejus est optimus Imperator. Ergo Pompejus est præficiendus bello Mithridatico.

Estque hic primarius syllogismus orationis pro lege Manilia. Ac status in ea est, an Pompejus sit præficiendus bello Mithridatico? Judicatio, an Mithridaticum bellum sit grave adeo? item, an Pompejus sit Imperator optimus?

Idem fit in genere Demonstrativo, cujus species est gratiarum actio. Ut oratione pro Marcello: Ea est Cæsaris maxima laus, quæ etiam superat gloriam armis partam. At hæc laus, quam consequutus est ignoscendo M. Marcello, superat gloriam armis partam. Ergo hæc est maxima Cæsaris laudibus. Ubi itidem conclusio statum indicat, assumptio judicationem.

§. 6. Status est quadruplex; Conjecturalis, Finitivus, Qualitatis, & Quantitatis.

Ex quibus male vulgo prætereunt statum Quantitatis.

§. 7. Status conjecturalis est, quo quæritur, ecquid fiat, factum sit, aut futurum.

Nec enim semper quæri, ecquid factum sit, sed etiam an fiat vel futurum sit, ostendit oratio Hannibalis apud Livium lib. XXXVI. ubi quæstio est apud regem Antiochum, an Romani de Græcia trajecturi sint in Asiam. Id omnino fore contendit Hannibal adversus eos, qui vel errore, vel assentatione, securitatem faciebant Antiocho.

§. 8. Finitivus est, quo de nomine rei conquiruntur.

§. 9. Qualitatis status est, quo quæritur, quale sit factum.

§. 10. Quantitatis status dicitur, quod de magnitudine rei disceptatio est.



Ita conjectura est, an Cato, cum de conjuratis disceptaretur, omnium se opposuerit sententiis. Finitivus est, sitne ea constantia dicenda, an pertinacia. Qualitatis, num laudabile id fuerit factum, an non. Quantitatis, an singularem eo laudem mereatur.

§. 11. Est autem unius orationis interdum simplex, interdum multiplex status.

§. 12. Simplex, ut si haud aliud quaeretur, quam jurene, an injuria, Clodium occiderit Milo?

§. 13. Multiplex verò, vel est ejusdem generis, vel diversorum.

§. 14. Ejusdem, ut cum quaeritur, an Verres pecuniam acceperit à Leonida, ab Apollonio, & è Mamer-  
tinis. Est quippe hic triplex conjecturalis.

§. 15. At diversorum generum est, cum quis fatetur, se interemisse hominem; at non spoliasse pecunia. Prior enim est status Qualitatis, posterior Conjecturalis.

Nam priori quaestio est, an, qui fatetur se interemisse, jure interemerit. Posteriori, an spoliaverit alterum?

§. 16. Ceterum, quot modis variat status, totidem & judicatio distribuitur. At utriusque eadem est tractandi ratio.

Itaque deinceps, idque non sine veterum exemplo, laxius status voce utentes sub ea etiam judicationem comprehendemus, atque adeò quamvis quaestionem incidentem. Par enim omnium ratio est, ut diximus.

## C A P. VII.

### DE STATU CONJECTURALI.

#### §. I.

**S**TATUS conjecturalis ita dicitur, quia conjectandum est judici, numquid factum sit. Idem alio nomine inficialis vocatur, quia reus hic sola se inficiatione tueretur.

Unde

Unde liquet, ratione judicis, *conjecturalem*, ratione rei, *inficiale* nuncupari.

§. 2. *Status hic vel illius quærit de facto*, ut, an (a) Cælius pararit Clodiæ venenum? *vel cum modo*; ut, *ecquid eo animo factum sit? quale fuerit*, cur quis flevit arcem contemplatus?

Habet etiam distinctio hæc locum, quatenus status iste deliberativo generi inservit. Ut quando, quid facto opus sit, constitui debet pro animo hostium: qui cujusmodi sit, conjectura est indagandum. Ita vel citra modum quæri potest an *princeps quispiam*, qui *hostili in nos animo est*, exercitum conscribat? vel cum modo, hoc pacto, *utrum id faciat, ut bellum inferat nobis?*

§. 3. *Est item status hic vel simplex, vel comparatus*. *Simplex est*, an Roscius occiderit patrem? *item*, an Milo infidias struxerit Clodio? *Comparatio autem fit hoc pacto*: Rosciusne patrem occiderit, au qui accusant? Clodiusne Miloni infidias struxerit, an Milo Clodio? *Tractandi ratio utrobique eadem est*.

§. 4. *Esse verò aliquid factum, trifariam probatur*. *Primum quia quis voluit, & potuit*.

Conjungit utrumque poeta; ut ostendat, Helenam à Theseo violatam fuisse. (a)

*A juvene, & cupido, credatur reddita virgo?*

§. 5. *Voluntas probatur partim à causis antecedentibus factum; partim à signis voluntatis*.

§. 6. *Causæ antecedentes sunt, vel impulsivæ, vel ratiocinativæ*.

§. 7. *Impulsio affectiones comprehendit: quæ causæ efficientis locum obtinent: ut sunt ira, odium, amor, inimicitia, invidia, &c*

Ita verisimile est, nos iis malè velle, qui aut majoribus, aut nobis, aut amicis malè fecerunt.

§. 8. *Ratiocinatio petitur è causis finalibus: ut à spe commodorum*.

Incommodare enim illis homines solent, quos ubi damno

(a) *Apud Cic. pro Cal.*

(b) *Ovid. ep. Oenones ad Paridem.*

damno affecerint, honore vel opibus augentur, aut voluptates suas facilius possunt explere. Uti & quando, damnum aliis dando, gratificantur, sive amicis, sive iis, quibus sunt admirationi, sive amoribus ac deliciis suis, sive dominis, sive illis in quorum sunt potestate.

§. 9. *Tractatur locus hic ab utili octo istis modis, quos assignavimus in genere deliberativo.*

Nam quibus argumentis in suadendo ostendimus, utile aliquid esse: iisdem in accusando monstramus, utilitatem redundasse ad reum, ac propterea illud, cujus arguitur, facere voluisse.

§. 10. *Huc etiam pertinet, quando majus est emolumentum, quàm damnum.*

Nam facile peccant, quibus injuria lucro est, at pœna ignominiaè duplaxat.

§. 11. *Item cùm quis opinatur, nihil se damni amplius facere posse.*

Ut qui bona nulla habent, quæ amittant; aut qui existimationis suæ jacturam jamdiu fecerunt.

§. 12. *Sed imprimis magnum præbet voluntatis argumentum impunitatis spes. Nam injuriam, facere solent, qui fore sperant, ut facinus lateat; vel, ut latere non possit, pœnas tamen credunt effugere posse: vel saltem efficere, ut pœnæ differantur in longum tempus: aut leviores irrogentur quàm lex imperat.*

Fore, ut facinus lateat, credunt illi, qui antehac flagitia sua occultarunt sæpius; quique à criminis suspicionem videntur longius abesse, nec enim facile creditur, ab inermi occisum armatum: vel à paupere, & deformi, commissum esse adulterium, præsertim cum divite, & formosa: vel prodere aliquem voluisse Rempublicam, in quam cùm sua, tum majorem, multa magnaquæ merita exstarent.

At vel nunquam, vel serò, vel non ita graviter, pœnas se subituros arbitrantur, quibus antehac deliquisse impune fuit, quique facundia pollent, aut qui judices habent sibi addictos, aut corrumpere eos possunt, aut amicos habent potentes.

Nec

Nec ex nobis tantum, aut nostris, impunitatis fiduciam concipimus: sed etiam ex conditione eorum quos læsimus. Ut si negotium sit cum iis quos multi oderunt, aut quibus invident multi; aut qui eodem injuriæ genere afficere alios solent; quales, etiam habiti indignè, dignam tamen retulisse mercedem existimantur. Item si amicitia iis iuncti simus, quos læsimus: nam rarò amici litem intendunt, eo quòd communium ferè amicorum interventu iræ ac jurgia sopiantur. Item quibus non expedit litem prosequi; ut sunt peregrini, & qui victum sua sibi parant industria; nam tales faciliè transigunt, & pauxillo placantur: item quos ea pudet referre, qui injuriam acceperunt: nam quotusquisque eorum, qui vere possint, commemorare velit, stuprum esse illatum filix suæ, vel uxori? item si vulgo judicetur levis esse injuria, & quam ignoscere omnes soleant, nisi qui lites serere amant: item qui inertes sunt, ac desides, quia judicio eos experiri piget: quique sunt verecundi, quia tanti illis pecuniæ non sunt, ut propterea judicio contendant: vel qui ab aliis injuria sunt affecti, nec eos in jus vocarunt; similiter enim erga nos animatos fore speramus: vel qui infamia laborant; nam istis non creditur, item qui dicendo nihil valent, aut qui amicis destituuntur, & si, qui his similes sunt.

§. 13. *Cum verò diversi sint hominum mores, ut facilius fidem inventamus, ob oculos poni debet qualitas personæ, sive ingenium hominis, cum ejus, qui injuriam fecit, tum qui illa est affectus.*

De isto judicamus ex *natione*, quia moribus aliis Græci sunt, quam barbari; Itali, quam Germani. Deinde ex *genere*, quia liberi majorum similes esse solent. Tum etiam *sexu*, quia non eodem modo judicant foeminae, ac mares. Item *educatione*, quæ plus etiam, quam genus, potest. Præterea *habitu corporis*, quia in formosa facilius creditor adulterium, in robusto violentia. Insuper *vita antea*, ubi consideratur, num quis in idem antea delictum inciderit aut suspicionem ejus saltem. Nec non ex *ætate*, quia alia aliis annis

con-

conveniunt. Item ex amicis, quibus quis utitur. Tum autem ex vitæ genere, cum dispar ratio sit agricolæ, ac militis; mercatoris, ac philosophi. Denique ex studio, sive pecuniæ, si sit avarus; sive voluntatis, si sit luxuriosus; sive honoris, si sit ambitiosus.

§. 14. Præter causas voluntatis, etiam signa ejus considerantur: cujusmodi sunt dicta & facta alicujus.

Ut si quis minatus fuerit cædem.

§. 15. Et hæc de loco voluntatis. Facultas autem probatur ex circumstantiis, tum personæ, tum rei. Ex personæ circumstantiis id trifariam fit: nempe pro triplicibus bonis, animi, corporis, & externis. Itaque hic considerantur vires corporis, animi, promptitudo, copiæ, opes. At rei circumstantiæ sunt, locus & tempus, quæ occasione nomine comprehendimus: item alia, quæ ad naturam rei pertinet.

Exempli gratia: Potuit hic alterum occidere, quia validior fuit, & armatus, & habuit locum opportunum, sylvam, & tempus idoneum, nocturnum. Estque utile hic considerare, quos lædere sit in proclivi. Sanè magis sunt obnoxii injuriæ, qui longè absunt, eò quod tardè pœnas sumant: qui propè habitant, quia vicinitas loci facilitatem inferendæ injuriæ adfert: qui parùm sunt cauti, quia sua non custodiunt: qui amici sunt, quia sibi non cavent: quos nunquam antea violavimus, quia non metuunt sibi: quos crebrò violavimus, quia tales non ultrà se læsum iri putant: & alii similes istorum. Atque hæc de ratione prima, quæ voluntate, & facultate, tanquam partibus, constat.

§. 16. Altera conjecturam adstruendi ratio petitur à facti signis. Quæ triplicia sunt: alia antecedentia, alia concomitantia, alia consequentia.

Ita cædem alicujus minæ antecedunt, comitatur clamor, consequuntur fuga, pallor, aliaque. Sed signorum istorum haud par ratio est. Nam signum antecedens, ( ut quod quis cædem sit comminatus ) potius voluisse probat, quàm fecisse: unde & in voluntatis locis superiùs reponebamus. Ex iis autem, quæ facti sunt circumstantiæ, vel effecta, non solum voluisse aliquem,

quem, sed etiam fecisse colligitur. Ut si dicatur quis, post horrendum in ædibus exauditum clamorem, statim se proripuisse domo, ac pallentem & consternatum deprehensum esse in fuga.

§. 17. *Tertia afferendi ratio est per testes, rumores, tormenta, & similia.*

De quibus in locis ἀτάκτοις dicemus.

§. 18. *In defensione autem hæc omnia refelluntur. Quæ enim adducebantur ad monstrandum, aliquem voluisse: ea aut vera esse negabimus, aut contendemus, esse levia adeo, ut ex illis de re tanta non debeat judicari.*

§. 19. *Sed imprimis magnam habet vim το ἀπίδαρον sive incredibile: ut cum dicitur, fidei absonum videri id voluisse aliquem loco temporeque alieno, qui id sæpe potuerit occasione multis partibus meliori.*

§. 20. *At facultatem defuisse ostendimus: quia non illæ nobis suppetant vires, aut quia non fuerit locus opportunus, aut tempus idoneum. Quod si facultatem fuisse negari non possit: insistentus argumentis, quibus non voluisse comprobetur.*

§. 21. *Pleraque etiam signa, tam ab reo, quam a fœore adducta, non difficulter eluduntur. Ut, si pro reo adferatur, quod non extimuerit: dicet adversarius, secum fuisse premeditatum omnia, eoque locutum confidentius. Sin actor extimuisse dicat, atque id facinoris patrati argumentum esse velit: dicere poterit reus, non se peccati conscientia, sed periculi magnitudine, territum fuisse.*

Illustre conjecturalis status exemplum habemus in Miloniana. Nam etsi principalis status sit, jurene Clodium occiderit Milo? tamen incidentem hunc, num Milo insidias struxerit Clodio? ita luculenter tractat, ut status is videri possit principalis.

Clodium verò Miloni fuisse insidiatum, ostendit Cicero variis argumentis; ac primum iis, quæ à voluntate ducuntur. Inter ista primum obtinent locum causæ ratiocinativæ. Has tractare incipit mox post narrationem. Ipsum audiamus Tullium: *Quoniam igitur pacto probari potest, insidias Miloni fecisse*

Elo-

*Clodium ? Satis est quidem , in illa tam audaci , tam nefaria bellua , docere , magnam ei causam , magnam spem , in Milonis morte propositam , magnas utilitates fuisse . Itaque illud Cassianum , Cui bono fuerit , in his personis valet , etsi boni nullo emolumento impelluntur in fraudem , improbi sæpè parvo . Atqui , Milone interfecto , Clodius hoc essequebatur , non modò , ut prætor esset ; non eo consule , quo sceleris nihil facere posset ; sed etiam ut his consulibus prætor esset , quibus , si non adjuvantibus , at conniventibus certe sperasset se posse rempublicam eludere in illis suis cogitatis furoribus : cujus illi conatus , ut ille ratiocinabatur , nec succiperent , reprimere possent , cùm tantum beneficium ei se debere arbitrantur : & , si vellent , fortasse vix possent frangere hominis sceleratissimi corroboratam jam vetustate audaciam .*

Post ista excurrit orator , ut invidiam conflet adversario . Nam digressionem claudit illis verbis : *Non modo igitur nihil prodest , sed obest etiam P. Clodii mors Miloni .*

Hinc explicat causam voluntatis impellentem : odium nempe , & vindictæ desiderium ; quas causas à Milone in Clodium retorquet . At , inquit , *valuit odium , fecit iratus , fecit inimicus , fuit ultor injuriæ , punitor doloris sui . Quid si hæc , non dico majora , fuerunt in Clodio , quàm Milone ; sed in illo maxima , nulla in hoc ? Quid vultis amplius ? quid enim odisset Clodium Milo , segetem ac materiam suæ gloriæ , præter hoc civile odium , quo omnes improbos odimus ? Ille erat , ut odisset primum defensorem salutis meæ : deinde vexatorem furoris , domitorem armorum suorum : postremò etiam accusatorem suum , reus enim Milonis , lege Plotia , fuit Clodius , quoad vixit . Quo tandem animo hoc tyrannum dūlisse creditis ? quantum odium illius , & in homine injustum , quam etiam justum ?*

Tractat hinc tertium voluntatis locum , nempe qualitatem personæ , sive ingenium hominis , quod , quale fuerit , ostendit ex consuetudine , & vita ante acta , cujus scelera plurima enumerat . Incipit hic locus ab illis

illis verbis: *Reliquum est, ut jam illum natura ipsius, consuetudoque defendat: hunc autem hæc eadem coarquant; nihil per vim unquam Clodius, omnia per vim Milo.* Desinit autem illis verbis: *Quid simile Milonis? cujus vis omnis semper fuit, ne P. Clodius, cum in iudicium detrahi non posset, ut oppressam civitatem teneret.*

Sequitur continuò quartus voluntatis locus, τὸ ἀπί-  
στον sive incredibile. Nam ostendit, parum credibile esse, Milonem, tot neglectis occasionibus, quibus commodè adedò posset Clodium occidere, nunc id studuisse, iniquo loco, alieno tempore, in tanto capitis periculo; præsertim cum amplissimum consulatus honorem peteret, & dies comitiorum subesset; quo quidem tempore (ut Tullii verba reservem) *omnia non modò, quæ reprehendi palàm, sed etiam, quæ obscurè cogitari possunt, timemus: rumorem, fabulam fictam, falsam, perhorrescimus; ora omnia, atque oculos intuemur.* Eaque occasione digreditur in locum communem. *Nihil inquam, inquit, est tam molle, tam tenerum, tam aut fragile, aut flexibile, quàm voluntas erga nos, sensusque civium: qui non modò improbitati irascuntur candidatorum, sed etiam in rectè factis sæpè fastidiunt.* Post pauca concludit hoc argumentum istis verbis: *Quàm hoc non credibile in hoc? quàm idem in Clodio non dubitandum, qui se, interfecto Milone, regnaturum putaret?*

Istis subiungit quintum argumentum, impunitatis spem. *Quid, inquit, quod caput audaciæ est, iudices? quis ignorat maximam illecebram esse peccandi impunitatis spem? In utro hæc igitur fuit? in Milone? qui etiam nunc reus est facti, aut præclari, aut certè necessarii: an in Clodio? qui ita iudicia pœnamque contempserat, ut eum per nihil delectaret, quod aut per noruram fas esset, aut per leges liceret.*

Exinde tractat sextum argumentum: nempe signa voluntatis, ut sunt dicta factaque Clodii: *Sed quid, inquit, ego argumentor? quid plura disputo? te, Q. Petelli, appello, optimum & fortissimum civem: re, M. Caro, testor: quos mihi divina quædam sors dedit*  
judi-



judices Vos ea M. Favonio audistis, Clodium sibi dixisse, & audistis, vivo Clodio, periturum Milonem triduo. Post diem tertium gesta res est, quam dixerat. Cum ille non dubitaret aperire, quid cogitaret; vos potestis dubitare, quid fecerit? Qui locus extenditur usque ad ista verba, Quid si, ut ille scribit, Milonem fore eo die in via?

Hinc sequitur, quam Hermogenes vocat ἀνάτησι τῶν ἐλέγχων, id est, probationum postulationem. Ac prius quidem orator inquit adversus se: deinde refellit adversariorum testimonia usque ad illa verba: Nunc persequar cetera. Ubi objectioni occurrit, quod Clodius non fuisset exiturus e villa, nisi nuntiatum ei fuisset de morte Cyri. Ait autem Cicero, illum, qui dicitur de Cyri morte nuntiasse, non id nuntiasse, sed Milonem appropinquare. Quod deinceps pluribus adstruit. Ac verisimilem quoque defensionem adjungit, quod, etiamsi illud de nuntiata Cyri morte verum esset; non tamen ea hora profecturus fuerit e villa, nisi de insidiis cogitasset. Incipit hæc pars inde: Age, si ita factum, quæ causa, cur Romam properaret? cur in noctem se conjiceret? Tandem hoc caput de voluntate sic concludit per ἀνακεφαλαιώσιν, si ve brevem eorum enumerationem, quæ dixerat. Video, adhuc constare omnia, judices: Miloni etiam utile fuisse Clodium vivere, illi adea, quæ concupierat, optatissimum interitum Milonis fuisse, odium illius in hunc acerbissimum; in illum hujus nullum: consuetudinem illius perpetuam in vi inferenda, hujus tantum in repellenda: mortem ab illo denuntiatam palam Miloni, & prædicatam; nihil unquam auditum ex Milone: profectiois hujus diem illi notum; reditum illius huic ignotum fuisse: hujus iter necessarium; illius etiam potius alienum: hunc præ se tulisse, se illo die Romæ exiturum; illum eo die dissimulasse rediturus: hunc nullius rei mutasse consilium; illum causam mutandi consilii finxisse huic, si insidiaretur, nocte prope urbem expectandum; illi etiamsi hunc non timeret, tamen accessum ad urbem nocturnum fuisse metuendum.

Sequitur hinc alterum caput, quod est de Facultate. Potuisse autem Clodium insidias struere Miloni, trifariam probat Cicero. Ac primum à loco opportuno: Videamus nunc,

nunc, inquit, id quod caput est: locus ad insidias ille ipse, ubi congressi sunt, utri tanderz fuerit aptior. Id verò, iudices, etiam dubitandum est? Ante fundum Clodii, quo in fundo, propter insanas illas substructiones, facile mille hominum versabantur valentium, &c.

Paulò post idem sic adstruit à comitibus, ac habitu utriusque: Si hæc non gesta audiretis, sed picta videretis: tamen appareret, uter esset insidiator, uter nihil cogitaret mali, cum alter veberetur in rheda penulatus, una sederet uxor, quid horum non impeditissimum? vestitus, an vehiculum, an comes? quid minus promptum ad pugnam? cum penula irretitus, à rheda impeditus, uxore pene confrictus esset.

Idem sic ostendit à tempore; videte nunc illum, primum egredientem è villa subito. Cur vesperi? quid necesse est? qui convenit, præsertim id temporis? Divergit in villam Pompeji. Pompejum ut videret? Sciebat in Alsensi esse. Villam ut perspiceret? millies in ea fuerat. Quid ergò erat moræ, & tergiversationis, dum hic eveniret, locum relinquere noluit.

Continuò istis opponit Clodii habitum, ac comitatum, idque his verbis: Age nunc, iter expediti latronis cum Milonis impedimentis comparate. Semper ille antea cum uxore; tum sine ea, nunquam non in rheda; tum in equo, comites Græculi, quocumque ibat, etiam cum in castra Etrusca properabat, tum nugarum in comitatu nihil. Milo, qui nunquam, tum casu pueros symphonicos uxoris ducebat, & ancillarum greges, ille, qui semper secum scorta, semper exoletos, semper lupas ducebat, tum neminem, nisi ut virum à viro lectum esse diceret. Post quæ uni alterique respondet, quod contra hæc posse objici videbat.

## C A P. VIII.

## DE STATU FINITIVO.

## §. I.

**S**Tatu finitivo, ut ex iis liquet, quæ superius dicebamus, quæritur, an omnes adsint conditiones, quæ requiruntur, ut nomen quodpiam rei aut facti tribuatur: an verò quippiam etiamnum desit.

Ita in oratione pro Cæcinna quæstio est, num dici possit, ei vim factam esse, qui tantum armis fuerit perterritus, quo minus fundum ingrederetur, an insuper ad id requiratur, ut quis vi fuerit ejectus? Similis fuerit ratio in causa M. Bruti, & C. Cassii, qui Julium Cæsarem occiderunt. Quæritur enim, an cum illi, qui populo præsunt, debeant patres esse patriæ, eò quisquis principem sustulerit, parricida debeat haberi? an præterea exigatur, ut princeps iste subditorum studuerit commodis? Sin, quo jure, qua injuria, omnia egerit; an non, qui interemerit hunc, verius fuerit tyrannicida?

§. 2. Status hic quinque potissimum capitibus tractatur. Primum est definitio actoris, & apposta ei definitio à reo,

§. 3. Alterum caput similiter constat, tum collectione actoris, qui parem esse rationem contendit, sive quid exprimatur, sive intelligatur: tum solutione rei, qui multum ait referre, ecquid addatur necne.

§. 4. Tertium est sententia legislatoris: quanquam hoc caput sæpius non incidat. Sed si locum habeat, aliam actor, aliam reus, legis esse sententiam dicet. Licebit verò ei, qui lege nititur, excurrere in laudem tum legis-

gislatoris, tum legis; quorum utrumque qua ratione fiat, ex octavo, & ultimo progymnasmate constat. Sin lex sit nulla, videndum, an locus ejus supplere possit consuetudo.

§. 5. Quartum caput est quantitatis, quia accusator exaggerat, quod est commissum: reus ostendit, quanti sit momenti illud, quod est ommissum.

§. 6. Quintum caput est comparatio, qua conferuntur, id quod factum, quodque infectum. Actor dicet, esse gravius, quod reus fecit, quam quod non fecit. Reus asseret, majoris fieri debere, quod facto deest, quam quod factum est.

Ut si quaeratur: ecquis vim commiserit? sicuti fit in oratione pro Sextio. Definitio actoris, quæ Græcis ὁπὸς dicitur, talis erit; *Convocare hominis armatos, eosque in foro collocare contra tribunal plebis, omnino est vim facere.* At reus ex eo, quod deest, ostendet, non esse crimen plenum; nempe quia neminem læserit, Vocatur hoc ἀνδροτομός.

Sequitur hinc συλλογισμὸς, sive collectio. Et actor quidem dicet, etiamsi armati illi pulsarint neminem, terrorem tamen injecisse; nec multum inter ista distare. At reus contendet, multum referre, num quis læsus sit, an territus duntaxat.

Tertius locus est γράμμι μνηστέα, sive sententia legislatoris. Fingamus, legem fuisse ejusmodi. *Qui militem armarit adversus Magistratum, is vim fecisse damnatus esto.* Eam legem recitari jubebit actor, singulasque ejus particulas excutiet. Etiam licebit, tum legem laudare, tum eum, qui tulit. At provocabit reus à verbis ad sententiam legis. Negabit enim, hanc fuisse mentem legislatoris, quasi vim fieri putarit, si quis militem cogat vel tuendi sui causa vel ut adversus seditiosum tribunal Remp. defendat ac propterea in talibus: quo fine quidque fiat, spectari oportere.

Quartus locus est ἡ τιμωρία, sive quantitas. Et actor quidem asseret, vehemens esse delictum, cogere militem adversus tribunal. At regeret alter, crimen esse

atrox, tribuno vitam eripere; quod nunquam in animo se habuisse dicet.

Quintus locus est τὸ πρὸς τὴν, sive comparatio. Dicit actor, gravius esse, armatos convocare adversus tribunum, quàm aliquem lædere; ut Cicero differit pro Cæcina. Reus contrà pertendet, gravius multò esse, manus alicui adferre, quàm cogere armatos. Atque hi potissimi sunt loci status finitivi. Plura qui volet, Hermogenem adeat, in τέχνη δικηστικῇ, Sect. VI.

## C A P. IX.

### DE STATU QUALITATIS.

#### §. I.

**S**I in controversiam ventat, aut rei, aut facti qualitas, dicitur status qualitatis.

Idem ob amplitudinem etiam vocatur *status generis*, aut *generalis*. Item *consecutio* nominatur, quia eo quæritur, quid consequatur rei cujusque vim ac naturam. Putà, utilisne sit, an inutilis; justa, an injusta?

§. 2. Estque hic status duplex, *Negotialis*, ac *Juridicialis*. *Negotialis* est de re futura. Atque ad hunc deliberationes pertinent, Ut, An utile sit, Athenienses opem ferre Olynthiis à Philippo obsessis? Quomodo autem hic status tractetur, cognoscitur ex iis, quæ diximus de genere deliberativo.

Ubi sex ejus locos enumeravimus. Duo autem sunt præcipui, quid fieri queat, & quidnam deceat. Aristoteles lib. VIII. Polit. Εἰς ἃ δὲ δύο σκοποὶ τὰ τε δυνατὸν, & τὸ πρέπον. Duo autem nobis ob oculos ponemus, & quid fieri possit, & quid deceat.

§. 3. Sin de re præterita tractet, appellatur *Juridicialis*, Atque is vel ratione nititur; qui idcirco rationalis vocatur: vel à scripto vim capit; qui legitimus dicitur, quia lex inter scripta præcipuum obtinet locum.

#### §. 4.

§. 4. *Rationalis est vel simplex, siue absolutus, vel assumptivus.*

§. 5. *Simplex aliquid sua vi, & natura, laudabile esse ait.*

§. 6. *Capita ejus sex statui solent; natura, lex, consuetudo, judicatum, æquitas, pactum.*

Ut si quis occiderit furem nocturnum, recte se fecisse probabit.

*A natura* quæ docet vim vi repellere.

*A lege*, quæ est (a): SEI NOX (b) FURTUM FACTUM ESIT, SEI IM OCCISIT; JOURE CAISUS ESTO.

*A consuetudine*, quia ab omni seculorum memoria mos iste obtinuit.

*A judicato*, ut si dicamus, Titium & Mævium in simili causa fuisse absolutos.

*Ab æquitate*, quæ dictat, ut ne, si in vim, aut insidias inciderimus, ejus vitæ parcamus, cui sine periculo nostro parcere non possumus.

*A pacto*, si possit ostendi fecisse actorem contra datam fidem.

Ad hunc statum pertinet ea Milonianæ orationis particula, qua ostendit Tullius, recte interfici insidiatorem; Si, inquit, tempus est ullum, jure hominis necandi, quæ multa sunt: certè illud est non modo justum, verum etiam necessarium, cum vi vis illata defenditur. Et mox: Insidiatori verò, & latroni, quæ potest adferri injusta nex? Quid comitatus nostri? quid gladii volunt? quos habere certè non

D 3

li-

(a) Macrob. lib. 1. Saturnal. c. 4.

(b) Antiquæ nox pro nocte, est pro erit, im pro eum, occisit, pro occiderit. De diphtongis, ei, ou, ai antiquitus usurpatis pro i, ur a, res notior est, quam ut monere attineat.

liceret, si uti illis nullo pacto liceret. Est enim hæc, judices, non scripta, sed nata lex, quam non didicimus, accepimus, legimus; verum ex natura arripuimus, hausimus, expressimus: ad quam non docti, sed facti, non instituti, sed imbuti sumus: ut, si vita nostra in aliquas insidias, si in vim, si in tela aut latronum, aut inimicorum incidisset; omnis honesta ratio esset expedienda saluti, silent leges inter arma, nec se expectari jubent, cum ei, qui expectare velit, ante injusta pœna luenda sit, quam justa repetenda.

§. 7. Status assumptivus, quia factum in se laudabile non est, extrinsecus assumit auxilia. Id, quod assumitur, colorem Rhetores vocant, quia immutat facti rationem, ut purpura lanam.

Ita, quod occidere civem indemnatum in se turpe sit, Milo, extrinsecus colorem quærens, culpam facti in ipsum rejicit Clodium, quem insidias struxisse ait.

§. 8. Dividitur status assumptivus in comparisonem, relationem, remotionem, & purgationem.

§. 9. Comparatio id, quod factum est, confert cum deteriori, quod aliqui faciendum fuisset.

Ut, lex Solonis erat (a), Εἴ τις μὴ τρέφῃ τὸς γονεὺς, ἕτιμος ἔστω, si quis non alar parentes, infamis esto. Quispiam detrectat alere patrem: sed eo se excusat, quod in summa inopia aut uxorem, aut parentem, deferere cogatur: satius autem videri, ut conservet uxoris vitam, quam ut patris studeat salutis. Simile exemplum est, si Imperator, majestatis accusatus, quod passus sit milites suos sub jugum mitti, respondeat, id magis expedituisse, quam ut omnes interneccione delerentur.

§. 10. Hic verò de utroque dispiciendum: num necesse fuerit alterutrum facere; & an satius fuerit isthoc agere quod factum est.

§. 11. Relatio est, cum culpam conferimus in eam personam, quæ ipsa malum accepit.

Ita

(a) Diog. Laert, in Solone.

Ita Orestes culpam interemptæ Clytemnestræ dimovebat ab se in matrem ipsam, quæ occiderat maritum suum Agamemnona. Par ratio erit, si accusetur Ulysses, quodd sceptro suo percusserit (a) Therstem. Nam culpam in ipsum conjiciet Therstem, qui tot convicia regi Agamemnoni ingesserat.

§. 12. *Actor hic dicet, illum, in quem culpa rejicitur, falso ejus criminis insimulari, ob quod dicitur malum perpeffus. Nec tanti fuisse crimen istud, ut idcirco ita cum eo fuerit agendum. Ad hæc, non propterea fuisse peccandum, quia alter peccarat prior. Item, si alter deliquerat, debuisse eum in jus vocari. Etiam judices percontabitur, quid tandem futurum sit, si eandem viam insistant cæteri.*

§. 13. *Reus autem atrocitatem criminis, ob quod alterum maculavit infortunio, exaggerabit; rem, locum, tempus ob oculos ponet, ut videant judices, illum, qui malum accepit: dignum eo fuisse; neque potuisse rem in judicium vocari: vel inutile id fuisse.*

*Exemplum, quod in relatione tractanda sequi possimus, nullum perfectius ac melius habemus oratione Ciceronis pro Milone; ubi culpa interfecti Clodii in ipsum Clodium refertur: quippe qui insidias struxerit vitæ Milonis, ut diximus.*

§. 14. *Remotio est, cum culpam rejicimus in personam aliam, quàm quæ malum accepit: vel in rem quidem, sed sic, ut voluntas sive intentio facti concedatur.*

*Prioris generis est: Occidi, sed jussu Dictatoris. Posterioris est: Non posui statuam ex testamento, quia lege prohibebar. Livius lib. XXX. Conveniens oratio, non culpam purgantium, sed transferentium initium culpæ in Annibalem, impotentiaque ejus fautores.*

§. 15. *Hic actor, si in personam culpa transferatur, negabit, eam fuisse istius rei actorem: vel non fuisse illius auctoritatis, ut detrectare imperium minus liceret:*



vel potuisse ei resisti: vel non tolli eo culpam, quod ab alio inductus fecerit. Similiter, si in rem causa referatur, vel in totum, quod de ea dicitur, negandum: vel dicendum, id tanti non esse, ut propterea facinus ejusmodi committeretur.

§. 16. Purgatio non factum defendit, quo differt à remotione in rem: sed voluntatem. Itaque habet excusationem aut necessitatis, aut fortunæ, aut imprudentiæ.

Necessitatis, ut ( a ), mater Hierosolymitana filium interemit, excusat se istoc, quod rabie ac fame eò fuerit adacta.

Fortunæ, ut, exercitum perdidit, sed iniquitate fortunæ, non culpa propria.

Imprudentiæ, ut, sumpsit supplicium de homine libero, verum liberum esse non putavi.

Exemplo in hoc statu esto oratio Ciceronis pro Ligario: ubi ostendit, Ligarium fortuna, imprudentia, necessitate, fuisse pertractum ad bellum.

§. 17. Purgationi sæpè subiicitur Deprecatio; quæ status quidem est, sed ἡρωπύς ( b ). Ἀρωπύς autem, quia non defendit factum: sed status tamen, quia rationes adducit, quibus veniam quis facti se impetraturum sperat.

Ita extrema oratione pro Ligario ait Tullius: Erravi; temere feci, pœnitet; ad clementiam tuam confugio; delicti veniam peto: ut ignoscas, oro: si nemo impetravit, arrogantes: si plurimi, tu idem fer opem, qui spem dedisti. Ingenua etiam est illa confessio Leporii, ex monacho presbyteri, qui, cùm à Pelagiano errore ad Catholicam veritatem esset conversus, ad Gallicanos Episcopos scribens, hoc pacto est exorsus ( c ): Quid in me primùm, o domini mei venerandi, & beatissimi sacerdotes, accusem, nescio; & quid in me primùm excussem, non invenio. Sic imperitia, & superbia, sic stulta simplicitas cum persuasione noxia, sic

( a ) Josephus. ( b ) Coloris expertus. ( c ) Citat Cassianus lib. 1. de Incarnatione Domini.)

sic fervor cum intemperantia, sic, ut verius dicam, cum sui diminutione debilis fides, simul in me omnia recepta viguerunt; ut tot, & tantis, simul sit, & obedisse confusio, & hæc eadem ab animo potuisse cedere, mihi stupenda gratulatio.

§. 18. Estque deprecatio species status negotialis, quia quæstio est de re futura: puta, num ignosci expediat, nec ne. Quod autem in doctrina, de statu judiciali agi de eo solet, id inde est, quia purgationi plurimum subijcitur ab Oratore.

Exempli gratia, si quis liberum hominem verberat, prius per imprudentiam factum dicet, quæ purgatio est: sed quia in imprudentia culpa inest, postea confugiet ad veniæ postulationem; quæ deprecatio est. Plura de deprecatione Lib. proximo dicemus.

## C A P. X.

## DE STATIBUS LEGALIBUS.

## §. I.

**S**TATUS legalis Hermogeni quadruplex est, περιήγη- τοῦ & διανοίας, ἀντιστοιχείας, συλλογισμῶ, & ἀμφιβολίας: de scripto & sententia, contrariarum legum, ratiocinationis, & ex ambiguo.

§. 2. Status de scripto & sententia, siue verbo & voluntate, tunc imprimis incidit, cum litigantium pars una verbis legis, altera ejus nititur sententia. Quod de lege dixi, idem judicandum de testamento, aut pacto, & similibus.

Ut, Lex est, Peregrinus, qui mænia adscenderit, capitis supplicio adficiatur. Est qui in obsidione muros conscenderit, & hostem scalis ascendentem dejecerit. Τῷ πρῶτῳ peregrinus accusatur, τῇ διανοίᾳ defenditur. Est & cum utraque pars, quia certus casus satis expressus non est, de voluntate contendit. Ut Quidam, qui primus familiæ nobilitatem intulit, primogenito legavit annulum cum illustri gemma,

re-

regiæ erga se dignationis argumentum. Quinta inde soboles femina, regii muneris hæres, partu priori filiam, altero filium peperit. Pro puella adfertur nascendi privilegium; pro filio dignitas sexus. Etsi autem casus iste huc quoque possit referri; tamen magis proprius hujus loci est, cum unus ad verba aperta; alter provocat ad mentem scriptoris; quem ad æquitatem respexisse est verisimile.

§. 3. In hujusmodi causa pars una dicet, sequi nos oportere quod breviter adeò aperteque est perscriptum: aliud si scriptor voluisset, fuisse illud additurum; rationem etiam subjicit, cur haud aliud voluerit; exempla item similia adferet, & res judicatas: denique, quam periculosum sit à scripto recedere, ostendet.

§. 4. Pars verò altera scriptorem dicet tantum scripsisse, quantum opus erat: quod autem quilibet per se videbat, id scribendum non putasset; calumniatoris esse potius, literarum apicibus insistere, quam voluntati: contrariam sententiam, vel aliis ejusdem legis verbis, vel aliis legibus, referri: suam naturæ, & legibus, consentire: denique exempla adducet, ubi ex voluntate magis, quam verbis, controversiam iudices deciderint.

§. 5. Status contrariarum legum vocatur, cum vel duæ leges (par autem ratio testamentarum, pactorum, & similium) pugnant inter se, vel pugnare saltem videntur: vel unius legis duæ partes colliduntur, aut uno eodemque casu aliquo secum configit.

Duarum hoc legum exemplum esto. Lex una est Tyrannicidæ statua ponatur in gymnasio. Altera est. Ne mulieri statua in gymnasio collocetur. At fœmina est, quæ tyrannum sustulit.

Duarum unius legis partium exemplum sit, Rapta raptoris mortem eligat, vel nuptias. Est qui duas rapuit, quarum una mortem, altera nuptias eligit.

Eorundem Verborum in casu aliquo secum pugnantium exemplum fuerit istiusmodi Vir fortis, quod velit pascito. At sunt duo viri fortes, qui eandem postulent virginem.

§. 6.

§. 6. In hoc statu duæ si fuerint leges, conciliare eas oportet, vel id si fieri non possit, una rejici debet. Utram autem alteri cedere conveniat, variè comprobatur. Nam & leges humanæ cedere debent divinis: & veteres leges novis abrogantur (a) vel saltem iis derogatur, aut subrogatur, aut obrogatur. Item major auctoritas est legis, quæ præcipit, quam quæ permittit: quia, quod præcipitur, necessarium est; quod permittitur, voluntarium. Item magis parendum legi, quæ particulatim prohibet, quàm quæ indefinitè jubet: quia ei, quod universè videtur mandari, derogatur speciali interdicto. Lex etiam, quæ Reip. bonum spectat, præfertur ei, quæ privatum bonum respicit. Interdum quoque consideramus, utrius legis auctor sit sapientior, vel simpliciter, vel in re aliqua.

Ut si quæstio sit de hæreditate posthumi undecimo mense nati. Nam sapiens quidem Hippocrates definit decem menses utero. At non minùs sapiens legislator, hæreditatem etiam undecimi mensis posthumum decernit.

§. 7. Συγγνωμὴ, sive ratiocinationis status est, cum res, de qua non est propria lege cautum, colligitur ex re simili, de qua statutum est lege.

Ut, lex est, Qui patrem pulsarit, plectatur. At est, qui matrem pulsarit. Dices; nihil interesse. Item, lex est, Tyrannicida præmio afficiatur. Est qui in arcem ascenderit, ut tyrannum necaret. At tyrannum non reperit, sed filium ejus; quem & interemit; relicto in vulnere gladio. Adveniens tyrannus, ut filium vidit occisum, eodem se gladio interfecit. Is qui filium sustulerat, præmium petit, tanquam tyrannicida. Alter legi satisfacisse negat. Ejus qui filium pemerat, causam agit Lucianus: contrariam verò agit Erasmus, declamatione ea, qua Lucianæ illi respondit:  
Sunt

---

(a) Abrogantur leges, quæ tota tolluntur; derogatur iis cum pars tollitur; subrogatur, cum pars additur; obrogatur, cum pars mutatur. Ulp. Tit. 1. Reg.

Sunt qui *Statum paris* vocent, Jurisconsultis dicitur *inductio legis*.

§. 8. *Qui hoc statu utitur, dicet, lege contineri, quod pars est, vel etiam, quod minus necesse fuerat, lege caveri. Adversarius autem similia, aut paria esse negabit: ac causam adferet, cur dissimilis eorum ratio sit.*

Exemplo sint illæ Luciani & Erasmi declamationes, quas dixi. Quædam etiam referre huc possis ex oratione Ciceronis pro Cæcinnâ.

§. 9. *Status ex ambiguo est, cum disceptatur, quo accentu vox legi debeat, aut quo verbum aliquod debeat referri, aut qua significatione sumatur.*

Ut, *Herus meus vasorum argenteorum pondo centum novercæ, quæ volet, dato.* Magnifica quæque & scite cælata, petit noverca: petit item filius. Ut ambiguitas tolleretur; addi oportuit, *volet ipse, vel ipsa.* Exemplum etiam gravius dabo. Jubeat Apostolus Paulus velari mulieres. Quæritur, num mulierum vox pressè accipiatur, quomodo virginibus opponitur, an laxè, ut virgines comprehendat? qua de quæstione Tertullianum vide lib. de velandis virginibus.

§. 10. *In hujusmodi statu ostendit uterque sententiam, quam defendit, esse manifestam, aut saltem minime absurdam: ac, quod ipse dicit, æquum bonumque esse, & legi, consuetudini, rectæ rationi consentaneum. Adversarium autem ex capitibus contrariis refellet.*

§. 11. *His subjicit Hermogenes μεταλληψις, sive statum Translativum, qui non est de re, sed de actione, ut cum judicium vel à judice transfertur in judicem, vel ab accusatore in accusatorem, vel à loco in locum, vel à tempore in tempus, vel denique cum negatur, agendum hac lege, hac pœna, ob hoc crimen.*

Juris-consulti vocant *præscriptionem juris*, vel etiam *exclusionem actionis*. Est verò cum status iste sit principalis. Ut apud Ciceronem in Divinatione; ubi quæritur, num Cicero Verrem debeat accusare repetundarum, an Q. Cæcilius, Verris quæstor? Alterum etiam addam exemplum ex Libanio. Lex erat apud

La-

Lacedæmonios, ut pœna afficeretur, qui ante, annum trigesimum (a) orationem haberet. Accidit, ut Athenienses loca quædam à Lacedæmoniis libera reddi sibi postularent: Contradixit Archidamus, licet minor XXX. annis, & bellum persuasit. Vicereque eo bello Lacedæmonii. Postea accusatus fuit Archidamus legis violatæ. Respondere potest, non se nunc vocandum in jus, ubi eventus bonitatem consilii comprobavit: sed tum id fieri oportuisse, cum ea de re disceptaretur.

Est item, cum status iste non est principalis, sed causa in alio præcipue consistit. Ut pro Rabirio Posthumo: ubi prima orationis parte est translatio. Siquidem negat Tullius, Cn. Memmio, qui tum accusabat, competere actionem in equitem Romanum. At deinde ad statum transit conjecturalem, ac nihil pecuniæ ad Postumum rediisse contendit: inque eo præcipue pedem figit.

## C A P. XI.

## DE STATU QUANTITATIS.

## §. I.

**I**N statu quantitatis, quatenus ad genus juridiciale pertinet, cognoscendæ sunt majores & minores injuriæ.

§. 2. Major injuria dicitur sex modis.

I. Ratione animi maxime depravati; quomodo gravior injuria est, quæ fit ab causis leves.

Ut, si quis viatorem spoliet ob unum nummum, Pertinet huc locus Ciceronis ad Att. De Terentia (mitto cætera, quæ sunt innumerabilia) quid ad hoc addi potest? Scripseras, ut HS. XII. permutaret, tantum esse reliquum de argento. Misi illa CCXXX. mihi, & adscripsit, tantum esse reliquum. Cum hoc tam parvum de parvo detraxerit, perspicis, quid in maxima re fecerit.

II. Ra-

---

(a) Plutarchus in Eurygo.

II. *Ratione noxæ , in qua majus minusve detrimentum.*

Quomodo major noxa est interficere , quàm eripere pecuniam .

Huc pertinet , quando non est æqualis pœna : ut in parricidio .

III. *Ratione patientis , cùm is judicium obtinere non potest : aut , qui passus est , propterea in se ipsum graviter animadvertit .*

Prioris exemplum est , si quis vulneretur à filio principis : posterioris autem exemplum præbet Lucretia , quæ à Sexto Tarquinio violata , sibi ipsi manus attulit .

IV. *Ratione agentis , si quis vel solus egit , vel primus vel cum paucis . vel sepè , vel causam dedit novæ legi , vel pœnæ novæ .*

V. *Ratione adiunctorum , ut si cui consultò illata injuria , si ab ingrato animo profecta , si plures injurias contineat , &c.*

VI. *Ratione violati juris : quomodo , si quis violaverit jus non scriptum , majorem hanc injuriam esse dicemus , quia indicium sit peioris animi . Nam si melior est , qui servat jus non scriptum , quod adeò necessarium non est : peior videtur , qui violat . At si quis violarit jus scriptum , hanc majorem esse injuriam docebimus , quia qui transilire non dubitat illa , quæ pœnæ obnoxia sunt , multò magis id facturus sit in iis , quæ pœnæ obnoxia non sunt . Atque hætenus de statu quantitatis .*

In omni verò status genere , præter classici illos auctores , exempla suppeditabunt Quintilianus declamationibus CLXV. quæ ex CCCLXXXVII. supersunt : & Calpurnius in excerptis X. Rhetorum . De argumentis artificialibus satis dictum .

## C A P. XII.

## DE ARGUMENTIS

## INARTIFICIALIBUS.

## §. I.

**A**RGUMENTA inartificialia sunt, quæ non quidem parit ars Oratoris; sed tamen foris ad se delata, arte tractat.

§. 2. Hujusmodi, in genere Juridicali sunt quinque.

I. Ex jure civili, ut leges.

II. Ex aliquorum auctoritate, ut testimonia.

III. Ex aliquorum conventionibus, ut pacta.

IV. Ex tormentis ut quæstiones.

V. Ex contestatione divina, ut jusjurandum.

## DE LEGIBUS.

§. 3. Aut lex scripta facto adversa est, aut consentit cum eo. Si facto adversetur, reprehendenda est: vel quod æquo aut bono repugnet, vel quod alteri legi contraria, vel quod ambigua, vel quod consuetudo sit in contrarium.

Ad primum istorum refer quoque, si lex aliqua non componatur ad regulam legis divinæ. Nam ut Hipponensis ille Antistes, B. Augustinus, dicebat: *Omnium legum est inanis censura, nisi divinæ legis imaginem gerat.* Ad ultimum pertinet, quod consuetudo transeat in legem:

Ἐὗτος γὰρ ἐν ἡλικίᾳ τοῖς νόμοις τελεῖται.

Nam mos vetustus obtinet legis locum: ut carmine de vita sua ait Nazianzenus.

§. 4. Sin lex conveniat cum facto, asseremus, judicium esse, sententiam ferre secundum leges: alioqui eos perjurio se obstringere; frustra illas latas esse, si non ser-



*serventur: nec debere quemquam sapientiam sibi majorem vindicare, quam insit legibus.*

Sanè, ut scitè ait Varro Manio, *Lex neque innocentì propter similitudinem obstrigillat; neque nocenti propter amicitiam ignoscit.*

## DE TESTIBUS.

§. 5. *Testimoniorum duo sunt genera, unum divinum, ut oracula, alterum humanum, quod tum antiquos, tum novos testes comprehendit.*

§. 6. *Antiqui testes sunt historici, alique, qui ante nostra tempora fuere, sive ipsi scriptis aliqua consignarint; sive eorum dicta factave ab aliis celebrantur.*

Copiam veterum testimoniorum suppediet multi-  
juga lectio. Quia verò hanc à pueritia frustra expectes; defectum istum utcumque supplebunt sylvæ sententiarum atque exemplorum, industria quorundam in juventutis gratiam congestæ. Imo plurimi etiam, quos jam ætas firmasse debet, ex istis sapiunt solis: & hi quia tot veteres laudent scriptores, magni librorum helluones esse videntur; sed imperitis. Nam fieri aliter vix potest, quin illi, qui non ipsos adeunt fontes, multa peccent: præsertim cum isti sententiarum confarcinatores non raro ipsi incertitia, ac judicii defectu, fallant, fallanturque. Imò etiam, cum hoc non est, tamen haud difficile est discernere collectionem puerilem, & orationem viri prudentis. Nempe uti haud ubicumque est telum Achillis, ibi est manus. Ita haud ubicumque veterum frequentantur testimonia, ea rectè & circò tractantur. Modus autem rectè tractandi testimonia, præcipuè est iste, ut ne vel nimis ea condensemus, vel adferamus vulgaria; ac quibus vis aut pondus insit nullum.

§. 7. *Novi testes sunt, qui in iudicium vocantur, ut veritatem testentur.*

§. 8. *Hujusmodi testium novorum, alii sunt participes periculi, alii expertes. Item alii de nostra, alii de*

de adversarii persona. Ad hæc alii in causa, ut de facto: alii extra causam, ut quæ de vita, & moribus dicuntur.

§. 9. Distinguendum quoque inter testes amicos, inimicos, neutros: item probos, improbos, medios.

§. 10. Si quis non habeat testes, contendet, argumentis potius, quam testibus agendum esse, quia argumenta pretio corrumpi non possunt, testes possunt.

§. 11. Sin habeat testes, dicet, argumenta non subici pœnæ, uti testes, quodque testibus opus non esset, si argumenta sufficerent.

§. 12. Ad testimonia pertinet quoque rumor, siue fama: quæ si pro nobis sit, dicemus, temere nasci non solere; nec causam fuisse, cur fingeretur id; &, ut cæteri rumores sæpè falsi sint, hunc non esse.

Pro fama est locus iste Hesiodi in Ery. β. οἷον δ' ἂν τις ἀκούων ἀπόλλυται, ἢ πρὶν πολλοὶ λαοὶ φημίζουσι. Non prorsus perit fama, si quàm multæ gentes dispergunt.

§. 13. Sin rumor nobis adversetur, exemplis comprobabimus, quàm multa ab hominibus inimicis, atque improbis, falsò spargi soleant. Etiam, quia rumor sæpè est inconstans, hominibus fere pro affectu erga quempiam judicantibus, rumorem idèd rumori opponemus.

Ad falsum rumorem pertinet illud Tullii in Miloniana: Laudabam equidem incredibilem diligentiam Cn. Pompeji; sed dicam, ut sentio: nimis multa audire coguntur ei, quibus tota commissa est Resp.

## DE PACTIS.

§. 14. Si pacta pro nobis faciant, referemus, ea privatae legis vim habere; pacta legibus corroborari; quod pleraque eorum, quae inter homines aguntur, pactis constant; eoque haec qui auferat, evertere hominum commercia, ac societatem.

§. 15. Sin pacta obsint causae, dicendum, si legibus fraude conditis non pareatur, multo minus pactis fraude factis obtemperandum esse. Praeterea, cum iudices sint iustitiae antistites, eos non tam quid factum, quam quid iustum sit, spectare oportere: iustum esse immutabile, pacta sepe vi, aut metu, extorqueri.

§. 16. Insuper considerandum, an pactum repugnent aliis pactis, seu ea antecesserint, seu consecuta sint.

§. 17. Videndum quoque, an aliqua ex parte eiusmodi pacta iudicibus adversentur.

## DE TORMENTIS.

§. 18. Si tormenta pro nobis faciant, dicemus, quae dicunt homines torti, ea veritatem ipsam dicere.

§. 19. Sin adversentur, contendemus, in tormentis nihil esse certi: quia nonnulli tormenta tolerant, ne vera fateantur: alii, cum tormenta perpeti non possunt, facile mentiuntur, ut citius cruciatu liberentur.

Exemplum habemus in Miloniana: Quibusnam de servis? rogas? de P. Clodii. Quis eos postulavit? Appius. Quis produxit? Appius. Unde? ab Appio, &c. Et mox: Age verò, quae erat, aut qualis quaestio? Heus ubi Rufcio? ubi Casca? Clodius insidias fecit Miloni? Fecit: certa crux. Nulla fecit: sperata libertas. Quid hac quaestione certius? Subito arrepti in  
que

questionem, tamen separantur à cæteris, & quæ ibidem sequuntur.

## DE JURE JURANDO.

§. 20. Jurisjurandi ratio est quadripartita. Aut enim quis offert jurjurandum, aut non offert, accipit, aut non accipit.

§. 21. Qui offert, statuet, pium esse, Deo rem committere: nec opus esse adversario, ut alias Judices querat, cum ipsi judicium offeratur.

§. 22. Qui judicium offerre non vult, facere id se referet, quia improbi facile peferant cupiditate vincendi; eoque se malle judicium periculum subire, cum his credat, adversario non item.

§. 23. Qui accipit juramentum, ajat, se non adversario, sed sibi ipsi habere fidem.

§. 24. Qui non accipit, dicat, se pro pecunia jurare nolle, & si improbus esset, facile juraturum.

§. 25. Præterea is, qui juramento stare nolit, vel accusatur, vel defenditur.

§. 26. Si accusatur, contendemus, eum omnia jura subvertere, ipsosque judices idcirco observare leges, quia jurati judicent.

§. 27. Sin defendatur, dicendum, non eo perjurum esse, quia non sua sponte, sed metu coactus & fraude circumventus, jurarit: perjurum enim mente concipi, non ore.

§. 28. Dicere quoque liceat, satius esse, quod male juraris, non servare, quam & jurando, & juratis stando peccare.

Nam, ut Esychius scribit in Levit. cap. XIX. Jusjurandum in injusto est, non solum quod prævaricatur, sed etiam, quod injustè custoditur. Quale illud fuit; quod Herodes filius Herodiadis jurans, Joan-

*nis Baptisæ caput abscidit . Oportebat enim hoc cum  
iusjurandum non præbere , postquam tamen iuravit ,  
non custodire ; quia talia sacramenta , nec initium  
sumere DEUS vult , sed nec sumentia ad finem per-  
venire . Atque hæc de argumentis inartificiali-  
bus.*

## Finis Libri Primi.

GERARDI JOANNIS VOSSII

## PARTITIONUM

ORATORIARUM

LIBER SECUNDUS.

## C A P. I.

## DE AFFECTIBUS GENERATIM.

**H**ACTENUS actum est de probationibus, sive argumentis demonstrativis, quæ Græci λόγος vocant, ut diximus. Verum homines non ratione solum, sed etiam affectu, imò magna pars hoc penè solo ducuntur. Quapropter accedemus nunc ad πάθος sive affectus.

Neque est, quod objiciat aliquis, Physici & Ethici esse de his tractare. Nam Physicus considerat πάθος, quatenus sunt affectiones animalis, ac naturales eorum causas exponit Ethicus de iis tractat, quatenus sunt honestatis & virtutis capaces: ac, mediocritas ut in iis servetur, docet. Rhetor autem agit de his, quatenus conducunt ad persuadendum: atque, ut tum moveantur, tum sedentur, explicat.

Præcipue verò in eo consistit eloquentiæ regnum, quod doctrina hac vim animis adferat. Quæ virtute si careat orator, siccus ac jejunos, sine succo ac sanguine erit. Neque hoc artificium natura sua noxium esse propterea putemus, quod ( ut apud Sallustium Cæsar ait ) omnes homines, qui de rebus magnis consultant, ab odio, amicitia, ira, atque misericordia vacuos esse decet. Nam de affectibus intelligi Cæsar debet, quatenus rationis judicium pervertunt, usumque ejus im-

pediunt. Atqui Deus animis nostris insevit adfectus, ut stimuli sint ad actiones honestas, quod sit, cum rationi sunt consentanei. Quare, utut apud viros sapientes, & cordatos, haud opus sit eos ciere, eoque apud Areopagitas lege (a) cautum fuerit, ut dicerent *ἀνευ προνομίας καὶ νόμων* (b); tamen apud rudem populum, qui rationum pondus parum perpendit, omnino movere animos opus est, quo ad honestas actiones melius perducatur. Imò quia, & eorum, qui supra vulgus sapiunt, multi bonum, quod approbant, non amplectuntur., exemplo Medæ apud Ovidium (c) quæ ait:

— *Video meliora, proboque,*

*Deteriora sequor: —*

omnino apud tales quoque conducibile est, ut eorum animis faces & stimulos subdamus, quo non solum assentiant, sed etiam, id quod bonum censent agant. Quod recte fieri, etiam Isaïæ, Pauli & aliorum celestium varum exemplo docetur, qui non contenti docere, affectus quoque cient; atque idem à gravissimis, & sanctissimis quibusque Ecclesiæ doctoribus, seculis omnibus fuit observatum.

Affectus est appetitus sensitivi immutatio ab objecta rei bonæ vel malæ specie proveniens; sive, ut ab Aristotele (d) definitur:

*§. 1. Affectus est, per quem homo immutatus non eodem modo de iisdem rebus judicat, sic ut sequatur voluptas, aut dolor.*

Ita, qui amat, pro delicto aliquid non habet, aut pro exiguo; contra, qui odit, pro magno. Item, qui concupiscit, id quod iucundum est, bonum etiam

(a) Quintillianus pluribus in locis. Lucianus in *Anacharside*. Apuleius *Met.* 10. Pallux *lib.* 8. cap. 10. *Themist.* orat. 16.

(b) Absque premio & affectibus.

(c) *Lib.* 7. *Metam.*

(d) *Lib.* 1. *Rhetor.* cap. 1.

iam esse censeat ; at , qui affectu hoc caret , non item ,

Affectus , ex Stoicorum sententia , sunt quatuor : ratione boni præsentis , lætitia ; ratione boni futuri , spes , ratione mali præsentis , dolor ; ratione mali futuri , metus . Quos Maro expressit in sexto , cum ait :

*Hinc metuunt , cupiuntque , dolent , gaudentque .*

Eisdem Boethius his versiculis est complexus ( a ) :

*Gaudia pelle ,  
Pelle timorem ,  
Spemque fugato ,  
Nec dolor adsit .  
Nubila mens est ,  
Vinclaque frenis ,  
Hæc ubi regnant .*

Peripatetici verò , uti in eo à Stoicis dissentiunt , quòd affectus non extirpandos , sed ratione moderandos censent ; ita & multò plures statuunt affectus : sed qui fortasse ad quatuor istos non incommodè reducuntur . Nos præcipuos solùm , & quorum potissimum Oratori usus est , hoc loco , Aristotelis exemplo , exponemus .

§. 2. *Affectum alii magis locum habent in genere Deliberativo , alii in Demonstrativo , alii in Iuridicali .*

§. 3. *Deliberativi magis proprii sunt , metus , fiducia , pudor , & impudentia .*

## C A P I I.

### D E M E T U .

#### §. 1.

**M**etus est animi egritudo ex imaginatione futuri mali , quod nobis , aut nostrorum cuipiam , interitum

E 4

tum

( a ) Lib. I. metr. 7.



rum aut dolorem adferat, præsertim si imminere nobis videatur.

Sive, metus est animi motus ex apprehensione mali magni ac imminantis. Ita Cicero in Orat. pro lege Manil. metum commovet, cum alibi, tum in principio narrationis, quando ait: *Bellum grave & periculosum vestris vestigalibus atque sociis à duobus potentissimis regibus inferetur, Mithridate, & Tigraue, &c.* Grave & periculosum pertinent ad magnitudinem. At imminere, ex eo cognoscitur, quia dicitur, jam bellum inferri.

§. 2. Ex allata hac definitione cognoscimus, duas esse periculorum conditiones, quæ metum adferant. Una est, ut sint ἐδερτικὰ & λυπηρὰ, hoc est, interitum, aut dolorem adferant.

Quomodo metuimus, ne nos invadat hostis, aut ne in morbum incidamus gravem, aut ne subeamus infamiam, aut ne liberos, vel opes amittamus. At injuria, stultitia, similiaque, quamquam maxima sunt, tamen ferè non metuuntur: quia non adferunt interitum, vel dolorem magnum.

§. 3. Altera conditio est, ut malum immineat.]

Nam non solent homines metuere mortem, quia longè eam abesse arbitrantur. At timent illam tempore pestilentiae, aut gravis morbi, vel etiam in tempestate, udi metus est naufragii.

Præsentemque ( a ) viris intentant omnia mortem.

§. 4. Unde consequitur, ut metum incutiat orator, duo requiri. Prius est, ut malum objiciat auditori, ejusque magnitudinem exponat. Deinde, ut hoc imminere offendat.

§. 5. Porro non uno modo magnitudo mali declaratur. quod ob diversam fit hominum naturam. Unde scito opus, quo quisque ingenio sit: Sapè avarus pecuniæ: ambitiosus honoris, amator deliciarum suarum jacturam præcipuè reformidat: eoque ea potissimum in parte pungendus, qua sensus mollior, & vis acrior.

Atque

Atque hic magnitudo mali consideratur ratione personæ: ubi spectatur, quo hic, quo alius magis moveatur. Nec enim pariter sunt omnes animati. At ratione rei duo attendimus: utrum malum sit commune, an proprium; utrum simplex, an mala multa involvens. Quæ duo proximis duobus canonibus paulò fusius deducimus. De priori prius.

§. 6. *Præterea cum periculorum alta sint propria, alia communia: & priora magis adficere animos soleant: expedit, ut communia ad privata revocentur: quo conspiciatur, ut publica calamitas etiam privatam illam secum trahat.*

Privata enim magis tangunt, quàm publica: etsi vulgò malint videri, publico potius dolore moveri quàm suo. Sed plerique histrioniam agunt. Poli exemplo (a), qui Athenis acturus fabulam Euripidis; cum repræsentandus esset dolor Electræ, gestantis cineres Orestis, urna clam in scenam detulit ossa filii defuncti. Lugere visus est mala aliena, deflevit propria.

§. 7. *Multum etiam valet, si calamitatem imminentem non verbo uno tangamus, sed xub' ὑποβλεψεν ob oculos ponamus:*

Ita si deditionem suadere civibus velimus, orationis penicillo depingemus arces conflagrantes, cædes civium, lamenta matronarum, stuprationes virginum, malaque alia, quæ in urbibus captis contingere solent. In cujusmodi argumento à principe ad subditos, à mare ad foeminam, à matrona ad virginem itur, & inde ad alia.

§. 8. *Atque hæc magnitudinem mali indicant. Imminere verò tantum malum ostendemus, si doceamus, illos: quos metui volumus, tales esse, ut interitum adferre, vel damnum summum dare possint, & cum possunt, velle, & cum volunt, id promptissime agere: quales imprimis sunt, qui armatam habent potentiam, & iniusti sunt, & contumeliosè secum actum esse arbitrantur.*

Tria

---

(a) Agellius lib. 7. cap. 5.

Tria hic considerantur; posse, velle, agere. Posse comprobatur ex viribus animi, corporis, fortunæ: Velle ostenditur ex affectibus, & utilitate. Quæ plenius intelliguntur in doctrina de statu conjecturali. In agendo maximè formidabilis est celeritas. Citò autem sequitur, qui uatura acris est, ac vehemens, Præsertim, si gravior est injuria, quam fuerit perpeffus.

§. 9. *Utile etiam ad incutiendum metum, ut maiorum, vel parium recenseamus exempla, qui malum iam sunt perpeffi.*

Quomodo Demosthenes (a), ne Athenienses despicere velint Philippum, tanquam viribus multò inferiori, refert, ut Methone, Apollonia, triginta duæ Thraciæ civitates, ab eo captæ sint, aliaque, quæ jam in vicinis populis patraffet.

§. 10. *Plurimum quoque prodigiis & ostentis moveri homines solent. Nec refert, utrum vere huiusmodi sint, an esse existimentur.*

Sanè, ut credulum vulgus mittam, Nicias ipse, Atheniensium dux, cùm circa Syracusas haberet exercitum XL. millium, & castra transferendo (uti plerique suadebant) fervare militem posset: deliquio Lunæ territus, id facere non fuit ausus; ac propterea maxima affectus fuit clade, quæ Atheniensis imperii ruinam mox secum traxit.

## C A P. II.

### DE CONFIDENTIA.

§. 1.

**M**Etut opponitur CONFIDENTIA. Est ea spes, cum verum salutarium imaginatione, quas homines brevi se consecutores putant; aut horribilium, quas vel sublatas, vel remotas esse arbitrantur.

Si-

---

(a.) Philipp. 3.

Siquidem confirmatur animus, cum vel mala longe absunt, vel spes salutis propè adest.

§. 2. *Huiusmodi spem variè excitamus. At primum quidem, si ostendemus, fieri aliquid posse, & in simili causa factum esse. Vel in huiusmodi, aut maiori etiam periculo nos antea fuisse; & tamen evasisse.*

Quomodo in tempestate Trojanis animum addit (a) Aeneas.

§. 3. *Eadem ratio est, si docemus, pares, vel etiam inferiores, id periculum evasisse.*

Ut si dicas, non esse, quod Romani metuant Germanos, cum devicerint Helvetios, à quibus sæpius victi faere Germani. Ita Cæsar animum militibus addit in primo de bello Gallico. Denique, ait. *hos esse eosdem Germanos, quibuscum sæpenumero Helvetii congressi, non solum suis sedibus, sed etiam in illorum finibus, plerumque superassent, qui tamen pares esse nostro exercitui non potuerint.*

§. 4. *Etiam fiduciam addit orator, si per singula discurrens ostendat, adesse subsidia, quæ requiruntur.*

Ut si quis ad dignitatem adspiret, referemus, quantum sit favor civium, ac eorum imprimis, qui plurimum possint, atque ut competitori hæc desint. Ita agi potuit, cum Cicero, consulatum ambiens, competitorum haberet Hirtium.

Similiter, ut bene omnes de bello sperent, commemorabimus cum pecuniarum vim, militum robur, cæterumque belli apparatus; tum imprimis virtutem, & fortunam Imperatoris. Quod Tullius facit in Manliana, ubi illud inter alia: *Cum ei Imperatorem præficere possitis, in quo sit eximia, belli scientia, singularis virtus, clarissima autoritas, egregia fortuna: dubitatis, Quirites, quin hoc tantum bonum, quod à Diis immortalibus oblatum est in Rempubl. conservandam, atque amplificandam, conferatis?*

Contra hostium vires minuemus. Qua in re Galgacus

(a) 1. *Æm* v. 102.

cus præit apud Tacitum ( a ) : *Ne , inquit , terreat vanus aspectus , & auri fulgor , atque argenti , quod neque tetigit , neque vulnerat : in ipsa hostium acie inveniemus nostras manus . Agnoscent Britanni suam causam , recordabuntur Galli priorem libertatem , deserent illos cæteri Germani , tanquam nuper Usipiti reliquerunt . Nec quicquam ultra formidinis , vacua castella , senum colonie , inter malè parentes , & injustæ imperantes , ægra municipia & discordantia , &c.*

§. 5. *Multum etiam fiduciæ addit persuasio de favore divino.*

Unde Xenophon de Cyro in *ταυδεῖς* ejus scribit , solere illum ante prælium animare milites suos præsentia numinis.

Fit verò istoc partim oraculis ; ut apud Maronem in octavo :

*Sed mea me virtus , & sancta oracula Divum ,  
Conjungere tibi .*

Partim aliis signis , uti voce populi , quæ DEI vox credi solet . Utroque argumento pugnat Tullius Philip. IV. *Jam enim non solum homines , sed etiam Deos immortales , ad Remp. servandam arbitror consensisse . Sive enim prodigiis atque portentis Dii immortales nobis futura prædicunt . Ita sunt aperte denuntiata , ut illi pœna , & libertas nobis appropinquet : sive tantus consensus omnium , si ne impulsu Deorum , esse non potuit , quid est , quod de cælestium voluntate dubitare possimus &c.*

Quàm latè autem se signa extendant , argumento est , quod , ut Sallustius in Jugurthina auctor est , cum Romani milites aquæ penuria laborarent ex eo , quod repente maximus imber diffunderetur , DEO se curæ esse judicarunt .

Nihilominus cavendum , ne de favore divino quicquam apud viros graves , & cordatos , & signis istiusmodi statuamus , quæ risum his potius , quàm fiduciam pariant . Quale illud unius è Pompejanis fuit , qui bellum

---

( a ) in *vita Agricola* .

lum adversus Cæsarem esse redintegrandum aiebat; oprimeque esse sperandum, quia aquilæ septem in castris Pompeji essent repertæ. *Oprime*, inquit Tullius, *si nobis pugnandum esset cum graculis*.

## C A P. IV.

## D E P U D O R E.

## §. 1.

**V**ERECUNDIA, sive pudor, est animi perturbatio ex malis, sive præteritis, aut præsentibus, sive futuris, quæ existimationem offendere videntur.

Vel brevius hoc pacto: Pudor est perturbatio animi ex apprehensione mali, quod lædat existimationem. Est enim pudor, quasi custos existimationis, eoque sedulo custodiendus, præsertim quando, ut apud Senecam (a) est, cum perit, redire nescit.

§. 2. Pudet præcipue apud sextuplex hominum genus. Primum eos, quos in pretio habemus: ut, qui nos admiramur, vel quos ipsi admiramur, vel quibus admirationi esse studemus, vel quibuscum de honore contendimus, vel quorumcunque judicium non aspernamur: ut sunt senes, prudentes, eruditi, omnesque illi, quos putamus idoneos esse rerum nostrarum aestimatores.

§. 3. Deinde apud eos in quorum conspectu sumus.

Nam, ut dici solet, pudor in oculis habitat. Eoque prudenter Cydias, cum persuadere vellet Atheniensibus, ne Samiorum agros inter cives suos dividerent; quo facilius ingereret pudorem, jubebat eos negotium hoc ita animo concipere, quasi Græci universi, qui rem omnem paulò post audituri erant, starent nunc pro corona, & Athenienses turpe hoc decretum facientes coram spectarent.

§. 4. Tertio apud illos pudet, qui eidem crimini non sunt obnoxii.

Quip-

---

(a) Agamemnon.

Quippe tales factum nostrum improbare, verisimile est.

§. 5. Quarto apud illos, qui severi sunt vittorum censores.

Qualis olim Cato, qui Censorii nomen reportavit.

§. 6. Quinto apud eos, qui facile, quæ sciunt, divulgant. Ut sunt, quos injuria affecimus: item malefici: & qui in aliis taxandi operam ponunt, quales sunt risores aliorum, & scriptores veteris comædiæ, vel epigrammatum, vel satyrarum, aut mimorum.

Unde Horatius in Satyris (a):

*Omnes hi metuunt versum, odere Poetas.*

*Fœnum habet in cornu: longè fuge, dummodo risum.*

*Excutiat sibi, non hic cuiquam parcat amico,*

*Et, quodcunque semel chartis ille verit, omnes*

*Gestiet à furno redeuntes scire, lacuque*

*Et pueros, & anus.*

§. 7. Sexto apud illos pudet, qui nobiscum benigne semper egerunt.

Unde Pamphilus apud Terent. (b):

*Tum patris pudor, qui me tam levi passus est animo usque adhuc.*

*Quæ meo cunque animo libitum est facere. Eine ego ut adveser.*

§. 8. Septimo apud eorum, quos commemoravimus antea, servos, vel amicos.

Quippe unde illi intelligere rem omnem possint. Et tales quidem sunt; apud quos pudet.

§. 9. Pudorem verò incutimus per ea, quæ factu sunt turpia, vel facti talis signa.

Quomodo timidi, ac ignavi animi nota esse censetur, vinci ab hostibus. Unde pudorem ciet Cicero pro lege Manilia: *Delenda est vobis hæc macula Mithridatico bello suscepta, quæ penitus jam insedit, atque inveteravit, in P. R. nomine. Item: Videte, ne ut illis pul-*

(a) Sat. 3. lib. 1.

(b) In Andr. Act. 1. Scen. 3.

*pulcherimum fuit, tantam vobis imperii gloriam relinquere: sic vobis turpissimum sit, illud, quod accepistis, tueri, ac conservare non posse. Eiusdem rei signum est violentia, quam quis perpessus sit invitus: unde Maro in VI.*

*Deiphobum vidit, lacerum crudeliter ora,*

*Ora manusque ambas populataque tempora raptis*

*Auribus, & truncas inhonesto vulnere nares.*

*Vix aded agnovit pavitantem, & dira TEGEN-  
TEM*

*Supplicia.*

Multoque magis pudorem adferunt, quæ libidinose ac turpiter patrantur: unde Maro in Eclogis:

*Novimus & quite, transversa tumentibus hircis.*

Pudori item est animus stolidus, & incautus: quo refer illud Terentianæ Thaidis (a):

*Disputet sic verba data esse mihi.*

Item inscitia. Sanè Themistocles (b), cùm lyram recusasset, habitus est indoctior. Atque ex his non difficilis est conjectio de similibus, quæ pudorem incutere valent; sive iis, qui turpe quid egerunt; sive horum maioribus, posteris, necessariis, aut propinquis; sive iis, qui ad facti auctores referuntur; ut sunt eorum præceptores, consiliarii.

§. 10. *INVERECUNDIA* contra est, cùm non moveamur malis, quæ existimationem laedere ignominieque esse censentur. Hunc adfectum gignimus contemptus rerum, quæ turpes factu, vel turpis esse rei signa creduntur.

Ita (a) Antipho Poeta, cùm ipse una cum sociis morti esset destinatus; sed hi, ne in calamitate ista conspicerentur, faciem nuberent: *Quid?* inquebat, *veremini, ne quis horum cras videat vos?* Hactenus de affectibus generi deliberativo magis propriis.

[CAP.

(a) *Eun. Act. 3. Scen. 1.*

(b) *Cic. lib. 1. Tuscul. quasi.*



## C A P. VI.

## DE LÆTITIA.

## §. I.

**D**EMONSTRATIVI generis affectus est geminus, lætitia, & gratia.

§. 2. Lætitia est motus animi proventiens ex imaginatione boni præsentis.

§. 3. Hujus effectus est delectatio: hoc est, tranquillitas animi in bono præsentis suavissime acquiescentis.

Ita in oratione Maniliana oritur delectatio ex admiratione amplissimarum rerum, quas gessit Pompejus.

§. 4. Paratur autem lætitia non absolutè tantum, considerando putà magnitudinem boni, quod res in se continet: sed etiam comparatè, nempe ostendendo, quanto hæc fortuna potior sit altera. Ut si referamus priorum temporum calamitates, aut pericula: ac deinde cum illis præsentis felicitatis bona conferamus.

Fecit hoc Cicero post reditum ad Quirites: Et si, inquit, homini nihil magis optandum, quàm prospera, æquabilis, perpetuaque fortuna, secundo vitæ, sine ulla offensione, cursu: tamen, si mihi tranquilla, & placata omnia fuissent, incredibili quadam, & penè divina, qua nunc vestro beneficio fruor, lætitiæ voluptate carnifsem. Exinde numerat bona illa, quæ restitutus patriæ recepit; atque ait, se voluptatem eorum carendo magis, quàm fruendo intellexisse, juxta illud Plautinum (a):

*Tum denique homines nostra intelligimus bona,*

*Cum, quæ in potestate habuimus, ea amisimus*

Miri-

---

(a) Agamemnon.

Mirificè etiam exultat Cicero secunda in Catilinam investiva, quam ab his verbis auspicatur: tandem aliquando, Quirites, L. Catilinam, furem audacia, scelus anhelantem, pestem patriæ nefariè molientem, vobis atque huic urbi ferrum flammamque minitantem, ex urbe vel eiecimus, vel emisimus, vel ipsum egredientem urbe persecuti sumus. Abiit, excessit, evasi, erupit. Nulla jam perniciēs à monstro illo, atque prodigio, mœnibus ipsis intra mœnia comparabitur.

§. 3. Neque non potest letitiā parere oratio, quæ cogitationi objicit vernum solum, ferta, flores, odora-menta, aurum, gemmas, vestes pictas, cantus sympho-niacos & hujusmodi alia: quæ vernanti, & si non gravi, at festiva dictione explicantur in natalitiis, epi-thalamis, & pompæ ac ludorum tempore.

Exemplum habemus in panegyrico Eumenii (a), qui dictus est Constantio Cæsari. De te, inquit, mibi, Cæsar invicte, hodiernæ gratulationis exordium; divi-nus ille vestræ majestatis ortus, ipso, quo illuxit, aus-picio veris illustrior: cui dies serenus, atque, ut ce-lebrantes sensimus, ultra-rationem temporis, Sol æssi-vus incaluit, augustiore fulgens luminis claritate, quàm cum originem mundi nascentis animavit. Siquidem tunc inter illa rerum tenera primordia moderatus dicitur, ne noceret: nunc ardentior, ne majestate vestra videre-tur obscurior. O felix beatumque ver, jam non amœ-nitate florum, nec viriditate segetum, nec gemmis vi-tium, nec ipsis tantum favoniis & luce serena letum, atque venerabile, quantum ortu Cæsarum maximorum! O tempus, quo meritò quodam omnia nata esse credan-tur, cum eodem nunc confirmata esse videantur!

(a) Quamquam aliqui esse Mamertini, vel alius putent, ac dictum Maximiano Imp.

## C A P . VI.

## D E G R A T I A .

## §. 1.

**G**RATIA est, qua quis benefacit, non quia ipse beneficium aucupetur, sed duntaxat, ut ei commodet, cui beneficium præstat.

Uti Terentiana Thais, se facere ait:

*Hanc Tibi do, neque repeto pro illa quicquam abs te pretii.*

§. 2. In hac duo potissimum spectamus: ut eam, si opus sit, amplificare; ut item extenuare, atque imminuere possimus.

§. 3. Amplificatio fit trifariam. Primum à persona, cui quis gratificatur: ut si quis exul, & egentissimus. Deinde à re, qua gratificatur: ut si magna, vel peropportuna. Denique à persona, quæ gratificatur: ut si sola dederit, vel prima, aut præcipue,

A tribus istis Didonis beneficium commendant Trojanani apud Maronem. 1. *Æn.*

*O sola infandos Troiæ miserata labores,*

*Quæ nos, reliquias Danaum, terræque marisque,*

*Omnibus exhaustos jam casibus, omnium egenos,*

*Urbe, demo socias.*

Nam non *ἡ πόλις* dicitur Dido miserata Trojanos; sed dicitur SOLA miserata, idque OMNIUM EGENOS; neque leviter miserata, ut si viatico solum juvisset; sed, quod verè maximum beneficium fuit, URBE, ac DOMO SOCIASSE.

§. 4. Beneficiorum hæc exaggeratio eò prodest, ut excitemus desiderium illi gratiam referendi, qui præclare, sive de nobis, aut nostris, sive de Rep. meritis est.

Ita Cicero in Manilianæ, ut gratiam conciliet Pompejo, maxima ejus in Remp. beneficia commemorat, eumque cum summis confert Imperatoribus, atque addo iis præfert.

§. 5. *Interdum etiam necesse est, beneficium aliquod imminuere, quod à jactabundis, & μὲν ὑπερβόλως, nimis exaggetatur.*

§. 6. *Fiet hoc, si dicamus, aliquem, non tam nostri, quam sui causa, benefecisse.*

Tale fuit beneficium Pompeii in revocando Cicerone ab exilio. Nam passus antea erat in exilium expelli, quo, revocando postea, sibi magis obstringeret. Hinc Cicero ait magis (a) restituendi, quam retinendi fuisse studiosum. Item, ut beneficium daret, prius fecisse injuriam.

§. 7. *Dicemus præterea, non sua sponte benefecisse; sed casu, aut coactum: ut quod summorum virorum postulato ultra obistere non auderet.*

§. 8. *Item, non tam beneficium dedisse, quam reddidisse.*

§. 9. *Vel etiam, non mereri aliquid nomen beneficii.*

Uti quodd (b) Philippus Atheniensibus offerret Halonesum: quam ille quidem dare, sed Atheniensis redde eum, dicebant.

§. 10. *Item, si beneficium negemus esse tantum, aut tale, quale exigebamus: aut non datum esse loco suo, & tempore.*

Nam, ut proverbio dicitur, *Bis dat, qui citò dat.*

§. 11. *Plurimum etiam de beneficii affectu deterit si ostendamus, alias in re minori non subvenisse, vel etiam inimicos par, aut majus contulisse beneficium: vel quod dederit, vile & abjectum quid esse.*

Ut si convivio quidem exceperit; sed vino inacescente, farina putrescente.

(a) *Ad Attic. l. 8. Ep. 3.*

(b) *Demosthenes, sive, ut Libanius maluit, Hegesippus orat., quæ inscribitur de Halonese.*

## C A P. VII.

## D E I R A.

## §. I.

**A**FFECTUS generis Juridicalis magis proprii sunt, tum ira, lenitas; amor, odium: tum quæ vel iram vel odium consequuntur; ut indignatio, & invidia: tum quæ sequuntur lenitatem & amorem; ut misericordia, & emulatio,

§. 2. Ira est conjuncta cum dolore cupiditas vindictæ ejus, quam videamur nobis posse exequi, propterea quod quis aut nos aut nostrorum quempiam, immerito parvi fecisse videatur.

§. 3. Sunt hujusce contemptus species tres, despectio; incommodatio, & contumelia.

§. 4. Despectio etiam est sine impedimento.

§. 5. Incommodatio est cum impedimento; & fit, non quidem, ut ipse quis utilitatis aliquid acquirat; sed ne alius, quod cupit, consequatur.

§. 6. Contumelia est, cum quis, voluptatis suæ gratia, alterum afficit dedecore.

Quo quis verò gloriæ est cupidior, ( ut ferè fit, si quis vel dignitate, vel eruditione excellat ) hoc ob contemptum sui vehementius solet irasci. Ita Hipponax ( a ), cum deformi & scæda esset facie, ac effigies ejus à pictoribus quibusdam publicè exposita esset ad deridendum: tantopere excaudit, ut virulentis versibus aliquos eorum ad suspendium adegerit. Memorabile etiam exemplum est Narsetis, ducis militari gloria storentissimi: qui cum post res fortiter gestas adversus Totilam, Gothorum regem, invidia quorundam à Justino Imperatore exueretur Italiæ præfectura; atque etiam ab Imperatrice Sophia, impotentis animi scæmina, hujusmodi impeteretur,

( a ) con-

(a) convitio: *Narsetem ad gynæceum esse relegandum, ut cum puellis lanarum faceret pensa; opprobrium istud adeò indignè tulit, ut dixerit, se telam orsurum, quam Imperator & conjux, dum viverent, retexere non possent: ac paulò post Longobardos in Italiam evocavit.*

Nec pari artificio in commovenda ira semper est opus. Nam ut corpora humana, quibus temperies est mala, ex cœli constitutione insalubri faciliè incidunt in morbum: ita, si animus jam ante fuerit exulceratus, ac sinistra suspitione de eo, quem accusatum venimus, laborarit; ad iram hunc inflammare difficile non erit. Sed ut tales solùm ira accendamus, minimè sufficit. Quare istoc potius artificio, quod universos spectat, deinceps aperiendum est nobis.

§. 7. *Omnis iræ excitandæ ratio in sex rebus præcipuè consistit.*

Nam narrandum est factum, & exaggerandum a personis, minoribus, effectis; signis: ac modus interim servandus, ne odio dicere quicquam videamur. Quæ strictim ita memoriæ causa dicta, clariori aliquanto luce nunc vestiemus.

§. 8. *Primum, quàm atrox atque indignum facinus commissum sit, καὶ ὑποτίπασιν exponemus.*

Quid autem ὑποτίπασιν sit, dicetur lib. IV. Cap. XVI.

§. 9. *Hinc ejus, qui læsus est, innocentiam, virtutem, dignitatem, vel aliam conditionem referemus: & contra commemorabimus vitia ejus, qui læsit, & conditionem illius contemptam, vel exosam atque invisam.*

Unde liquet, duas hic personas spectari; illius, cui facta est injuria, & ejus, à quo facta.

§. 10. *Postea, ut magnitudo injuriæ magis pateat, eam comparatione minorum exaggerabimus.*

F 3

§. 11.

§. 11. Etiam ostendemus, quomodo injuriæ hujus malum, non tantum ad præsens, sed futurum quoque tempus se extendat.

§. 12. Utile insuper erit, ut si quæ injuriæ illatæ signa oculis obfisci possint, ea ad animos acrius irritandos adhibeantur.

Quomodo Antonius, Cæsaris vestem gladiis perforatam ostendens, iram populi adversus Cassium, & Brutum, & conjuratos, quàm maxime accendit.

§. 13. Hac interea opus est cautione, ut si metas sit, ne, privato odio adducti, modum omnem in exaggerando crimine excedere videamur, non tam anxie laboremus de amplificanda injuria, quam contenti simus simplici oratione; sed tali, quæ signa atrocis injuriæ, tanquam argumentorum gravissimorum semina, passim interserat. Nam ita & rem dicemus, & credemur tamen veritati studere, non affectui indulgere.

Exempla hujus movendi affectus suppeditabit Demosthenes in iis, quæ adversus Aristogitonem, Midiam & Æschinem scripsit: item Tullius in illis, quæ habet contra Clodium, Pisonem, Vatinium, & Antonium.

## C A P. VIII. DE LENITATE.

§. 1.

**I**RÆ contraria est LENITAS, quæ est sedatio iræ.

§. 2. Non tamen omnes ejusmodi sunt, ut se patiantur deliniri: sed, ut tigres efferantur musica; ita aliqui delinifica oratione magis irritantur. Quare apud tales plus proficimus, si terrorem minis incutimus.

§. 3. Ad delinendam iram maxime adhibendi illi, qui minus habent roboris, & quos de vi inferenda cogitare, nulla suspicio est. Eius generis sunt pueri, & senes:

nes : item fœminæ ; præsertim si miti facundia , & præstanti forma commendentur .

Ita in sacra pagina legimus , Davidis ( a ) iram ab Abigail ; iram Artaxerxis ( b ) ab Esther , esse sopitam . Et Ioab , ut Absalonem reconciliaret patri , ad hoc usus est opera mulieris Thecuitidis . ( c ) Romana quoque historia ( d ) testatur , interventu Sabinarum . inter Romulum & Tatium , fœdus esse ictum . Item Volumnia & Veturia ( e ) Marcium Coriolanum patriæ funus spirantem , à noxio proposito dimoverunt .

§. 4. *Multum etiam possunt hac in re sacrorum antistites .*

Quomodo Alexandrum Magnum delinivit ( f ) Jaddus , Pontifex Hierosolymitanus : Attilam item ( g ) Leo Romanus .

§. 5. *Postquam dispeximus de personis , quarum opera in ira lenienda usui esse potest : videndum de tempore maxime accommo . Primus quidem iræ impetus est difficillimus .*

Quo qui veniam impetrare laborant , tantundem agere videntur , quam si conentur

*Esuriante leoni ex ore exsculpere prædam ,* ut est in Lucili versu . Tantum enim abest , ut supplicium effugere liceat , ut ferè nec supplicii modum tenere homines sciant . Idcirco Athenodorus , Plutarcho ( h ) teste monebat Cæsarem Augustum ; ne quid iratus diceret , aut faceret nisi viginti quatuor literas secum prius percurrisset .

§. 6. *Minus etiam periculosa est ira , si jam de altero supplicium sumptum sit .*

F 4

Unde

( a ) 1. Reg. cap. 25. ( b ) Esth. cap. 7.

( c ) 2. Sam. 14. ( d ) Livius , Dionysius , Plutarchus .

( e ) Ibidem . ( f ) Josephus lib. 1. Antiquitatum Judæicarum cap. 8.

( g ) Cassiodorus in Chronic. item Var. lib. 1. Ep. 4. Paulus Diac. in Miscell. lib. 15.

( h ) In Apophibegmat.



Unde Philocrates (a), proditiōis accusatus, tum demum, cum populum vidisset supplicio quorundam mitigatum, oratione se voluit purgare.

§. 7. *Nec parum refert, ut sciamus molles (b) aditus, & commoda tempora fandi. Eoque, fieri si possit, captanda est occasio, cum lætitia nova jam fel atque amatorem omnem diluerit.*

Ut si hostem prælio, vel adversarium iudicio vice-rit: item si honore auctus sit, si ludis, vel conviviis vacet; aut aliter animum remittat.

§. 8. *Supereſt oſtendamus, cujuſmodi oratio iræ ſe- dandæ conducat. Cum ira oriatur ex opinione contem- ptus; non aliud melius ei leniendæ remedium eſt, quam ſi quid oſtendamus, non eſſe factum animo malo, aut ex contemptu, ſed vel ira vel caſu excidiſſe: ſimilia- que egiſſe aliquando erga ſuos, ubi deſpectus fuerat nullus.*

§. 9. *Præterea prodeſt, ſi dicamus, priora benefacta eſſe majora præſenti injuria.*

Nam, ut ait Terentius (c), *Multa ex quo fue- rint commoda, eius incommoda æquum eſt ferre.*

§. 10. *Ingenue autem teſtandum, dolere nobis ob deli- ctum.*

Quomodo Demipho, ut fratrem purget, ad Nauſi- ſtratam ait (d):

*Verum quando jam accuſando fieri inſectum non poteſt,*

*Ignosce: orat, conſitetur, purgat: quid vis am- plius?*

Etiā Pamphilo rogante Davum (e): *An non dixi hoc eſſe futurum?* reſpondet ille, *Dixi: porro ſubji- ciente hic Pamphilo: Quid meritus eſ?* ille ſine cir- cuitione ait, *Crucem.* Quæ ingenua confeſſio mul- tum ad ſedandam iram valebat. Nam generoſa mens, quia

(a) *Ariſtot. lib. 2. Rhetor. Cap. 3.* (b) 4. *Æneid.*

(c) *Hec. Act. 5. Scen.* (d) *Pbar. Scen. ultim.*

(e) *Andri. Act. 3. Scen. 5.*

quia nihil præter gloriam æstimat, fere conquiescit, si is, qui offendit, supplex se emittat. Pulcrè Ovidius ( a ) :

*Corpora magnanimo satis est prostrasse leoni:*

*Pugna suum finem, cum jacet hostis, habet.*

At viles animæ iram non deponunt, nisi par, vel majus dederint malum.

S. 11, *Postremò ostendendum, quantum fructus in posterum percipi ex eo possit, cui postulamus ignosci, Ut si dicamus, cum multa magnaue paratum esse facere in læsi spem gratiæ: nec ipsum modò, sed etiam amicos. Item addemus, quantum quis gloriæ sit relaturus ignoscendo inimico.*

Egregium deliniendæ iræ exemplum præbent tres legati Homerici ( b ) Phœnix, Ulysses, & Ajax: qui missi erant, ut Agamemnonem conciliarent Achilli. Vide etiam Voluminæ ad Coriolanum orationem apud Dionysium ( c ), Livium ( d ) & Plutarchum ( e ).

## C A P IX.

### DE A M O R E.

**P**ROXIMUM est, ut de amore agamus: qui duplex est; prior amicitiae, quo afficimur erga amicos; alter concupiscentiæ, quo amamus pecuniam, vinum, & alia. Hic loci agitur de priori amore; unde ita definitur.

§. 1. *Amor est affectus, quo alicui optamus, que bona existimantur; eademque pro viribus efficere studemus: non nostri, sed ejus causa, quem diligimus.*

Ubi tres conditiones observare est. Prima est, ut ali-

( a ) L. 3. *Trist. el. 5.* ( b ) *Lib. 1.*

( c ) *Lib. 8. Antiq. Rom.*

( d ) *Lib. 2.* ( e ) *In Coriolano*

alicui optemus bona vel vera, vel saltem, quæ bona esse arbitremur. Nec enim si quis, dum prodesse studet, noceat, propterea inimicus est dicendus; quia actiones non æstimamus secundum eventus, sed secundum voluntatem.

Alter amoris conditio est, ut, quæ bona judicamus, ea non optemus tantum, sed etiam pro viribus procuremus.

Plautus Trinummus (a):

*Nequam illud verbum est, Bene vult, nisi qui (b) bene facit.*

Et vir antiquis comparandus, Julius Scaliger, lib. IV. Epidorpidon (c):

*Tu si ex animo forte velis cui benefactum;  
Addas operam. Sola cadaver est voluntas.*

Tertia conditio est, ut ita animati simus, non propter utilitatem propriam, sed illius causa, quem diligimus: Nam, ut ait Cicero primo de Natura deorum, si ad fructum nostrum referemus, non ad illius commoda: quem diligimus, non erit ista amicitia, sed mercatura quedam utilitatum suarum. Prata, & arva, & pecudum greges diliguntur isto modo, quod fructus ex iis capiantur. Hominum caritas, & amicitia gratia est.

Differt amor ab amicitia, quod amor sit, etsi quis non redamet; in amicitia verò sit amor mutuus: unde Aristoteles rogatus (d), quid esset amicus, pulchrè respondit: *μία Ψυχή δύο σώμασιν ἐνικήσα.* (e)

Quo pacto conciliemus amorem, Tullii potissimum verbis ostendam: At ille Lib. II. de Oratore.

§. 2. Sentimus amorem conciliari, si id velle videare, quod sit utile ipsis, apud quos agas, defendere: si aut pro bonis viris, aut certè pro iis qui illis boni atque utiles sint, laborare: namque hæc res amorem

(a) *Æt. 2. Scen. 2.* (b) *Id est, aliqua re.*

(c) *Sub lemmate, FAC.*

(d) *Laertius in vita Arist.*

(e) *Anima una in duobus inhabitans corporibus.*

rem magis conciliat, illa virtutis defensio caritatem: plusque proficit, si proponitur spes utilitatis futuræ, quàm præteriti beneficii commemoratio.

§. 3. Enitendum est, ut ostendas, in ea re, quam defendas, aut dignitatem inesse, aut utilitatem: eumque, cui concilies hunc amorem, significes, nihil ad utilitatem suam retulisse, ac nihil omnino fecisse causa sua. Invidetur enim commodis hominum ipsorum; studiis autem eorum cæteris commodandi favetur.

§. 4. Videndumque hoc loco est, ne, quos ob benefacta diligi volumus, eorum laudem, atque gloriam, cui maximè invideri solet, nimis efferre videamur.

Hactenus Tullius. Exempla autem conciliandi amoris suppeditabunt epistolæ commendatoriæ, de quibus inferius Cap. XXI.

## C A P X.

### D E O D I O.

#### §. I.

**A** Mori, & amicitiae, opponuntur ODIUM, & INIMICITIA.

§. 2. Differunt odium, & ira: primò, quod ira illis rebus concitatur, quas unusquisque ad se & suos pertinere censet; odium verò etiam iis, quas ad se non iudicat pertinere: quomodo & eum odimus, qui nunquam nobis nocuit.

§. 3. Præterea ira semper est adversus singularia, ut Titium, aut Sermpronium. odium autem etiam adversus genus, ut contra furem, aut calumniatorem.

§. 4. Ira insuper tempore sanabilis est; odium insanabile.

§. 5. Ira dolorem asferre cupit, qui sentiatur, odium calamitatem asferre studet; licet non sentiatur.

§. 16,

## C A P. XI.

## DE INDIGNATIONE.

## §. I.

**I**NDIGNATIO est dolor ob alterius secundam fortunam, quia sit indignus.

Ut apud Maronem ( a ) :

*Impius hæc tam culta novalia miles habebit ?*

*Barbarus has segetes ? Item ( b ) :*

*Mopso Nisa datur , quid non speremus amantes ?*

*Junguntur jam gryphes equis , ævoque sequenti*

*Cum canibus timidi venient ad pocula damæ.*

§. 2. Excitatur indignatio , si vitæ prioris sordes , ac vilitas , cum præsentis temporis opibus , ac potentia , conferantur .

Cicero in Vatinium : *Atque illud tenebrosissimum tempus ineuntis ætatis tuæ patiar latere : licet impune per me parietes in adolescentia perfoderis , vicinos compilaris , matrem verberaris : habeat hoc præmium tua indignitas , ut adolescentiæ turpitudine obscuritate , & sordibus tuis , obtegatur . Exinde referre incipit , ut homo vilis , & obscurus , paulatim ad honores accesserit . Tandem ille subjungit : Te cognati respuunt , tribules execrantur , vicini metuunt , affines erubescunt , strumæ denique ab ore improbo demigrarunt : & aliis jam se locis collocarunt . Quasi nempe aded sit impurus , ut strumæ ipsius averfentur hominem*

Similiter Horatius indignationem concitat adversus Menam , Pompeji Magni libertum ( c ) :

*Lupis & agnis quanta sortitò obtigit ,*

*Tecum mihi discordia est ,*

*Ibericis peruste funibus latus ;*

*Et crura dura compede .*

*Licet*

---

( a ) Ecl. 2. ( b ) Ecl. 8. ( c ) Lib. Epod. Od. 4.

*Licet superbus ambules pecunia,  
 Fortuna non mutat genus.  
 Videsne, sacram metiente te viam  
 Cum his ter ulnarum toga,  
 Ut ora vertat huc & huc euntium  
 Liberrima indignatio?  
 Sæctus flagellis hic triumphalibus  
 Præconis ad fastidium,  
 Arat Falerni mille fundi iugera,  
 At Appiam mannis terit.*

Etiam elegans indignationis exemplum apud Martialem (a) habes in tutorem, qui maximas opes erat consecutus. Epigramma claudit in hunc modum:

*At me literulas stulti docuere parentes:  
 Quid cum Grammaticis, Rhetoribusque mihi?  
 Frange leves calamos, & scinde Thalia libellos,  
 Si dare sutori calceus ista potest.*

## C A P. XII.

### D E I N V I D I A.

#### §. 1.

**I**NVIDIA est animi dolor eos alterius bono, quod pariri, vel simili, obtigit, non quod eo ipsi careamus, sed quod alius id habeat.

§. 2. Hujus doctrinam Ciceronis (b) verbis complectar. Haud sciam, inquit, an acerrimus longe sit omnium metus invidiæ: nec minus virium opus sit in ea comprimenda, quam in excitanda.

§. 3. (c) Invident autem homines maximè paribus aut inferioribus, cum se relictos sentiunt; illos autem dolent evolasse. Sed etiam superioribus invidetur sæpe vehementer, & eo magis, si intolerantius se jactant, &

---

(a) L. 9. Epigr. 73. (b) L. 2. de Orat. q. 405.  
 (c) Quibus invident homines.

& æquabilitatem communis juris, præstantia dignitatis aut fortunæ, transeunt.

§. 4. (a) Quæ si inflammanda sunt, maxime dicendum est, non esse virtute parta; deinde etiam vitiis, atque peccatis. Tum si erunt honestiora, atque graviora; tamen non esse tanti ulla merita, quanta insolentia hominis, quantumque fastidium.

§. 5. (b) Ad sedandum autem; magno illa labore, magnis periculis esse parta: nec ad suum commodum, sed ad aliorum esse collata, seseque, siquam gloriam peperisse videatur, tametsi ea non sit iniqua merces periculi, tamen ea non delectari, totamque abjicere, atque deponere, omninoque perficiendum est (quoniam plerique sunt invidi, maximeque est hoc commune vitium, & pervagatum) ut hæc opinio minuatur, & illa excellens opinione fortuna, cum laboribus & miseriis permixta esse videatur.

Hæc Tullius de invidia: quæ quia turpis est, ea ab hominibus occultari solet nomine æmulationis; de qua inferius dicemus. Nunc de misericordia videamus.

## C A P XIII.

### DE MISERICORDIA.

#### §. I.

**M**ISERICORDIA est animi ægritudo ex damno vel malo, quod videtur ei dolorem, aut interitum allaturum, qui indignus est hac fortuna, quodque aliquis existimet, aut sibi, aut suorum cuiuspiam posse contingere, idque cum imminere videtur.

Definitio hæc quinque conditiones comprehendit.

Prima est, ut sit ægritudo exorta ex eo quod malum sit, vel esse videatur. Nam etiam miserentur homines

---

(a) Triplex ratio ciendi invidiam.

(b) Quadruplex ratio sedanda invidiæ.

mines eorum, qui verè felices sunt; sed ipsis miseri videntur. Ita Abderitæ miseri fuere Democriti sui, quem insanire credebant; sed Hippocrates, ea propter ab iis accersi, studiis illius perspectis, judicavit, & sapere eum, & felicem vitam degere.

Altera conditio est, ut malum hoc perdere hominem, vel gravem saltem molestiam adferre valeat. Huiusmodi sunt egestas, cruciatus, morbi, mentis alienatio, & similia, quibus vel animi, vel corporis, vel fortunæ bonis privamur. Levior autem dolor misericordiam nulli movet prudenti.

Tertia est conditio, ut qui malum patitur, videatur ea fortuna indignus. Ut si sit vir pius; unde ad ciendam misericordiam valet hoc Maronis (a)

— *Nec te tua plurima, Panthu,*

*Labentem pietas, nec Apollinis insula texit,*

Aut si vir fuerit fortis & egregie de patria meritis, Nam ut Cicero ait (b) *Quam nostrum ille moriens apud Mantineam Epaminondas non cum quadam miseratione deleat? qui tum denique sibi avelli jubet spiculum* (c), posteaquam ei percunctanti dictum est, clypeum esse salvum, ut etiam in vulneris dolore cum laude moreretur.

Quarta conditio est, ut quis existimet, se, vel suorum quempiam, mala ita pati posse. Unde idem Cicero (d) *Jam misericordia movetur, si is, qui audit, adduci potest, ut illa, quæ de altero deplorentur, ad suas res revocet, quas aut tulerit acerbis, aut timeat, aut intuens alium, crebro ad se ipsum revertatur.* Ultima conditio est, ut credatur, malum illud propèesse. Nam quæ multo post temporis intervallo evenitura sunt, ea parum movent.

§. 2. Quo verò malum misericordiam facilius cieat, exaggerare illud oratores solent ab adjunctis personæ, loci, temporis, finis, modi.

§. 3.

(a) 2. *Æneid.* (b) *Ep. ad Lucejum.*

(c) Paulo tamen aliter hanc rem ex Trogo narrat Justinus lib. 6. (d) *Lib. 1. de Orat.*



§. 3. *Personæ, ut si nobilis, sago vel toga clarus: si innocens, candidus, affabilis.*

§. 4. *A loco, ut miseriæ adsint spectatores, quos minimè vellet.*

§. 5. *A tempore, ut si quis in flore juventutis de medio tollatur.*

§. 6. *A fine, ut si patiatur, quia bonam Ecclesiæ aut Reip. causam deserere noluerit.*

§. 7. *A modo, ut si in hominem dignitate pollentem statuatur supplicii genus, quo in viles solum homines solent animadverti.*

§. 8. *Multum autem movet, si miseri coram adsint, & digna edant accommoda istis temporibus.*

Unde olim rei supplicabant veste obsoleta, barba capillisque promissis: imo parentes & cognatos adducebant tordidatos.

§. 9. *Valde etiam afficere solet comparatio inter fortunæ prioris felicitatem, & miseriam præsentem.*

Ut cum Homerus de cadavere Hectoris ad curtum alligato ab Achille ait (a):

Κέρη δ' ἄπειρ' ἐν κοινήσιν

Κεῖτο, πέπρος χαλκίῳ. Totum verò caput in cineribus jacebat, olim gratiosum. Cui geminum hoc Maronis:

— Quantum mutatus ab illo

Heclore!

Uberrimè autem hoc Comparationis loco misericordiam Cicero movet in peroratione orationis pro Muræna: Modo maximobeneficio Populi Romani ornatus, fortunatus videbatur, quòd primus in familiam veterem, primus in municipium antiquissimum, consulatum attulisset: nunc idem squalore sordidus, confectus morbo, lacrymis ac mœrore perditus, vester est supplex, Judices, vestram fidem obtestatur, misericordiam implorat, vestram potestatem, ac vestras opes

Rhetorica Vossii.

G

in-

intretur. Et post pauca: Si ( quod Jupiter omen avertat ) hunc vestris sententiis afflixeritis quod se miser vertet? domumne? ut eam imaginem clarissimi viri, parentis sui, quam paucis ante diebus laureatam in sua gratulatione conspexit, eandem deformatam ignominia, lugentemque videat? an ad matrem, quæ misera modo consulem osculata filium suum, nunc cruciatur, & sollicita est, ne eundem paulò post spoliatum omni dignitate conspiciat? Sed quid ego matrem, aut domum appello, quem nova pœna legis, & domo, parente, & omnium suorum consuetudine conspectuque privat? Ibit igitur in exilium miser? quò? ad Orientisne partes, in quibus annos multos legatus fuit, & exercitus duxit, & res maximas gessit? at habet magnum dolorem, unde cum honore decesserit, eodem cum ignominiam reverti. An se in contrariam partem terrarum abdet, in Gallia transalpina; quem nuper summo cum imperio libentissimè viderit, eundem lugentem, mœrentem, exulem videat? in ea porrò provincia, quo animo C. Murænam fratrem suum adspiciet? qui hujus dolor? qui illius mœror erit? quæ utriusque lamentatio? quanta perturbatio fortunæ, atque sermonis? quò quibus in locis paucis ante diebus factum esse consulem Murænam nuntii literæque celebrassent, & unde hospites atque amici gratulatum Romam concurrerint, repente ed accedat ipse, nuntius suæ calamitatis? Vide etiam epilogum orationum pro Quintio, & L. Flacco.

## C A P. XIV.

## DE ÆMULATIONE ET CONTEMPTU

Item epilogus doctrinæ de affectibus.

§. 1.

**S**uperfunt æmulatio, & contemptus. Est autem **ÆMULATIO** perturbatio animi ob bona mentis honorata, quæ pares, aut similes affectui videantur, non quod ea aliis adsint, sed quia nos iis careamus.

Itaque æmulatio bona, & honesta, contra quam invidia fit. Æmulatio enim hominem excitat, ut, ipse quoque bona consequatur. Invidia agit, ne alter potiatur bonis.

§. 2. Æmulatio excitatur, quando paribus aut similibus bona adesse videntur, quibus jure debeatur bonos: ut sunt virtus, & eruditio: vel saltem, per quæ benefici esse possumus; tituli magistratus, quem qui gerunt, de plurimis bene merendi habent facultatem, vel dentque bona illa, quibus propinqui, & familiares, frui nobiscum possunt; ut sunt horti amœni, bibliotheca ludentia, & similia.

§. 3. Æmulationi opponitur **CONTEMPTUS** quo alios despiciamus, quia nihil laude & honore dignum habeant, eorumque dissimiles videantur, quorum nos æmuli sumus.

Hinc Cicero lib. 11. de Off. Despiciunt eos, & contemnunt, in quibus nihil virtutis, nihil animi, nihil nervorum putant. Non enim omnes eos contemnunt, de quibus malè existimant. Nam quos improbos, maledicos, fraudulentos putant, & ad faciendam injuriam instructos, eos haud contemnunt quidem, sed de iis malè existimant, quamobrem, ut ante dixi, contemnuntur ii, qui nec sibi, nec alteri prosunt, ut dicitur: in quibus nullus labor, nulla industria, nulla cura est.

G 2

Ira

Ita eos quoque contemnimus, qui opulenti quidem sunt, sed destituuntur veris bonis. Unde Diogenes (a) vel, ut alii volunt, Aristippus, cum in splendida domo convivio esset exceptus, in hominis fortunati faciem exspuit atque adjecit, *χείρωνα τέκον μὴ εὐρη-  
ξέναι*. (b)

HACTENUS de affectibus, in quibus illud universè est observandum, quod apud Ciceronem monet Antonius (c): *Primum inquit, considerare soleo, postulet ne causa, ut animi hominum moveantur. Nam neque parvis in rebus adhibendæ sunt hæ dicendi faces; neque ita animatis hominibus, ut nihil ad eorum mentes oratione spectandas proficere possimus: ne aut irrisione, aut odio digni putemur, si ut tragædias agamus in nugis, aut convellere adorianur ea, quæ non possunt commoveri.*

Præterea observandum, ut (quemadmodum Cicero ibidem ait) omnes ii motus, quos orator adhibere volet judici, in ipso oratore impressi, atque iniusti esse videantur. Neque enim facile est perficere, ut irascatur, cui tu velis, iudex, si tu ipse id lente ferre videre: neque ut oderit eum, quem tu velis, nisi te ipsum flagrantem odio antè viderit. Neque ad misericordiam adducitur, nisi ei tu signa doloris tui verbis, sententiis, voce, vultu, collachrimatione denique ostenderit. Ut enim nulla materies tam facilis ad exardescendum est, quæ, nisi admoto igni, ignem concipere possit: sic nulla mens est tam ad comprehendendum vim oratoris parata, quæ possit incendi, nisi inflammatus ipse ad eam, & ardens accesseris. Pulchrè igitur Horatius in Arte.

*Primum ipsi tibi, tum tua me infortunia tangent.*

## CAP.

(a) Laertius in Diogenis vita.

(b) Locum deteriore non invenisse: puta quàm ejus facies esset.

(c) Lib. 2. de Orat. p. 404.

# C A P X V.

## DE MORIBUS.

§. 1.

**T**ERTIA inventionis pars considerat  $\pi\alpha\theta\eta$ , sive **MORES**: qui hic spectantur, non quatenus ex vita Oratoris noscuntur; sed quatenus ex oratione dicentis elucet: ita ut  $\pi\alpha\theta\eta$  hoc loco nihil aliud sint, quam naturæ atque animi indicia sive notæ ratione expressæ ad significandum virtutes aut vitia, vel etiam affectus, quatenus illi ad virtutes aut vitia referuntur.

Aliud igitur  $\pi\alpha\theta\eta$ , sive mores, vel sensus, aliud  $\pi\alpha\theta\eta$  sive perturbationes. Quæ & Plinius distinxit lib. 30. Cap. X. Aristides Thebanus primus animum pinxit, & sensus omnes expressit, quos vocant Græci  $\pi\alpha\theta\eta$ : item perturbationes.

§. 2. Quo morata sit oratio, ante omnia id agendum est oratori, ut in oratione ejus reluceant prudentia, probitas, benevolentia.

§. 3. Prudentia quidem, quia (a) his fidem habemus, quos plus intelligere, quam nos arbitramur.

§. 4. Probitas, quia, quò (b) quis versutior & calidior est, hoc invisior & suspectior, detracta opinione probitatis.

§. 5. Benevolentia, quia, ut prudens quis, & probus credatur; tamen si odisse nos, vel alteri parti melius velle existimetur, minime nobis rectè velle consulere judicabitur. Contra, si ametur Orator, habet quasi helepolis in quandam, qua, absque violentia, animos auditorum invadat.

Ut si videamus, virum gravem nullum refugere periculum, quo consulat nobis: cujus rei illustre ex-

G 3

em-

---

(a) Cic. 2. de Orat. (b) Ibid.

emplum præbet Cicero initio Invektivæ quartæ in Catilinam.

Tria autem hæc etiam Cicero amplexus videtur, cum lib. II. ad Att. ( a. ) ait: *Nunc mihi & consiliis opus est tuis, & amore, & fide.* Nam consilium ad prudentiam refertur, fides ad virtutem, amor ad benevolentiam.

Quantoperè verò opus sit, ut aliquem benevolum nobis puremus, etiam Maro ostendit IV. *Æneidos*; ubi Junonem sic inducit loquentem:

*Sed quis erit modus? aut quò nunc certamine tanto?*

*Quin potiùs pacem æternam, pictosque hymenæos  
Exercemus? habes, quod tota mente petisti.*

*Ardet amans Dido, traxitque per ossa furorem.*

*Communem hunc ergo populum, paribusque regamus  
Auspicis: liceat Phrygio servire marito,  
Dotalesque tuæ Tyrios permittere dextræ.*

Quid oratione istac in specie vel honestius, vel utilius fuit? & tamen persuadere haud potuit Veneri. Neque obscura est ratio:

— *Sensit enim, simulata mente locutum:*  
nec credere potuit, Junonis animum tantoperè esse immutatum, ut nunc bene vellet *Æneæ*, cui semper fuisset infesta.

§. 6. Præterea, quò morata sit oratio, prudentis est oratoris, mutare *to dixi* pro natura gentis ejus, apud quam dicit.

Illustre ejus rei exemplum habemus in Alexandro Magno apud Curtium lib. 3. ubi varia oratione, ut cujusque gentis animis aptum erat, milites alloquitur. Paucis eandem rem complectitur Justinus lib. 11. *Alexander*, inquit, circumvectus suos, singulas gentes diversa oratione alloquitur: *Illyrios & Thracas opum ac divitiarum ostentatione; Græcos, veterum bellorum memoria, inter necinque cum Persis odii, accendebat: Macedones au-*  
tem

---

( a ) Ep. 22. qua incipit: Quàm vellem,

tem nunc Europæ victæ admonet, nunc Asiæ expetiit; nec inventos illis toto orbe pares viros gloriatur. Cæterum & laborum finem hunc, & gloriæ cumulum fore.

§. 7. Adhæc prudentis est oratoris, videre, utrum dicat in μοναρχίᾳ, siue unius principatu, an ἐπισκοπῇ, siue optimatum imperio, an ἀναρχίᾳ, siue populi potestate.

§. 8. In Monarchia Rex imperat. Ubi Orator spectat custodiam principis. Atque apud hunc verbis opus est bys-  
sinis, ut Parysatis illa ait apud Plutarchum (a).

§. 9. In aristocratia regit Senatus. At valent hic honesta, & legitima: omniaque metiri oportet disciplina legum, & divitiis civitatis.

§. 10. In democratia potestas est penes tribus: estque hic difficillimum dicere, quia ferè, ut Tacitus (b) ait, privata est cuique stimulatio, & vile decus publicum. Interim libertatis hic præcipuè ratio habetur.

§. 11. Nec satis est finem spectare Reip. sed, ut oratio nostra conveniat naturæ atque ingeniis auditorum, attendere opus est diversos æonum mores. Variant autem illi quatuor præcipuè modis.

§. 12. Primo ratione affectuum: quia aliud est irati, aliud placidi; aliud item verecundi, aliud impudentis; atque ita in aliis.

§. 13. Deinde ratione habituum bonorum ac malorum: quomodo aliter affectus est justus, aliter injustus; item fortis aliter ac ignavus; & par ratio in cæteris virtutibus, ac vitiis.

§. 14. Adhæc ratione ætatis: quia aliis moribus est juvenis, aliis senex.

§. 15. Denique ratione fortune, quia alii sunt mores nobilis, quàm ignobilis; alii divitis, quàm pauperis; alii potentis, quàm impotentis; alii fortunati, quàm infelicitis.

§. 16. De affectibus satis antea diximus. De virtutibus item, ac vitiis, actum in genere demonstrativa.

G 4

Quare

(a) In Apoph. begr (b) Lib. 2. Hist.

*Quare superest, ut hoc loco mores spectemus ratione ætatis ac fortune :*

Ac ætatum quidem mores egregiè describunt Aristoteles in Rhetoricis, & Horatius in Arte. Item recentior ille quidem, sed par antiquis, Julius Cæsar Scaliger. Cujus verba apponam ex l. 3. Poetices cap. 15. De moribus adolescentum inquit.

§. 17. Fertur, atque etiam impellitur ætatis prima, tum facile; tum vehementer, ad ea quæ concupiscit. Concupiscit autem; & statim, & multa potita contemnit: ad alia animum appellit: præceps potiùs animus, quàm magna volvens. Iram, atque animum ipsum in fronte, atque ore gerunt. Antevertit impetus deliberationi, facta verbis, pœnitentia perfectioni. Honoris atque prælationis exactores importuni potiùs, quàm seduli vindicatores. Contemptus ultores: ipsi contemptores diversorum à suis studiorum. Laudatoribus suis favent: odere monitores. Potentiæ studiosi, opum negligentes. Spe enim alunt fiduciam sui. Liberalitatem exercent, ignari fortunæ deterioris. Omnino simplicitatem & à se profitentur, & ab aliis exigunt. Parùm suspicaces, creduli multum. Honesta utilibus anteponunt: nondum etiam acuit eos rerum experientia. Sibi ipsis lex sunt. Sodalitatum, atque societatum studiosi, sibi ita vivunt, ut credi velint aliis quoque vivere. Denique nihil mediocre. Alienarum miserationum pii observatores, suarum securi, in jocos soluti, verecundiæ obnoxii in erroribus, elati in benefactis.

De *εμψυ*, sive media ætate, scribit hoc modo:

§. 18. Omnino autem juvenis, natura inter adolescentiæ ac senectutis tempora, ut media est, ita & particeps tum viciorum, tum virtutum, scilicet affectuum, atque propensionum.

De ætate senili idem Scaliger:

§. 19. Senilis ætas maxima ex parte moribus est contraria adolescentiæ. Ergo, quod diu vixerint, parum sperant, pauca moliuntur: præteritis gaudent, quæ sola probant præ iis, quæ præsentia sunt, quibus non acquies-



quiescunt. Novarum rerum obrectatores semper habent quod objiciant. Solliciti officiorum exactores; ad rem attenti, lenti ac difficiles ad persuasiones; cauti, atque etiam suspiciosi. Multa enim indignè aut se, aut alios perpeffos meminere. Ac quemadmodum adolescententes spe, ita senes memoria metiuntur omnia. Raro adfirmant ea, quorum non habent exemplum in memoria; rariùs deijciuntur de sententia; rarissimè sibi alias anteferri patiuntur ætates. Meticulosi, pertinaci ulterioris vitæ exspectatione queruli. Odia hostiliter exercent, atque etiam convitia. Garruli tristes, importuni interpellatores, semper etiam quippiam imminentiis mali minitantur. Quamobrem exercent frequentissimas comparationes. *Et hæc de ætate.*

§. 20. *Præterea variant mores ratione fortune.*

Juxta illud Euripidis in Hippolyto:

Πρὸς τὰς τύχας γὰρ τὰς φρένας κεντῶμεθα (a):

Et illud Terentii Hecyra (b):

*Omnibus nobis, ut res dant sese, ita magni atque humiles sumus.*

§. 21. *Fortuna quatuor præcipuè modis spectatur: nempe quatenus nobiles, aut ignobiles; potentes, vel impotentes; divites, aut pauperes; fortunati, vel infelices.*

Quæ quatuor etiam Terentius hoc versu complexus est in Adelphis (c):

*Potentes, divites, fortunati, nobiles.*

§. 22. *Nobilitas est dignitas majorum. Sunt autem nobiles honoris maximè studiosi. Quisque enim bona, quæ possidet, studet augere.*

§. 23. *Nec solum despicere eos solent, qui nullos consecuti sunt honores; sed etiam homines novos, quorum parentes nulla in dignitate fuerint.*

Ita Metellus contemnebat C. Marium, ac consulum ei invidabat; unde de eo sic Sallustius (d): *In-*

*erat*

(a) *Fortuna prout est, quilibet animum gerit.*

(b) *Æt. 3. Scen. 3:*

(c) *Æt. 3. Scen. 5:*

(d) *Bell. Jugurth. cap. 64.*

erat contemptor animus, & ſuperbia, commune nobilitatis malum.

§. 24. Imò etiam præ ſe aſpernantur eos, qui nobili ſunt domo nati, ſed minus antiqua.

Nam nobilitatis vetuſtas generis ſplendorem ac gloriam auget; unde Horatius (a):

*Mæcenatavivis editeregibus.*

Item (b):

*Æli veruſſo nobilis ab Lamo.*

§. 25. Differunt nobiles, & generoſi, εὐγενεῖς, & γενναῖοι: quòd nobilitas ſit in virtute generis ac majorum; generoſitas in eo, quòd à virtute majorum non deficiant. Unde liquet, nobiles quidem, at non item generoſos eſſe, qui generi ſuo opprobrio magis ſunt, quam ornamento.

Rectè Sophocles:

*Τῷ αἰσχροῦς τοῖς καλῶς πεφικρόσι* (c). Et Horatius (d):

*Uicunque* (e) *defecere mores,*

*Dedecorant bene nata culpæ.*

§. 26. DIVITES habent mores huiusmodi. Contumelioſi ſunt, ac ſuperbi. Nempe facilè ſibi perſuadent, præſtare ſe cæteris, quia divitias poſſident, quibus venalia ſunt omnia.

§. 27. Præterea ſunt molles; adeò ut luxuria ſæpe diffuant. Nec enim in vita illa delicata fieri aliter poſteſt: præſertim cùm ament oſtentare felicitatem ſuam.

§. 28. Adhæc jaſtabundi ſunt, quia ob divitias omnibus ſe admirationi eſſe arbitrantur.

§. 29. Etiam imperio dignos ſe putant, quia habent illa, ob quæ multi honores publicos ſuſpiciunt, atque etiam affectant.

§. 30. Ut paucis abſolvam, fere ita divitiis ſuis excecant-

(a) Lib. 1. Od.

(b) Lib. 3. Od. 17.

(c) Eſt turpe, vivere turpiter natos bene.

(d) Lib. 4. Od. 4.

(e) Id eſt, ubique.

cæcantur, ut similes sint insipientibus, qui bona habent, nec uti illis sciunt.

§. 31. Cumque ejusmodi ferè sint divitum mores: deteriores tamen sunt, qui nuper divitias demum sunt consecuti. Quales rationem iis utendi ignorant. Tales injuriam inferre gaudent, non tam malitia, quàm ob petulantiam; ut cum cædunt homines liberos, vel ob intemperantiam, ut cum stupris domos honestas dedecorant.

Hoc ita tangit Cicero, cum de T. Roscio ait (a): Qui in sua re fuisset egentissimus, erat, ut fit, insolens in aliena. Et Maro, cujus illud de Numa no (b):

Vociferans, tumidusque novo præcordia regno.

§. 32. POTENTES partim divitibus similes sunt, partim paulò meliores. Nam magis sunt honoris studiosi, magisque virili animo. Nam ea negotia adfectant, quæ solis administrare licet propter potentiam.

§. 33. Sunt etiam magis industrii, quia cogitare semper coguntur de iis, quæ ad opes & potentiam conservandam, vel etiam augendam, pertinent.

§. 34. Præterea, quia ob dignitatem, quam habent, in oculis omnium versantur: ita ut, quæ dicunt, vel faciunt, latere minimè possint: eo in incessu, vestitu, & vita omni, modèstè se gerunt; quod multum eorum gloriam auget.

§. 35. Quod si alios maculare injuria velint, id potiùs faciunt in rebus magnis, & quæ illorum potentiæ respondeant.

§. 36. Supersunt FORTUNATI. Quo nomine etiam censentur nobiles, divites, & magna in potestate constituti. Sed tamen latius ea vox patet: quia fortunati etiam dicimur, si valetudine utamur bona, si liberi nobis sint probi, & egregiis animi ac corporis dotibus ornati: itemque ab aliis bonis, quæ ad sectandam pertinent fortunam.

§. 37.

(a) Orate pro Roscio (b) Æneid. 9.

§. 37. *Quod ad eorum mores attinet, solent tales quodque superbi esse, atque insolentes.*

Quippe, ut ait ille (a):

*Luxuriant animi rebus plerumque secundis:*

*Nec facile est æqua commoda mente pati.*

§. 38. *Sed uno tamen nomine commendabiles sunt, quod Deum plerique omnes magis metuant, ac colant. Quod inde contingit, quia vident, benignitate Numinis bona ista sibi obtrigisse.*

Exemplo est Cyrus apud Xenophontem, & Theseus apud Euripidem in Supplicibus.

§. 39. *Ex contrariorum verò natura satis cognoscitur, quibus moribus sint, qui his opponuntur: ignobiles, dico, pauperes, abjecti, & infelices.*

Aliquid ejus attingit Menander his versibus:

Πὸς πάντα δειλὸς ὁ πένης ἐς πῆγματα,  
καὶ πάντας αὐτὸ καταφρεῖν ὑπολαμβάνει. (b)

Et Terentius in Adelphis (c); ubi ait:

*Omnes, quibus res sunt minùs secundæ, magis sunt nescio quomodo*

*Suspiciosi: ad contumeliam omnia accipiunt magis: Propter suam impotentiam se semper credunt negligi (d).*

§. 40. *Atque hæc sufficiat dixisse de Inventione generali & simplici, tum probationum, tum affectuum, tum morum, quorum quia non par ubique est momentum, sed quædam interdum se offerunt, vel levia, vel à causa aliena, vel parùm utilia: magno semper in argumentis, quæ ex locis istis hauriuntur delectu opus est; quemadmodum superiùs (e) etiam diximus.*

Hoc non attendunt, qui pati non possunt, ut pereat eorum quicquam quæ invenerunt: quasi satis foret, ut magnam in molem excrescat oratio. Atqui quod

(a) Ovid. 2. de orat. (b) Formidolosus pauper est ad omnia. Et. esse cunctis se putat contemptui.

(c) Ad. 4. Sc. 3. (d) Vel calvier. -- Faernum vide. in notis ad eum locum. (e) Lib. 1. c. 2. §. 4.

quod de magno poemate dicebat Callimachus, magnum librum magnum esse malum: id de orationibus talium jure possumus dicere. Merito etiam his occentare liceat illud Nazianzeni (a): *Κένται τὸν πῶλον περὶ οὗτου* (b).

Quare ita potius orationem instituit prudens orator, ut elogium illud mereatur, quo Cassium Severum prosequitur M. Seneca (b): *Timebamus, ne desineret.*

## C A P. XVI.

## DE INVENTIONIS PARTE SPECIALI

Universe, ac distincte de orationibus panegyricis, & aliis, quæ iis sunt adfines.

## §. I.

**A**CCEDAMUS nunc ad alteram Inventionis partem, quæ magis specialis est, & minus simplex. Hæc docet, ut ea, quæ de probationibus, moribus, seorsum antea exposuimus, in materia particulari coeant, ac miscuantur.

§. 2. Specialis ista materies, uti, ratione affectuum morumque; pertinet ad affectuum & morum locos; ita ratione probationum, vel generis est demonstrativi, vel deliberativi, vel juridicialis.

§. 3. Orationes illæ, quæ demonstrativo generi subjiciuntur; videntur nobis non incommodè digerì posse in quatuor classes. Earum prima continebit panegyricas, & illas, quæ proximè ad has accedunt.

§. 4. PANEGTRICÆ propriè dicebantur, quæ haberentur, cum in certis celebritatibus unum in locum convenissent Græci universi.

§. 5. Harum initium, quò splendidius esset, sumi solebat ab laude ejus Dei, qui ludo ac panegyri præesset.

Ut

(a) Orat. 38. quæ panegyrica est in Christi natali.

(b) Stimula equum ad metam.

(c) Pref. l. 3. controvers.

Ut Olympii Jovis in ludis Olympicis; Apollinis in certamine Pythico.

§. 6. *Laus illa petebatur à genere, à muneris dignitate, ab inventis atque effectis.*

Item Jovem laudabant, quia Deorum hominumque rector esset; Apollinem, quia Musicen invenisset, & quodd idem esset ac Sol, cui, quicquid sunt, debeant mortales: Herculem item, quia esset Jovis filius, monstrorum demitor, & ita in aliis. Sed hæc, quia pervulgata sunt, parcè dicebantur: nisi forte, aliquid depromi simul posset de reconditæ eruditionis penu.

§. 7. *Deinde sequebatur laus gentis, vel urbis, ubi fierent ludi.*

Quomodo laus ista institui debeat, dictum est lib. 1. cap. 4. §. 37.

§. 8. *Tertio loco agebant de certamine. Cujus ortus atque initium primo exponebatur. Atque hic fabula, vel prisca aliqua narratio, adferri solet. Tum conferebatur hoc certamen cum aliis, vel loci ratione, vel temporis, vel utriusque.*

A loco quidem, ut si certamen esset Delphis; qui orbis credebatur umbilicus

A tempore verò hunc in modum: Si ver esset, dicebatur, id tempus esse maximè temperatum: si hiems, laudabatur inde, quodd tum magis vegeto simus corpore: si æstas, negabatur, tempus esse ullum magis idoneum, vel ad exercendum se, vel ad spectandum: si autumnus, commendabatur, quia fructibus abundet.

§. 9. *Sed imprimis inde certamen laudabatur, quia plura, aut majora, in eo spectarentur.*

Ut si & gymnicum, & musicum foret, laudabatur certaminis perfectio: quia gymnicum adauget vires, & musicum reficit & recreat animum. Sin gymnicum tantummodo esset, dicebatur, musico illo concentu animum masculum emolliri; eoque hoc omisso, illo esse reservatum, quod vires auget, & præparat ad bellum

§. 10. *Item tractabant de præmio certantium*

Quale

Quale erant lebetes, pelles, coronæ; ut ex Pindaro constat. Coronarum verò materies erat diversa. Ad quernæ laudem pertinebat, quòd quercus summo Jovi sit dicata, quodque ea olim locuta feratur, & antiquis etiam præbuerit cibum. Oleaginæ hæc laus, quòd olea sacra sit Palladi; quæ & ejus frondibus, Neptuno victo, sese coronavit: quòd item summa sit utilitas ejusce arboris inter mortales. Sin, ex qua decerpta erat corona, sterilis esset arbor; ut picea, quæ Cybelæ dicata; & cypressus, quæ Diti sacra: dici potuit, virtutem sibi sufficere eoque laudabili instituto præmium tale conferri, ubi non pretium rei attendatur, sed virtutis testimonium duntaxat.

§. 11. *Postremum obtinebat locum laus ejus qui certamini præfesset, aut principis; item votum, atque exhortatio, ut bonis cunctis artibus decedant, memores tam felicitis diei; utque virtutem sibi eorum, qui certarant, imitandam proponat; vel, si quid offenderit, ignoscant; tantoque alacrius ipsi ad virtutem insistant viam.*

Fufius paulò de his Dionysius Halic. in Arte. Adi & Menandrum lib. 1. cap. 14. item Cæsarem Scaligerum; qui in his, licet dissimulet, potissimum insitit vestigiis Dionysii. Vide eum l. 3. de re poet. c. 109.

§. 12. *Ac talis ut plurimum methodus esse solebat orationum earum, quæ in panegyri recitarentur. Sed posterioribus temporibus non illæ solum vocatæ sunt panegyricæ, quæ in solemnibus dicerentur ludis, sed etiam, quæ coram nobili aliquo consensu, qualis est senatus, in principis laudem haberetur: sive id fieret, ut ei agerentur gratiæ; sive ut publico aliquid nomine postularetur, sive alia de causa.*

Quare de tractatione illarum proximè dicemus.

§. 13. *Commodè in istis auspicamur à rei difficultate.*

Ut si dicas, quemadmodum nulli datum est, mensuram pelagi immensi intuitu oculorum complecti, similiter regiàs laudes à nemine oratione posse comprehendendi.

§. 14. *Vel ordiemur à causa, quæ ad dicendum nos compulsi.*

Ut

Ut, quod hominis fit improbi, tot beneficiis ornari à principe; nec gratum velle animum teſtari. Vel quod duæ ſint res præcipuæ in hominum vita, religio in Deum, inque principem pietas.

§. 15. Porro in *laudatōe*, ſive *declamationis* genere ad voluptatem comparato, etiam ſomnium comminiſci, atque incipere, ſolent *ſophiſtæ*.

Ut ſi in ſomnis dicas adſtitiffe tibi Mercurium, & mandaſſe, ut laudares Imperatorem. Imitari poſſis in huiusmodi initio orationem Ariſtidis ſecundam, quæ eſt in Minervam: item quartam, quæ in Bacchum, & quintam, in Aſclepiadas.

§. 16. Hinc accedimus ad principis laudationem, à patria, genere, ortu, indole ac natura, educatione, ſtudiis; rebus pace aut bello geſtis, & virtutibus, quæ in iis eluxere: item fortunæ ſplendore, liberorum præſtantia, civium benevolentia. Quæ illuſtiora ſient, ſi inſtituatur comparatio cum aliis principum: non quidem ut hos vituperemus; quin potiùs eos admirationi nobis eſſe dicemus, ſed verò ut liqueat, laudes eas inferiores non eſſe in principe noſtro.

Partem hanc non incurioſè tractat Menander l. 2. cap. 1. & 2. Atque exemplo eſſe poſſunt Plinius, & panegyriſtæ alii, tum Latini, tum Græci.

§. 17. Poſt laudationem iſtam prædicabimus temporum noſtrorum felicitatem: negabimus, eſſe quicquam, quod ſolicite adeò à numine oporteat poſtulare quàm incolumitatem principis: nec ſolum pro eo rogabimus Deum, ut ſerius in cælum veniat, & diu populo ſuo letus interſit; ſed etiam, ut imperium in liberos ac nepotes feliciter propaget. Aliiter quoque deſinere licebit: nempe ſi cives ad principis obſequium adhortemur, atque ad concordiam mutuam. Vel iis, quæ antea diximus, hæc adjungemus.

§. 18. Huc etiam orationem referre poſſumus, quum Urbs aliqua principem donaret corona. In ea Urbs munus ſuum cum modèſta laudatione ſui proponebat.

Nempe in hunc ſimilemve modum: Venit ad te civitas noſtra, earum, quæ imperio tuo ſubſunt, nulli  
vcl



*vel gloria, vel amplitudine, vel amœnitate secunda: venit autem, ut sacrum caput tuum hac corona condecoret.*

§. 19. *Hinc principis laus sequebatur.*

Putat à genere, fortuna, quodque magno mortalium bono datus sit terris: à liberis, & felici eorum educatione, à rebus gestis, & aliis, quæ antea exposuimus.

§. 20. *Post ista dicebant, ut virtutibus tantis compulsa civitas, ac præterea beneficia sibi præstita grato æstmans animo, coronam amoris sui indicem ac testem offerat, sese totam ei dedat, ac vicissim ab eo expectet omnia, quæ à bono principe proficisci possunt.*

Vide de hujusmodi oratione Menandrum lib. 2. c. 10.

§. 21. *ADFINE etiam est illud orationis genus, quod haberi solet, ubi novus Urbis præfectus advenisset. Ejus pars prima testabatur lætitiâ civium inde obortam, quod sibi laudatus ad eum obtigisset præfectus; sive quod salvus in Urbem advenisset; sive, quod eum nunc conspiceret civitas, quem diu ad eum summis expectasset votis.*

§. 22. *Pars altera è priori præfecto occasionem arripit. Qui si inique se gessit, exponi solent mala, quæ Urbis dedit: atque adjungitur, nunc ea omnia discuti virtute novi præfecti, haud aliter ac sol exorians tenebras noctis fugat. Sin bene se gesserit, dicendum, & bono nos præside nuper esse orbatos, & bonum, vel etiam meliorem, nunc consecutos: nec posse dignas principi gratias haberi, qui tanta Urbis nostræ tangatur cura, ut optimos semper præfectos mittat.*

§. 23. *Tertia pars continere solet luculentam præfecti laudationem.*

Uti à gente quod sit Atheniensis, aut Romanus: vel à genere, ut si ex Æacidis sit, aut Heraclidis: item à virtutibus, ut temperantia, fortitudine, prudentia.

§. 24. *Inde verò conjecturam faciemus de felicitate, quæ urbem manet.*

Negabimus; metum esse, ne nunc pauperes à facile agentibus opprimantur: præfectum enim fore

*Rhetorica Tossii.*

H

Mi-

Minoem aliquem, vel Æacum aut Rhadamanthum. Ac similiter in cæteris agemus virtutibus.

§. 25. *Postremo loco dicendum, ut pueri, senes, magistratus, cives, Præfecto obviam ierint, quo suum complecterentur servatorem. Urbis mœnia, & templa, si loqui possent, prædicatura esse felicitatem civium: solem ipsum præ lætitia nunc purius, & splendidius lucere. Addendum, ut Præfectus mox statuis sit condecorandus: poetas, oratores, historicos virtutem ejus celebraturos. Etiam gratiæ sunt agendæ DEO pro cura hujusmodi erga urbem, & vota faciendâ pro salute Præfecti.*

Hæc quoque potissimum expressa sunt de fonte Menandri, quem vide.

## C A P. XVII.

### DE ORATIONE NUPTIALI

Item de epithalamiis.

#### §. 1.

**A**LTERA classis orationum, quæ ad genus demonstrativum referuntur, occasionem capit ex conjugio vel ortu, aut obitu hominis. Hujusmodi sunt oratio nuptialis, epithalamium, & natalitia, ac funebris oratio.

§. 2. In NUPTIALI oratione primitus aliquid de Jove ac Junone, tanquam conjugii auctoribus, dici solet.

Christianis Adami & Evæ historia impleverit eorum locum.

§. 3. Deinde dicendum de natura ipsa, à qua in animalibus, imò & plantis, est, quòd simile producant.

§. 4. Tercio loco comparatio instituenda est inter homines, cæterorumque animalium congressus.

Nam horum vagi sunt concubitus; hominis verò certus, & legitimus: eoque, quasi ex lumine accepto lumine alio, conservatur generis ac familiarem immortalitas.

§. 5. Quarto loco commemorantur commoda conjugii.

*Quæ*

Quæ tria potissimum sunt. Primum est bona existimatio. Nam qui uxorem ducunt, illegitima Venere abstinere, solaque uxore contenti vivunt. Hinc alterum emanat, quia liberos eorum patria habet tanquam obsides quosdam: unde & tales merito suis civibus sunt fideliores, cariores, magisque honorati. Tertium est, quia conjugium & multas humanæ vitæ miseras abstergit, & res lætas reddit lætiores.

Unà siquidem gaudent maritus, uxor, liberi, affines; ut ea sit velut lux quædam ex multiplici luce splendidius efflorescens. Quid enim tam commendat dies festos, quam quod multi una lætentur?

§. 6. Quartum est, quod conjugale illud contubernium occasio fuerit extruendi ædes: ex ædibus autem coaluerint pagi: ex pagis constitutæ sint civitates. Item quod conjugia conciliant affinitates externas: quæ res multum vallet ad societatem servandam in genere humano. Item quod multi conjugio immortale nomen sint consecuti.

Uti Menelaus; conjugio Helenæ; Peleus Thetidis. Admetus quoque matrimonio cum Alcestide fatalem dicitur mortem effugisse.

§. 7. Quintum locum obtinent vota, quibus sponso sponseque fausta omnia comprecamur.

§. 8. Sexto loco ut præteritum fingemus liberos coram parentibus ludentes, balbutientes, cantillantes; & ætate crescendi jam majora maioraque meditantes.

§. 9. Denique figmentum hoc comparabimus cum pueritia sponsi.

Nam magnam adferre omnibus voluptatem solet primæ illius ætatis recordatio. Arque istiusmodi hic similitudine uti licebit: Si cuique jucundum est suam intuituri picturam; quanto magis delectabit, vivam spirantemque cernere imaginem sui?

§. 10. Etiam exempla eorum poterimus adferre, qui parentibus suis decus immortale, vel etiam salutem attulerunt.

Ita Anchises flammis Trojæ ereptus fuit opera Æneæ.

§. 11. Post illa instituitur sponsi laudatio, & spon-

*ſæ: ſed tum ea hic tocum habet, ſi & ille, & illa, obſcurioris ſunt nominis. Sin clari fuerint, laus iſta magis conveniet initiis.*

§. 12. *Inter ea verò, quæ ad laudem pertinent, etiam eſt ſimilitudo generis, patriæ, ætatis, facultatum.*

Notum illud Pittaci τῆς κατὰ σκαυτοὶ ἐλξ (a).

§. 13. *Imò ex diſſimilitudine quoque elicere erit laudis occaſionem. Nam patriæ diverſitas illuſtrius eſt divinæ providentiæ argumentum. Affinitas cum diverſo genere pertinet ad generis incrementum. Si ſtudia fuerint diverſa, ut ſi aliter ſit è domo forti, alter è ſapienti; hæc res dicetur efficere admirabilem concentum: & addemus quales futuros credibile ſit, qui ex tali conjugio naſcentur.*

Atque hanc quidem methodum ex fontibus hauſi Dionyſii Hlicarnaff. Sed videndum, ne ſemper, quod dicitur, eadem oberremus chorda. Propterea alteram etiam rationem præſcribam, quam à Menandro Rhetore accepi. Ita ad excogitandam aliam, atque aliam, expeditior erit junioribus via.

§. 14. *Alter modus tractandi orationem nuptialem eſt iſtiusmodi. Initio aliquid afferes de argumenti difficultate: quæ augetur, ſi ſponſo, & ſponſæ, genus obtigerit illuſtre. Ad cauſam, cur ad dicendum acceſſeris.*

Ut quoddam affinitate, vel amicitia, ſponſo, ſponſæve, ſis conjunctus: vel, quod hortati ad hoc officium illi ſint, quibus nihil poſſis negare: vel, quoddam in tanta celebritate abſurdum ſit, non teſtari gaudium ſuum: vel ſimili modo.

§. 15. *Etiam initiis convenit hiſtoria Vel fabula vetus de aliquo heroici temporis conjugio, & honore ſummo, quo illud Dii vel homines ſunt proſecuti.*

Ut quoddam, cum δ Διόνορος, ſive Liber pater Ariad. nam duceret, Apollo aderat, lyramque percutiebat. Vel quoddam, Peleo nuptias celebrante cum Thetide, item Cadmo cum Harmonia, Muſæ ac Dii præſentes fue-

---

(a) Tu tibi junge parem.

fuere, & alius lyram feriebat, alius tiblā inflabat; Mercurius autem hymnum canebat. Similiter quoque nunc alium choreas agere, alium ad tripudia excitare: nos verò orationem habere. Vel quodd, Megacle Agarristam ducente, convenerit flos Græciæ, & alius carmine, alius oratione, alius aliter nuptias decorarint.

§. 16. *Pars altera continet nuptiarum laudationem.*

Ut, quod statim post chaos digestum, Natura, si-  
ve Amor, nuptias induxerit: ac Jovi quoque conciliarit cum Junone conjugium: ac aliis item majorum gentium Diis nuptias persuaserit: imò & auctor fuerit semideis, ut nymphas sibi jungerent: Dionysium etiam inter mortales conjugium induxisse; atque eo beneficio meliùs esse meritum de genere humano, quàm Prometheus, cùm monstraret ignem surreptum. Nuptiis plenum esse mare, plenā terras: absque illis non philosophiam, non leges atque urbes, non humanum genus stare diu posse. In fluviis etiam connubia esse: quomodo Alpheus, Elidis amnis, occultis sub mariis in sinum Arethusæ Siculi fontis, influit, eique permiscetur. Volatilia quoque huic legi subjici à Venere; item feras efferas, ut leones, ac pardales. Quin neque arbores ipsas conjugii esse expertes, ut diligentissimi naturæ (a) observarunt.

§. 17. *Tertia pars sponsum, & sponsam extollit.*

Ubi genus amborum conferemus, non ut alterius imminuamus, sed ut simili similem jungi constet. Etiam amborum virtutem comparabimus; ut si ille à Mercuriali, aut Martio studio; hæc à Palladis, aut gratiarum operibus, commendetur. A forma etiam laudabimus: ac illum rosæ; hanc malo pulcherrimo; illum olivæ, hanc palmæ similem esse, dicemus.

§. 18. *Pars quarta laudat eos, qui ad nuptias*

H 3

con-

---

(a) Plinius l. 13. cap. 3. & alibi.

convenere: item thalamum, etiam domum; atque urbem, ubi nuptiæ fiunt; ac denique voto orationem claudit.

Dicemus autem, quā multi, quā præstantes hoc festum celebrent: quā pulchrè thalamus picturis & floribus sit ornatus: videri hic quasi domicilium Veneris; atque Amorum & Grætiarum. Hymenæum etiam; qualis à veteribus describebatur; orationis penicillo depingere solent, atque eum lampada nuptialem gestare fingeant. Similiter alia nuptiarum numina commemorabant. Quæ inter ferè postrema erat Lucina. Hanc agebant intra decem menses obstetricis functuram opera, & suscepturam pueros, qui parentes ore exprimant, & virtute iis futuri sint simillimi. Ea occasione commodè se ad preces convertebat sermo. Atque hæc de oratione nuptiali.

§. 19. Huic generi vicinum est illud, quod EPITHALAMIUM dicitur: Estque oratio, quæ ad thalamum habetur.

Differt à nuptiali, quòd perfectis nuptiis hymenæ loco recitetur. Ab hymenæo vero distinguitur, quòd hic ligata esset oratio; epithalamium prosa. Quamquam & Latini carmine epithalamium cecinere; ut Statius Papinius: sed aliter Græci solent.

§. 20. In hoc inde initium fiebat, quod pro tibia, vel barbitō, orationem habituri essent in honorem eorum, quæ toro sociarentur.

§. 21. Hinc ea sequi solent, quæ de nuptiali diximus.

Ut sunt conjugii necessitas, laus sponsi & sponsæ, quòd & pertinent similitudo generis, ætatis & aliorum.

§. 22. Postea cohortabimur ad mutuū amorem: atque addemus, quantum ea res gaudii allatura sit amicis, quantum doloris inimicis.

Pulcherrimè hanc rem expressit Poeta, Odyss. 7:

-- (a) Οὐ μὲν γὰρ τῆς ἡμετέρας καὶ ἀφ' ἑστέρας,

H' 29

(a) Non enim eo quidquam præstantius, aut melius, quam cum animis concordibus domum administrant Vir ac mulier. Multi dolores sunt malevolis. Gaudia autem benevolis.

Η' ὅθ' ὁμοφρονέοντε νόημασιν ὀικον ἔχοντες

Αἰνὰρ ἡδὲ γυρητοῖσι ἄλγεα δυσμενέεσσι,

Χέρματα δ' εὐμενέεσσι

§. 25. *Orationem clausuri optabimus sponſis, ut dulciæ tori pignora citò conſpiciant, diuque felicem degant vitam: imò & annis volventibus videant diem, quo & ipſi interſint liberorum ſuorum nuptiis, & nos fortasſe illis hymenæum cantemus.*

Cum his, quæ de epithalamio diximus, conferre iuvabit, quæ de eodem argumento ſcribit Scaliger lib. III. de re poet. cap. CI. Quamquam enim poetæ, & oratoris conceptus, non parùm differant, ut optimè monet Dionyſius (a): tamen nec pauciora ſunt, in quibus conveniant.

## C A P. XVIII.

DE ORATIONE NATALITIA,  
AC FUNEBRI.

**N**UPTIARUM finis ſunt liberi. Itaque poſt orationem nuptialem, & epithalamium, ordo requirit, ut de natalitia dicamus.

§. 1. *Natalitia eſt oratio, quæ habetur in alicujus natalem.*

Græcis λόγος γενεθλιακός vocatur.

§. 2. *Eſtque duplex. Nam vel ſit, cum quis prole recens auſtus eſt; vel in eius natalem, qui ætate jam eſt proveſtor.*

§. 3. *In utroque genere primum dici ſolet de tempore nativitatis, ubi conſiderantur annus, menſis, dies, hora.*

Ut ſi quis natus eſſet Calendis, dicebatur, principium menſis vivendi principium dediffe; inque omnibus bonis principium eſſe optimum, imò eſſe dimidium.

H 4

dium 3

(a) *Præceptis de epithalam.*

dium totius, atque adeo plus toto. Si esset dies sextus, septimusve, affirmabant, dies istos sacros, eo-que huiusmodi nativitatem significare communionem quandam cum Diis. Si dies esset nonus, quia is Soli sacer erat, colligebatur, aliquem Solis instar illustrem & beneficum fore. Si esset decimus quartus, agebat, hunc esse Minervæ dicatum; & quia tunc plenilunium sit, augurabantur, nihil ei de fore. Etiam spectabant anni horam: uti, an tempus esset hibernum, quod omnium fortissimum: an vernum, quod amœnissimum: an æstivum, quod fructibus commendatur: an autumnale, quod in regionibus calidis quiete est gratissimum. Similiter si Dionysia fuissent, aut Eleusinia, vel aliud festum, hæc res dicendi præbebat argumentum. Aliqua ex his quidem, quæ sic præcipiuntur à Græcis, ad gentilem pertinent religionem. Sed operosum nulli erit, eorum loco reponere non absimilia, Christianæ interim historiæ ac religioni convenientia.

§. 4. *Hinc videndum de loco, ubi spectatur natio, ac civitas.*

Natio quidem, ut, num quis Græcus sit, an barbarus? Italusne, an Pœnus? Atque hic minimè illud prætereundum, si ea gens vel sapientia, vel fortitudine, vel re alia celebretur. In urbe item considerandum, num ea metropolis sit, aut proximæ saltem dignitatis; item num ampla sit, & florens; num ingeniis fecunda, & ecquid strenuè gesserit.

§. 5. *Post illa in pueri natali duocapita tractabimus, quæ in hoc argumento præcipua sunt. Prius est virtus parentum, & majorum. Alterum vero spes, quam de puero concipimus ex genere, facie, futuraque educatione. In adulto autem commemorantur omnia ista, à quibus persona potest laudari.*

Ut sunt virtutes, honores, aliaque, de quibus in genere demonstrativo satis diximus.

§. 6. *Postremo DEUM precabimur, ut puero annos multos largiatur; faciatque, ut suis, & patriæ, aliquando ornamento esse possit. Similiter in adultis optabimus,*



*mus, ut sæpe hunc natalem celebrare contingat; utque lætior lætorque semper revertatur.*

De Genethliaca quædam etiam Menander habet. Exemplo autem fuerit Genethliaca Aristidis in Apellam. Quod si in argumenti hujus tractatione admiscere aliqua visum est de sacrariis philologiæ, multum ea parte juvabit Jul. Scaliger lib. 3. de re Poet. c. 102. Inter ea, quæ attingit, sunt honores, qui die natali Genio fiebant. Nam *pulse fritilla conficiebant sacra natalium*; ut est apud Plinium lib. XVIII. cap. VIII. Lacte etiam Genio libabant, teste Probo in III. Georgic. Etiam — *Plabant*

*Floribus, & vino, Genium memorem brevis ævi*; ut ait Horatius lib. 2. epist. 1. At hostiis abstinabant Unde Varro apud Censorinum cap. 2. *Id moris instituti que maiores nostri tenuerunt, ut, cum die natali munus annale Genio solverent, manum à cæde ac sanguine abstinèrent, ne die, qua ipsi lucem accepissent, aliis demerent.*

A natalitia accedamus nunc ad funebrem: quando ut illa sit homine nato, ita hæc denato.

§. 7. *ORATIO FUNEBRIS* propriè dicitur, quæ in funere habetur. Sed latius ea vox extenditur, cum etiam an niversariæ esse possint.

Ut quas ad Mausoli sepulchrum quotannis recitari jussit Artemisia. Item quæ Athenis habebantur in laudem eorum, qui in bello pro patria cecidissent: qualis illa Periclis apud Thucydidem, item tres Aristidis.

§. 8. *Anniversariæ*, atque omnes, quæ multo post obitum haberentur, vix aliud erant, quàm encomium.

Ut illa Isocratis in Evagoræ laudem.

§. 9. Hoc loco potissimum de ratione agemus, quæ doctorem habet recentem. Triplex in ea spectamus tempus: præsens, præteritum, futurum. Præsens quidem, ut si ordiamur à signis doloris præsentis.

Velut, quod convenerimus ad tristes exequias. Item si describas faciem defuncti miserabilem, genas pallentes, cincinnos jacentes, linguam contractam,

etiam, oculos contortos. Sed hæc vix aliis, quam matrum, vel amatorum planctibus videntur, convenire.

§. 10. *Hinc exponimus, qualis quantusque fuerit, quem amisimus: quæ ad præteritum tempus pertinent.*

Ut quàm facilis ac comis fuerit, quàm hilari inter adolescentes, quàm gravis inter senes, & similia.

§. 11. *Ad futurum refertur, quod magnam sibi spem excitarat, qua nunc simus orbat.*

Ut, quæ beneficia in nos fuerit collaturus, si diutius fuisset superstes: quàm præclare item meriturus de patria. Vide apud Cicer. lib. III. de Orat. perelegantem & brevem orationem in mortem Crassi, ubi hæc inter alia: *O fallacem hominum spem, fragilemque fortunam, & inanes nostras contentiones, quæ in medio spatium sæpe franguntur, & corruunt, & antè in ipso cursu obruuntur, quàm portum conspicerent potuerunt.*

§. 12. *Est verò, cum magis præterito insistimus, quàm futuro: est item, cum contra sit. Prius locum habet, si quis gesserit honores publicos, & præclare meritis sit de multis. Posterius sit, si cujus messis adhuc in herba fuerit.*

§. 13. *Et istis quidem partibus constabit oratio, si visum erit paucis defungi. At si justam instituere orationem velimus, hanc potius insistemus viam? Auspicabimur à querimonia, vel exclamatione, aut interrogatione.*

Ut si dubitare nos fingamus, num filere velimus, an eloqui: illud enim dolorem jubere, hoc dictare officium.

§. 14. *Quod si maritus lugeat obitum uxoris, commodè ordietur à mutis animantibus; quæ & ipsa, conjuge amissa, dolorem suum testantur.*

Uti quod cygnus, compare erepta, alas ad zephyrum extendat, sortemque suam deploret: quod hirundo querulo cantu tristitiam suam significet: quod bos, & equus, non sine dolore abstrahantur ab ea, quicum fuerint.

15. *Hinc sequitur laus defuncti. Quæ unde petatur, dictum est in genere demonstrativo.*

Vide & quæ de eo tradit Menander lib. 2. c. 9. quod de funebri oratione inscribitur.

§. 16. *In primis autem spectatur hic genus mortis: ut si quis occubuerit pro patria pugnans.*

Hoc mortis genus eleganter laudat Cicero Philip. XIV. *Maximè, inquit, proprium senatus sapientis est, grata eorum virtutem memoria prosequi, qui pro patria vitam profuderunt. Et mox: O fortunata mors, quæ naturæ debita, pro patria est potissimum reddita. Vos verò patriæ natos iudico, quorum etiam nomen à Marte (a) est: ut idem Deus urbem hanc gentibus, vos huic urbi genuisse videatur. In fuga fœda mors est: in victoria, gloriosa. Etenim Mars ipse ex acie fortissimum quemque pignorari solit.*

§. 17. *Post laudationem dicimus, quantum damnum morte alicujus fecerit Respublica, doloremque exinde excitamus.*

Sanè ex boni amissi prædicatione oritur desiderium ejus: eo quæ omnino post laudationem proximum est, ut jacturam, quam fecimus, demonstremus. Ex cognitione autem jacturæ provenit luctus; ut omnino hinc locus debeatur querimoniæ, & lamentis

§. 18. *Interdum tamen non sorsum instituitur laudatio, sorsum verò dolorem ciemus: sed singulis laudationis locis querimonia admiscetur.*

Nempe ut singulæ encomii partes sint materies luctus.

§. 19. *Lamentationi sive luctui subjicitur consolatio. Vel, si lamentis non fuerit opus, ut si quis pro patria ceciderit, ea proximè laudationem sequetur.*

Observat hoc Cicero Philipp. XIII. ubi continuo post illa, quæ paulo ante citavimus, ita eos compellat, qui ceciderant bello ad Mutinam gesto: *Illi impij: quos cecidistis, etiam ad inferos pœnas parricidii luent,*

(a) Milites Martis legionis alloquitur.

vos verò, qui extremum spiritum in victoria effudistis, piorum istis sedem & locum consecuti. Brevis autem vobis vita data est: at memoria bene reddita vitæ sempiterna: quæ si non esset longior, quàm hæc vita, quis esset tam amens, qui maximis laboribus & periculis ad summam laudem gloriamque contenderet? Actum igitur præclare vobiscum, fortissimi, dum vixistis, nunc verò etiam sanctissimi milites, quòd vestra virtus nec oblivione eorum, qui nunc sunt, nec reticentia posterorum, insepulta esse poterit; cùm vobis immortale monumentum suis penè mantibus senatus populusque Romanus exstruxerit. Et post pauca: Sed quoniam, patres conscripti, gloriæ munus optimis & fortissimis civibus monumenti honore persolvitur; consolemur eorum proximos; ex quibus optima est hæc quidem consolatio parentibus, quòd tanta Reip. præsidia genuerunt: liberis, quòd habebunt domestica exempla virtutis: conjugibus, quòd viris carebunt, quos laudare, quàm lugere præstabit: fratribus, quòd in se, ut corporum, si virtutum similitudinem esse confident. Atque utinam his omnibus abstergere fletum sententiis nostris consultiisque possemus; vel aliqua talis his adhiberi publicè posset oratio, qua deponerent mœrorem, atque luctum; gauderentque potius, cùm multa & varia impenderent hominibus genera mortis, id genus quod est pulcherrimum, suis obtigisse, eosque nec inhumatos esse, nec desertos, (quod tamen ipsum pro patria non miserandum putatur) nec dispersis bustis humili sepultura crematos, sed conectos publicis operibus atque muneribus, eaque exstrukione, quæ sit ad memoriam æternitatis ara virtutis. Quamobrem maximum quidem solatium erit propinquorum, eodem monumento declarari & virtutem suorum & pietatem, & senatus fidem, & crudelissimi memoriam belli: in quo, nisi tanta militum virtus extitisset, parricidio M. Antonii nomen populi Romani occidisset. Hactenus cœlesti illo ore M. Tullius. Et quanto tamen fortius solatium habent Christiani! qui sciunt, se non aliter, quàm moriendo, felicitatis æternæ fieri compotes. Sed discrimen hoc

fufius

fufius perfequi, non hujus loci. Porro etiam folatii genus eft, fi dicas, poffe damnum defuncti refarciri morte fuccefforis. Pluraque eodem pertinentia dicemus infra; ubi fpectabimus confolationem, non ut orationis funebris pars eft, fed quatenus conftituit orationem juftam.

§. 20. *Imò eft, ubi confolatio etiam fuerit importuna. Ut fi longinquitas temporis dolorem jam omnem abfterferit.*

Hoc in anniverfaria ferè contingebat; ubi laudabantur sæpe, qui ante annos multos effent defuncti. Hic fi quis folatio opus effe putet, is quoque Ilienfes foletur, quòd olim fortiffimum civem, Hectorem, amiferint. Sin tantum fex feptemve menses fint, ex quo obiit aliquis, & is, ad quem dicimus, mortuo fuerit conjunctiffimus, ut fi filius fit, vel conjux, quia luctum in talibus durare verifimile eft; etiam querimonia tunc, & confolatio habebit locum.

§. 21. *Confolationi subjicitur non raro adhortatio, quæ incitet præfentes, ut animo retinere perpetuo velint virtutem defuncti, eamque fibi ad imitandum proponant.*

Vide hoc in genere præter ea, quæ antea commemoravi, etiam Lysia orationem in laudem cæforum eo bello, quo Athenienfes opem tulere Corinthiis: item Menæxenum Platoni; Demofthenis orat. in illorum laudem, qui prælio ad Chæroneam ceciderant, & Dionis Chryfoftomi in Melancomam.

Atque hæc fufficiant de orationibus fecundæ Claffis.

## C A P. XIX.

## DE GRATIARUM ACTIONE.

Oratione Gratulatoria, &amp; Lamentatoria.



§. 1.

**T**ertia orationum classis, quæ referuntur ad genus demonstrativum, occasionem sumit ex bono, quo quis auctus; vel malo quo sit adfectus. Huiusmodi sunt gratiarum actio, gratulatoria, & lamentatoria.

§. 2. **GRATIARUM ACTIO** vel recta est; vel obliqua.

§. 3. Recta est, quæ aperte, & sine circuitu aliquo, gratias agimus.

§. 4. Hujus partes sunt tres. Prima significamus lætitiæ ex beneficio accepto obortam.

§. 5. Altera exaggeramus beneficium illud, ut magnitudinem ejus intelligere videamus. Est enim præcipua grati animi virtus, & scire quantum debeas, & debere libenter.

Quo pacto autem beneficium amplificetur ostendimus superius, cum de gratiæ affectu ageremus.

§. 6. Tertia pars animum gratum pollicetur. Quod bifariam fit. Nam vel dicimus, nos perem, aut etiam majorem gratiam, relaturos: vel, si id vires superet nostras, saltem animum spondemus gratum, ac memorem. Denique rogamus, ut, cum nos ob virium tenuitatem id minimè possimus, ipse condignas gratias rependat.

§. 7. His interdum accedit commendatio nova, quæ petimus, ut is, qui nos beneficio hoc affecit, porro etiam amore suo complecti velit. Item votum, quo pro salute illius Deum rogamus.

Exemplo in hoc genere sunt duæ orationes Ciceronis: una post reditum ad Quirites; altera post reditum in Senatu. Priori tria præstat:

I. Ex-

I. Extollit beneficium populi Rom. quod se restituissent; atque id confert beneficio parentum, nec non Deorum immortalium; item cum reditu P. Popillii, Q. Metelli, & Marli.

II. Amicorum predicat operam, qui in se revocando laborassent.

III. Pollicetur se beneficii hujus memoriam benevolentia colere velle sempiterna, omniaque sua compositurum ad Reip. utilitatem.

Posteriori hæc similiter facit.

I. Gratias agit pro beneficio, atque id vehementer effert.

II. Invehitur in eos, quorum invidia fuerat ejectus.

III. Amicorum beneficium prædicat.

IV. Studium suum erga Remp. promittit.

Exemplo itidem fuerit oratio Ciceronis, qua Cæsari gratias agit pro restituto Marcello. Illustris quoque est illa Æneæ ad Didonem (a):

*O sola infandos Trojæ miserata labores,  
Quæ nos reliquias Danaum, terræque marisque  
Omnibus exhaustos jam casibus, omnium egenos,  
Urbe, domo socias. Grates persolvere dignas  
Non opis est nostræ, Dido, nec quicquid ubique est  
Gentis dardaniæ, magnum quæ sparsa per orbem.  
DI tibi, si qua pios respectant numina, si quid  
Usquam justitiæ est, & mens sibi conscia recti,  
Præmia dignaferant. Quæ te tam letatulerunt  
Secula? qui tanti talem genuere parentes?  
In freta dum fluvii current, dum montibus umbræ  
Lustrabunt convexa, polus dum sidera pascet:  
Semper honos nomenque tuum, laudesque manebunt,  
Quæ me cumque vocant terræ.*

Hæc de gratiarum actione recta.

§. 8. Oblique vero gratias agimus, cum dicimus, non acturos nos gratias, & ea interim proferimus, quibus gratum abundè animum teslemur.

Ve

(a) 1. *Æneid.*

Velut si tantum esse beneficium profiteamur, ut satius videatur, illud tacitum animò æstimare, quàm proletario more gratia verbis agere. Vel si dicatur, arctum adeò necessitudinis vinculum esse, ut illo gratiarum augendarum more liceat supersedere.

§ 9. GRATULATORIA oratione vel alteri gratulamur, vel nobis ipsis. Agemus propriè de priori, quia majoris est usus, & ex ea alterius tractandæ ratio satis cognoscitur. Græcis εὐχαριστία vocatur.

§. 10. Partes gratulatoriæ sunt tres. Prima significamus, quantum ceperimus voluptatem ex prospero alterius successu. Nec nostrum tantum, sed sæpe aliorum etiam gaudium testamur. Interdum & causam hanc adteximus, quod res amicis esse nostras ducamus. Ac facilius id fidem invenit, si is sanguine, affinitate, vel aliter, nobis junctus sit.

§. 11. Parte altera, ut iustam tantæ fuisse letitiæ causam intelligatur, ostendimus magnitudinem boni, quo quis, auctus est. Ut quod non casu, non prensatione, aut largitione, honorem istum adeptus sit; sed virtute & meritis præclaris: quod honos sit tantus, ut eo nomen suum ab oblivione possit vindicare: quodque multis expetitus, obtrahit paucis.

§. 12. Tertia pars continet votum, ut DEUS hoc bonum esse perpetuum velit. Item ut honos iste sit ipsi, & Reip. in primis, salutaris. Quandoque etiam adhortatio talis habet locum, ut quis jam non cum aliis, sed secum certare velit, quo per honoris hunc gradum ad majores possit ascendere.

Exemplo in hoc genere fuerint, cùm orationum aliæ multæ, tum Aristidis *παινυδία*, quæ est de Smyrna instaurata. Atque idem in *προσφωνητικῇ* Σμηνῇ, quæ oratio habita est coram Imp. Commodò Smyrnam ingresso recens instauratam, Item illa Themistii, quam Constantio Imperatori, quamquam absenti, gratulatus fuit ob res feliciter gestas. Incipit ea, Αἰγύπτιοι. Par ratio est epistolarum. Nam gratulatoriæ sunt Isoctatis quinta, & septima; quarum illa Philippum regem



gem, hæc ad Timotheum. Apud Tullium quoque ingens talium copia est: imò supersunt etiam aliorum quædam ad Tullium; uti illa Trebonii (a), qua Tullio de indole filii gratulatur,

§. 13. *Est & obliqua gratulandi ratio. Ut cum dicimus, non tam amico gratulari nos velle, quod honore illo affectus sit, quàm urbi, quòd ejusmodi acceperit senatorem, vel consulem.*

Nam ad Remp. quidem multum indè emolumenti accessurum; ad amicum verò non minus oneris, quàm honoris, juxta illud vetus (b):

*Honus est onus, qui sustinet Rempublicam.*

Ad alterius generis gratulationem, qua nobis ipsis, patriæque in primis gratulamur, referendæ sunt orationes, quæ diè festo habentur ob creatum novum regem, aut principem. Festum hoc *ἀρχὴ καὶ ἀνάστασις* dixere: ut liquet ex Polybii lib. XVII. & Legat. Eclog. LXXXVIII.

§. 14. *LAMENTATORIA minus artis eget, cum dolor quemvis reddere soleat disertum.*

§. 15. *Duabus autem partibus solet absolvi. Primum significamus, in quod malum inciderimus, & magnitudinem ejus exaggeramus. Deinde, si malevoli eo nos macharentur infortunio, odium excitamus eorum, qui nos perdidderunt.*

§. 16. *Interdum etiam aliis injicitur metus, quasi & ipsis possit contingere, quod nos passus sumus.*

Vide in hoc genere Aristidis orationem Eleusiniam, qua ob templum Cereris incensum lamentatur. Item *μνησθῆναι ἐπὶ Σμύρῃ*, qua nobilem adeò urbem terræ motu obrutam desset. Item Synesium in Catastasi, ubi Pentapolitanam describit calamitatem. Item Anonymi *μνησθῆναι* (c), qua deplorat Constantinum juniorem Constantini Magni filium, insidiis fratris sui Constantis interemptum.

*Rhetorica Vossii.*

I

CAP.

(a) Lib. 15. Epistol. 16. (b) Apud Varron. lib. 4. d. L. L. (c) Græce Latineque primus edidit eam, Fredericus Morellus.

## C A P. XX.

DE ORATIONE QUA DISCEDENTES,  
Vel domum redeunt utimur, vel alium  
discedentem prosequimur.

§. 1.

**Q**uartæ orationum classis occasionem prebet alicujus ab-  
itus, vel adventus. Hujusmodi sunt, λόγος ἀποβιβα-  
της, ἐπιβιβατης, & ἀποπροσμητικής.

§. 2. Αποβιβατης dicitur, quo utimur discedentes à  
patria vel urbe alia, ubi diu, commodoque viximus.

Aliàs ἐπιβιβατης vocatur: cujus nominis causam igno-  
rare se fatetur Jul. Scal. l. 3, de re poet. cap. 115.

§. 3. In hoc genere primum testabimur dolorem nostrum;  
quod ab urbe & amicis divellamur. Ac temperatius qui-  
dem id facimus, si discedamus studiorum causa, postea re-  
versuri. Vel si patriæ causal-gatio cbeunda sit in terris lon-  
ginqvis. Sin solum revertere cogamur, tantoperè misericor-  
dianiciebimus, ut vid. amur lapides ipsos posse commovere.

§. 4. Hinc laudabimus populi, unde abimus, fidem,  
clementiam, pietatem. Item urbis situm salubrem, atque  
amanum. Quibus & sacra ejus f. f. addi solent.

Ut, si ex Atticâ discedamus, hoc, vel simili modo,  
dicere jubet Menander: Quis possit sine lacrymâ relin-  
quere Eleusinia sacra? quis Dionysia? quis Arcem Athe-  
niensium pulcherimam? aut tot viros sapientia & vir-  
tute præcellentes? Ac pariter omnia accomodabimus,  
quæ in civitate possunt allicere.

§. 5. Præterea beneficiorum, quæ istic accepimus,  
semper nos memores fore dicemus.

§. 6. Denique, si nobis sit uxor, liberi, adfines, eos  
commerdabimus, beneque iis ominabimur, & precabi-  
mur, à quibus discedimus.

Exemplo in hoc genere est declamatio edita sub no-  
mine

mine Ciceronis ad Quirites, priusquam iret in exilium,

§. 7. ΕΠΙΒΑΤΗΡΪΟΣ λόγος habetur, cum quis, post diutinam peregrinationem, postliminio domum redit.

§. 8. In hujusmodi oratione primum lares patrios salutabant. Diisque gratias agebant, quod salvos reduxissent.

Uti Neptuno, & diis marinis, si mari redirent, vel, si terra, Mercurio Evodio, aut Hegemonio, & aliis.

§. 9. Hinc exponebant, quantum absentes tenuisset desiderium Urbis. Ea quoque occasione accedebant ad laudationem ejus. Hec petitur à conditore, fertilitate, salubritate, atque aliis, quæ superiori libro exposita sunt nobis.

Istis, si voles, adde, quæ præclare hac de re notavit Scaliger lib. III. de re poetica. Cap. CVII.

§. 10. Denique bene Urbi precabantur, ac totos se ei devovebant.

Non pauca, quæ ejusmodi oratione aptari possint, legas apud Ciceronem oratione ea, quam in Senatu habuit, cum ab exilio rediret.

§. 11. ΛΟΓΟΣ ΠΡΟΠΕΜΤΙΚΟΣ est, quo alios prosequimur, quando discedunt à nobis.

§. 12. In hoc incipere solent à querimonia, vel indignatione in fortunam, quod nihil tale pro meritis divellat ab amico. Vel etiam increpabant amicum, quod deserre eum sustineat, à quo non minus ametur: quam Theseo Hercules, Euryalus Niso dilectus fuit. Ac acerbus ille casus eo exaggerandus est; quod armenta etiam & volucres graviter molesteque ferant, si à mutua consuetudine abstrahantur.

§. 13. Hinc in memoriam revocabimus palestram & exercitia alia, quæ hactenus communia habuimus. Queremus, an retinere eum non possint mysteria, Academia, insigne opus arcis, (a) & tot alia Urbis bona.

I 2

§. 14.

(a) Ita exempla Græcorum Rhetorum loquimur, quasi Atbenis viveremus. Sed talia pro temporibus, ac locis, variare, apertius est, quam ut monere sit opus.

§. 14. Post hæc interrogabimus, ubi nunc illa sint promissa, quod alter alterum nunquam esset deserturus? Conferemus priorem felicitatem cum miseria præsentis. Antea nos amico fuisse munitos, tanquam forti aliquo præsidio; nunc eo haud aliter spoliari, quam si Ajaci in bello clypeus subduceretur. Quare nihil super esse aliud, quam ut, Timonis alicujus instar, deserta post hæc loca incolamus. Nec enim ex re videri, ut nova cum quoquam amicitia ineatur, cum eadem & illam manere possit fortuna: nec semel navem frangenti iterum mare esse tentandum.

§. 15. Haud semper tamen gravis ad deo querimonia, vel accusatio, locum habet. Non sanè si legatus cum imperio, vel exercitu, aliò mittatur. Ubi potius gratulandum illi. Laudabimus quoque cum à genere, virtute, fortuna. Neque ipsum duntaxat extollemus; sed etiam collegas, socios, comites, quorum honos dignitatem legati auget, atque illustrat.

§. 16. Neque in ejusmodi solùm argumento, sed in omni προπευτικῇ laudatio discedentis adhibetur.

§. 17. Hinc orandus is, ut absens etiam nostri memor semper esse velit.

§. 18. Multum autem ornatus accedet orationi, si locum, quo iter instituitur, celebres paucis; In primis verò si, per quas urbes eundum, per quæ loca navigandum, referas, & eorum simul præstantiam, atque amœnitatem, delibes.

§. 19. Atque ubi orationem hanc quasi ad portum deduxerimus, ad preces convertemur, aptimaque ei omnia à Deo optabimus.

Horatius προπευτικὸν suum, quod Virgilio Athenas proficiscenti scripsit, ab ejusmodi voto orditur:

Sic te Diva potens Cypri,  
Sic fratres Helenæ, lucida sidera  
Ventorumque regat pater  
Obstrictis aliis, præter Japyga,  
Navis, quæ tibi creditum  
Debes Virgilium, finibus Atticis  
Reddas incolumem precor,  
Et serves animæ dimidium meæ.

Po-

Postea autem detestatur Poeta eorum audaciam, qui primi se commiserunt mari. Et hæc, similisve ratio, ut commoda est, si paucorum versiculorum res sit: ita, ut in justam orationem argumentum excrescat, plus juvabunt ea, quæ ex Menandro sumus mutuati. Vide & Cæsar. Scaligerum lib. II. de re poet. Cap. CIV.

## C A P. XXI.

## D E M O N I T I O N E.

Et Commendatione.

## §. I.

**E**XCUSSIMUS arculas argumentorum, quæ inserviunt quatuor classibus orationum ad demonstrativum genus pertinentium. Nunc agamus de iis, quæ referuntur ad genus deliberativum. Quas ipsas similiter ad quatuor classes revocabimus. Prima est earum, ubi dominantur affectus iræ, odii, vel amoris. Hujusmodi sunt monitio, commendatio, concitatio, & conciliatio.

§. 2. MONITIO præcipuè artis eget, cum vitia quidem castigare, at offensam tamen effugere studemus. Id vero hujusmodi artificio consequemur.

§. 3. Laudabimus primum ejus, qui monendus est nobis, præclaras animi dores: & significabimus, quantum propterea æstimemus, & diligamus.

§. 4. Hinc dicemus, ut nihil undique perfectum inventur, ita laudes istas non leviter labe aliqua deprecari.

Ut quoddam in suos sit durior, vel quoddam suorum avaritiam non compescat, vel quod novis amicis nimis fidat, quoddam plus æquo sit liberalis, vel alio quopiam. Nam innumera sunt, quibus peccari solet.

§. 5. Quod si ne hæc quidem ratio satis tuta videbitur, poterimus dicere, aliorum id judicium esse, qui cætera eum magnifaciant.

§. 6. Subjiciemus, in alio nos, sive hoc nostrum, sive alienum judicium, planè dissimulaturoid fuisse: Sed minime potuisse pati, ut quispiam tam laudatus, & quem

*tantopere amemus, in parte duntaxat laudibus ornatur.*

§. 7. *Poterimus quoque aliud deliberare è loco communi de officio veri amici.*

Ut enim medicus sanat corporis morbos: ita sinceri est amici, corrigere animi vitia, non supparasitando ea laudare. Vide Plutarchi librum de discernendo adulate ab amico.

§. 8. *Etiā affirmābimus, sperare nos, pari eum erga nos libertate usurum, nisi minus fortasse ab eo amemur.*

§. 9. *Interim cōficiemus vitii culpam in aetate, vel gentem, vel convictum hominum minus idoneorum. Eodem laborasse dicemus viros aliquot magni nominis: Sed parvo negotio correcturum. Nam ubi solum peccatur excessu virtutis, facile aliquid posse ad mediocritatem revocari.*

§. 10. *Addemus argumenta ab honesto, utili, glorioso: quibus vitii odium, contrariae virtutis amorem gignamus. Hortabimur, ut quā maximè se excitet ad omnes praestantis viri laudes implendas.*

Monitionis, sed quæ principem virum deceat, insigne apud Livium (a) exemplum præbet Scipionis oratio ad Masanissam; cum hic reginam Sophonisbam, Syphacis uxorem, Asdrubalis Pœni filiam, eodem quo captam vidisset die, matrimonio sibi junxisset. Quia brevis est, apponam. *Aliqua te existimo, Masanissa, intuentem in me bona, & principio in Hispaniam ad jungendam mecum amicitiam venisse, & postea in Africa te ipsum, spesque omnes tuas in fidem meam commisisse. Atqui nulla earum virtus est, propter quam appetendus tibi sim, qua ego æque atque temperantia, & continentia, libidinum, gloriatus fuerim. Hanc ego te quoque ad ceteras tuas eximias virtutes, Masanissa, adjecisse velim. Nam non est (mihi crede) tantum ab hostibus armatis ætati nostræ periculi, quantum ab circumfusis undique voluptatibus. Qui eas sua temperantia*

(a) Lib. 30.

ita frenavit, ac domuit, multò majus decus, majoremque victoriam, sibi peperit, quam nos, Syphace victo, habemus. Quæ, me absente, strenuè ac fortiter fecisti, libenter & commemoravi, & memini: cætera te ipsum reputare tecum, quàm, me dicente, erubescere malo. Syphax populi Romani auspiciis victus captusque est: itaque ipse, conjux, regnum, ager, oppida; homines qui incolunt, quicquid denique Syphacis fuit, præda populi Romani est, & regem, conjugemque ejus, etiamsi non civis Cartaginensis esset, etiamsi non patrem ejus imperatorem hostium videremus, Romam oporteret mitti: ac, senatus populique Romani de ea judicium, atque arbitrium esse, quæ regem nobis socium alienasse, atque in arma coegisse præcipitem, dicatur. Vince animum, cave deformes multa bona uno vitio, & tot meritorum gratiam maiore culpa, quàm causa culpæ est, corrumpas. Adi & epistolam secundam Isocratis ad Philippam regem, qua eum monet, ne porrò temere adeo in bello maximis se periculis exponat. Initium epistolæ est: Οἷδε (a) μὲν, ὅτι πάντες εἰώθασιν πλεῖον χάριν ἔχειν τοῖς ἐπαίνοισιν, ἢ τοῖς συμβαλέουσιν; ἄλλως τε & καὶ μὴ κελευσθεῖς τις ἐπιχειρῇ τῷτο ποιεῖν.

§. 11. Sequitur COMMENDATIO. Cujus hæc potissimum capita sunt. Primum causas commendationis exponimus.

Ut, quòd bene quis de nobis sit meritus, aut nostris: item, quod cum illo, vel parente ejus, aut majoribus, aut propinquis, vel sanguine, vel affinitate, vel amicitia, simus conjuncti: item quòd ejusdem simus patriæ; eorundem studiorum; & quæ similia sunt.

§. 12. Subjicitur ejus, quem commendamus, laudatio à probitate, fide, humanitate, eruditione, genere, aliis. Sed modus tamen hic tenendus est, ut ne ex amore hoc judicium profectum videatur.

I 4

§. 13.

(a) Novi equidem, plus gratiæ haberi solere laudatoribus, quàm monitoribus, præsertim, si nullo iubente, monere sunt aggressi.

§. 13. *Dicere autem possumus, scire nos Horatianum illud: (a)*

*Qualem commendes, etiam atque etiam adspice, ne mox*

*Incutiant aliena tibi peccata pudorem.*

*Sed integritatem, ac preclaras animi dotes, adeò nobis esse perspectas, ut nihil divini, vel humani, credi nobis posthac velimus, sic a parte fallamus.*

§. 14. *Multùm etiam proderit, si, quem laudamus, dicatur honestè præclareque de eo, cui commendatur, & sentire, & loqui apud omnes solere.*

§. 15. *Addemus, si completi hominem velit, & honoris eam rem fore, & multum inde utilitatis percepturum: nec unum hominem, sed simul alios multos sibi posse devincire.*

§. 16. *Denique vehementer orabimus, atque obtestabimur. Vel dicemus; nos pluribus nolle contendere, ne de humanitate videamus diffidere. Etiam nostro, & ejus nomine, quem commendamus, omne grati animi officium pollicebimur.*

Commendationis exempla longè plurima suppeditat Tullius in epistolis. Imò illæ libri decimi tertii prope omnes sunt *ovsatixai* (b), ut eas Græci appellant. Sed illustris in primis est sexta libri secundi, qua Curio Milonem in petitione consulatus commendat. Nam vel sola prope universum hujus argumenti artificium comprehendit. Longiuscula est, & liber ille etiam pueritiæ manibus teritur, ut eam adscribere nihil sit opus. Adietiam Isocratis epistolam quartam, qua Diodorum, ac filium ejus, regi Philippo de meliori commendat nota. Item B. Basilii epist. XI. qua Eusebio sodali Cyriacum presbyterum commendat: & Nazianzeni Ep. XLIV. ac XLV. quibus Nicobulum commendat Gregorio Præsidi, & Ecebolio.

§. 17. *Est & oblique commendationis genus quo simulamus, nos commendare nolle, quem interim vel maxime commendamus.*

Ut

---

(a) L. 1. Epist. ad Lollium. (b) Commendatitiæ.



Ut si dicas, non quidem commendare te alteri Sex-  
tium velle; sed orare solum, ut propius hominem nos-  
se ne gravetur. Sperare enim futurum, ut, cum gra-  
tias agere soleant, qui commendarunt, alter tibi gra-  
tias agat, per quem viri tanti notitiam sit consecu-  
tus Et hæc de commendatione.

## C A P. XXII.

## DE CONCITATIONE

Et Conciliatione.

## §. I.

**N**unc videamus de concitandi & conciliandi artificio,  
Ac prius quidem illud, ut raro laudem meretur,  
ita nec multum artis requirit: præsertim si negotium sit  
cum multitudine imperita. Nam quotusquisque non maxi-  
mopere commovetur, si sibi, vel suis, atrocem fieri inju-  
riam intelligat? Quare his sola suffecerint, quæ de iræ  
& odii affectibus supra diximus.

Exemplum tantummodo adferam ex gravissimo scri-  
ptore, Tacito (a): Erat, inquit, in castris Per-  
cennius quidam, dux olim theatralium operarum, dein  
gregarius miles, procax lingua, & miscere cætus histrio-  
nali studio doctus. Is imperitos animos, &, quænam  
post Augustum militiæ conditio, ambigentes, impellere  
paulatim nocturnis colloquiis, aut flexo in vesperam  
die, &, dilapsis melioribus, deterrimum quemque con-  
gregare: postremo, promptis jam & aliis seditionis mi-  
nistris, velut concionabundus, interrogabat: CUR  
PAUCIS centurionibus, paucioribus tribunis, in mo-  
dum servorum obedirent? quando ausurus exposcere re-  
media, nisi novum, & nutantem adhuc principem,  
precibus, vel armis, adirent: sætis per tot annos igna-  
viæ peccatum, quod tricena, & quadragera stipendia se-  
nes, & plerique truncato ex vulneribus corpore, tolerent.

Et

(a) L. I. Annal.

Et mox: Enim verò gravem, infructuosam, denis in diem assibus, animam & corpus aestimari. Hinc vestem, arma, tentoria, hinc sevitiam centurionum, & vacationem munerum redimi. At hercle verbera & vulnera, duram hiemem, exercitas aestates, bellum atrox, aut sterilem pacem, sempiterna &c. Seditiosæ isti concioni fauces subdidit oratio Vibuleni, quam paulo post refert. Hujusmodi autem virulentæ linguæ artificia, seu veneficia malis, nosse convenit, non ut utamur, sed ut meliùs ab iis caveamus nobis.

§. 2. Concitationi opponitur **CONCILIATIO**. Quæ bifariam fit, nam vel nobis amorem alicujus conciliamus: vel in gratiam reducimus partes dissidentes.

§. 3. In priori duo hæc præstamus. Primùm exponimus, quæ fiducia, & quibus de causis, alicujus benevolentiam, & favorem ambuamus. Ubi laus ejus, quem amicum volumus, habet locum. Spectandum autem, quæ quisque re in primis velit aestimari. Humanitatis laus quasi communis omnium videtur. At aliæ magis sunt propriæ: Ut philosophus gaudet laudari ad ingenio perspicaci, & multarum disciplinarum cognitione; senator à prudentia singulari, & benevolentia erga cives; imperator à fortitudine, & rebus gestis. Ac juvenem quidem laudare licebit apertiùs; in sene id faciemus cautiùs. In utrisque adulationis suspicionem, quantum licet, amovebimus.

§. 4. Pars altera ostendet, favore non esse nos indignos: amicitiam nostram nec inutilem fore, nec indecoram. Quare hic nosmetipsos laudabimus. Sed ea opus est prudentia, ut ne quis laudis suæ nimius videatur buccinator.

Vide Epistolam Ciceronis ad Metellum Nepotem, quæ est quarta libri quinti, Item nonam ejusdem libri, quæ Vatiniij est ad Ciceronem. At luculenter in primis hoc artificium aperit illa recens, sed politissimi scriptoris, Angeli inquam Politiani, epistola ad Matthiam, Pannoniæ regem, quæ prima est libri noni.

§. 5. Partes dissidentes conciliamus hoc pacto. Offendimus, offensam omnem obliterari debere; partim quia  
uti-

ut illius tutiusque est: partim etiam quia honestius. Ex affectibus hic regnant spes & metus.

§. 6. Quemadmodum verò concitare homines facile est: ita difficile est eosdem conciliare. Sunt enim plerique omnes iræ atque offensæ nimis tenaces. Ac nusquam facilius opera luditur, quàm apud multitudinem concitatam. Ubi haud multum valet disertæ oratio, nisi eam duplex muniat præsidium, benevolentia popularis, & dicentis majestas.

Unde Maro, cùm seditionem populi descripsisset, ita (a) canit:

*Tum pietate gravem, & meritis, si forte virum  
quem*

*Conspexere, silent, arrectisq; auribus adstant.*

Sanè Jul. Cæsar (b) exercitum compescuit, *Quirites* appellando pro militibus: qua una voce ita eos circumegit, & flexit, ut se milites esse responderint, & quamvis id recusantem, ultro in Africam sint secuti. Etiam ex Tacito (c) videre est, quàm paucis verbis seditionem à Percennio & Vibuleno motam, de qua antea diximus, compescuerit Clemens centurio. Verùm, ut præstantissimus historicus ait, bonis artibus gratus erat in vulgus. Adhæc seditionis culpa & ipse tenebatur: sed animum in melius mutarat.

§. 7. Porro multum etiam refert, ut, ne quis effrata plebi statim se credat, utcumque & innocentiae & auctoritatis præsidio tutus sibi videatur. Nam primus ille multitudinis impetus planè est belluinus, ut oratione regi non possit. At ubi is deferbuit, idoneum magis orandi tempus erit. Sed prius constare oportebit, quæ origo sit mali tanti. Nam qui ignorat, qua parte sit vulnus, quomodo ei faciet medicinam? Etiam temperamento istoc in oratione opus sit, ut prius amicè deliniamus; hinc verbis castigemus severius. Atque interim modus  
ille

---

(a) 1. *Æn.* (b) *Suetonius in Cæsare cap. 70. & Tacitus lib. 5. Annal. in Germanici oratione. Item Dio hist. l. 42.* (c) *L. 4. Annal.*

*ille in utroque hoc remedio tenendus , quem res & tempus postulabunt.*

Non ignoravit hoc Cæsar Germanicus , qui ut obortam seditionem sopiret , à veneratione Augusti orsus , ( quemadmodum Tacitus ( a ) narrat ) flexit ad viſtorias , triumphosque Tiberii ; præcipuis laudibus celebrans , quæ apud Germanias illis cum legionibus pulcherrima fecisset ? Italici inde consensum , Galliarum fidem extollit , nil usquam turbidum , aut discors . Atque ab his sensim ad illa verba perductus est : *Ubi modestiam militaris ? ubi veteris disciplinæ decus ? quonam tribunos ? quonam centuriones exegistis ?* Quamquam parum quidem oratione flexit , sed , quod nec facundia viri , nec autoritas potuit , id , cum ducis uxor , parvulum sinu filium gestans , & unâ amicorum uxores , miserabili agmine ad Treviros fugerent ; partim pudor & miseratio , partim invidia in Treviros , extorsit .

## C A P. XXIII.

### DE ADHORTATIONE & DEHORTATIONE .

#### § 1.

**A**LTERA classis orationum , quæ ad deliberativum genus referuntur , eo à cæteris distinguitur , quod hic præcipuè excitatur fiducia , aut metus . Ejusmodi sunt , *adhortatio , & dehortatio .*

Græci orationes , vel epistolas adhortatorias vocant *πρὸς τρεπτικὰς , ὑποτρεπτικὰς , παραπρεπτικὰς .*

§. 2. Differt **ADHORTATIO** à suasionem , quod hæc confilii sit ; illa metus : hæc , ut in re incerta , docet , eoque plus habet argumentorum : illa inflammat , ac propterea plus habet coloris .

Exhortatio , ut suasionem latius accepta continetur , ita , si pressius vox sumatur , differt ab ea trifariam , objecto , fine , tractatione .

*Obje-*

---

( a ) L. 1. *Annal.*

*Obiecto*, quia suademus ignaris, quod factum opus est: hortamur ignaros, non quidem omnes, sed cessantes, aut etiam currentes.

*Fine*, quia suadens hoc agit, ut velis; adhortans, ut magis velis, facereque aliquid ausis.

*Tractatione*, quia suademus probationibus: exhortamur metum tollendo, ac fiduciam pariendo.

§. 3. *Ferè autem in oratione iusta, suasio ad Confirmationem pertinet: exhortatio verò Conclusioni reservatur.*

Sanè qui adhortari velit, priusquam; quid fieri oporteat, constet, is tantundem agit, ac si ex viridibus & humidis lignis confestim se ignem facere posse speret. Primum igitur animus argumentis est præparandus: ut quibus probetur rei utilitas, necessitas, facilitas. Postquam autem quid ex re sit, viderint auditores; faces stimuli que animo subdentur, ne terreantur periculo, aut ignavia cessent.

§. 4. *Interdum tamen, quia, quid usus exigit, satis constat, princeps orationibus pars est exhortatio: argumenta verò suasoria tantummodo attinguntur.*

§. 5. *Ac unde quidem suasoria hæc pesantur, satis constet ex iis, quæ in genere deliberativo diximus. Affectus autem, quos ciere oportet, hi potissimum sunt.*

§. 6. *Primum amor excitandus, tum rei, quam suademus, tum personæ, cuius studemus commodis. Etiam misericordiam erga eum commovebimus. Atque odium concitandum erga illum, qui hac parte adversatur.*

§. 7. *Hinc æmulationi erit locus. Eoque aliorum industriam ad imitandum proponemus.*

§. 8. *Postremo spes fit bonorum, ut quis ausit: & malorum incutitur metus, ne cesset.*

Exemplo esto oratio Scipionis apud Livium (a): qua milites Romanos adhortatur ad Carthaginem novam omnibus viribus oppugnandam.

§. 9. *Cæterum, est ubi parcius hos moveamus affectus: est ubi majori fiat cura. Parcius quidem apud viros*  
in

*indignitate confitutos, quia hæc (a) potentissimum est ad feriendos animos telum: item apud mentes sulphuratas, quales facile flammam concipiunt.*

Ut si Alexandri Magni similem accendere velis ad pugnam. Quippe Timotheus tibicen, cum bellicum ageret, ita regem eum inflammabat, ut ad arma profiliret; quemadmodum auctor est Dio Prusæus (b). Verum, inquit idem, non hoc tam numeris Timothei, quamvis præstantibus, tribuere convenit, quam acri, & planè vivido Alexandri ingenio. Sanè frigidum aliquem Daretem nunquam commovisset: uti nec Sardapalum, cui neque Apollo, aut Mercurius, ullis numeris animum istum inspirassent.

§. 10. *Quia autem rari omnino sunt, qui alieno se consilio, vel hortatu, credant indigere: eo in ipso orationis ingressu dicere expedit, nos ad verba facienda officii potius ratione esse inductos, quam quod adhortatione ulla auditoribus sit opus: quippe qui, quid fieri oporteat, per se videant, & quod rectum sciunt, sponte agant.*

Hoc artificiosè facit Dio Chrysostomus orat. ad Trajanum. Item Cicero Philipp. IV. ubi ait: *Faciám igitur, ut Imperatores instructa acie solent; quamquam paratissimos milites ad præliandum videant, ut eos tamen adhortentur; sic ego vos ardentes, & erectos ad liberratem recuperandam adhortabor.*

§. 11. *Plurimum etiam prodest, si initio virtutem ejus extollas quem hortari voles. Nam hoc pacto vehementius ille suscitabitur ad præstandum quod requires.*

Atque ea etiam parte prævit nobis idem Tullius Epistola ad Licinium Calvum nobilem oratorem: et si isthoc summi viri consilium non satis assequeretur C. Trebonius, qui Ciceronem in eo extollendo modum excessisse arbitrabatur. Verum respondet noster, laudanda-

(a) Tacit. (b) Orat. 1. de regno et similiter Scholiastes Hesiodi: Θεογονία: vers. 918. Φατὶ γὰρ, ὡς Ἀλεξάνδρῳ Μακεδόνι ἐπὶ δόκτος, κρείστας ἢ μάλιστα Τημόθεος ἱππλὶ. ζῶσαι τὰς αἰρέσεις.

datione ea voluisse suscitare atque acuerè animum Calvi, cui ad perfectam eloquentiam non multa deessent. Sed ipsum potius oratorem nostrum audiamus, qui Trebonio, quem dixi, ita scribit lib. XV. Epist. ult. Ingenium ejus melioribus extuli laudibus, quàm tu id verè peruisse fieri putas. Et mox: Multæ erant, & reconditæ literæ: vis non erat. Ad eam igitur adhortabar. In excitando autem, & in acuendo, plurimum valet, si laudes eum, quem cohortere. Adjungit continuò: Habes de Calvo judicium & consilium. *m. um: consilium*, quod hortandi causa laudavi; *judicium*, quod de ingenio ejus valde existimari bene. Tantum de adhortatione.

§. 12. Huic DEHORTATIO opponitur: quæ tum contrariis rationibus utitur, ut dissuadeat: tum ardorem animi, quasi ingesta frigida, extinguit.

§. 13. In hac dicimus, rem esse malam, aut vilem, etiam quæ vires excedat; aut saltem laboriosam; aut cujus exitus sit incertus; &, ut succedat, parum tamen utilem fore.

§. 14. Ridemus; neque aliud, quàm fumum, esse, ostendimus montes illos aureos, quorum spes facta est. Exempla quoque allata dissimilia esse comprobatur.

§. 15. Culpamus animos auditorum nimis credulos, quos fucum sibi fieri non senserint. Adversariorum autem veteratorum ingenium perstringimus, quod dolis ac fraudibus alios circumtenerint.

§. 16. Denique periculorum summorum metu terrorem animis incutimus.

Egregium dehortationis exemplum habemus apud Titum Livium (a) in Oratione Calavii, civis Campani, qua filium suum Perollam ab Hannibalicæ dehortatur: *Per egote*, inquit, *fili*, *quæcumque jura libero jungunt parentibus*, *precor*, *quæseque*, *ne ante oculos patris facere & pati omnia infanda velis*. *Paucæ horæ sunt*, *intra quas jurantes per quicquid deorum est*, *dextræ dextræ jungentes*, *fidem obstrinximus*, *ut sacratis* *me-*

*mensis essemus; digressi à colloquio exemplo in eum armamur; surgis ab hospitali mensa; ad quem tertius Campanorum adhibitus ab Annibale es: eam ipsam mensam cruentare vis hospitis sanguine? Annibalem modò pater filio meo potui placare, filium Annibali non possum? Sed si nihil sancti, non fides, non religio, non pietas; audiantur infanda, si non perniciem nobiscum scelere afferunt. Unus aggressurus es Annibalem? quid illa turba tot liberorum, servorumque? quid in unum intenti omnium oculi? quid dextræ? torpescantne in amentia illa? vultum ipsius Annibalis, quem armati exercitus tremunt, quem horret populus Romanus, tu sustinebis? Et, si alia auxilia desint, me ipsum ferire, corpus meum opponentem pro corpore Annibalis, sustinebis? atqui per meum pectus petendus ille tibi, transfigendusque est. Deterrieri hic sine te potiùs, quam illic vinci: valeant preces apud te meæ, sicut pro te hodie valuerunt.*

## C A P. XXIV.

## DE CONSOLATIONE.

## § I.

**P**ervenimus ad tertiam classem, cujus orationes versantur circa dolorem alienum: ut sunt consolatoriæ.

§. 2. CONSOLATIO est oratio, qua animum morientis reddimus tranquillum.

§. 3. Dolor verò, qui abstergendus est, vel provenit ex bono jam amisso: vel ex amittendi metu.

§. 4. Consolatio, cui prioris generis dolorem lenire propositum est, diversimodè instituitur, pro diversa natura; vel mali, quod obtrigit, vel personæ; sive ejus, quæ consolatur; sive illius, cui consolatione opus est.

§. 5. In re ipsa videndum, num malum leve sit, vel tale saltem, quod corrigi possit.

§. 6. Si leve sit, licebit jocos admiscere, dum is ferre eos possit, quem compellamus.

§. 7.



§. 7. Si corrigi possit, conjecturas adferemus, unde verissimile fiat, malum hoc non fore diuturnum.

§. 8. Consolator vel minor est, vel æqualis, vel major. Minori agendum circumspectiùs. Amorem suum in primis testabitur: & ne de suo sapere plùs altero velle videatur, ea, quæ dictu opus, ex parente grandævo, vel quopiam philosopho, vel alio summæ prudentiæ viro, se aliquando audiisse profitebitur. Æqualis pro communi se amicitia jure facere docet. Major utriusque adeò liberiùs, adeò ut, si quis immoderatiùs dolorem ferat, etiam increpet graviter.

Scite hac de re Scaliger lib. III. de re poet. Cap. XXIII. Consolator, inquit, aut est major, aut minor, aut æqualis. Magnitudinem intelligo aut imperio, aut dignitate, aut opibus, aut sapientia, aut ætate. Aliter enim consolabitur Nasonem Livia, aliter Liviam Naso. Hoc spectat ad imperium. Dignitas autem etiam sine imperio esse potest. Veluti si pater filium, Ciceronem Pompejus. Opibus, ut si è plebe quempiam clientem suum Crassus. Sapientia, quemadmodum Polybium, aut Matrem Seneca. De ætate non opus est exemplis. Major interponet auctoritatem, etiam objurgabit. Sapiens apponet etiam disputationem. Sententiæ huic crebriores. Minor ostendet affectum: sese id à sapientibus accepisse. Æqualis testabitur amicitiam: juxta commune benevolentia.

§. 9. Is, qui consolandus est, vel videri vult fortior, quam ut egeat consolatione: vel animo est infirmior, quam ut, recenti adeo dolore, solatium admitat.

§. 10. Prius si fuerit, dicemus, quamquam is casus est, qui alium quamvis de constantia gradu deicere posset, tamen ejus sapientiam, & eximiam fortitudinem, ita nobis esse perspectam, ut non dubitemus, quin in istis malis animo sit futurus planè infractus. Quippe qui salutaribus philosophiæ præceptis hoc jam diu fuerit consecutus, ut sciat, banc communem esse mortalium legem, uti pati necesse sit multa adversa: & sapientis nihil esse præstare præter culpam: neque lædi quemquam posse, nisi à se ipso. Denique magnitudini huic animi gratulabimur.

Rhetorica Vossii.

K

§. II.

§. 21. *Sin animus est infirmus, & dolor ita recens, ut respuere videatur medicinam; bipartita erit oratio. Priori parte animum dolentium in nos transferemus, ut nostro magis dolori obsequi, quam alienum mitigare velle videamur.*

§. 12. *Affirmabimus, nos parum esse idoneos, qui solemur alios, cum tantopere animi discruciemur, ut consolatione ipsi egeamus.*

§. 13. *Atque, ut ex animo hoc dicere credamur, causas doloris nostri afferemus: nempe gravitatem mali, quo quis est affectus: & indignitatem perpetientis, ubi & laus ejus adniscetur.*

§. 14. *Addemus, non nos modo propterea dolere, sed omnes bonos.*

Et talis erit prima pars: Qua consequimur hoc, ut facilius persuadeamus alteri, adversam fortunam magno fortique esse animo ferendam: quippe qui videat, multum quidem affici nos casu tam tristi; veruntamen æquo cum animo tolerare. At illos, qui non commoventur malis nostris, etiam odimus: quo nihil ad persuadendum noxium est magis.

§. 15. *Altera verò orationis parte adferemus ea, quæ idonea sunt dolori leniendo. Quale fuerit, si affirmes, malum grave quidem esse, sed quod patientia possit mitigari.*

Secundum illud Venusini poetæ (a):

*Durum, sed levius fit patientia*

*Quicquid corrigere est nefas.*

§. 16. *Imo nec grave aded esse, quàm videtur. Nam non futurum hoc diuturnum. Vel bono alio posse resarci. Vel graviora multò alios perpeti.*

§. 17. *Argumenta hic in primis sumemus ab honesto, utili, necessario, jucundo, possibili.*

§. 18. *Ab honesto, quia hæc divina est voluntas, hoc ratio dicat, hec virtutis exigit natura, ut animi dolorem rectè factorum conscientia mitigemus.*

§. 16. *Ab utili, quia virtus rebus adversis redditur illu-*

*illustrior clariorque, ac præterea iisdem erudimur, & prudentiores, ac meliores evadimus.*

Jure sanè Alexander Magnus hoc unò nomine infelicior fuisse censetur, quod semper fuerit felix. Nec enim vinæ eum magis, quibus se tantopere ingurgitabat, quàm dulcis inebriabat fortuua.

§. 20. A necessario, quia, quæ effugere non licet, ea lugendo non corrigimus, sed exasperamus.

Eoque, ut ait Publius Mimus,

*Feras, non culpes, quod vitari non potest.*

§. 21. A jucundo, quia utcunque nunc ingrata fors ista sit, tamen veniet tempus, quo voluptatem gignet præteritorum malorum memoria cum honesto nomine conjuncta.

§. 22. A possibili; quia nulla est calamitas tanta, quin patiendo vincatur.

§. 23. Ac postremo isti argumento multum roboris accesseris ab illustribus eorum exemplis, qui adversa constanter pertulere. Quæ si domestica fuerint, multa etiam amplius movebunt.

§. 24. Denique exemplis illis ad pristinam adhortabimur virtutem, atque animum fortem, ne frustra se maceret ac nominis sui honorem, si impatientius se gerat, offuscet, atque imminuat, suisque hostibus gaudium creet.

Quid verò prohibet, quo minus & alteram methodum præscribamus?

§. 25. Possumus autem hanc etiam viam inire. Primum quidem causas adferemus, quæ nos ad consolandi officium impulerint.

Ut sunt cognatio, amicitia, misericordia, hortatus amicorum, & alia.

§. 26. Deinde agemus de natura mali, quod fatebimur grave quidem esse, & tale, ut propterea ipsi etiam doleamus non mediocriter: sed negabimus, durum ad eò judicandum, ut ejus molestia quisquam animum suum debilitari ac frangi patiatur.

§. 27. Post illa ex persona ejus, quæ malum patitur, quadrifariam argumentabimur. Primum monebimus,

ut cogitet, hominem sese, eoque humanam conditionem ferre constanter oportere.

Ut, si cui immoderatè lugeatur mors mariti, vel uxoris, affirmabimus, hanc fuisse, esse, fore sortem omnium, ut seriùs, ociùs, vita hæc deferatur, nec causam fuisse, cur ille, illave eximeretur communi hominum legi, atque aded omnium, quæ ortum habent; quando omnia, quæ ejusmodi sunt, occidunt, Pulchrè Statius Papinius (a):

— Omnia functa,

Aut moritura vides, obeunt noctesque diesque,  
Astraque, nec solidis prodest sua machina terris.  
Nam populos, mortale genus plebisque caducæ  
Quis flect interitus? Hos bella, hos æquora  
poscunt.

His amor exitio, furor his, & sæva cupido.

Ut sileam morbos, hos ora rigentia brumæ,  
Illas implacido lethalis Sirius igni,  
Hos manet imbrifero pallens autumnus biatur.

Quicquid habet ortus, finem timet: ibimus omnes,  
Ibimus.

§. 28. Huic in viro succedet, quod non homo solum sit, sed etiam mas: eoque non debeat esse animo molli. & effeminato.

Cicero Ep. XI. lib. V. Rogaremque, ut & hominem te, & virum esse meminisses: id est, communem incertumque easum, quem nec vitare quisquam nostrum, neque præstare ullo pacto potest, sapienter ferres.

Sanè quid turpius, quam ut, viri qui esse volunt, animos gerant muliebres? Et tamen in luctu nihil per-vulgatum magis. Quod cum videret Lyciorum legislator; voluit, ut mares lugentes femineo uterentur habitu: quo significaret, luctum esse quid muliere magis dignum, quàm viro liberaliter instituto: tum etiam, ut schematentati animus ad tranquillitatem citiùs reduceretur. Auctor Plutarchus Consolatione ad Apollonium.

§. 29.

(a) L. 1. Sylvar. in Epicedio Glaucia.

§. 29. *Tertium esto, quod non vir modo sit, sed etiam habeatur & sit vir prudens. Qualis cogitare debet, quid quid extra se est, ex adventitio fulgere; ut liberos, honores, opes: imo vitam ipsam xpoet (a) solum nostram esse, xpoet (b) verò naturæ, vel Dei potius.*

Quod eleganti hoc versu indicat Lucretius (c):

*Vitaque mancupio nulli datur, omnibus usu.*

§. 30. *Quantum, nobis quidem Christi Sospitatoris cultoribus, illud est, quod non modo quis civilis est prudentia instructus, sed Christiana etiam religione sit imbutus. Atque ea Christiani conditione facti sunt, ut calamitatibus hujus seculi exerceantur, ne cum mundo pereant. (d) Delibari quoque hic poterit locus communis de providentia divina in malo.*

§. 31. *Quod si quis non Christianus tantummodo sit, sed etiam doctor Christianus; jam quintum inde petetur argumentum.*

Ut qui non homo duntaxat sit, sed etiam vir; nec vir modo, sed insuper prudentia commendabilis; nec talis modò, sed simul Christianus, atque aded, quem Christianis aliis patientiæ & fortitudinis exempla præire oporteat; ne quod una manu extruit, id altera destruat. Notum est illud Dionysii Catonis:

*Turpe est doctori, cum culpa redarguit ipsum.*

Atque hæc dicta sint de consolatione primi generis: in qua præstare aliquid si voles, è recentioribus quidem juvabunt duo summi viri; Erasmus commentatione illa, quam inscripsit de epistolis conscribendis; ac Julius Scaliger lib. III. de re poetica Cap. CXXIII è veteribus autem, cum Rhetores, & hos inter Menander lib. II. Cap. VIII. tum oratores & philosophi, ut Tullius tot epistolis; ac præterea Servius Sulpitius epistola ad Ciceronem de morte Tulliæ; item Seneca ad Polybium, Marciam, Helviam; Plutarchus ad Apollonium, & uxorem; Aristides ad Etonei parentes, atque alii.

§. 32. *Alerum genus solatur mœrentes, eo quod jam malum sibi putent imminere.*

K 3

Ut

(a) Usu. (b) Possessione. (c) L. 3. (d) I. Cor. II. 13.

Ut ſi quis apud tyrannum venerit in ſuſpicionem conjurationis. Quomodo huiusmodi conſolationem tractari conveniat, non melius poſſum dicere, quàm Julii Scaligeri verbis. Sic vero ſcribit ſummus vir:

§. 33. CONSOLATIO TALIS in duas partes erit dividenda. In prima pones ſpem, qua opinio deleri, vel ira placari poſſit. In ſecunda addes animos, eventum contemnes, cariffima quæque oſtendes eſſe viliffima: denique à philoſophis, mundi vitæque contemptoribus, omnia mutuanda: Quæ ſi vulgata ſint præcepta, ſententiæ, proverbialia, aliis omnino verbis, numeris, figuris exprimenda ſunt, Nihil enim minùs movet, quam familiaria, nota, atque quotidiana. Sin à vulgi opinionibus uſuque maxime abhorrent, ac propterea ægrè animum ſubire valent: tum verò non tam rationibus, atque argumentis, fides extorquenda, quàm exemplorum perſuaſione inſinuanda. *De conſolatione ſatis.*

## C A P XXV.

### DE PETITORIA.

#### §. I.

**I**N quarto genere orationum dominatur gratiæ affectus, Uti ſunt petitoria.

§. 2. PETITIONE aliquid poſtulamur, vel pro nobis, vel pro alio: Poſterior hæc interceſſio vocatur.

Utriuſque artificium paucis complexus eſt Servius; ubi Junonis ad Æolum orationem enarrat. *Rhetorum*, inquit, eſt, in omni petitione hoc obſervare, ut poſſit præſtari, quod petitur, id eſt, ut ſit poſſibilitas; & ſit res juſta quæ petitur: ut habeat modum petitio: ut ſequatur remuneratio. Et ſciendum, ſecundum hunc ordinem omnes petitiones formare *Virgilium*. Ut in hoc loco poſſibilitas eſt:

*Æole-*

*Æole, namque tibi Divum pater, atque hominum rex  
Et mulcere dedit fluctus, & tollere ventos.*

Justa petitio est:

*Gens inimica mihi Tyrrhenum navigat æquor,  
Illum in Italiam portans, victosque penates.*

Omne enim, quod contra inimicos petimus, justum est.

Modus est petitionis:

*Incute vim ventis, submersasque obrue puppes,  
Aut age diversas, & disjice corpora ponto.*

Remuneratio.

*Sunt mihi his septem præstanti corpore nymphae.  
Quarum, quæ formâ pulcherrima, Deiopeam  
Connubio jungam stabili, propriamque dicabo;  
Omneis ut tecum meritis protalibus annos  
Exigat, & pulcra faciat te prole parentem.*

Hactenus Maro, serviusque. Sed cum non unum sit petitionum genus, distinctius videtur de utroque esse dicendum.

§. 3. Petitio alia recta est, alia obliqua. In illa aperte aliquid petimus: in hac, insinuatione opus est.

§. 4. Aperta petitio locum habet in re plane honesta, & apud eum, qui bene nobis vult.

§. 5. In hoc primum aliquid præmittitur ad amorem magis conciliandum nobis.

§. 6. Etiam, si opus fuerit, modum ostendimus, quo negotium confici possit.

§. 7. Denique remunerationem pollicemur.

§. 8. Obliqua verò petitione utimur; si vel parum sit honestum, quod poscimus: vel is parum est amicus, quem poscimus.

§. 9. In hac primum exponimus quàm noxius sit egenti pudor; quantæque videatur esse audaciæ, postulare à quoquam rem tantam; de quo nunquam sis bene promeritus; vel cui saltem nihil præstiteris magnoperè gratia dignum.

§. 10. Addemus, nos nihilominus spem maximam concepisse, fore, ut repulsam non feramus. Et ne temerè videamur confidere, afferemus fiduciæ causas: ut quod aliis etiam benefecerit, quibus justius poterat ne-

gare: item quod divina quædam sit bonitas viri, qua prodesse omnibus gaudeat.

§. 11. Quod si jam antè de nobis bene meritus fuerit, affirmabimus, cum multum ei simus devincti, tamen vellet esse obstrictiores. Referemus etiam, ut eum parentis loco coluerimus semper, omnemque in eo collocemus fiduciam, neque cuiquam debere malimus, quàm illi.

§. 12. Sin ipsi aliquando præstiterimus beneficium, id solum attingemus modeste, ne, quasi debitum, flagitare improbè videamur.

§. 13. Habet hic etiam locum laudatio parentum, & majorum utriusque: ac, si necessitudine inter se conjuncti fuerint, illud ipsum, ac mutua juvandæ augendæque dignitatis officia, commemorabimus. Indicabimus etiam, quàm pulchrum sit, ut hæredes opum paternarum, simul amicitie sint hæredes.

§. 14. Ostendemus præterea, petere nos rem honestam, piam, justam; illi facilem, quem rogamus; nobis verò perutilem, vel etiam necessariam. Atque hic misericordiam ab inopia, vel miseria nostra, ciebimus.

§. 15. Quod si quid incommodi videatur ad alterum posse redundare: vel hoc refellemus, vel extenuabimus. Dicemus commune nobis esse negotium cum iis, quos ille odit, aut timet.

§. 16. Etiam preces addemus, & obtestationes per res illas, per personas, quibus eum nihil habere carius constat.

§. 17. Denique promitemus animum gratum: & quamvis facultas referendi gratias vel nulla sit, vel exigua; tamen summam fore animi nostri propensionem, & prolixiæ semper voluntatem. Totos etiam nos fidei illius consecrabimus.

Petitionis exemplum est apud Isocratem epist. VIII. qua poscit à Mitylenæis, ut ab exilio revocent Agennorum, nepotum suorum magistrum. Victoriarum aram ut instaret Theodosius Imp. petit Symmachus relatione ea, quæ est lib. X. Epist. LIV. At non minori facundia dissuadet B. Ambrosius epistolis duabus ad eundem Symmachum scriptis. Multa etiam exempla suppeditabunt



bunt epistolæ Ciceronis . Eas inter , fideris instar , relucet elegans illa ad Luccejum ( a ) , qua Tullius petit , ut quæ in consulatu suo gesserat , literis velit consignare .

Porro ad petitoriam refer quoque orationem legati , qui missus est , ut auxilium advesus hostes , vel quid aliud exposcat . Item eam , qua rogatur princeps , ut in urbem nostram , sive ad solemne festum , sive alia de causa , venire dignetur . De priori agit Menander lib. II. Cap. XI. de posteriori tractat Cap. seq.

## C A P. XXVI.

## DE INVECTIVA

Et Objurgatione .

## §. 1.

**S**UPERSUNT orationes , quæ generi subjiciuntur Juridiciali . Ut sunt *invektiva* , *objurgatio* , *expostulatio* , *exprobratio* , & *deprecatio* .

Quamquam *invektiva* videtur non rectè minùs posse referri ad genus demonstrativum : ut quæ contineat vituperationem personæ , aut vitii . Sed qui maluerunt de illa tractare hoc loco , eò attenderunt , quòd non tantùm assumatur in genere demonstrativo , sed etiam in tractandi modo imitetur forensem accusandi formam .

§. 2. In *INVEKTIVIS* argumenta ad probandum suppetant ea , quæ de vituperatione in juridiciali genere dicta sunt . Ordo non est hic unius modi . Nam interdum invektimur in vitam omnem à puero usque ad ætatem provectam : interdum certis vitiorum capitibus insistimus . Affectus autem quos movere in eo convenit , quem exagitamur , sunt duo in primis , pudor facti , & metus ignominie , aut pœnæ ; apud alios autem concitantur ira , odium , invidia , affectus alii ; de quibus in περὶ ἀρετῆς egimus .

Exem-

( a ) Libr. 5. Ep. 12.

Exemplo hic esse possunt Demosthenes in Aristogitone, & quæ idem adversus Æschinem, vel hic adversus Demosthenem scripsit. Item Cicero in Catilinam, Vatinius, Pisonem, Antonium; item quæ illum in Sallustium dixisse, vel Sallustium in Cicronem, vulgo est persuasum.

§. 3. *Nec in personam habetur tantum, sed etiam senatum, vel populum universum.*

Cujusmodi est oratio Pontii Herennii in Romanos, cum dedidissent fœderis Caudini auctores, bellumque indixissent Samnitibus. Livium vide lib. XI.

§. 4. *Utrobique cavendum, ne frena laxemus maledicentiae: idque eo magis, quia ne summi quidem viri satis hac parte cavere sibi potuerint.*

Nunquam sanè homines magis esse disertis solent, quam si alios exagitare liceat. Sed canina hæc plurimum facundia est.

§. 5. *OBJURGATIO est reprehensio ob delictum, quæ emendationem alterius sibi proponat.*

Differt ab investiva, quodd hæc ferè circa inimicos versetur, & id spectet, ut noceat; illa instituatut erga amicos, & hoc studeat, ut prosit. Adde, quodd objurgatio plurimum est superioris; ut Imperatoris erga militem, patris adversus filium.

§. 6. *In hac ante omnia dispicere oportet, quo ingenio is sit, qui cum nobis negotium est. Sunt enim non pauci aded duræ cervicis, ut nihil proficias, nisi graviter intones, & minas etiam addas. Sunt alii ingenii aded mitis, ut, hanc si viam inire vellis, perdas eos potius, quam corrigas.*

§. 7. *De methodo ita statuimus. Primum ob oculos delictum ponitur. Ubi videndum, ne graviore illud nomine vocemus, quam convenit: præsertim apud eos, qui rerum momenta judicii trutina norunt ponderare. Sin crimen fuerit planè atrox, ferè satius est, ut scapham vocemus scapham, & ficum ficum.*

§. 8. *Hinc, quod peccatum est, exaggerabimus à circumstantiis personæ, loci, temporis, modi. Item ab aliorum comparatione.*

§. 9.

§. 9. *Et quidem apud homines duros, quos aliter flectere non possis, sequitur gravis exposulatio, atque etiam comminatio. Ac desinere expedit oratione concisa, ut maior injiciatur terror.*

Quomodo in tempestate homines magis fulmen extimescunt, quando, qua parte erupturum sit, non vident.

§. 10. *At eos, qui dociles sunt, non nimis exasperabimus; sed orationis acrimoniam paulo mellis temperamus. Hoc fiet, si initio laudemus.*

Nam si meritam tribuerimus laudem, videbimur non odio, aut malevolentia reprehendere, sed amore. Vide, quæ de hortatoria diximus superius cap. 23. §. 11. Propterea utile interdum est, potissimum in epistolis, si initio quædam afferantur ex loco communi, de discrimine adulatoris, & veri amici.

§. 11. *Prodest quoque si affirmemus, nos necessitate ad eos ad reprehendendum accessisse.*

Uti, de monitoria diximus cap. XXI. §. 6.

Vocant Græci προσκαίησι ανάγκης, simulationem necessitatis.

§. 12. *Valeat etiam, si non tam ipsi vitium hoc in amico observasse videamus, quam ab aliis in eo id requiri dicamus.*

Quemadmodum & in monitoria fit: ut retuli cap. XXI §. 5.

Nuncupant πρόσπερ ὑπάλλαγν communicationem personæ. Atque hæc duo in epistolis præcipue habent locum.

§. 13. *Multum etiam refert, si, quos reprehendimus, sentiunt, nos dolere eorum vicem. Ut &, si postremo eos loco commoneamus virtutis pristinae, &, quam de illis habeamus spem, proponamus. Quæ duo non epistolis modo ad amicos exaratis conveniunt; sed etiam orationibus, de rebus gravissimis ad senatum, populum, vel exercitum, institutis.*

Exemplo in hoc genere esto inter alias oratio Germanici (a) ad milites rebelles. Ubi de genere criminis sunt

sunt ista. Quod nomen huic cœtui dabo? militesne appellem? quo filium imperatoris vestri, vallo & armis circumfeditis? An cives? quibus tam projecta senatus auctoritas? hostium quoque jus, & sacra legationis, & fas gentium rupistis &c. A circumstantiis mox exaggerat: Primane & vicesima legiones, illa signis à Tiberio acceptis, tu tot præliorum socia, tot præmiis audita, egregiam duci vestro gratiam refertis? Hinc comminatio sequitur: Hunc ego nuntium patri, leta omnia aliis è provinciis audienti, feram. Post aliqua conclusurus, vide ut ad spem, atque amorem excitet: Tua, dive Auguste, cælo recepta mens, tua, pater Druse, imago, tuæ memoria, iisdem istis cum militibus, quos jam pudor & gloria intrat, eluant hanc maculam, irasque civiles in exitium hostibus vertant.

G. 15. Sed si is fuerit, in quem vel jure, ac beneficio nature vel aliter, penè nihil non liceat nobis, jam laudis, vel dissimulationis lenimento vix unquam erit opus.

Ut in oratione Veturiæ ad Coriolanum apud Livium (a): Sine, priusquam complexum accipio, sciam, ad hostem, an ad filium venerim; captiva, maternelle in castris tuis sim? In hoc me longa vita, & infelix senectæ traxit, ut exulem te, deinde hostem viderem? potuisti populari hanc terram, quæ te genuit, atque aluit? non tibi, quamvis infesto animo, & minaci perveneras, ingredienti fines, ira cecidit? non, cùm in conspectu Roma fuit, succurrit. Intra illa mœnia domus, ac penates mei sunt? mater, conjux, liberique? Ergo ego nisi peperissem, Roma non oppugnaretur? nisi filium haberem, libera in libera patria mortua essem? Sed ego nihil jam pati nec tibi turpius, quàm mihi miserrimus possum: nec, ut sim miserrima, diu futura sum. De his videris, quos, si pergis, aut immatura mors, aut longa servitus manet.

CAP.

## C A P. XXVII.

## DE EXPOSTULATIONE.

Exprobratione &amp; Deprecatione.

## § 1.

**E**XPOSTULATIO est querimonia de injuria accepta.

§. 2. Ea vel levior est, vel gravior. Levior, vel laude, vel joco, vel dissimulatione, temperanda est; nisi forte summæ auctoritatis apud alterum simus. Ac factum quidem improbavimus: excusabimus verò voluntatem, quantum licet. Dicemus, nos mirari, quod officium neglexerit: sed quidvis tamen malle suspicari, quam eo hoc factum esse, quia nostri, vel amicorum, vel Reip. amore minus tangatur, quam solet.

§. 3. In graviore expostulatione videndum, ne ob leves causas fiat: Et ut gravis subsit causa, tamen ita est instituenda oratio, ut ne injuriam nimis videamur exaggerare; sed potius credamur multò plura tulisse, quæ silentio hæcenus presserimus: nunc autem eo processisse malum, ut dissimulari ultra non possit; præsertim cum majora etiam timeantur.

Nihil sanè fidem magis adstruit querimoniæ nostræ, quàm si reluceat in ea animus patiens. Nam ita consequimur, ut videatur illam extorsisse necessitas. Itaque opera danda est, præsertim personæ gravi, ne quid abjectum ac muliebre habeat sermo. Attamen afflictis planè, atque oppressis, miserabili oratione uti licet apud superiores, & omnes, quorum in manu eorum sita est salus. Dispar vero ratio erit, si apud æquales dicamus; nec eum, de quo querimur, perditum ire velimus, sed ad mentem revocare saniolem. Eaque in re præbit nobis Tullius ipse Philip. 1. Priusquam, inquit, de Rep. dicere incipio, pauca querar de besterna M. Antonii injuria, cui sum amicus: idque nonnullo ejus officio debere es-

se,

se, præ me semper iuli. Quid tandem erat causæ, cur in senatum besterno die acerbè rogerer? solusne aberam? an non sæpe minùs frequentes fuistis? an ea res agebatur, ut etiam ægrotos deferri oporteret? Annibal, credo, erat ad portas; aut de Pyrrhi pace agebatur: ad quam causam etiam Appium illum & cæcum, & senem, delatum esse, memoriæ proditum est. De supplicationibus referebatur: quo in genere senatores deesse non solent. Coguntur enim non pignoribus, sed eorum, quorum de honore agitur, gratia; quod idem fit, cum de triumpho refertur. Ita sine cura consules sunt, ut penè liberum sit senatori non adesse. Qui cum mihi mos notus esset, cumque de via languerem, & mihi met displicerem, nisi pro amicitia, qui hoc ediceret. At ille, vobis audientibus, cum fabrilis se domum meam venturum esse dixit. Nimis iracundè hoc quidem, & valdè intemperanter. Cujus enim maleficii ista pœna est, ut dicere in hoc ordine auderet, se publici operis disturbaturum publicè ex senatus sententia ædificatam domum? quis autem unquam tanto damno senatorem coegit? aut quid est ultra pignus, aut multum? qui si scisset, quam sententiam dicturus essem, remisisset aliquid profecto de severitate cogendi.

§. 4. Sequitur EXPROBRATIO, quæ eo differt ab expostulatione, quod illa etiam fiet adversus amicos; exprobratio adversus inimicos; neque hos quosvis, sed ingratos.

§. 5. Constat partibus duabus. Prior est beneficii nostri commemoratio, & exaggeratio. Quia vero parum liberale videtur beneficia sua objectare, eoque extollere multum: eo affirmabimus, id nos facere invitos, sed alienis compelli injuriis. Atque hic & conscientiam adversarii testari licebit.

§. 6. Altera pars est expositio, nec non amplificatio maleficii alieni.

§. 7. Quandoque & ab hypothesis ad thesin ascenditur, universæque aliquid dicitur de vitio criminis ingrati.

Exemplo sit epistola Ciceroni ad Antonium, quæ quinta est libri quinti. Item epistola Scholastici, seu rhetoris cujusdam, sub nomine Ciceronis ad Octavianum.

vium. Ut & oratio Ariadnæ ad Theseum apud Catul-  
lum (a), cujus initium:

*Siccine me patriis aduersum perfide ab oris?*

Et oratio Didonis ad Æneam (b), quæ incipit:

*Nam fletu ingemuit nostro, &c.*

Item apud Ovidium Ep. Medæ ad Jasonem.

§. 8. *DEPRECATIO tractanda est in hunc modum. Primum opera danda est, ut tempore fiat opportuno. Item per eos, qui gratia & autoritate pollent: quippe quibus nihil facile negetur. Vel per homines miseros, & luctu ac squalore confectos: quorum infelici conditioni ultra mali quicquam accidere velle, durum videatur.*

Vide, quæ de tempore commodo, & personis idoneis superius (c) diximus, cum de affectu Lenitatis ageremus.

§. 9. *Hinc demonstrabimus, crimen non esse malitia commissum. Ubi loci Purgationis adhibentur. Sed si color ejusmodi non habeat locum, satius est, ut ingenuè culpam fateamur, quam ut frivolis nos ratiunculis defendamus. Siquidem illud turpis causæ patrociniū offendere magis viros principes solet. Præterea, si crimen tantopere imminuamus, clementiæ suæ detrabi existimant, quasi leviculam tantummodo culpam condonent.*

§. 10. *Posthæc tractandus est locus communis de clementia: sed non evagandum nimis; eaque præcipuè afferri debent, quæ causæ magis propria sunt.*

§. 11. *Exinde adjungemus rationes à qualitate personæ, pro qua dicitur: ut quæ petuntur à nobilitate ejus, eruditione, anteaclæ vitæ innocentia, meritis erga Remp. item ostendimus, ut, si signoscatur, nihil quidem incommodi inde ad Remp. possit redundare, hominem verò ipsum magnopere utilem fore Reipub.*

§. 12. *Postremo adhibetur ἀπορία (d) querimonia, obsecratio: in quibus tamen omnibus τὸ πρῶτον (e) est ser-*

(a) Carmine de nuptiis Pelei & Thetidis, (b) L. 4

(c) Cap. 8. §. 3. & quatuor seqq.

(d) Dubitatio de eo, quid miser sit acturus.

(e) Decorum.

*servandum: si gravis sit persona, nihil pro ea muliebriter ac demissè nimis est poscendum.*

Exemplum deprecationis apud Ciceronem habemus in peroratione orationis pro Muræna: Fidem vestram, vel defensoris & amici officio adductus, oro, atque obsecro, iudices, ut ne homines miseri, & cum corporis morbo, cum animi dolore confecti, L. Muræne recentem gratulationem nova lamentatione obruatis &c. Cæterum vix in iudicio deprecationi est locus; nisi cum pro eo dicimus, cujus magna sunt merita. Ac tum in loco communi per amplificationem injicitur: ut ait scriptor ad Herennium lib. I. At apud parentem vel Imperatorem dispar est ratio; unde Cicero pro Ligario: *Causas, Cæsar, egi multas, & quidem tecum, dum te in foro tenuit ratio honorum tuorum: certe nunquam hoc modo. Ignoscite, erravit, lapsus est, non putavit, si unquam posthac. Ad parentem sic agi solet. Ac iudices: Non fecit, non cogitavit: falsi testes, fictum crimen.* Atque hæc dicta sint de Inventionis doctrina, tum primaria, & magis simplici; tum altera ex priori orta: quibus duabus eam partibus absolvi, superius (a) dicebamus.

## Finis Libri Secundi.

GE-

(a) L. 1. Cap. 2. §. 6.



GERARDI JOANNIS VOSSII

# PAR TITIONUM OR A T O R I A R U M

LIBER TERTIUS.

---

C A P. I.

DE DISPOSITIONE UNIVERSE.

§ 1.

**A**ccedamus nunc ad alteram Rhetorices partem, quæ  
DISPOSITIO vocatur. Est ea partium ora-  
tionis idonea ad persuadendum collocatio.

Ex qua definitione patet, quantopere aberrant, qui  
Dispositionem hanc Logicæ esse partem contendunt,  
cum Logica Dispositio longe alia sit. Quippe si eo no-  
mine intelligant *γένησις* Syllogismi: hæc solum atten-  
dit ordinem terminorum in Syllogismo. Sin methodum  
sic appellant, ea considerat vel artium & disciplinarum  
constitutionem, vel tractationem quæstionum, sed nu-  
dam, citra exordium, aut epilogum; citra mores, &  
affectus; quæ ad persuadendum adhibentur. Ut etiam  
diximus lib. I. Cap. I.

§. 2. *Partes orationis duæ sunt, simpliciter necessa-  
riæ; propositio & fides, seu probatio, quæ & conten-  
tio dicitur.*

Quemadmodum enim in omni syllogismo conclusio  
est, quæ probetur, & argumentum, per quod probe-  
tur;  
*Rhetorica Vossii.* L tur;

tur; ita in omni quoque oratione est principalis quædam controversia, quam propositio assignat; & rationes sunt causam nostram probantes, adversarii refellentes; quæ in fide, seu contentione collocantur.

§. 3. *Sunt præterea due partes necessariae oratori, hoc est, propter hominum infirmitatem; qui, cum rationibus sæpe non moveantur, affectibus sunt trahendi. Eæ partes sunt exordium, & peroratio: illud ad conciliandum, hæc ad concitandum in primis adhibetur.*

§. 4. *Interdum quinta pars accedit, narratio, idque potissimum in genere Juridicali. Quin etiam sex orationis partes statui possunt, quia fides seu contentio confirmationem & confutationem comprehendit.*

## C A P. II.

### DE EXORDII DUPLICI OFFICIO, Et utriusque locis generatim.

§. I.

**E**XORDII munus est duplex; indicat enim scopum orationis, & præparat auditorem ad reliquam actionem.

Ac Cicero quidem prius solet animos parare; & deinde exponere, qua de re sit dicturus. Sed veterum multi contrarium facere solent, ac quandoque etiam Cicero ipse.

§. 2. *Bisariam verò à priori munere incipimus. Interdum quidem simpliciter exponimus, qua de re dicendum sit. Quamvis autem Aristoteles ejusmodi exordium minus prober, quia oratio sic quasi quædam (a) sit: constatat tamen, præstantes etiam oratores ita ordiri.*

Ut Gorgiam Leontinum, qui de Eliensium laude dicturus, ita cœpit: *Ἡλῆς, πόλις εὐδαίμων* (b) Nec mul-

(a) Trunco & capite carent.

(b) Elis, beata civitas.

multum ab it illud Gregori Nazianzeni in laudem Athanasii: Αθανασίου επαινων, επετα εν επαινωσιν ας (a).

§. 3. Sed sepius auspicamur à generali profunditate ex intimis causæ viscèribus ducto: cui tanquam fundamentum mox superstruitur quæstio particularis.

Ut si Elienses laudaturus inde ordiatur, quod utile sit præclaras urbes laudibus ornari: aut si Athanasium celebraturus, inde inchoet, quod viros virtute præcellenti præditos oratione extolli oporteat, quod ita ad imitationem eorum alii incitentur. Similiter adversus adulterum, vel meretricem dicturus, incipere poterit à laude castitatis, aut vituperatione vagæ libidinis.

§. 4. Porro eum, qui vel solum hoc artificium satis attenderit, non facile deficiet commodè ordiendi ratio. Attamen ne eandem semper incudem tundamus, necesse est, etiam nosse alias vias, quæ similiter ad scopum orationis ducant. Hujusmodi est initium ἐκ προληψεως, si-  
ve ab opinione eorum, apud quos dicemus.

Quomodo Demosthenes adversus Midiam orditur: (b)  
Τὰ μὲν ἀσέλγηται, ἀ ἀνδρες, δυνεσι, ἐ τῇ ὑβρί, ἡ πρὸς ἀκατίας αἰ χρίται, Μιδίαι, εἰς αὐτὴν εἰς ὑμῶν, ἐπὶ τῶν ἄλλων πολιτῶν, ἀγροῦν οἶμαι. Item Cicero Invektiva IV. in Catilinam: Video P. C. in me omnium vestram ora atque oculos esse conversos. Video vos non solum de vestro ac Reip. verum etiam, si id depulsum sit, de meo periculo esse sollicitos.

§. 5. Item initium ex παρασπίς, si-ve ex abundantia, cum, antequam dicamus, de quò agere propositum sit, præmittimus, nos eo contentos fore, et si adferre possimus alia non leviora, imò etiam graviora.

Ut si agendum esset adversus Phryam, mulierem tribus digitis minorem, quam quatuor cubitorum, cæteroquin formosam: quæ à Pisistrato exule, conscio Megacle, adornata habitu Minervæ, & Athenas cur-

(a) Athanasium laudans, virtutem laudabo.

(b) Quæ petulantia; Judices. & contumelia in omnes semper utatur Midias, neminem aut vestrum, aut aliorum libidinum, arbitror ignorare.

ru invecina, seseque Palladem simulans, distitit; tyrannum, quem eiecerant, reduci debere, atque ita rudi populo os subruerat; ut autor est Herodotus lib. I. (a) in causa istiusmodi sic incipere aliquis potuisset (b): Audax mulier jure optimo horrendi possit sacrilegii accusari: quippe quæ Minervæ honores, quam Atheniensium civitas tantopere semper coluit, sibi impie vindicavit. Verum enim verò atrox hoc crimen Deorum volere relinquere vindictæ, qui soli poenas meritis haud minores repetere ab ea possunt. At mihi satis in præsentia erit, si ea in medium adferam, quæ commisit contra populi majestatem.

Exemplum simile est: Quamquam non adulterii minus, quam furti crimen possim intentare: non tamen tam durus ero accusator, quam vicinus impius fuisti. Item: Cum majora etiam in Socrate possint commendari, tamen nunc solam ejus patientiam laudabo. Sed frustra hujusmodi exordium acquirit orator, utcumque arte valeat, nisi res ipsa suggererit.

§. 6. Etiam abrei, de qua dicendum, amplificatione ordinum: Cuiusmodi est ista: Si unquam aliàs, nunc de maximo negotio dicendum nobis esse.

Ita Cicero incipit pro domo sua ad Pontifices: Cum multa divinitus, pontifices, à majoribus nostris inventa, atque instituta sint; tum nihil præclariùs, quam quod eosdem & religionibus immortalium, & summæ reip. præesse voluerunt: ut amplissimi, & clarissimi cives Remp. bene gerendo, Religiones sapienter interpretando, Remp. conservarent. Quod si ullo tempore magna causa in sacerdotum populi Rom. iudicio ac potestate versata est: hæc profecta tanta est, ut omnis Reip. dignitas, omnium civium salus, vita, libertas, ars, foci, dii, penates, bona fortuna, domicilia, vestræ sapientiæ, fidei, potestatisque commissæ creditaque esse videantur. Vobis hodie no die constituendum est, utrum posthac amentes ac perditos magistratus, improborum ac sceleratorum civium præ-

(a) Uti & Athenæus lib. 13.

(b) Hermogenes de Inventionis lib. 2, cap. 3.

præsidio nudare, an etiam Deorum immortalium religio-  
ne armare malitis. Simile exemplum sit: Cùm multa in  
hujus laudem (vel vituperationem) dici possint familiam  
tamen ducit illud, de quo nunc agere propositum est nobis.  
Vocant aliqui exordium *ἐκδοχαστικόν*. (a) Atque hæc de  
primo exordii officio, quo docilis redditur auditor.}

§. 7. Alterum exordii munus erit, ut auditoris ani-  
mus, velut medicamenti quibusdam, ad benevolentiam,  
& attentionem, præparetur. Sed hujusmodi prolatio non  
semper est necessaria. Nam si auditor nos amet, ac sus-  
piciat, neque animus ejus ulla suspitione sit præoccupatus;  
quid attinet benevolentiam aucupari? Si item liben-  
ter audimur, quid opus fuerit laborare, ut attentè audia-  
mur? præsertim in orationis initio, ubi omnes auribus  
maximè arrectis esse solent. Quare prudentis est oratoris  
dispicere, quando res, & tempus, medicamenta ista re-  
quirant: ne, si, puerorum more, *ὡς πρὸς* ejusmodi, ubi  
opus non est, confectemur, auditorem minùs etiam benevo-  
lum, atque attentum, reddamus.

§. 8. Quibus argumentis benevolentia pareatur, partim  
in Amoris loco offendimus libro superiori (b): partim ex  
tis colligere erit, quæ de locis Exordii in genere judi-  
ciali inferius (c) dicemus.

§. 9. Paratur autem benevolentia vel apertè, vel oc-  
cultè. Quando apertè hoc agimus, *Ἀπὸ*, sive *Princi-*  
*pium*, vocatur: atque ejusmodi exordium in genere ho-  
nesto plurimùm adhibetur.

Ut si contra parricidam dicatur.

§. 10. Sin idem occultè fiat, vocatur *insinuatio*, Græ-  
cè *ἐπιδός*.

Insinuatio quidem, quia quasi in sinum, hoc est, in  
pectus, atque animum, clam irreat: *ἐπιδός* autem à  
similitudine clandestini ingressus, quo urbes capi solent.  
Tale est initium orationis ejus, quam Cæsar apud Sal-  
lustium habet pro conjuratis.

§. 11. Habetque istiusmodi exordium præcipuè locus

L 3 in

(a) Divisione. (b) Cap. 9.

(c) Cap. seq. §. 12. & deinceps.

In genere turpi, vel ancipiti vel inoperto, siue admirabili. Turpi, ut si pro patricida orandum sit: ancipiti, quæ partim honesta, partim turpis, ut in causa Orestis, qui matrem interfecit, sed ut patris mortem ulcisceretur, in admirabili, ut si quia laudet paupertatem, exilium, mortem, injustitiam, &c.

§. 12. In honesta causa ferè utimur Principio.

Uti Cicero facit pro lege Manilia: ubi cum locum & tempus dicendi ex sententia sibi obtigisse dixisset, ista subiungit: *Atque illud in primis mihi letandum iure esse video, quod in hac insolita mihi ex hac locoratione dicendi, causa talis oblata est, in qua oratio nemini deesse potest. Dicendum est enim de Gn. Pompeji singulari, eximiaque virtute: hujus autem orationis difficilius est exitum, quam principium invenire.*

§. 13. At cumdemum in huiusmodi causa Insinuatione est opus, si auditor vel defessus sit audiendo, vel persuasus ab his, qui priores dixerunt.

Nam quid refert, utrum causa nostra sit honesta, si audire nos gravetur iudex vel non habeat causam pro honesta?

§. 14. Atque horum alterum cum sit, etiam attentionem parabimus. Idem facimus in genere turpi, & ancipiti, atque etiam humili. Nam quia hoc est de re vilis & abjecta, eo facile negligitur.

§. 15. Attentio paratur partim promissione, partim petitione. Promissione quidem, si pollicemur, nos diuturos de rebus novis, magnis, utilibus vel jucundis.

Hoc, ut Servius & Victorinus observant, egregie præstitit Maro, quando de apibus scripturus, ita cecinit:

Protinus AERII mellis COELESTIA dona

Exequar. —

Et mox:

ADMIRANDA tibi levium spectacula rerum,  
MAGNANIMOSQUE duces, totiusque ex ordine gentis

Mores & studia, & populos, & prælia dicam.

In tenui labor: at tenuis non GLORIA.

§. 16. *Quaquam profecto, si satis appareat, rem esse abiectam, plus efficit orator verbo commode & exp-  
yritur prolatio, quam si spondeat aures montes.*

Ut Cicero Philipp. VII. parvis de rebus, sed fortasse necessariis, consulimur, P. C. de Appia via, & de moneta. Item si acturus causam pauperis, idque in re pusilla, dicat, damnum exiguum rei non minus grave esse pauperi, quam diviti rei inikimæ. Quo artificio apud *uirtilianum* (a) pauper utitur, divitem accusans, qui veneno per flores pauperis sparsos apes ejus interemerat. Unam, inquit, oro, ne cui minor dignitate vestra videatur causa litis meæ. Ante omnia enim non debetis expectare, ubi pauper magnâ perdididerim: sed quantum sit, quod obstrulerit mihi atres, minus est, quod reliquit.

§. 17. *Petitione autem paratur attentio, cum auditores, attendere ut velint, rogamus.*

Ut apud Cic. pro Sex. Rosc. Quapropter vos oro atque obsecro, judices, ut attentè, bonaque cum venia, verba mea audiat.

§. 18. *Petitur id quidem in media quoque oratione, sed ferè in initio orationis sollicitè magis fit.*

Quomodo id facit Tullius in Miloniana: Quamobrem adeste animis, judices, & timorem, si quem habetis, deponite. Nam si unquam de bonis & fortibus viris, si unquam de bene meritis civibus, potestas vobis judicandi fuit, si denique unquam, &c.

§. 19. *Genus duorum vocatur, si re obscuram, quale est, in quo difficulter causam percipit auditor, maximè docilitatem. Quare cum alibi ad docilitatem parandam sufficiat, generatim indicasse, quâ de re acturus sis, quod primum esse exordii munus supra diximus: hoc in genere etiam distributione opus est, sed quam brevitas commendat; ne, dum dociles facere vis auditores, eos magis confundas. Verùm de hoc accuratiùs infra dicemus, in Propositionis doctrina.*

§. 20. Si in Exordio accuratè causam constituerimus, ac dividerimus, propositione postea nihil erit opus.

Nec obstat, quod superius ex Aristotele dicebamus, Propositionem esse necessariam orationis partem. Neque enim ita hoc accipi debet, quasi semper distinctum sit orationis membrum: sed quia necessarium est, ut quomodotunque proponatur, sive in Exordio fiat, sive in fine Narrationis, sive seorsum.

§. 21. Quod si in exordio sufficiat, simpliciter assignare scopum orationis; eoque istis benevolentiae & attentionis parandae medicamentis opus non sit: videndum tunc, an non ordiendi argumentum praebeat causa, vel occasio, quae nos impulit ad dicendum.

Hujusmodi exordio utitur Tullius in oratione pro C. Rabirio: *Etsi*, inquit, *non est meae consuetudinis, initio dicendi rationem reddere, qua de causa quemque defendam; propterea quod cum omnibus civibus, in eorum periculis, satis justam mihi causam necessitudinis esse duxi: tamen in hac defensione capitis, famae, fortunarum omnium C. Rabirii, proponenda ratio videtur esse officii mei; propterea quod, quae justissima mihi causa ad hunc defendendum esse visa est, eadem vobis ad absolvendum debet videri, &c.* Est quoque hujus generis exordium, quod sumitur à lege, vel consuetudine; ut in Rullum pro lege agraria: *Est hoc in more positum, Quirites, institutoque majorum, ut illi, qui beneficio vestro imagines familiae suae consecuti sunt, eam primam habeant concionem, qua gratiam beneficium vestri cum suorum laude conjungant, &c.* Item sic Philippicam incipit à scriptura: *Si, ut ex literis, quae recitatae sunt, P. C. sceleratissimorum hostium exercitum caesum fusumque cognovi, &c.*

§. 22. Locus etiam saepe initium dicendi suggeret:

Nam & vilitas ejus generosis animis dicendi aufert voluptatem, (unde Scopelianus (a) à Clazomeniis rogatus, ut dicere apud se vellet, respondit, lusciniam non canere in cavea) & contra, majestas ejus consternat

(a) Philostratus in vitis Sophist.



nat animum etiam non vulgaris oratoris: ut fidicendum fuisset Babylone in dicasterio regis, non sapphiro & auro tantum conspicuo, sed etiam cœli imaginem cum Diis referente: Prout Philostratus illud describit in Apollonii vita lib. 1. cap. 18.

## C A P. III.

## DE SPECIALIBUS

## Exordiorum Locis.

§. 1.

**U**tiliter verò observat Aristoteles, variare Exordiorum locos pro tribus causarum generibus.

§. 2. In genere Demonstrativo sunt loci tres: Primus est à laude, vel vituperatione.

A laude sic incipit Plinius divinum panegyricum: Bene ac sapienter, patres conscripti, majores instituerunt, ut rerum agendarum, ita dicendi initia à precationibus caperentur. A vituperatione contra panegyricum suum orditur Isocrates. Quippe reprehendit eos, qui celebritates publicas instituere, quod virtutibus corporis præmia statuerint, illis animi non item. Similiter in funebri oratione, Dionis exemplo (a), incipere possumus à reprehensione consuetudinis ejus, qua dicere jubentur, quos flere magis conveniret; atque eloquentia ab iis exigitur, quibus recens dolor ingenium ac facundiam omnem eripit.

§. 3. Alter locus est à suasionem, vel dissuasionem.

Ut si is, quem laudare voles, vir quidem fuerit egregius; sed cui in omni vita placuerit illud vetus: *Ἀνδρὶς ἁπλοῦς* (b); dicere licebit, non eos solum esse laudandos, quorum nota est virtus; sed etiam, quorum est ignota.

§. 4. Tertius locus assumitur è genere Juridicali: itaque à persona auditoris. Ut si nobis agendum sit de re vel incredibili, vel ardua, vel pervulgata. Tunc enim petimus, ut ignoscere velint auditores, si quid protulerimus,

(a) Orat. 39. (b) Late in vita, seu latenter vive.

rimus, quod vel parum delectet, vel incredibile videatur.

§. 5. Atque eleganter in hoc genere ab historia, fabula, vel similitudine ordimur: dummodo *ἐκδοῖται* sive redditioni, de qua mox dicam, commode adaptemus.

Ut si laudare Scipionem Africanum velis; sic licebit auspicari: De Lucio Emilio legimus (a), cum Jovis Elæi imaginem conspexisset, attonitum aliquantisper hæsisse, exinde in hæc erupisse verba: Solus profecto Phidias Jupiter Homericæ Jovis (b) majestatem expressit. Idem ego non verear affirmare de Scipione Africano, in quo uno divinarum virtutum illustris effigies effulget. Sed nullius tantum est flumen ingenii, quod oratione disposita virtutes eas condignè possit exponere.

Neque hæc ordiendi ratio in personis duntaxat, sed etiam in rebus locum habet. Ita laudate volenti castitatem, in hanc sententiam præmiū se obtulerit: Fabulantur poætæ (c), Pygmalionem ex ebore virginem affabrè adeò fecisse, ut ipse operis sui conceperit amorem, atque adeò Deam rogarit, ut animam ei inspirare vellet, quod cum una hæc vitam omnem dulciter transigere posset. Opto, ut similiter, dum orationis meæ penicillo formosissimam & castissimam depingo virginem, ipsam nempe castitatem, amor ejus in me tantus accendatur, ut præ una hæc voluptates turpes contemnā: neque id sufficit mihi, ut medullitus inflammetur ego; sed velim, ut idem contingat omnibus vobis.

Item à personæ nostræ tenuitate ordiri possumus tali similitudine: De Antiochenis narrat Lucianus (d), ut cum apud eos pusilli corporis histrio in scenam prodisset, quò Hectorē salutaret: dicax ille populus exclamarit

con-

(a) Apud Suidam voce *ἐκδοῖται*. Auctorem verò laudat Pollitium: apud quem frustra hodie quæras.

(b) Phidias expressit Jovem à secundum versus Homericos: ut est apud Strabonem lib. 8.

(c) Ovid. 10. Met. Fab. 8.

(d) *Ἰστορία ὁμοιωμάτων*.

continua, *Astyanactem* se videre, *Hectorem* autem requirere. Multum ipse etiam vereor, ne cum dignitas argumenti huius quasi *Hectora* aliquem, hoc est, magnum oratorem, exigat: magnopere miremini, quod ego vix *Astyanax* aliquis, hoc est, tenuis ingenti homuncio, in conspectum vestrum prodire sim ausus.

Quod si insinuatione sit opus, ut si inveteratam sententiam eximere animo velimus, dicemus, nihil esse difficilius, quam evellere animis opinionem, quæ jam invaluerit. Nam uti illi, qui ab oculis laborant, egrè lumen conspiciunt, intenditis verò cum voluptate versantur; ita eos, qui errorem aliquem, quascumque laquei imbibierunt, difficulter perpeti, eum se dedoceri. Affirmabimus, simile quid etiam videri in illis qui alienos fœtus alunt pro suis. Nam si initio ea scissent, quæ postea cognoscunt; nunquam animum fuisse inducturos, ut pueros tollerent, sed post longi temporis educationem, invitos ea audire, quæ dicuntur; ac sibi etiam vim facere, ut ne credant. Vide in hanc sententiam illustre exordium orationis ejus, quæ Dion Chrysostomus (a) conatur probare, illum à Græcis non fuisse eversum.

Et sanè in aliis etiam Dionis exordia valde sunt *in-  
digne* (b) ac luculenta. Subinde tamen, & longiora sunt, & picta magis, quàm convenirent, quod Photius (c) etiam observat. Tale est argumentum orationis Olympicæ, sive de prima Dei cognitione; ubi ab exilio recens reversus, in Olympica panegyri ita se ab omnibus cingi ait, quomodo, ex vulgari Græcorum opinione, noctuam circumstant & admirantur aves reliquæ; etiam pavo, qui magis, quàm noctua, admirationem meretur. Atque hæc scitè quidem tractat: sed & prolixius, & floridius, quàm gravi aded conveniat argumento. Quare cautè ea parte imitandus est juvenuti. Et hæc de exordiis generis demonstrativi, de quibus etiam Menander scripsit:

sed

(a) Orat. xi. (b) Florida. (c) Cod. 209.

sed hodie nihil exstat præterquam de procæmiis (a) hymnorum.

§ 6. Genus **DELIBERATIVUM**, in publica quidem causa exordium natura sua olim requirebat. Nam sciebat antea auditor, qua de re esset consultandum. Incidebant tamen tum quoque tempora, cum procæmio uti deberet orator: idque vel propter se, vel adversarium, vel auditores, vel ob ornatum.

§. 7. At tunc quidem ob ornatum (ut de hoc primum loquar) exordio uti dicitur; cum vix alto fine adhibetur, quam ne oratio videatur abruptum quid, eoque rude & inconcinnum; quæ quod est, minus allicit ac demulcet auditorem.

Vide exordium orationis Manilianæ, quod præcipue conformatum est ad ornatum, ac dignitatem.

§. 8. At propter se exordium adhibet orator, quando dissolvendum est crimen: ut si ostendat, non debere consilium suum contemni; si ob ætatem juvenilem, quia nec dum sit iudicio firmato; si ob senilem, quasi jam delitret: si ob similem ob causam, ut quod prudentia, aut dignitate, longè minor sit iis; apud quos dicendum est.

Licebit tum hoc, vel simili modo, exordiri. Quamquam non tantum mihi arrogem, ut existimem, me cum quoquam vestri prudentia posse conferri: tamen cum gubernatores etiam à vectoribus quandoque moneantur utiliter; confido, quæ vestra humanitas est, non gravate vos laturos, si de re necessaria nunc pauca verba fecerò.

Vel hunc in modum: Glaucum, ajunt (b), cum admodum adolescens adjuvaret patrem in opere rustico, & vomer fortè excidisset aratro; mallet loco sola manu usum esse, atque ita pristino eum loco reddidisse. Hoc robore juvenis perspecto, à patre perductum esse ad Olympiacum certamen: ubi dum fortis, sed novitius pugil, ab adversario premitur vehementius, acclamasse parentem, ut iclum inferret, qualem intulisset antea

(a) L. 2. cap. ult. (b) Suidas in Γλαύκῳ.

rea aratro (a). Eaque voce, licet ab homine artis ignaro profecta, tantopere tamen accensum fuisse pugilem hunc, ut adversarium feriret fortiter, ac victoriam mox reportaret. Utinam & ipse, istius instar agricolæ, quandoquidem & olitores interdum opportunè aliqua loquuntur, incitare vos ad rem præstantissimam possem.

§. 9. Propter adversarium utimur exordio, cum reprehendi is debet, quia turpe aliquid, vel noxium suaserit.

Eo pacto orditur Cicero Philipp. VIII. Confusus hæsterna die est acta res, C. Pansa, quam postulabat institutum consulatus tui, parum mihi visus es eos, quibus cedere non soles, sustinere. Nam cum Senatus ea virtus fuisset, quæ solet; & cum re viderent omnes, esse bellum; quidamque id verbum removendum arbitrarentur: tua voluntas in discessione fuit ad lenitatem propensior. Victor igitur est propter asperitatem, te audire, nostra sententia.

§. 10. Quanquam non ab auditorum duntaxat reprehensione ordini licet: sed aliorum etiam, qui aliquid non sunt assecuti, atque etiam alios in errorem induxerunt.

Ita suaturus, ut scholæ eriganrur, vel instaurentur, hoc, vel simili modo, incipere possis: Memoriam proditum est (b) civis Atticos olim quæsisse ex Apolline, qua ratione consequi possent, ut virtute ac patriis legibus, urbs maxime floreret; oraculum autem consilium illud dedisse, ut, quod omnium pulcherrimum foret, liberorum auribus immitterent. Quo cognito, tradunt,  
cæ.

(a) Græce sonat elegantius,  $\pi\alpha\iota\epsilon\tau\alpha\iota\epsilon\pi' \alpha\rho' \tau\eta\varsigma$  idum infer, qualem aratro. Nam intelligitur  $\omega\lambda\eta\gamma\alpha\nu$ : ut ostendunt quæ Suidas præmisit. Non desunt tamen, qui arbitrentur dixisse,  $\omega\lambda\epsilon\tau\eta\iota\epsilon\pi' \alpha\rho' \tau\eta\varsigma$ : filii, illam ab aratro, supple, manum admove.

(b) Div. Chrysostomus orat. 22. quæ est ad Alexandrinus-

capisse cives, Asiaticorum more, pertundere aures puerorum, easque onerare inauribus aureis: eo quod aurum cæteris præstare persuasum haberant. Ego verò; auditores, non illud, quod effeminare animos poterat, sed quiddam longè excellentius ab oraculo fuisse intellectum plane censeo. Nam quid præstabilius est salutaribus virtutis præceptis? aut quod dignius Deo consilium excogitare possimus, quam ut parentes liberorum auribus virtutem sollicitè instillarent, vel eos præficerent liberis; à quibus illam à pueris haurirent?

§. II. Propter auditores ordimur, quando res ab iis major minorve habetur, quam reverà est. Prius si sit, imminutione; siu posterius, amplificatione opus est. Huc pertinet, quando bonæ auditorum parti videtur supervacaneum, de aliquo dicere, quia res nota sit.

Ut si de virtute sit orandum, cujus præstantiam nemo diffitetur. Ordinemur tum à reprehensione hominum curiosorum, qui subtiliter disputando, quam pie vivendo, ætatem transigere malunt. Unde & ea semper in ore habent, quæ etiam inter doctissimos sunt controversa, illa verò negligunt in vita, quæ apud omnes sunt in confesso. Atqui non sufficit, ea nosse, quæ recta sunt; quando & illi, qui ab oculis laborant, probe sciunt, manus iis admovendas non esse, & ægre tamen abstinere; multi etiam, quos minime fugit, quantum damnum det incontinentia, non propterea se à voluptatibus avelli patiuntur. Quare apud tales imitandi sunt medici, qui sæpe eadem inculcant: non quia isthæc ægroti ignorant, sed quia negligunt. Vide in hac sententiam præclarum exordium Dionis Chrysostomi orat. XVII. Quod si salubre quidem consilium dare volumus, sed parum jucundum, affirmabimus, nos imitare velle medicos bonos. Item referemus, ut olim Ilienses nobili tragædo poposcerint, sibi veterem urbis suæ fortunam repræsentari; ille autem vicissim eos rogarit, ut ne ea in re molesti sibi esse vellent: nam, inquit, quæ quanto ego melius egero, tanto vobis infeliciores videbimini; ut qui sitis visuri, cujusmodi ex-

eide-

cideritis fortuna . Dicemus , similiter metuere nos , ne , quanto in consulendo boni publici erimus amantiores , tanto eos offendamus .

Ab hoc non multum recedit isthoc exordium , qualis fuerit locus apud homines segnes , & socordes . Sapiens ille è Phrygia ( a ) refert , ut noctua , avis ingrati cantus . Sed prudentis consilii , cæteris suaserit avibus , ne quercum crescere paterentur , unde viscus proveniret , quo caperentur ; item , inquit , cum linum sereretur , auctor fuit , ut semen erutum sumerent : quippe è quo illud nasceretur , unde retia necerentur ; adhæc , cum quendam sagittis utentem conspexisset , ita locutam , ait : Iste homo vestris vos pennis antevertet , pedes ipse , alas vobis sagittas immittens . Sed furdis cecinit ; imò eam , tanquam male sanam , aspernabantur . Idem ego hodie metuo , ne mihi contingat apud plerosque vestri .

Apud eos autem , qui animo sunt generoso , atque alacri , dicemus , nos imitari velle bonos Imperatores . Nam ut illi paratissimos etiam milites ad pugnandum adhortantur : ita nos hortari illos velle eam ad rem , cujus amore maximè ardeant . Vide , quæ adduximus lib. 2. cap. 23. §. 10.

Atque ista sufficiat nunc dixisse , de exordiis generis deliberativi : quæ non eo animo attulimus , quasi putemus , sufficere juventuti , ut hinc aliquod exordium oratiunculæ appingat ; ( sunt enim hæc jam à Dione , & aliis occupata , etiam indicata à Rhetorum uno auctoreque , ac pleraque jam pervulgata ) sed ut ii , qui etiamnum apud Scholasticos exercentur , similia istis apud oratores , atque etiam sophistas , observent : imò & illis gemina excogitent ipsi : quod difficile non erit , nisi quis planè hospes fuerit in studiis humanitatis .

§. 12. In genere JURIDICIALI quinque sunt loci : à persona rei , vel nostra , vel auditoris , vel adversarii , vel à re ipsa .

§. 13.

( a ) Dionem vide in Olympica , sive de prima Dei cognitione .

§. 13. *A rei persona benevolentia captatur, si ab anteaclā vita, quantum principii ratio finit, commendetur; illque dicatur indignus, quæ perperitur.*

Vide orationem Ciceronis pro Flacco; item pro Sylla.

§. 14. *A persona nostra idem fit; si ita sermonem instituiamus, ut videamur viri boni. Ut si pateat, nos ex officio ad dicendum venisse; quia, cujus causam suscepimus, sanguine sit vel affinitate nobis conjunctus; vel quia bene de nobis aut Rep. meritis fuerit.*

Adi exordium orationis pro Rabirio; item illius ad Quirites post reditum.

§. 15. *Ac quia sæpius accidit, ut aliquid hic de nobis proferendum sit: sedulè curandum, ut servemus modestiam. Fiet hoc, si extenuemus virtutes, & eloquentiam nostram: ut si dicamus, plus voluisse nos, quàm præstitisse: item si honores, & commoda nostra, Deo immortalī, tum & iudicum ipsorum auxilio, ac gratiæ, tribuamus. Expedit quoque sic loqui, quasi promamus ea invitā, quæ ad laudem nostram pertinent. Prodest etiam orationem in adversarium convertere; hoc, similive modo: Quæ nos DEI, bonorumque virorum auxiliis effecerimus, cum tuis facinoribus conferantur.*

§. 16. *A iudicum persona captatur benevolentia admiscendo eorum laudes, quod vel amici fuerint, vel inimici: affirmabimus, plus apud eos posse æquitatem, quàm odium, aut gratiam; eoque non esse metuendum, ne vel amicorum commodis studeat nimis; vel etiam ob sint amicis, stulta quadam verecundia injustè agentes, ne injustè agere videantur.*

A persona iudicium incipit Tullius, pro domo sua ad pontifices.

§. 17. *A persona adversarii captatur eadem, trahendo illum in invidiam, odium, & contemptum. Invidiam gignunt opes, gratia, eloquentia: odium concitant libido, fastus, nequitia: in contemptum adducunt generis vilitas, vitæ sordes, inertia, stultitia, & similia.*

Consule Ciceronem initio orat. pro Quintio: item in Vatinius.



§. 18. Denique etiam benevolentia captatur à re ipsa; idque extollendo bonitatem causæ nostræ; & adversariâ deprimendo.

Vide Ciceronis orationem pro Cælio; Uti & illam quam habuit pro domo sua ad Pontif.

§. 19. Cæterum minimè existimandum, in una oratione solum ab uno istorum benevolentiam parari. Est enim cum ab omnibus, vel penè omnibus, id fiat.

Exemplo esto exordium Milonianæ; uti & orationis pro Dejotaro. Utrumque planè est luculentum; imò ex iis vel solis hoc parandæ benevolentiae artificium satis possit cognosci. Exscribere ea quid attinet, cum & longiora sint, & in omnium manibus versentur?

§. 20. Atque ita exordia variare solent pro tribus causarum generibus. Porro interdum orator exordietur; seque simulat ex tempore & absque multa præmeditatione loqui. Ut si incipiat ab re aliqua, quam non videatur scire potuisse, cum pedem domo efferret. Cujusmodi est frequentia eorum, qui convenerunt & vultus alacritas in omnibus. Item si gaudium testemur, quia eos videamus iudicaturos; quos maximè optabamus.

Græci hujusmodi exordium vocant ἀπὸ κινήσεως (a), alii ab affectione appellant. Vale est pro Cn. Plancio: Cum propter egregiam, & singularem Cn. Plancii, iudices, in mea salute custodienda fidem, tam multos, & bonos viros, ejus honori viderem esse fautores: capiebam animo non mediocrem voluptatem; quod ejus officium mihi saluti fuisset, ei meorum temporum memoriam suffragari videbam. Cum autem audirem, meos partim inimicos, partim invidos, huic accusationi esse futuros, eandemque rem adversariam esse in iudicio Cn. Plancio, quæ in petitione fuisset adiutrix; dolebam, iudices, & acerbe ferebam, si hujus salutis ob eam ipsam causam esset infestior, quod is meam salutem, atque vitam, sua benevolentia, præsidio, custodiatque texisset. Nunc autem vester,

M judi-

Rhetorica Vossii.

judices, conspectus, & confessus iste reficit, & recreat mentem meam, cum intueor, & contemplor unumquemque vestrum. Video enim hoc in numero neminem, cui mea salus chara non fuerit: cujus non exset in me suum meritum: cui non sim obstrictus memoria beneficii sempiterna. Itaque non extimesco, ne Cn. Plancio custodia meę salutis apud eos obsit, qui me ipsum maxime salvum videre voluerunt. Hujus quoque generis exordium fuerit, si ante nos dixerit vir eloquens, quod non præscieramus fore: eaque occasione auspicemur similem nobis, ac habuit ille, eloquentiam optando. Sanè Polemolum (a), cum Scopeliano, viro disertissimo, in legatione successisset, dicere aggressus, Scopeliani sibi Suadam optavit, ac honoratum senem isto compellavit versu, quo apud Homerum (b) Patroclus affatur Achillem:

Δὸς δέ μοι ἄνθρωπον τὸν σὺ τοῦχ' ἔειπας (c).

In dialogis verò etiam initium capimus ex amici adventu, vel ex umbra arboris, ubi consideratur, aliisque id genus sexcentis. Ac ejusmodi esse Platonis exordia solent.

## C A P IV.

### DE EXORDII *εἰσροπία*, & VITIIS.

#### § 1.

**P**ROXIMUM est, ut exponamus quoque *οἰκονομίαν* sive structuram exordiorum: quæ istiusmodi esse solet. Primo loco ponenda est *πρότασις*, quæ viam munit sequentibus. Hinc ratio ejus, quæ *κατασκευὴ* vocatur. Tum *ἐκτίσις* sive *ἐκδοσις*, quæ nova est propositio, rem in primis tangens. Hinc *ῥασις ἐκδοσέως* causam adducit, remque omnem planius exponit.

Exem-

(a) Pbillosratus in Scopeliani vita.

(b) *Iliad*, π. (c) Da autem mihi hoc, ut humeros armis tuis armem.

Exemplum illustre habemus in oratione pro lege Manilia; ubi *πρότερος* est ista: *Quamquam mihi semper frequens conspectus vester multo iucundissimus; hic autem locus ad agendum amplissimus, ad dicendum ornatissimus est visus, Quirites: tamen hoc aditu laudis, qui semper optimo cuique maxime paruit, non mea me voluntas, sed meæ vitæ rationes, ab incunte ætate susceptæ, prohibuerunt,*

Sequitur *ὑπόθεσις*, sive ratio: Nam cum antea per ætatem nondum hujus auctoritatem loci contingere aude-rem; statueremque nihil huc, nisi perfectum ingenio, elaboratum industria, adferri oportere: omne meum tempus amicorum temporibus transmittendum putavi. Ita neque hic locus vacuus unquam ab illis, qui vestram causam defenderent: & meus labor in privatorum periculis cassè integrèque versatus, ex vestro judicio fructum est amplissimum consecutus. Nam cum propter dilationem comitiorum ter prætor primis cunctis centuriis renunciatus sum, facile intellexi, Quirites, & quid de me judicaretis, & quid alius præscriberetis.

Hinc incipit *ἀποδείξις*: Nunc cum & auctoritatis in me tantum sit, quantum vos honoribus mandatū esse voluistis; & ad agendum facultatis tantum, quantum homini vigilantī, ex forensi usu, prope quotidiana dicendī exercitatio potuit asserre: ceterè & si quid etiā dicendo consequi possum, iis ostendam potissimum, qui ei quoque rei fructum suo judicio tribuendum esse censuerunt.

*Βέβαιον* verd istis continetur verbis: Atqui illud in primis mihi letandum jure esse video, quod in hac insolita mihi ex hoc loco ratione dicendī, causa talis oblata est, in qua oratio nemini deesse potest. Dicendum est enim de Cn. Pompeii singulari eximiaque virtute: hujus autem orationis difficilior est exitum, quàm principium, invenire. Itaque non mihi tam copia, quàm modus in dicendo, quærendus est.

Similis est ratio orationis Milonianæ: sed ne longior sim pauca solum in de excerptam.

In ea *πρότερος* est, *Non possum timere, judices, visa hæc nova judicis forma.*

*Κατηγορεῖν* est, *Nec enim ea corona confessus vester cinctus est, qua solebat.*

*Αποδίδειν* est, *Sed me recreat Pompeii consilium; cuius sapientiæ non fuerit, quem sententiis iudicum tradidit, telis militum dedere.*

*Βάσις* est, *Quamobrem adesse animis, iudices, & timorem, si quem habetis deponite.*

§. 2. Sunt interim exordia non pauca, in quibus omitatur pars aliqua: aut etiam alio partes istæ ordine collocentur: vel planè alia sit exordii facies. Quod quando fieri oporteat, non iam præceptis tradi potest, quam prudentis est dispicere oratoris.

Itaque meritò eos ridet Fabius (a), qui velut legem omnibus dedere proœmiis, ut intra quatuor sensus terminentur.

§. 3. Extremo loco aliud addamus de vitis exordiorum. Vitiosa autem sunt proœmia longa, quia tollunt orationis simplicitatem, & cum præparare debeant ad dictionem reliquam, potius fatigant auditorem. Modus verò pro causa statui debet. Brevius exordium causæ simplices: longius requirunt perplexæ, suspectæ, & infames.

§. 4. Vitiosa etiam sunt exordia vulgaria, quæ pluribus accommodantur causis.

Unde gladio comparantur Delphico, qui ad hunc modum factus fuit, ut eodem & sacras mactaret victimas, & supplicio afficeret nocentes.

§. 5. Item communia, hoc est, quæ adversæ etiam parti convenirent.

§. 6. Ad hæc commutabilia, quæ, paucis commutatis, ab adversario possunt usurpari.

§. 7. Idem iudicandum de exordiis separatis, quæ nihil ad causam pertinent:

Unde similiter se habent, ac

*Humano (a) capiti cervicem pictor equinam Jungere si velit.*

§. 8.

(a) Lib. 4. cap. 1. ubi de modo proœmii.

(b) Herat. in Arte.

§. 8. In genere tamen demonstrativo, atque in quæstionibus infinitis, quandoque his uti licet.

§. 9. Etiam improbantur, quæ nimis sunt magnifica: atque quæ tumida sunt, atque arrogantia.

Prudenter hoc de vitii genere præcipit Horatius epistola ad Pisones:

*Non sic incipies, ut scriptor cyclicus olim:*

*Fortunam Priami tantabo, & nobile bellum.*

*Quid dignum tanto feret hic promissor hiatus?*

*Panturiunt montes, nascitur ridiculus mus:*

§. 10. Denique videndum, ne sint contra fines exordiorum; ut si, ubi attentione opus, benevolentiam parent, aut contra; vel si nec benevolum, nec docilem nec attentum reddant auditorem.

De Exordio satis.

## C A P. V.

### DE NARRATIONE.

#### §. 1.

**N**unc videamus de narratione, quæ rem gestam, ut gesta est, à principio ad finem usque exponit. Græci *διήγησις* appellant.

§. 2. Hunc interdum antecedit narrationis quoddam præludium: cum nempe rei gestæ summam exponimus ante justam ac plenam narrationem.

Græcis dicitur *προεῖρησις*, quasi dicas, præcedens expositio. Exemplum ejus habemus oratione pro Roscio Amerino: Forſitan, inquit, quæritis, qui iste terror sit, & quæ tanta formido, quæ tot, ac tales, viros, impediat, quod minus pro capite, & fortunis altèrius, quemadmodum consueverunt, causam volanti dicere, quod adhuc vos ignorare non mirum est, propterea quod consulto ab accusatoribus, ejus rei, quæ constavit hoc iudicium, mentio facta non est. Quæ res ea est? Bona patris huiusce Sexi Roscii, quæ sunt sexagies; & quæ sequuntur, usque ad illa verba. Atque ut faci-

ius intelligere possitis, &c., quæ facta sunt, indigniora esse, quam hæc, quæ diximus, res quemadmodum gesta sit, vobis exponemus.

§. 3. Raro autem hæc prævia narratione utendum, cum sæpius iterata radium soleant adferre. Nempe tum demum illi est locus, cum metuimus, ne illico causam nostram damnet auditor: ac propterea narratiuncula tali injicienda est qualiscunque suspicio æquitaris.

§. 4. De iusta narratione quatuor hæc explicabimus: an ea semper requiratur, quæ ejus sint species, quæ partes, quæ virtutes.

§. 5. De primo ita statuendum, sæpe illam locum non habere. Nam quæ narratio sit, si queratur, num pubertas iudicetur annis potius, quam habitu corporis & fraterne ex intestato sit hæres, an pater? Quorsum etiam adhibeatur illa, si eodem referremus modo, quo adversarius? aut si iudicibus res sit notissima?

§. 6. Dividitur autem hunc in modum: Narratio omnis vel causa propria est; cuius modi est sedes argumentorum, & causæ seminarium: vel est arcessita, qualis servit quidæm causæ, non tamen ex natura ejus resultat.

Prioris generis est narratio orationis Milonianæ: posterioris verò illa de raptu Proserpinæ in Verrinis.

§. 7. Narratio prior dividitur in continuam, & interiectam.

Continuæ exemplum est apud Tullium in Ligariana. *Quinctus Ligarius*, inquit, cum esset adhuc nulla belli suspicio, legatus in Africam cum proconsule C. *Confidius* profectus est, qua in legatione, & civibus, & sociis, ita se probavit, ut decedens *Confidius* provinciam satisfacere hominibus non posset, si quemquam alium provincie præfecisset. Itaque *Q. Ligarius*, cum diu recusans nihil profecisset, provinciam accipit invitus: cui sic profuit in pace, ut & civibus, & sociis, gratissima esset ejus integritas, & fides. Bellum subitò exarsit: quod, qui erant in Africa ante audierunt geri, quam parari. Quo audio, parùm cupiditate inconsiderata, parùm & eo quodam timore, primò salutis causa, post etiam flu-

dii sui; querebant aliquem ducem. Tum Ligarius, domum spectans, & ad suos redire cupiens, nullo se implicari negotio passus est. Interim P. Aelius Varus, qui prætor Africam obtinuerat, Uticam venit. Ad eum statim concursus est. Atque ille non mediocri cupiditate arripuit imperium: si illud imperium esse potuit, quod ad privatum clamore multitudinis impetire, nullo publico consilio, deferrebat. Itaque Ligarius, qui omne tale consilium cuperet effugere, paulum adventu Vari conquievit.

Ejusdem generis est narratio hæc in Maniliana: Atque ut inde oratio mea proficiat, unde hæc omnis causa ducitur: Bellum grave, & periculosum vestris vectigalibus, atque sociis, à duobus potentissimis regibus infertur, Mithridate, & Tigraue, quorum alter relictus, alter laceffitus, occasionem sibi ad occupandam Asiam oblatam esse arbitratur. Equitibus Romanis, honestissimis viris, adferuntur ex Asia quotidie literæ, quorum magnæ res aguntur, in vestris vectigalibus exercendis occupatæ; qui ad me pro necessitudine, quæ mihi est cum illo ordine, causam Reip. periculaque rerum suarum detulerunt: Bithyniæ, quæ nunc nostra provincia est, vicinos exustos esse complures: regnum Ariobarzantis, quod finitimum est vestris vectigalibus, totum esse in hostium potestate: Lucillum, magnis rebus gestis, ab eo bello discedere: huic qui succurrerit, non satis esse paratum ad tantum bellum administrandum: unum ab omnibus sociis, & civibus, ad id bellum imperatorem deposci, atque expeti: eundem hunc unum ab hostibus merui, præterea neminem.

At narrationem intercidit Cicero oratione pro A. Cluentio. Ejus initium est: A. Cluentius Avitus fuit pater hujusce, &c. Cum postea longiusculam reculisset narrationem de Cluentii matre, ista interferit: O mulieris scelus incredibile, & præter hanc unam, in omni vita inauditum! ò libidinem effrenatam, & indomitam! ò audaciam singularem! non timuisse, si minus vim deorum, hominumque fama, at illam ipsam noctem, faciesque illas unpias? non limen cubiculi? non cubile

M 4;

filia?

filie? non parietes denique ipsos, superiores testes nuptiarum? perfregit ac prostravit omnia cupiditate, ac furore: vicit pudorem libido, timorem audacia, rationem amentia. Hinc reliquam narrationem pertexit: Tuli hoc commune dedecus jam familie, cognationis, nominis, graviter filius: & quæ sequuntur.

S. 8. Utimur narratione intercisâ in genere demonstrativa: sed talis ad confirmationem pertinet: quia omnis ibi causa è rebus gestis stabilitur; ita ut confirmatio eo in genere vix aliud sit, quàm narratio quædam per amplificationes atque exaggerationes interrupta.

S. 9. Habet & locum in causa judiciali, idque cum res gestæ nobis absunt. Tunc enim satius est, rem per partes exponere, ut singulis quæ objici possunt, per partes quoque respondeatur.

S. 10. Item eam usurpamus, si res singulæ invidiam adferant adversario. Nam singulis tum partibus immorando consequimur, ut sepius adversario irascatur iudex.

S. 11. Quando nihil est horum, continua narratione uti expedit. Et hæc de narrationis speciebus.

S. 12. Habet verò narratio quoque partes suas. Nam qui simpliciter, Clodium Miloni insidias struxisse, & ab eo interemptum esse, ait; is quidem omnia dicit, sed nunciat potius, quàm narrat. Vera autem propriæque dicta narratio refert rei gestæ principium, medium, finem: item quæ principium rei antecedunt, ut sunt causæ; quæque finem sunt consecuta, ut effectus.

Illustre ejus rei exemplum habemus in Miloniana. Principium rei gestæ, & insidiarum, fuit in professione Clodii. Medium erat occursum, & conflictus cum Milone. Finis, mors Clodii. Post finem quid secutum sit, non refert Tullius, sed tantummodo exponuntur ab eo quæ rem antecedunt; ut sunt causæ, dicta, facta. Causa est, quod Milo consulatum eo tempore petebat contra Clodium. Facta, ut servorum deductio ex Apennino in urbem. Dicta, ut quod Clodius retulerat, consularum Miloni eripi non posse, vitam posse. Item, non diu victurum Milonem. Atque



que hæc eadem narratione cernere est in illis, quæ rem gestam præcedunt. Nam Principium est, quod Clodius, relicta præturæ petitione sui anni, contulerit se ad annum proximum. Medium, quod competitores Milonis iuverit opera sua. Finis quod Milonem decreverit occidere. Secura sunt hæc duo, ut servos adduceret ex Appennino, & diceret. occidi posse Milonem: quemadmodum antè retulimus.

Hinc est, quod Rhetores in narratione jubeant seprem illa considerare, personam tum principalem, tum sociam, factum, causam, modum, locum, rempus; quæ vulgari hoc versiculo continentur:

*Quis, quid, ubi, quibus auxiliis, cur, quomodo, quando?*

Porro ad personam quoque pertinet ejus descriptio: item sub facto continetur non factum, & causa, cur quid non fecerit: item *τοῦτο οὐκ*. Et ista quidem sufficiat hoc loco dixisse de partibus narrationis. Plenius verò ea excutiuntur in Progymnasmatis: Superest videamus de virtutibus narrationis: de quibus postremo me loco dicturum receperam.

§. 13. *Prima narrationis virtus, ut sit perspicua. Id consequimur tum verbis usitatis, & fuga hyperbatorum: tum ordine distincteque narranda, omnibusque iis, quæ rem ob oculos ponunt, & διὰ τὸ πρῶτον gignunt.*

Quod si res obscurior sit, in primis fugienda erit obliquitas, potiusque per rectum progrediemur casum, & verba indicativi modi.

§. 14. *Alterà est narrationis virtus, ut sit verisimilis. Talis erit, si omnia personis, locis, temporibus, causis consentiant.*

Ita verisimile est, à temerario patratam cædem: à libidinoso adulterium.

§. 15. *Quod si quid minus videatur probabile, affirmabimus, ut minus verisimile, videatur, veram tamen esse; & quanto magis causa ac modus facinoris lateant, tanto majus esse habendum scelus. Fulcitur quoque potest relatione, ut quod sic vulgò dicant.*

§. 16.

§. 16. *Tertia est virtus, ut sit suavis. Quod consequimur, si, quæ narramus, sint magna, nova, inexpectata. Suavitatem quoque gignunt mores, dolores, metus; modò sine dicentis perturbatione proferantur. Alioqui enim amplificatio fuerit potius, quàm narratio.*

Jucundæ narrationis exemplum præbet Heliodorus in *Ætiopis*. Sed in tanta rerum varietate effugere non potuit, quin sæpe sit affectatus.

§. 17. *Addunt quidam quartam narrationis virtutem, ut sit brevis. Talis erit, in qua, cum nihil desit, nihil tamen possit adimi.*

Peccant ea in re, qui ab ovo *Ledæ* ordiuntur omnia; eaque etiam narrant, quæ ex sequentibus satis cognoscuntur. Nam quid opus dicere, *concepisse fœminam*, si dicas, *peperisse*?

§. 18. *Post narrationem sæpe, velut spiritu erumpente, digredimur. Non tamen digressio vel solam sequitur narrationem, vel semper: sed, si opportunè apique fiat, plurimum illustrat orationem.*

Quomodo verò instituat, in *Schematologia* dicturi sumus.

## C A P. VI.

### DE PROPOSITIONE.

#### §. 1.

**P**OST digressionem, si qua sit; sin minus, post narrationem; aut, hoc quoque si absit. post exordium, sequitur propositio. Hæc proponitur summa totius orationis.

Ac orationem habituro, primò illa animò debet obversari: quia prout ea erit, vel hæc, vel alia & argumenta, & ornamenta adhibentur. Hinc *Isocrates* epistola VI. quæ est ad *Jasonis* liberos: Εἰς τὸν λόγον λέγειν πρὸς τὰς περὶ τὴν φιλοσοφίαν τὴν ἑμετέραν διατρίβοντας, ὅτι τὸ τοῦ πρώτου δεῖ σκέψασθαι; τί τῷ λόγῳ καὶ τοῖς μέρεσι τὰ λόγια διαπραχτίον εἶναι. Ἐπειδὴν δὲ τούτῳ εὐρωμεν, ἔδεικνυσθαι, ἡγητέον εἰναι φημι τὰς ἰδέας, δι' ὧν ταῦτα εἴρη-

ἐπεὶ γὰρ εὐδοκίαι, & ἀφίεται τέλος, ὑπερῶς ἐδέμεθα. Consuevi  
disciplina nostrae sectatoribus dicere, ante omnia iis con-  
siderandum esse, quid oratione, & partibus efficiendum  
sit. Postquam verò id repererimus, & collegerimus accu-  
rate, quarendas esse a se orationis ideas, sive argumenta.  
& ornamenta, quibus id, quod primatum est, conficimus,  
finemque adipiscimur, quem nobis proposuimus.

§. 2. Est autem propositio triplex, *sejuncta*, *simplex*,  
& *digesta*.

§. 3. *Propositio sejuncta*, sive per *sejunctionem*, vo-  
catur, cum definitur, in quo conveniat cum adversario,  
& quid in controversia relinquatur.

Ut pro Milone: Sin autem nemo vestrum ita sentit;  
illud in iudicium venit, non, occisusne sit? quod fate-  
mur: sed jurene an injuria? quod multis antea in cau-  
sis quesitum est.

§. 4. *Propositio simplex* est, in qua unum aliquid pro-  
ponitur.

Ut in eadem orat. Nunc quid igitur aliud in iudi-  
cium venit, nisi uter insidias fecerit?

§. 5. *Propositio digesta*, sive per enumerationem fit,  
cum quot, & quibus de rebus, dicturi simus, ostendi-  
mus. Haec *Partitio* appellatur.

Ut Philipp. VII: Cur pacem nolo? quia turpis est, quia  
periculosa, quia esse non potest. Quae tria dum explico,  
peto à vobis, P. C. ut eadem benignitate, qua soletis, ver-  
ba mea audiat. Luculenta quoque est illa pro P. Quin-  
ctio: Faciam, quod te saepe animadverti facere, Hor-  
tensi: totam causae meae dictionem certas in partes divi-  
dam. Tu id semper facis, quia semper potes: ego in hac fa-  
ciam, propterea quòd in hac videor posse. Quod tibi natu-  
ra dat, ut semper possis, id mihi causa dat, ut hodie possim.  
Certe mihi fines terminosque constituam, extra quos egredi  
non possim, si maxime velim: ut & mihi sit propositum,  
de quo dicam: & Hortensius habeat exposita, ad quae res-  
pondeat: & tu, C. Aquilli, jam ante animo prospicere  
possis, quibus de rebus auditurus sis. Negamus, te bona  
P. Quinctii, Sexte Nævi, possedisse ex dicto praetoris. In ea  
spon-

sponsio facta est. Ostendam primum causam non fuisse cur à prætore postulares, ut bona P. Quinctii possideres: deinde, ex edicto te possidere non potuisse: postremo, non possedisse. Quæso, C. Aquilli, vosque, qui estis in concilio, ut quid pollicitus sim diligenter memoriæ mandetis. Etenim rem facilius coram accipietis, si hæc memineritis: & me facile vestra existimatione revocabitis; si extra hos cancellos egredi conabor, quos mihi ipse circumdedit. Nego, fuisse causam, cur postularer: nego ex edicto possidere potuisse: nego possedisse, hæc tria cum docuero, perorabo.

§. 6. Partitio vero institui ferè solet, ut Græci loquuntur, διακρίσις.

Ut pro Manilia: Primum mihi VIDETUR degenerare belli, deinde de magnitudine, tum de imperatore deligendo, esse dicendum. Item pro Roscio: Tres sunt res, de quibus me dicere ARBITROR oportere.

§. 7. Sed hoc in primis locum habet, quando ipsi priores dicimus. Nam cum ad argumenta adversarii respondendum est, certa magis partitio probatur, quam incerta.

Ut pro Muræna: Intelligo, iudices, tres totius accusationis partes fuisse: & earum unam in reprehensione vitæ, alteram in contentione dignitatis, tertiam in criminibus ambitus fuisse versatam. Similiter orat. pro Quinctio, cujus verba jam adduxi.

§. 8. Esi autem interpretibus, artiumque professoribus, concessa est divisio in minutissimas partes: damnatur tamen in oratore, si, quæ natura singularia sint, secare velit.

Quippe ea res, ut subtilioribus ingeniis lucem, ita populo, & ineruditis; (quales maximam partem esse illi solent, apud quos dicendum) potius parit obscuritatem: contra quam partitio inventa est.

§. 9. Quare in totum partitione abstinendum, nisi causa vel multiplex sit, vel obscura: & quando ea utendum est, perspicua; tum etiam brevis esset debet; hoc est, non major quam trium, vel summum quatuor partium.

De propositione hætenus:

## C A P. VII.

## DE CONFIRMATIONE.

§. I.

**D**EVENTUM nunc ad contentionem, quam Aristoteles πίσυς (a) appellat. Hæc quasi viscera vitæque orationis continet.

§. 2. Estque partim κατὰς θεωρίας cum sententiam nostram probamus argumentis: partim ἐπεγχετική, cum aduersarii opinionem argumentis convellimus: partim ἀντι-θεωρητική, cum ad argumenta ejusdem respondemus. Prima pars propriè dicitur confirmatio; secunda, tertiæque refutationis nomine continentur.

§. 3. Ut plurimum autem, qui prior dicit, prius & suam sententiam probat, & alienam impugnat: posterius respondet iis, quæ obijci possunt. At qui posterius dicit, fere prius solvit alterius partis argumenta: ac postea suam sententiam confirmat.

§. 4. In confirmatione duo spectantur, argumentum, & argumentatio, quæ differunt, ut pars, & totum. Nam argumentum sola ratio est: at argumentatio præter argumentum etiam conclusionem comprehendit.

§. 5. Quod ad ordinem argumentorum, firmitiora partim in principio collocanda, quia tum maxime attendit auditor: partim in fine, quia, quæ postremo dicuntur, maxime inhaerent. Imbecilliora vero collocanda sunt in medio, ubi magis latebit eorum infirmitas. At si causa duobus tantum argumentis nitatur, quorum unum fortius, alterum infirmius sit: tum imbecillius quidem subjiciemus validiori, sed mox ad validius recurremus.

§. 6. Argumentationes præcipuæ, sunt Syllogismus, Enthymema, Inductio, & Exemplum.

§. 7. Syllogismus est oratio tribus constans pronuntiatis. quorum postremum è duobus prioribus consequitur. Pri-  
mum

(2) Fidem.

*num enuntiatum propositio major, , vel simpliciter propositio, aut major vocatur. Alterum dicitur propositio minor, vel simpliciter minor, aut assumptio. Tertium est complexio sive conclusio. Sed orator plurimum naturalem hunc partium ordinem immutat, ita ut interdum assumptio primum obtineat locum. Imo nonnunquam etiam contrario planè ordine à conclusione per assumptionem ad propositionem adscendit.*

§. 8. *Nèque in ordine solum differunt sæpe syllogismus dialecticus, & oratorius: sed etiam numero pronuntiatorum. Nam orator non raro opponit & majoris, & minoris probationem, ita ut fiat syllogismus quinque partibus: cujus prima pars sit propositio, altera propositionis ratio, tertia assumptio, quarta ejus probatio, postrema conclusio. Quòd si alterutra propositio fuerit perspicua, ratio ejus omittitur, ita ut syllogismus sit quadripartitus.*

Exemplis hæc planiora fient. A conclusione ad præmissas accedit Tullius pro Milone, cum ait: quonam igitur pacto probari potest, insidias Miloni fecisse Clodium? Satis est quidem in illa tam audaci, tam nefaria bellua, docere, magnam ei causam, magnam spem in Milonis morte propositam, magnas utilitates fuisse. Itaque illud Cassianum, **CUI BONO FUERIT**, in his personis valeat, etsi boni nullo emolumento impelluntur in fraudem, improbi sæpe parvo. Atqui, Milone interfecto, Clodius hoc assequebatur, non modo ut prætor esset, non eo consule, quo sceleris nihil facere posset: sed etiam, ut his consulibus prætor esset, quibus, si non adjuvantibus, at conniventibus certe, sperasset se posse Remp. eludere in illis cogitatis furoribus, cujus illi conatus, ut ille rationabatur, nec, si cuperent, reprimere possent, cum tantum beneficium ei se debere arbitrarentur: & si velent, fortasse vix possent frangere hominis sceleratissimi corroboratam jam vetustate audaciam. Incipit Tullius à complexione hac: Clodius insidias fecit Miloni. Huic subjecit propositionem: Is enim fecit cui prorsus fuit mors alterius. Quod Cassii dicto confirmat. De-

finis

finis vero in assumptione. Atqui Clodio proderat mors Milonis. Quod eo comprobatur, quia mortuo Milone ens habiturus erat consules, quibus vel conniventibus, vel etiam juvantibus, turbare in prætura sua posset Remp.

Atque, ut hic finis in assumptione, & ejus probatione: ita pro Cælio definit in propositione, & ejus ratione. Nam justus ac naturalis syllogismi ordo hujusmodi foret: Non est verisimile, eum, qui studiis bonarum artium est addictus, vivere luxuriose. Atqui Cælius bonarum artium studiis est addictus: Sed Cicero prius ostendit, Cælium honestis artium studiis vacare: hic probat, in isto hominum genere non facile luxuriam inveniri. Audiamus ipsum Ciceronem: *At vero in Marco Cælio (dicam enim jam confidentius de studiis ejus honestos quoniam audeo quedam fretus vestra sapientia, libere confiteri) nulla luxuries reperietur, nulli sumptus, nullum æs alienum, nulla conviviorum, ac lustrorum libido, quod quidem vitium ventris, & gutturis, non modo non minuit ætas hominibus, sed etiam auget. Amores autem, & hæc dilectes quæ vocantur, quæ firmitate animo præditis diutius molestæ non solent esse, (mature enim, & celeriter deflorescunt) numquam hunc occupatum, impeditumque tenuerunt. Hæc sic paucis comprehendas: Cælius optimarum artium studiis vacat. Quod ita esse deinceps probat ab effectis: Audistis eum pro se dicere: audistis antea, cum accusaret (defendendi hæc causa, non gloriandi loquor) genus orationis: facultatem, copiam sententiarum, atque verborum, quæ vestra prudentia est, perspexistis. Atque in eo non solum ingenium elucere ejus videbatur; quod sæpe, etiam si industria non alitur, valet tamen ipsum suis viribus: sed inerat, nisi me propter benevolentiam forte falleret, oratio & bonis artibus instituta, & cura, & vigiliis elaborata. Ecce talis est assumptionis probatio. Propositio autem hujusmodi est: Parum est verisimile eum luxuriose vivere, qui bonarum se artium studiis adduxit. Quam deinceps subjicit Tullius: Atqui scitote, Iudices, eas cupiditates, quæ obijciunt Cælio, atque hæc studia*  
de

de quibus diſputo, non facile in eodem homine eſſe poſſe. Hanc propoſitionem confirmat argumento ex impoſſibili ducto: Fieri enim non poteſt, ut animus libidini deditus, amore, deſiderio, cupiditate, ſæpe nimia copia, inopia etiam nonnunquam impeditus; hoc quicquid eſt, quod nos facimus in dicendo, non modo agendo, verum etiam cogitando poſſit ſuſtinere. Quod ipſum deinde adſtruit à raritate oratorum: An, inquit, vos aliam cauſam eſſe ullam putatis, cur in tantis præmiis eloquentiæ, tanta voluptate dicendi, tanta laude, tanta gloria, tanto honore, tam ſint pauci, ſemperque fuerint, qui in hoc labore verſentur? Omittendæ ſunt omnes voluptates: relinquenda ſtudia delectationis: ludus, jocus, convivium, ſermo etiam penè omnium familiarium deſerendus.

Atque hæc ſatis oſtendunt, non tantum, uti oratores naturalem in ſyllogiſmo partium ordinem immutent, atque adeo plane invertant: ſed etiam, ut ſyllogiſmus ſis interdum ſit quinque partitus. Quamquam proſecto accurate loquendo, nullus ſyllogiſmus plura habet pronuntiata, quam tria: ſed ſi propoſitioni, & aſſumptioni probationes adduntur, ſit ſyllogiſmus integer cum duobus enthymematis. Atque hæc de ſyllogiſmo.

§. 9. ENTHYMEMA eſt mutilus ſyllogiſmus: hoc eſt in quo vel major, vel minor propoſitio, omittatur, tamquam manifesta: cujuſmodi ſi ponat orator, videbitur diſſidere prudentiæ auditorum.

§. 10. Optima autem ſunt enthymemata ex contrariis; quæ idcirco ſola à quibusdam enthymemata appellantur.

Huiuſmodi eſt apud Salluſtium illud Micipsæ ad Jugurtam: Quem alienum fidum invenies, ſi tuis hoſtis fueris?

§. 11. Porro & huiuſmodi, & in alio quovis enthymemate, ſæpe præmittitur conſuſio antecedenti. Imò quæ ratione ſyllogiſmus ſtatuitur quadripartitus, vel quinquepartitus: eadem & enthymema tripartitum eſſe poteſt: puta, quando antecedenti ſua ratio adjicitur.

Verum hoc quoque pinguiori dicitur Minerva: cum proprie, quod enthymema vocatur tripartitum, nihil aliud



aliud sit, quam geminum enthymema. Nempe idem pronuntiatur est unius quidem enthymematis antecedens; alterius verò conclusio.

§. 12. *INDUCTIO* Rhetoribus nominatur, cum quid ex pluribus rebus propter similitudinem infertur.

Græcè *ἐπαγωγή* vocatur.

§. 13. *Constat perfecta inductio partibus tribus.*

*Prima est similitum enumeratio.*

Ut, Domus ea melius administratur, in qua sapiens est pater materque familias: exercitus melius regitur, cui sapiens præest imperator: navis ea tutius feliciusque cursum conficit, quæ peritum habet gubernatorem.

§. 14. *Altera pars est conclusio.*

Ut, Quare stulti sunt, qui sapientes, ac diu in regenda Rep. versatos, ab ejus administratione rebellunt.

§. 15. *Tertia est ἀξίωσις, quæ conclusionem ex similibus consequi probat comparatione majoris, minoris, æqualis, vel contrarii.*

Ut, Non enim periculosa minus, minusve difficilis est Reip. administratio, quàm domus, belli, aut navigii.

§. 16. *EXEMPLUM est inductio imperfecta; cum nempe unum ex altero colligitur ob similitudinem, quæ in utroque reperitur.*

Ita Cicero probat, Clodium, hominem sedtiosum, à Milone jure interfici potuisse, quia Scipio Nasica Tiberium Gracchum, itidem sedtiosum, jure interemerit. Græcè *παράδειγμα* appellatur.

§. 17. *Et hæc de argumentatione, quatenus ad probandum instituitur. At quæ ea adhibetur ad sciendum affectum, aliquod nomen obtinet. Nam dicitur AMPLIFICATIO.*

Nec tamen eo nomine intelligitur hoc loco quævis ratio augendæ orationis; sed ea tantummodo, quæ in rei exaggeratione consistit.

Quibus verò modis aliquid exaggeretur, dicemus in schematibus διαρρίαις.

## C A P VIII.

## DE CONFUTATIONE.

## § 1.

**C**ONFUTATIO diluit argumenta adversarii: idque bifariam. Interdum enim, si solvere non possumus, syllogismum syllogismo opponimus, quod ἀντισυλλογισμὸς vocatur, interdum ad argumentum ipsum respondemus, quod ἐνσक्ति appellat.

Hoc est, quod antea (a) diximus, confutationem esse vel ἐλεγκτικὴν, vel ἀποσκευαστικὴν.

§. 2. *Εὐσक्ति vel fit inficiando, quod ad probandum adfertur; vel negando consequi, quod ex ea colligit adversarius.*

§. 3. *Ad priorem ἐνσक्ति modum refer, cum vel falsa sumuntur pro veris; vel dubia pro certis.*

Ut si qua veneficio dicatur filiam sustulisse, quod amoribus suis obstarer; tueaturque se eo, quod omnis mater diligat liberos, opponentur ei Medea, & aliae.

§. 4. *Ad alterum ἐνσक्ति modum pertinet Βικίον, sive violatio, cum argumentum retorquetur in adversarium.*

Ut, Occidisti, quia adstitisti interfecto. Imo, inquit alter, quia adstiti interfecto, non occidi; nam id fiesset, in fugam me coniecissem.

§. 5. *Præter verò ἀντισυλλογισμὸν & ἐνσक्ति, alii etiam sunt confutandi modi. Ut ἰξυθερισμός, sive contemptus.*

Quomodo Cicero videri vult, accusationem Cælii magis fuisse iras, & querimonias amantium, quàm vera crimina.

§. 6. *Item ἀποπείσσις, sive deductio, quando judicem, sive auditorem, aliò abducimus, pollicentes, nos de*

de eo, quod objicitur, postea dicturos, ut ita, premens te nos adversario, elabamur.

Qua arte sæpius utitur Cicero.

§. 7. Etiam confutamus interrogatione: quæ adjuvatur, et in promptu: sive actione & vocis sono.

Ut: Cantando tu illum? aut unquam tibi fistula cera Juncta fuit;

Vide infra lib. 4. cap. 21. §. 25.

§. 8. Item increpatione, ubi crimen aliquod cum indignatione rejicitur.

Pertinet huc execratio: ut, Dilte perdant; fugitive, qui ista objicis. Vide eodem cap. §. 33.

§. 9. Plurimum autem refert, quam confutandi rationem potissimum ineamus. Nam multa sunt, quæ indignatione, vel interrogatione aculeata, aut joco urbano; melius eludantur, quam argumentis multis impugnentur. Aliquibus etiam refellendis si nimis insistas, altius suspicionem criminis animis judicum desiges.

§. 10. In confutandis adversarii argumentis non semper idem servatur ordo. Sed prudens orator non difficile dispiciet, num in prima quasi acie, levioris armaturæ milites velit concidere, ut deinde vim omnem in fortius agmen convertat: an, à fortioribus malis incipere; ut, iis expugnatis, quod reliquum est, vel spiritu liceat disflare. Quod si ab uno capite omnia debeant, planè inde ordiendum; ut, eo sublato, simul omnis annulorum nexus dissolvatur.

§. 11. Sed cuncta hæc exilem adferunt fructum; nisi juvenus sibi ob oculos ponat illustria quædam Confutationis exempla; quæ deinde imitetur.

Hujusmodi est illa pro S. Roscio, pro Miloue; pro Cælio, pro Plancio, item in P. sonem.

§. 12. Inque iis spectare convenit, quomodo ad confutationem accedatur: quâ ratione capita accusationis proponantur; ut ita gravibus argumentis insillatur; acriterque pondere argumentorum urgeatur adversarius: & contra quasi transvolentur levia multa, ne, si diutius in iis morâ ducatur, frigescat oratio: ut item sales interdum

admisceantur, quo in hac palestra etiam delebatur iudex: denique ut per Interrogationem, Subjectionem, & similia schemata (de quibus in Elocutione dicemus) non modo ornatus multum, sed etiam γοργύτης, atque acrimoniae, accedat orationi.

Tantum de Contentione.

## C A P. IX.

### DE EPILOGO.

#### §. I.

**SUPEREST** postrema pars, quæ Græcis ἐπίλογος, Latinis Peroratio dicitur.

Ubi Per vim eam habet, quam in Perfugere, & similibus. Cicero IV. Acad. Quæst. Et quoniam multa dixi, est mihi perorandum. Pro Quintio: Mibi perdifficile est, contra tales oratores non modò tantam causam perorare, sed omnino verbum facere conari. At in Græco ἐπίλογος, ἐπὶ idem valet, ac in ἐπίμετρον, ἐπικυκλος: quomodo & Horatius cum quatuor odarum libros scripsisset, quem iis superaddit, Epodon appellavit. Quamquam aliter de hoc Grammatici antiqui (a), atque etiam Turnebus (b).

§. 2. Est verò Epilogus orationis clausula.

Nam post res singulas confirmatas epilogis quidem utimur; sed hic sermo est nobis de epilogo universæ orationis, qui inter omnes regnum obtinet.

§. 3. Interdum tamen epilogo opus non est: ut si vel brevicula sit oratio, vel causa admodum tenuis.

Ubi luculentum vel Epilogum addere, tantundem fuerit, ac si casæ rusticæ studeamus apponere posticam aulæ convenientem. Quare hic solum opera dan-

( a ) Vetus Horatii interpres, Diomedes l. 3. c. de poematum generibus. Marius Victorinus l. 3. &c.

( b ) L. 21. Advers. c. 6. & l. 28. c. 38.

danda est, ut masculè & expeditè desinamus. Ita Lucianus encomium muscæ claudit his verbis; (a) Ἰσχυρὰ δὲ ἐστὶ ἔχων εἰπεῖν, καταπύσσων λόγῳ, μὴ δὲ δοῦναι, κατὰ τὴν παροιμίαν, ἐλέφοντα ἐν μύσας τοῖσιν. Idem, qui volet laudare apes, scitè his verbis clauserit orationem: *Quid* (b) *non divinum habent, nisi quòd moriuntur.*

§. 4. *Epilogi munus est duplex. Prius est ἀνασφραγιώσις, sive enumeratio potissimorum argumentorum.*

Nempe, quæ sparsim tota diximus oratione, ea hic simul ob oculos ponimus, præstantis instar pictoris, qui ingentem historiam exigua proponit tabella. Exemplo esto epilogus iste in Maniliana; qui tamen partis est, non verò totius orationis: Quare videte, num dubitandum vobis sit, omni studio ad id bellum incumbere, in quo gloria nominis vestri; salus sociorum, vestigalia maxima, fortunæ plurimorum civium cum Repub. defenduntur, Et alter in eadem multo post; Quare cùm & bellum ita necessarium sit, ut negligi non possit: ita magnum, ut accuratissimè administrandum; & cum ei Imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabitis, Quirites, quin hoc tantum boni, quod à Diis immortalibus oblatum, & datum est, in Remp. conservandam, atque amplificandam conferatis? Enumerationis autem, quæ universæ sit orationis, luculentum habemus exemplum oratione pro Cluentio. Qua in oratione peroratio incipit ab istis verbis: *Quod hoc portentum, Dii immortales? quod tantum monstrum in ullis locis? quod tam infestum scelus, & immane, aut unde natum esse dicamus? Jam enim videtis profecto, iudices, non sine necessariis me, ac maximis causis, principio orationis meæ de matre dixisse; nihil est enim mali, nihil sceleris, quod illa non ab initio filio voluerit, optaverit, cogitaverit, effecerit.* Hinc enumeratio sequitur: *Mitto illam primam libidinis injuriam:*

N 3

mitto

(a) *Hebeo multa præterea dicere, sed desinam, ne videar, quod in veteri verbo est, ex musca facere elephantum.*

(b) *Quintilianus declamavit. 23.*

mitto nefarias generi nuptias : mitto cupiditate matris expulſam ex matrimonio filiam , quæ nondum ad huiusce vitæ periculum , ſed ad commune familiæ dedecus pertinebant : nihil de alteris Oppianici nuptiis queror ; quarum illa cum obſides filios ab eo mortuos accepiffet , tum denique in familiæ luſum , atque in privignorum funus nupſit : Prætereo , quod Aurium Melinum , cujus illa quondam ſocrus , paulo ante uxor fuiſſet , cum Oppianici eſſe opera proſcriptum , occiſumque cognoſceret , eam ſibi domum , ſedemque conjugii delegit , in qua quotidie ſuperioris viri mortis indicia , & ſpolia fortunarum videret . Illud primum queror , de illo ſcelere , quod nunc denique patefactum eſt , Fabriciani veneni : quod jam tum recens , ſuſpi- cioſum cæteris , huic incredibile nunc verò apertum jam omnibus , ac manifeſtum videtur . Et quæ ſequuntur .

§. 5. In enumeratione duo obſervare oportet . Unum eſt , ut ea tantum repetamus , in quibus cauſa potiffimum conſiſtit , quæque propterea maximè velimus auditorum animis inherere .

Omnia enim ſi minutatim repetere velimus ; aut ſubtiliter nimis dicere cogemur ; aut non peroratio erit , ſed nova conſurget oratio .

§. 6. Alterum eſt , ut eadem cum pondere aliquo dicantur , & aptis excitentur ſententiis ; figuris etiam varientur , ne videatur crambe repetita .

Nam illa recta repetitione nihil eſt odioſius . Quippe quæ inſtitui videatur , quaſi diſſidamus auditorum memoriæ .

§. 7. Alterum epilogi munus eſt καὶ ἀπολογία , ſive commotio affectuum . Quos verò affectus ciere potiffimum oporteat , non eſt operoſum videre ex natura cauſæ . Nam cum gratulatione , admiratione , emulatione perorandum eſt , ſi laudemus ; ſi vituperemus , odium , invidia , contemptus , moveri debent .

§. 8. In conſiliis ſpes excitanda , ſive explendæ cupiditatis , ſive ulciſcendæ injuriæ . Interdum etiam timorem ex periculi metu injici expedit .

§. 9. In judiciis verò omnia concurrunt , amor , odium ,  
invi.

*invidia; in primis autem indignatio, & misericordia; illam accusator, hanc reus aucupatur.*

§. 10. *Hac in parte orator in primis aperte debet fontes eloquentiæ: sic ut non solum incendere judicem, sed ardere ipse videatur. Atque ad hoc plurimum confert, ut ita complectatur animo imagines rerum absentium, quasi eas oculis coram cernere videatur. Nam quo quis melius eas conceperit, hoc potentior erit in affectibus commovendis.*

Indicant hoc perorationes Ciceronis. Ut pro Milone, ubi ait; *Sed finis sit, neque enim præ lachrymis jam loqui possunt. & hic se lachrymis defendi vetat. Et pro Rabirio Posthumo: Sed jam, quoniam, ut spero, fidem quam potui, tibi præstiti, Posthume, reddam etiam lachrymas, quas debeo. Et paulò post: Jam indicat tot hominum fletus, quàm sis charus tuis, & me dolo debilitat, includitque vocem.*

Scitè verò dicebat magnus ille Galliarum Rex, itemque optimus ingeniorum censor, Henricus IV (a) non aliunde se melius præstantem dignoscere oratorem, quàm ex peroratione. Nam etiam, quæ natura parum possunt, tamen artis beneficio sæpe ordiuntur eleganter; atque aliquandiu in orationis suæ cursu provehuntur feliciter; sed postquam ventum est ad epilogum, ubi maximè desideratur vis oratoris, ibi penitus flaccescunt, & nihil laude dignum ampliùs possunt: quod inde ferè contingit, quia jam omnes artis (b) exhaustæ: aut quia temporis angustia excludantur, quo minùs orationem pari arte, atque industria pertexant. Imò interdum etiam hic opera eorum claudicat, quibus & ingenium, & ars, & otium, abunde suppetit: nempe quia animus jam diutina cura lassatus, eo, quod superest, citò nimis studeat defungi. Ne quid hujusmodi usu veniat nobis, ita in tornando exordio, & proximis limandis, versabimur: ut subinde cogitemus, qua porta sit exeundum.

N 4

At-

(a) Nicol. Caussin in *sacra humanæque eloqui. paral.*

(b) *Argulas pigmentarias,*

Atque hæc dicta sunt de Dispositione, quatenus respondet inventioni, quam generalem, magisque simplicem, vocabimus. Naturæ nunc ordo exigebat, ut deinceps tractaremus de dispositione earum orationum, quarum argumenta excussimus in doctrina Inventionis speciali, magisque mixta: Ut sunt consolatoriæ, conciliatoriæ, gratulatoriæ, monitoriæ, nuptiales, funebres, natalitiæ, & similes. Nam inventionis quidem est, earum argumenta quocunque ordine assignare: sed argumenta illa digerere, hoc verò munus est dispositionis proprium. Veruntamen in speciali hujusmodi materia aliud nobis ordo doctrinæ exigere vilis est. Nam cum statim possis argumenta eo commemorare ordine, quo plurimum in oratione solent collocari: quid profecto attinebat, prius illa rudi indigestaque, silva proponere; mox eadem repetere, licet ordine meliori? Quare cum earum *dispositio* satis ex iis cognoscatur, quæ in speciali Inventionis doctrina diximus: non est profecto, quoddam in iis nunc teramus tempus. Illud tamen consilium non videtur posse improbari, si quia omnem istam de talibus orationibus doctrinam, quam nos proposuimus posteriori parte libri secundi, hoc demum loco tradat: nempe tanquam superioris doctrinæ de inventione, & dispositione, appendicem justam, quæ in specialibus quibusdam materiis, tum argumenta propria, tum eorum ordinem, ostendat. Non disceptabo, uter ordo præstet, quando res illa profecto tanti non est. Verum de eo quisque iudicio suo fruatur, ut lubet.

Cæterum ex iis, quæ de orationibus istis exposuimus, iudicium etiam ferre possumus de ordine epistolari. Nam pleræque omnes epistolæ ad ista genera revocantur. At si quæ eò referri non posse videantur, hæc ferè, quò ad ordinem, non egent artificij ullius, Quales sunt illæ, quæ narrant: in quibus rei gestæ ordinem servamus. Item quibus alteri respondemus, ubi illi plurimum ordini insistimus, quo alter epistolam per-textuit. Id se facturum ait Tullius lib. 6. ad Att. ep. 1. *Accepi tuas litteras ad quintum milliarem Laodiceæ, quas*  
le-



*legi libentissimè, plenissimas amoris, humanitatis, officii, diligentiae. Iis igitur respondebo. Sic enim postulas, nec circumpicor meam institutam: sed ordinem conservabaturum. Nec tamen id perpetuum est. Sanè lib. I. ad Att. ep. 13. Respondeo, inquit, tibi ὅτι ἔργον πρότερον, Οὐκ ἔστιν ἔ*  
Nemque quia Homerus sæpè media priùs narrat, quam initium rei. Alibi etiam se purgat de ordine turbationis, scripsisse dicit *quicquid in buccam ventret. Et ad Quintum fratrem ait, hallucinari interdum epistolas. Quare non est, quod istis immoremur.*

## Finis Libri Tertii.

GERARDI JOANNIS VOSSII  
**PARTITIONUM**  
**ORATORIARUM**  
 LIBER QUARTUS.

C A P. I.

DE ELOCUTIONE UNIVERSE,  
 Ac particulatim de priori Elegantiae parte,  
 quæ in Latinitate consistit.

§ 1.

**C**um oratori videndum sit, & quid, & quo loco, & quomodo unumquodque dicat, duoque priora (quorum unum inventionis est, alterum Dispositionis) exposuerimus: proximum est, ut de tertio agamus; quod, quatenus in dictione quidem cernitur, Elocutionis; quæ autem extra eam spectatur, Pronunciationis est, sive Actionis.

§. 2. Elocutio alia philosophica est, alia oratoria, alia historica, alia poetica. Hoc loco proximè agemus de oratoria: de cæteris non nisi obiter quædam aspergemus.

§. 3. Etsi verò elocutio, Aristotele teste, à poetis perfecta sit ad oratores: multum tamen horum illorumque elocutio distat. (a) Nam poetica longius abit à vulgari consuetudine loquendi: unde Cicero (b) poetas, ait, quasi alia (c) quadam lingua loqui.

§. 4.

(a) L. 1. Rhetor. (b) L. 2. de Orat.

(c) Ita cum Lambino legere malui quam cum vulgatis Codd. aliena.

§. 4. *Elocutio oratoria est rerum inventarum, & dispositarum, per verba sententiasque expositio ad persuadendum idonea.*

Qua in definitione elocutio jure non tantum verborum esse dicitur, verum etiam rerum: Nec enim solum orationem vestit flore verborum, sed & lumine sententiarum. Neque obstat, quod inventio sententias supeditet. Nam nihil prohibet, quod minus hæc ad utramque possint partem referri: ad inventionem quidem, quatenus probant; ad elocutionem autem, in quantum ornant.

§. 5. *Elocutionis præcepta, quæ verba, quæ rem spectes, partim sunt generalia, neque respiciunt certam materiam, aut characterem: partim sunt specialia, & ad hanc, illamve materiam, ac characterem, restricta, atque accommodata.*

§. 6. *Elocutio communis dividitur in Elegantiam, Dignitatem, & Compositionem.*

§. 7. *Elegantia efficit, ut unumquodque tum pure, tum aperte dicatur.*

§. 8. *Puritas Latinis dicitur Latinitas. Ea, ut placet Maximo Victorino (a), nihil est aliud quam observatio incorrupte loquendi secundum Romanam linguam.*

§. 9. *Quare oratio non Grammaticis duntaxat præceptionibus; sed etiam bonorum scriptorum consuetudini conformis esse debet.*

§. 10. *Nec tamen hæc pars tam oratorem constituit, quam urbis alumnus; eoque, qui commendat quemquam ob elegantiam, non tam eum laudat ut oratorem, quam ut civem Romanum.*

§. 11. *Habet enim sermo urbanus nativum quid, quod peregrinis assequi difficile est; aded quidem, ut Asinius Pollio in Livio etiam quandam agnoverit Patavinitatem (b).*

§. 12.

---

(a) L. de re Grammatica.

(b) Fabius 3. Nempe ornate quidem; sed interdum tamen non satis Latine, huic Critico scripsisse videbatur.

§. 12. Atque eò magis nunc, desita Latine loquendi consuetudine, opera nobis danda est, ut quàm minimùm absumus ab sermonis Romani elegantia.

§. 13. Sed fieri illud nequit, nisi constet priùs, in quibus consistat Latinitas, & quomodo comparetur.

§. 14. Consistit autem eatum in verbis ipsis, tum in modo pronunciandi.

§. 15. In verbis delectu opus est, quem originem eloquentiæ esse, jure optimo dicebat Cæsar (a).

§. 16. Delectus is non ob elegantiam solùm adhibetur; sed etiam ob dignitatem, & compositionem.

Ad dignitatem pertinet, quatenus vocabula sunt propria, vel modificata: hæc rur um vel molliter, vel dure translata. Ad compositionem verò refer, quatenus quædam præaliis suavia sunt, aut sonora. Verùm de discrimine, ac judicio, ratione dignitatis aut compositionis, suis infrà locis dicitur.

§. 17. Nunc agendum de eo, quatenus elegantiam gignit. In quo delectu distinguuntur vocabula ratione ortus, significationis, & usus.

§. 18. Ratione ortus, vel Latina sunt, vel peregrina. Peregrina vero, vel Græca sunt, vel aliarum gentium. Græcis abstinebit orator. Quod si quid Latine dici non possit, idem pluribus exponet.

Cicero lib. 3. de Fin. bon. & mal. Equidem soleo etiam, quod uno Græci, si aliter non possum, idem pluribus verbis exponere. Vide etiam, quàm ejusce rei studiosus fuerit Tiberius, de quo ita Tranquillus: (b) Sermone Græco, quamquam alioqui promptus & facilis, non tamen usquequaque usus est, abstinuitque maxime in senatu: adeò quidem, ut, **MONOPOLIUM** nominaturus, prius veniam postularit, quòd sibi verbo peregrino utendum esset? atque etiam in quodam decreto patrum, cum *ἐμπόλιον* recitaretur, commutandam censuit vocem, & pro peregrina nostratem requirendam: aut, si non reperiretur, vel pluribus, & per ambitum verborum,

rem

(a) Libr. 1. de Analogia, ut testatur Cicero in Brute.

(b) In Tiberio cap. 71.

*rem enuncilandam.* Ac meminit ejusce rei etiam Dio in LVII. (a) Βουλθεῖς ἑ περὶ τῆς τοῦ νόμου τριῆται, ἐκάλυ-  
σει αὐτὸ τὸ ὄνομα τὸ τῆ ἐμβλήματος, ὡς καὶ Ἑλληνικῶν,  
ἐμβληθῆναι, καὶ τοῖ μὴ ἔχων, ὅπως ἐπιχαρίωσιν αὐτὸ ὀνο-  
μασθῇ. Narrat idem aliquanto post, ut, cūm strēnam à  
quibusdum oblatam non accepisset, eadem de re pro-  
posuerit edictum; in quo voce non Latina uteretur.  
Hoc cūm in mentem ei venisset noctu, ut erat elegan-  
tiæ in loquendo perquam diligens, vocasse ad se omnes,  
qui linguæ Latinæ proprietatem studiosè observarent.  
Ibi Attejum Capitonem dixisse, tametsi nemo ante eum  
istò vocabulo usus fuisset, hoc nihilominus in Tiberii  
gratiam inter antiqua esse referendum. At Marcellum  
quendam (b) subjecisse tum: *Hominibus, Cæsar, civi-  
tatem dare potes, verbis non potes.*

§. 19. Si Græci scriptoris versus sit adducendus, sa-  
tius fuerit eum Latine transferre.

Quod Cicero etiam observat in oratione pro Dejota-  
ro, ubi sententiam Latine exprimere, quàm Græcum  
referre versum maluit. Imò idem facit in iis, quæ de  
philosophia scripsit. Ut penè initio Tusculanarum qua-  
estionum: ubi itidem Epicharmi versiculum istum con-  
vertere, quàm Græcè recitare, maluit:

Ἀποθνήσκῃς, ἢ τοθνήσκῃς, ὃ μοι διαφέρει (c).

Ita enim apud eum Marcus, & alter colloquuntur.  
M. Di-

(a) Faciurus de hac re decretum, emblematum vocabu-  
lum in eo poni, quia Græcum esset, prohibuit: quanquam  
Latinum, quod id interpretaretur, haberet nullum.

(b) Apud Dionem legitur; Πόριζέστις, pro Μοίρελδόςτις.  
Est is M. Pomponius Marcellus: ut liquet ex Sueton. de  
claris Grammaticis, ubi rem eandem narrat, (c) Ita,  
ut alibi monimus, apud Sextum Empiricum legendus is  
versus: de quo minime audiendus doctissimus Simon Bofus  
animadvertens. ibi in ep. 3. l. 1. ad Att.

M. Dicam, si potero, Latine. Scis enim, me Græcè loqui in Latino sermone non plus solere, quàm in Græco Latine. A. Et rectè quidem, sed quæ tandem est Epicharmi ista sententia?

M. Emori nolo, sed me esse mortuum, nihil æstimò.

Atque hæc satis ostendunt, quantum recedant ab antiquis, qui, venti atque ostentationis causa; passim infarciunt Græca, atque ita, chimærae instar, monstruosam reddunt orationem. Sanè tantum abest, ut probari hæc res possit in semidoctis; ut in Lucilio ipso (quem Græca Latini miscuisse, reliquæ ostendunt) reprehenderit illud Horatius (a):

At magnum fecit, quod verbis Græca Latinis  
Miscuit: O seri studiorum, quine (b) putetis  
Difficile, & mirum; Rhodio quod Pitholeonti  
Contigit: An sermo lingua concinnus utraq;  
Suavior; ut Chio nota si commissa Falerni est?

§. 20. Nec tamen hæc ita accipi debent, quasi in totum abstinentum sit Græcis. Nam iis uti licet; quæ usu jam sunt recepta:

Cicero lib. III. de Fin. Bon. & Mal. Quamquam ea verba, quibus ex instituto veterum utimur pro Latinis, ut ipsa philosophia, ut rhetorica; dialectica; grammatica; geometria; musica; quamquam Latine eò dici poterant, tamen, quoniam usu recepta sunt; nostrâ ducamus. Imo Cicero orat. in Pisonem, non refugit Græcum verbum οἷχεται (c); sed cum Plauti (d) citaret versum illum, jam ore omnium pervulgatum:

Ratio quidem hercle apparet; argentum οἷχεται:

§. 21. Imò in epistolis eorùm etiàm est usus; quæ in vulgus recepta non sunt; dummodò scribamus ad illum; qui Græcè sciât. Nam si nesciât Græcè; quid aliud; quam ignaviâ ei exprobremus, atque inscitiam? In primis autem eis fuerit locus; occultare si quid velimus:

Hujus

(a) L. i. ser. sat. 10. (b) Οἷνε, qui utique: Vide Priscianum lib. 16. (c) Abiit; sive evanuit:

(d) Trinum; Ac, 2. sc. 4.

Hujus quoque rei exempla passim habemus in epistolis ad Atticum: ubi eapse de causa multa dicit ἐν ἀνιγνῶσι, & ἀνιγομένης (a). Quod ipse agnoscit lib. 2. ep. 19. *Post hæc*, inquit, *ad te, si aut per fidelem habebo cui dem, scribam omnia, planè: aut si obscure scribam, tu tamen intelliges, in his epistolis, me Lelium, te Furium faciam: cætera erunt ἐν ἀνιγνῶσι* (b).

§. 22. Præterea loca Græcè adducere expedit iis, qui commentarios, aut animadversiones scribunt in veteres scriptores.

Nam collatio Græcorum Latinorumque multum ut voluptatis, ita etiam utilitatis adfert.

§. 23. Item cum de veterum mente controversia est.

Nam cum multa aded perperam vertantur, facilius inveniemus fidem, si ipsa scriptoris verba adducamus.

§. 24. In primis verò iis apud peritos utemur, si destituamur Latinis: ut sit in multis nominibus partium humani corporis, animantium, plantarum, gemmarum, medicamentorum, instrumentorum: item vocibus, quas technici, aut philosophi cuderunt.

Cicero lib. 3. de Fin. Puto, concedi nobis oportere, ut Græco verbo utamur, si quando minùs occurreret Latinum, ne hoc ephippiis, & acrotophoris potiùs, quam proegmenis, & apoproegmenis, concedatur, quamquam hæc quidem proposita rectè & rejecta dicere licebit.

§. 25. Adhæc non est, quod apud doctos refugiamus Græca, si Latinis fuerint significantiora, vel elegantiora.

Ut si ἀδύναμις malis dicere, quam amor sui ipsius: item ἀπειροκαλία, quam ignorantia decoris, vel etiam ineptia. Nec enim hæc idem significant, etsi id magni viri putarint. Accedo potiùs Tullio, qui lib. 2. de Orator. de Inepti vocabulo agens. *Vim*, inquit, *hujus mali Græci non vident: ne nomen quidem ei vitio*  
im-

(a) *Enigmatisè & allegoricè.*

(b) *Obscure, & per Enigmata.*

*imposuerunt. Ut enim queras omnia; quomodo Græce ineptum appellent, non reperies.* Scio hac parte à Budæo (a) reprehendi Tullium, sed Ciceronis causam fortiter agit Cæsar Scaliger oratione de verbo *Inepti* ad Arnoldum Ferronum. Nec in singulis modò verbis, sed etiam conjunctis, id locum habet. Certè perierit venustas, si Latine efferre velis illud Dingenis Cynici (b): *Κρεῖττον εἰκόναυτος ἀπολθῆναι, ἢ ὥς καὶ καυτος.* (c) Vel illud Solonis, (d), aut, ut alii volunt, Xenophanis (e): *Τῶς τυράννοισι ἐνυγχάνει δὲ, ἢ ὡς ἡκιστα, ἢ ὡς ἡδιστα* (f): Suntque ejusmodi innumera. Et hæc de Græcis.

§. 26. *Quemadmodum verò in Græcis fecimus, ita in aliarum etiam gentium vocabulis distinguere convenit inter illa, quæ civitate sunt donata, & ea, quæ peregrinitatem nondum exuere.*

Posterioris generis est *MASTRUGA*, (g) Sardum vocabulum. Scio uti Tullium (h); sed ita, ut Fabius (i) ait, *illudens Cicero ex industria dixit.* Tale quoque Prænestinum *conia* pro *ciconia*, cujus meminit Plautus Truculento (k). Sane & *Prænestinorum sermone utentem Vectium Lucilius insectatur*: ut ibidem ait Fabius. Tale quoque *Parlamentum* pro suprema curia in Galliis præcipuè Parisiensi. Item *guerra* pro bello, etsi ne in versu quidem id refugit Baptista Mantuanus.

At prioris generis est *camelus*, quod à Syris esse agnoscit Varro lib. IV. de LL. itidem *essedum*, quod è Gallicis est, ut indicat Junius Philargyrius (l) suntque multa ejusmodi.

(a) Apud Laertium. (b) Satius est in corvor incidere, quam in adulatores. (c) Plutarch. (d) Hesychius illustris (e) Cum tyrannis aut nihil sermonis habendum, aut suavissime. (f) Vel *mastruca* (g) Pro Scauro, apud Isidorum lib. 19. cap. 32. Etiam orat. de provinciis consular. legas cum *mastrucatis* latrunculis. (h) Lib. 1. c. 5.

(i) Act. 3. sc. 2. (k) In 3. Georg.



§. 27. *A significatione dividuntur vocabula bifariam. Nam vel consideramus significationis aptitudinem, vel rei significatæ honestatem.*

§. 28. *E priori considerandi modo resultat vocabulorum distributio in magis & minus significantia: è quibus potiora ducuntur æquantia rem, de qua sermo est.*

§. 29. *E posteriori oritur altera divisio, in honesta, & inhonesta, cujusmodi sunt obscæna, & sordida.*

§. 30. *Obscæna sunt, quæ res Veneris nudis enunciant vocabulis.*

§. 31. *Verùm cum vocas obscæne æquæ Latine sint: imò scriptores Romani ut æternitatem per verba Latina intelligant (a) obscæna, tanquam quibus Latina sive Romana insit simplicitas: profecto non tam, qui his utitur, contra Latinitatem, quàm bonos mores peccat: neque tam imperitiâ detegit sermonis Romani, quàm animi impuritatem.*

§. 32. *Quare qui hostis naturæ non est, is aut in totum istis abstinebit, aut si qua est rei enunciandæ necessitas, eam potius verborum teget involucro, naturam hac in parte imitans, quæ partes obscænas maxime ab oculis removet.*

§. 33. *Etiam abstinendum sordidis. Ejusmodi sunt, quæ notant res immundas.*

*Qualia Stercutio relinquemus.*

§. 34. *Denique ab usu distinguuntur vocabula, idque bifariam, Nam vel usus is spectatur in populo, vel in scriptoribus illis, quorum aliqua hodie habemus.*

§. 35. *Ratione popularis consuetudinis distribuuntur vocabula in vetera, & nova.*

§. 36. *Veterum alia in usu sunt, alia non sunt.*

§. 37. *Priora vel soli usurpantur vulgo, vetera etiam doctis.*

§. 38. *Quibus solum vulgus utitur, ea etsi de rebus sordidis non sint, tamen pro sordidis habentur.*

Nempe sordes contrahunt, quæcunque usu hominum elegantium haud nitescent. Unde Gellius (b)  
*Rhetorica Vossii.* O ea

(a) Turnebum vide l. 24. Advers. c. 5. (b) L. 16. c. 7.

ea vocat *maculantia ex sordidiore vulgi usu*. Hujusmodi quædam apud Laberium inveniri ait, ut *homo le-venna* pro *levi*, *malas malaxare*, *gurdus*, *cocio*, *botulus* pro *farcimine*, & alia: quamvis de quibusdam rigide nimis exerceat censuram: ut cum ejusmodi facit *planum* pro *sycophanta*, quo tamen usum agnoscit Ciceronem in orat. pro Cluentio. Ac videtur non minus falli de *obba*, quod nec Persius refugit. Interim rectè Gellius, cum distinguit inter vulgi usum, & consuetudinem doctorum, de quo elegans etiam est Fabii locus lib. I. cap. IV. *Constituendum in primis id ipsum, quid sit quod consuetudinem vocemus. Quæ si ex eo, quod plures faciunt, nomen accipiat, periculosissimum dabit præceptum, non orationis modo, sed, quod majus est, vitæ. Unde enim tantum boni, ut pluribus, quæ recta sunt, placeant? Igitur, ut velli, & coman in gradus frangere, & in balneis perpotare, quamlibet hæc invaserint civitatem, non erit consuetudo, quia nihil horum caret reprehensione; at lavamus, & rondonemus, & convivimus ex consuetudine: sic in loquendo, non si quid vitiosè multis insederit, pro regala sermonis accipiendum est. Nam, ut transeam, quemadmodum vulgò imperiti loquantur, tota sæpe theatra, & omnem circi turbam, exclamasse barbarè scimus. Ergo consuetudinem sermonis vocabo consensus eruditorum; sicut vivendi, consensum bonorum. Sosipater Charisius lib. I. ut fatuum & sordidum damnat quoque secus pro secundum, vel juxta. Sic tamen locuti etiam Sempronius Afellio lib. I. Histor. & Plin. lib. XXIV. cap. XV.*

§. 39. *Eorum, quæ neque docti refugerunt, alia facere his usitata, alia rara.*

Usitata, ut *urbs*, *murus*, *cælum*, &c. Rara, ut *oppidò* pro *valdè*; *aditum* pro *statim*, omniaque quæ antiqua sunt, nec tamen planè antiquata.

§. 40. *At quæ in usu desierunt; obsoleta dicuntur. Ut sunt, topper, pro citò, manus pro bonus, iduare pro dividere, similiaque.*

§. 41. *Quæ florente sermone Romano vitis præstantibus*  
in

*in usu fuere, hæc nobis etiam constituere debent orationis corpus.*

Neque enim in epistola solum, sed in oratione etiam illud locum habet:

*Munda, sed è medio, consuetaque verba iuventur, Scribite: sermonis publica verba, placent.*

S. 42. *Obsoleta omninò vitanda.*

Quibus qui utuntur, perinde agunt, quasi cum Evandri matre loquantur: ut Phavorinus dicebat. (a) Cuius & illud est apud Gellium (b) Id, inquit, quod à Cajo Cæsare, excellentis ingenii ac prudentiæ viro, in primo de Analogia libro scriptum est, habe semper in memòria, atque in pectore, ut tanquam scopulum, sic fugias inauditum atque insolens verbum

S. 43. *Rara & ipsi raro usurpabimus. Nam insipientis est putare, passim hoc licere nobis, quod fortasse uno alteroque in loco sibi scriptor aliquis permiserit.*

Huiusce etiam rei nos Seneca admonet epist. CXIV. Arruntius, vir raræ frugalitatis, qui historias belli Punici scripsit, fuit Sallustianus, & in illud genus nitens. Est apud Sallustium: Exercitum argento fecit, id est, pecunia paravit. Hoc Arruntius amare cœpit: posuit illud omnibus paginis. Dicit quodam loco: Fugam nostris fecere. Alio loco: Hiero Rex Syracusanorum bellum facit, Et alio loco: Quæ audita Panormitanos dedere Romanis fecere. Gustum tibi dare volui. Totus bis contextitur liber. Quæ apud Sallustium rara fuerunt, apud hunc crebra sunt, & penè continua: nec sine causa. Ille enim in hac incidebat: ac hic illa quærebat. Vides autem, quid sequatur, ubi alicui vitium pro exemplo est. Dixit Sallustius: Aquis hyemantibus. Arruntius in primo belli Punici ait: Repente hyemavit tempestas. Et alio loco cum dicere vellet, frigidum annum fuisse, ait: Totus hyemavit annus. Et alio loco: Inde sexaginta onerarias leves præter militem, & necessarios nautarum, hyemante Aquilone, misit. Non desinit omnibus locis hoc verbū infarcire. Quodā loco Sallustius

(a) Apud Gellium lib. 1. cap. 10. (b) Ibid.

*dicat* : Inter arma civilia æqui boni famas petit . *Ar-*  
*runtius non temperavit , quo minus primo sua timbro pa-*  
*neret* : Ingentes esse famas de Regulo .

Hac in re peccari in primis solet à juventute . Nam  
in lectione auctorum plurimum non tam attendit ad vul-  
tum ac lineamenta sermonis nativi , quam tantummodo  
exstantia quæque excerpit , ac recondito eorum usu fa-  
mam postea eruditionis aucupatur . Hujuscemodi tamèn  
modicè usurpata , neque affectata , dignitatem tribuunt  
orationi : quia non quilibet iis fuerat usus . Et hæc  
de veteribus .

§. 44. *Novorum quædam ab aliis conficta sunt , &*  
*vel à paucis , vel etiam à vulgo recepta , cujusmodi , ge-*  
*nerali vocabulo , nova appellantur : alia verò a dicente*  
*primum finguntur , quæ , discriminis causa , novata nun-*  
*cupamus*

§. 45. *Eorum , quæ presse nova vocantur , non una*  
*est ratio : quia , quæ aliquando fuisse nova , postea facta sunt*  
*vetera : eoque videndum est , quando recipi quidque cæ-*  
*perit . Quæ Ciceronis , aut Maronis ævo irrepserunt , ea ,*  
*quin tuto usurpentur à nobis , nemo fere ambigit .*  
Istiusmodi est novissimus pro ultimo , cervix , pro cer-  
vicibus .

§. 46. *Major est dubitatio de iis , quæ proximo seculo ,*  
*decrecente jam puritate , in usu esse cæperunt .*

Ut , interim pro interdum , subinde pro identidem .  
Nam priori seculo valuit deinde .

§. 47. Hujuscemodi non esse vocabulis utendum , multo-  
rum opinio est . Et pueruli quidem ætati his rectè inter-  
dicti , agnoscimus . In iis verò , quibus judicium firmavit  
ætas , feram potius , quàm vel laudem vel culpam .

§. 48. At illis , quæ collapsæ prope sermone Romano ,  
ac decrepita quasi ætate , inventa sunt , qualia apud  
Symmachum & Sidonium sunt multa , in totum censeo  
abstinendum .

§. 49. Ac multò magis damnanda arbitror , quæ pro-  
ximis sunt inventa seculis , aut nostro : præsertim si ne-  
que nitantur necessitate , neque facta sint ἀνάγκης sive

*congruè: quorum si alterutrum absit, omnino, tanquam barbara, adverser.*

Ita nulla necessitas fuit, cùm dicerent *prædicatum* pro attributo, & *principaliter* pro maxime. At contra Græcæ compositionis leges peccat *επιπικ* (a) quod finxit Thomas Morus, alludens ad Homericum *επιπικ* (b).

§. 50. Novatorum quatuor sunt genera: alia imitatio-  
*ne sunt; alia derivatione, alia compositione, alia novæ significationis impositione.*

*Imitatione*, ut si à sono animalis verbum effingas ad instar veterum *balare*, *baubari*, & aliorum, quæ habes apud Philomelæ (c) scriptorem.

*Derivatione*, quomodo Gaza ab hirundine fingit *hirundinaria*, quæ Græcis *χελιδόνιον* (d). Item a corniculò *cornicularia*, ut isdem est *κερκιτίτις* (e). Simile fit, si à capitis, quod veteribus (f) *feminarum mamillare* erat, aliquam dicas *capitiatam*, quod pectus capitatio texerit.

*Compositione*, quomodo à *bombo* & *ardeo* conflantur *bombardam*. Sic Gaza ad exemplum Græcorum *ελια φλοιός* (g), *αυρόσατος* (h), *τροπικὸς* (i) effinxit *falsicortex*, *cantirubus*, *tritestiger*: suntque apud eum hujus generis longe plurima.

Denique *novæ significationis impositione*, ut qui *clepsydram* vocant, quod verius est *clepsammium* seu *cle-*

O 3 *psam-*

(a) Non locus, sive potius ne locus, aut terminatione etiam mutata nomenclatura. Ita ficto nomine *regeonem* vocabat quæ foret nusquam. Unde, qui videret, aequè ridicule nusquam jam appelleret vel nusquamam cum Erasmo *Epist. ad Morum*.

(b) Nullus. (c) Inter Ovidio *perperam* tributa.

(d) Planta genus. (e) Item planta genus.

(f) Varro lib. 4. de LL. & de vita populi Rom. *est aliter Nonius*; sed non intellexit Varronem.

(g) Species est roboris, (h) Canina sentis.

(i) Accipitris genus.

*psammidum*. Nec enim aqua nunc; ut olim; sed arenulis tempus metimur.

Ex his quatuor modis primus κατ' ἐνομαστοσίαν fit, ultimus κατὰ μεταφοράν: de quarum utraque postea dicitur.

§. 51. *Novata usurpare licet, cum deest verbum vetus, aut id, quod habemus, non satis idoneum est. Ac in primis locum habent in rebus amœnis jucundisque. Aliàs utendum iis verecundiùs.*

Ita usurpat Tullius lib. de Senectute: Terra semen tepefactum complexu suo diffundit, & elicit HERBESCENTEM ex eo viriditatem; Et ibidem: NE SYLVESCAT fumentis. Hactenus de usu verborum, quatenus in populo consistit,

§. 52. *Præterea usus spectatur ratione scriptorum, unde vocabulorum alia poetica sunt, alia historica, alia oratoria, alia iis propria, qui artes aut scientias tractant.*

§. 53. *Poetica dicuntur, non quibuscunque utuntur poetæ, sed quæ apud solos inveniuntur poetæ, vel saltem poetis (a) sunt in usu, oratoribus non item.*

Ut, olli pro illi; grates pro gratias, altum pro mari, pugnare alicui pro cum aliquo. Nec quia alia poetarum, quàm oratorum, dictio est, eò poetarum lectione abstinere debet pedestris eloquentiæ candidatus. Nam, ut nihil dicam de liberali delectatione, quæ ex iis percipi potest, multum hoc studio ipsa alitur eloquentia. De delectatione quidem ita Tullius pro Archia: *Quæres à nobis, cur tantopere hoc nomine delectemur? quia suppeditat nobis, ubi & animus ex hoc forensi strepitu reficiatur, & aures convitio defesse conquiescant.* Et mox: *Si ex his studiis delectatio sola peteretur, tamen, ut opinor, hanc animadversionem humanissimam, ac liberalissimam, judicaretis.* Eadem Fabii mens lib. X. cap. I. *Præcipue, inquit, velut attrita quotidiano actu forensi ingenia optimè rerum talium blanditia reparantur.* Quantopere verò nutriatur eloquentia

Poeti-

(a) Et si non solis, sed etiam historicis, de quorum dictione §. seq.

Poeticæ studio, ostendunt hæc verba, quæ proxime ibidem antecedunt: Plurimum dicere oratori conferre Theophrastus lectionem poetarum, multique ejus judicium sequuntur, neque id immerito. Namque ab his & in rebus spiritus, & in verbis sublimitas, & in affectibus motus omnis, & in personis decor petitur. Interdum autem & commodè orationi inserit poetarum versus, multis Ciceronis locis dilucet: ita lib. VII. epistolam quandam ad Trebatium, concludit hoc Terentii (a) senario,

*Aut consolando, aut consillo, aut re juvero.*

§. 54. *Nec poetica tantum, sed historica etiam phrasibus ab oratoria est diversa.*

Quintilianus (b) Vitandum quoque, in quo magna pars errat, ne in oratione poetas nobis & historicos; in his operibus, oratores, aut declamatores mutandos putemus. Sua cuique proposita lex, suus decor est.

Crebrum sane loquendi genus historicis est, lubrica viarum, occulta saltuum, prominentia montium, aliaque: quæ apud oratores haud temerè reperiatur.

§. 55. *Nec artium vocabula, qualia multa habent Grammatici, Philosophi, Theologi, alique rerum divinarum, aut humanarum doctores, ab oratore usurpari debent: quia oratio ejus debet esse popularis.*

Non quidem, quasi penitus pro tritis, & calcatis vocabulis uti oporteat: (nam in pedestri quoque oratione locum habet illud Venusini vatis (c):

*Odi profanum vulgus, & arceo.)*

sed quia usurpare non debet, quæ à populo non intelligantur. Et hæc quidem dicta sunt de vocabulorum delectu.

§. 56. *Altera Latinitatis pars consistit in pronunciationis sono. Nam non ea tantum usurpanda est dictio, quam nemo reprehendat: sed insuper moderanda est & lingua, & spiritus & vocis sonus.*

Frustra tamen sit, qui putet, se hac parte adspirare posse ad veterum gloriam. Nihil quippe vulgari est

O 4 pro-

(a) *Heaut. Act. I. sc. 1.* (b) *Lib. 10. c. 1.* (c) *Lib. 3. Od. 1.*

pronunciatione corruptius: Ut cum C. ante vocales E. & I. aliter efferimus, quam ante A. O. V. aut consonantes L. & R. item cum diphthongos Æ & OE pronunciamus, tanquam nudas vocales. Et sunt alia id genus plura, de quibus agimus in primo & secundo de Arte Grammatica.

§. 57. Diximus, in quibus consistat Latinitas: videntur quomodo comparetur. Ac olim quidem acquiri poterat auditu solo, quia passim loquebantur Latine: nunc non item.

Hoc minus: quia seu magnatum, parentumque culpa, seu perpetua sæculorum infelicitate, ferè ita usu venit, ut ii præfiantur primæ ætati, qui necdum ipsi è luto posuerunt pedes. Et sanè dubitandum non est, quin inde sit, quòd etiam cum sedulo fuerimus in optimis scriptoribus volutati, sermo tamen fluat lutulentus.

— Adeo in teneris consuescere multum est (a)

§. 58. Supersunt igitur duo præcipuè modi, quibus Latine discamus: diligenter bonorum scriptorum lectio, & eorundem imitatio.

§. 59. Præstantium Latine lingue auctorum quamquam non ita magnus est numerus, non tamen à quovis quilibet sunt legendi, sed iudicio hic opus, quia scriptorum alii aliis sunt meliores; & pro cuiusque profectu, legendi sunt alii, atque alii.

§. 60. Scriptores quidem distinguimus pro ætate, qua quisque vixere. Quinque enim quasi ætates facimus sermonis Romani, puerilem, crescentem, adultam, decreescentem & decrepitam. Ad puerilem refero Saliæres hymnos, ex quibus fragmenta quædam citantur à Grammaticis antiquis. Item leges XII. Tabularum. Primus in adolescentia est Livius Andronicus: melior Cato, cujus de re Rustica libri ætatem tulerunt. Optimi autem Plautus, Terentiusque. In adulta sunt, ex oratoribus quidem,

---

(a) Virgil. 2. Georg.



dem, *Orhetoribus*, Cicero, Caelius, Cornificius, Porcius Latro (a), M. Seneca, &c. ex historicis, Sallustius, Julius Caesar, A. Hirtius, scriptor belli Hispaniensis, Livius, Vellejus, &c. ex poetis, Lucretius, Catullus, P. Syrus, Mimus, Maro, Horatius, Tibullus, Propertius, Gravius, Ovidius, &c. ex medicis, philosophis, reive rusticæ, aut architectonicæ scriptoribus, Varro, Vitruvius, Scribonius Largus, Cornelius Celsus, Pomponius Mela, Columella. &c. In decresciente verb etate sunt oratores, & rhetores Rutilius Lupus, Quintilianus, Plinius junior, &c. historici, Curtius, Svetonius, Tacitus, Justinus, &c. poetæ, Lucanus, Persius, Silius-Juvenalis, Valerius Flaccus, Statius Papinius, Marcialis, &c. Philolophi, L. Seneca, Plinius Veronensis, &c. grammatici, Asconius, Agellius, &c. In decrepta etate sunt, Symmachus, Capella, Sidonius, &c.

§. 61. Pro legentium quoque profectu, non sine summorum virorum (b) exemplo, triplicem quasi etatem ponimus pueritiam, adolescentiam, & ævæ sive etatem statam.

§. 62. Pueritiæ solus legendus est Cicero, atque id, quousque ex eo didicerit formare orationis corpus.

Nam ut pictor primò hominem delineat; inde colores addit: ita nobis prima esse debet cura formandi corpus orationis, post demum de ornamentis laborabimus. Quod si statim, nunc hunc, nunc illum legamus scriptorem, oratio non erit æquabilis, & unius quasi

(a) Modo illa in Catilinam declamatio sit Porcii Latronis, ac non potius declamatoris antiqui: quod verius puto. Videtur enim oratio illa aliquantò inferior laudibus, quas Latroni tribuit M. Seneca. Imò quadam Latinitatis iam labantis in eo vestigia observo. Interim, ut dixi, antiquus est scriptor: ut audiendus non videatur Lud. Carrio, qui ineptissimum vocat sophistam. Aliqui eum censent Vibium Crispum: ut quoque legas apud Hadrianum Junium de Coma cap. 8.

(b) Eos inter Lipsi in epistolica inslitut.

quasi filii; sed incompressa, & inconstans. Si quos tamen Ciceroni addere sit visum, illi haud alii sunt, quàm qui praeiverint ipsi in hoc puerili imitationis genere: Longolius in primis, tum autem Bembus, Bu- nellus, & Manutius in epistolis illis, quas ante senium scripsit: nam cæteræ frigidam sapiunt ætatem.

§. 63. *Adolescentiæ utilis est in sermone familiari, ac epistolis quoque, Terentius, & mox Plautus: at in orationibus scribendis illi veterum condycent, qui à Tullii dictione proximè absunt.*

Nec movere debet, quòd multi in Cicerone uno consistendum putent. Placere sibi ajunt Plinianum illud (a) *Stultissimum, ad imitandum non optima quæque proponere.* Verùm ratio eos fugit, cum in solo Cicerone optima omnia esse arbitrantur. Nam non tantùm multa sunt non venustè minus ab aliis scriptoribus, quàm Cicerone, dicta; sed etiam plurima sunt, quæ Ciceronis verbis efferri non possint, sive in re rustica, in qua adeundi sunt Varro, & Columella, aliique ejusce rei scriptores; sive in architectonica, in qua consulendus Vitruvius; sive in re naturali, in qua accedendus Plinius, ut in aliis rebus alii. Quare Ciceroni alios addemus, postquam is docuerit formare periodos, numeros, ac totam seriem contextumque orationis. Sed neque tum amplius servandum erit puerile isthoc imitationis genus, quod inter alios secutus is, quem dixi, Longolius; ut quietiam semiperiodos è Cicerone describat: sed potiùs Ciceronis, aut alius scriptoris sententiæ alio debebunt brationis vestitu ornari: Ciceronisque verba aliis accommodari sententiis, arque ita una velut cera plures effingi imagines.

Interim tunc quoque in scriptoribus delectu opus est. Nam sermonem quidem familiarem juvabunt maximè Plautus & Terentius, & qui ad eorum proximè dictionem accessit, Agellius. Deque epistolis idem sentiendum. Unde Plinius (b) epistolas laudans, comparat

---

(a) *Lib. 2. epist. 5.* (b) *Lib. 1. epist. 16.*

parat ea Plauto, & Terentio, metro solutis. In orationibus autem & historiis magis ii proderunt, qui proximè accedunt ad Ciceronis stylum: ut sunt Cæsar, Livius, Vellejus, Curtius, Quintilianus.

§. 64. *Tertia verò ætate, quia jam constantem duxerimus sermonis lineam, nihil periculi erit, ne, ornamentis aliunde arcessitis, aut obruatur sermo, aut dimoveatur de gradu. Quare huic ætati expatiari licebit per omne scriptorum genus.*

Imò tùm ne ex ipso quidem Apulejo, vel glossariis, dummodo iudicium adsit, haurire aliqua gravabimur, quæ, suo usurpata loco, ornare valeant orationem.

§. 65. *In primis autem tum legendi breves illi scriptores, Sallustius, Tacitus, Seneca, & similes: quorum lectione futurum est, ut paulatim iudicii falce refectetur luxuries dictionis.*

Hactenus de Latinitate,

## C A P. II.

### DE PERSPICUITATE.

#### §. I.

**D**ICAMUS nunc de perspicuitate, sive evidentia, quæ magis etiam in oratione necessaria est, quàm exquisita Latinitas.

Hinc illud vetus, & pervulgatum:

Συφέςετον νοι, κ' αὐχδέσετον φρασιν (a).

Et profecto, ut optime inquit Augustinus (b): *Quæ prodest locutionis integritas, quam non sequitur intellectus audientis? cùm loquendi omnino nulla sit necessitas, si quod loquimur; non intelligunt, propter quos loquimur ut intelligant. Quare non imitanda nobis dictio Tertuliani, præsertim scholastico scripto de Pallio. Idem de Persii dictione iudicium esto. In primis verò perspicui-*

ta-

(a) *Indoctius prosequitur, atque clarius.*

(b) *Lib. 4. de doct. Christ. cap. 10.*

tate est opus, si res fuerint obscuræ, Ubi planè exigitur virtus ea, quæ ab Hermogene dicitur λόγος ἀληθινός; oratio nempe simplex, nudisque sententiis, sine ulla artis affectatione, saltem quæ conspicua sit. At in rebus apertis, dictione minus vulgari uti licet; juxta illud vet. Τὰ μὲν κοινὰ κοινῶς, τὰ δὲ κκινὰ κοινῶς (a).

§. 2. *Ad perspicuitatem recurritur, ut vocabula propria sint, & usitata.*

De propriis ita Aristoteles lib. III. Rhetor. c. III. (b) Τῶν ὀνομάτων ἢ ῥημάτων σαφεῖ (τὴν λέξιν) ποιῆτε τὰ κύρια. Et in Poetica cap. XXII Σαφεστάτη μὲν λέξις ἐστὶν ἡ ἐν τῶν κυρίων ὀνομάτων (c) De usitatis sic idem scribit lib. VI. Topicorum cap. II. Πῶ γὰρ ἀσφαές, τὸ μὴ εἰωθός (d) Propria autem cum dico, non excludo modificata; sed requiro nativam significandi vim ex usu doctōrum. Cum item additur, usitata esse debere; arcentur obsoleta & nová: quo nomine etiam novata jam comprehendo. Sed & rara quæ sunt ad obsoletorum naturam propius accedunt: unde ipsa etiam obscuritatem adferre solent, saltem imperitis. Idemque de artium vocabulis judicandum.

§. 3. *Præterea necesse est, ut vocabula unum significant: cui rei repugnant ὁμωνυμία & ἀμφιβολία. Ὅμωνυμία est unius pluriumve vocabulorum ambiguitas extra constructionem. Nam si constructioni insit, ἀμφιβολία dicitur.*

Ita ὁμωνυμία est in voce Germanus, quo & in Germania natus, & frater germanus significatur. Hæc non vitium est, sed virtus quando ludere visum est ambiguitate dictionis: ut cum de Cimbro fratricida (in quem epigramma quoque exstat Maronis) Cicero dixit, Germanum occidit Cimber.

Aµ-

- 
- (a) Communia rariter rara communiter. (b) Ex nominibus & verbis perspicuam orationem efficiunt propria. (c) Maxime quidem perspicua est dictio quæ ex propriis nominibus constat. (d) Quicquid enim inusitatum est, id obscurum est.

Ἀμφιβολία exemplum tale ponit Fabius (a) *Testamentum quidam iussit poni statuam auream hastam tenentem*. Queritur enim, num statua hastam tenens aurea esse debeat, an hasta esse aurea in statua alterius materiæ? Sic illo Ennii versu (b):

*Ajo te, Æacida, Romanos vincere posse.*

Item illo apud Fabium:

*Cbremetem audiui percussisse Demeam.*

In cuiusmodi exemplis nescitur, uter accusativus à fronte regatur, uter à tergo. Est tamen cum ejusmodi structura nullam ambiguitatem parit. Ut si dicas. *Vidi struthiocamelum deglutientem ferrum*. Neque enim periculum est, ne quis struthiocamelum putet à ferro esse deglutitum.

§. 4. *Nec debet oratio nimis esse concisa, ut in βραχυλογία, quomodo vocatur nimia sermonis brevitatis.*

Sanè scriptores, qui brevitatem sectantur, in obscuritatem facile incidunt: quod de Plinio Veronensi ipsoque Sallustio ostendit Andr. Schottus Tullianarum Quæstionum lib. I. cap. XIX. Ejusdem Plinii est lib. VII. de Cicerone: *Omnium triumphorum lauream adeptæ majorem*. Quo de loco mirifica quidam somniant. Nam putant *omnium triumphorum κατ' ἐναλλαγὴν* poni pro *omni triumpho*. Atqui βραχυλογία est, pro *triumphorum laurea lauream adeptæ majorem*. Interim laudatur sæpe brevitatis, sed pro re nata, non affectata. Βραχυλογία delectati Lacones.

§. 5. *Obscuritatem quoque parit sermo, si tam longus sit, ut dicentem prosequi non possit auditoris intentio. Μακρολογία appellatur. Hanc in primis in epistolis fugere oportet.*

Sane obscurius paulò illud Petri Bembi epistola, quam Leonis X. nomine scripsit ad Ludovicum, Galliæ Regem (c) Verùm cum optimam vivendi rationem, summamque probitatem, & eximiam mulieris temperantiam tam amplo in imperio positæ, cæte-

(a) Lib. 7. c. 9. (b) Lib. 8. c. 2. item Lib. 7. c. 9. Sed hic pro Cbremetem habet Lachetem. (c) L. 7. epist. 1.

cæteraſque ejus præſtantiffimas virtutes animo repetere-  
taus ; & ſimul hujus vitæ miſerías , atque horum tempo-  
rum incommoda , perturbationeſque reſpiceremus : in eam  
ſententiám adducti ſumus , ut bene cum iis actum eſſe  
ſtatuereſſent , qui hoc tempore mortem cum vita com-  
mutaviſſent : Deumque Opt. Max. Annam Reginam  
ad ſeſe , tanquam de terrarum æſtu & fluctibus in por-  
tum , aut tanquam de flebili hoſpitió ad plenam hilari-  
tatis paternam domum , cælum ipſum beatorumque con-  
cilium vocaviſſe , magnopere exiſtimareſſent : ubi illa  
bene actæ vitæ præmia , & cum liberalitatis , atque  
beneficentiæ , quibus duabus virtutibus ſupra mulierum  
captum enituit ; tum verò etiám temperantiæ patien-  
tiæque ſuæ ſperatos fructus , læta feliciffimaque perci-  
peret .

§. 6. *Denique obſcuritatem adfert verborum mixtu-  
ra : qualis eſt in ἀντιποῖν καὶ συγχύσει . Αντιποῖν traji-  
cit verbum in eodem commate .*

Ut apud Cornelium Nepotem in Timothei vita :  
Hunc adverſus tamen Timotheus poſtea populi juffu bel-  
lum geſſit . Pro adverſus hunc . Quamquàm hoc quidem  
loco potiùs elegantia eſt . Afranius apud Nonium :

*Ut ſcire poſſis , ad quo te expediat loqui .*

*Pro Quo ad .*

§. 7. *Συγχύσει trajiçi verbum ex uno commate in al-  
terum .*

Ut apud Horatium (a) :

*Namque pila lipſis inimicum & ludere crûdis .*

Nam ludere conjungi debet cum pila , quod in prio-  
ri commate eſt . Et apud eundem (b) :

— *Simius iſte*

*Nil præter Calvum & doctus cantare Catullum .*

Atque hæc præcipuè ſunt , quibus obſcurâ redditur  
oratio : in quod malum etiám à quibusdam laboratur :  
neque id novum vitium eſt , cum jam apud T. Livium  
invenerit Fabius (c) , fuiſſe præceptorem aliquem , qui  
disci-

(a) Libr. 1. Sat. 5. (b) Lib. 1. Sat. 10.

(c) Libr. 8. cap. 2.

*discipulos obscurare, quæ dicerent, juberet, Græco verboratens, Σνότιον (a). Unde illa scilicet egregia laudatio, Tanto melior: ne ego quidem intellexi.*

## C A P. III.

## D E D I G N I T A T E .

Ac Tropis generatim.

## § I.

**N**EC satis est, ut dictio sit pura, & perspicua, quod *Elegantia præstat: sed duobus præterea opus est, dignitate quadam verborum & sententiarum, ac felici compositione.*

In domo magnifica non tantum ea sunt, quæ ad necessitatem pertinent, sed etiam, quæ ad ornatum. Itidem fit in sermone oratoris. Ubi necessitatis est elegantia, hoc est Latinitas, & perspicuitas, quæ præstat Grammaticus. Sed Rhetor superaddit his ornatum duplicem: unum ex verbis sententiisque; alterum ex venusto verborum situ ac collocatione. Sanè (ut eadem in Similitudine persistamus) in domo splendida non sufficit, ut res ipsæ sint ornatae, velut picturæ: sed opus est etiam, ut tum ea, quæ ad necessitatem pertinent, tum quæ ad ornatum faciunt, suis singula collocentur locis. Quid enim inornatius, quam si picturæ præstantes sint in coquina; vasa coquinaria in triclinio? Quare, ut undique ornata sit oratio, tum ea eligi debent, quæ picturarum instar per se habent ornatum; ut sunt verborum sententiarumque lumina, de quibus tractat Dignitas: tum etiam, quæ vel ad emendatum, ac perspicuum sermonem, vel ad isthæc verborum sententiarumque lumina pertinent, ea universa pro rei, de qua agitur, natura, suaviter aut asperè, & periodicè, numerosèque debent collocari; quod docet Compositio.

## §. 2.

(a) *Obscurato.*

§. 2. *Ufus utriusque partis multò maximus est. Nec enim tantum facit, ut ipsi scribamus orantè; sed etiam, ut summam capiamus voluptatem ex scriptis alienis.*

Nam quemadmodum, qui in domo magnifica cæcipientibus aut clausis oberrat oculis, quia non videt picturas præstantissimas, pavementum tessellatum, lacunaria aurea, pulcherrimum cunctorum ordinem, nullam capit voluptatem: ita nec delectationem percipit ex scriptis ornatissimis, qui non videt illas orationis picturas, atque ut Lucilius ait:

*Quàm lapide lexeis composuæ, ut tesserulæ omnes Arte pavimenti, atque emblemate vermiculato.*

§. 3. *Quia autem prior est cura rei tuveniendæ, posterior collocandæ: prius dicemus de ea parte, quæ suppledat res illas suapte natura ornatas, h. e. orationis picturas, sive illa verborum sententiarumque lumina, quæ Rhetores vocant tropos; & schemata. In his enim duobus consistit Dignitas.*

4. *TROPUS est vocis à propria significatione in alienam cum virtute immutatio.*

Quod & nomen indicat. Nam est *τρόπος à τρέπω*, id est, *verto*; ut ad verbum *inversionem* sonet. Intellige autem inversionem vocis tum complexæ, tum incomplexæ. Nam fit tropus tum in vocibus singulis; ut *mulus* pro *stupido*: tum in conjunctis, ut *laterem lavare*, pro, frustra laborem suscipere instar laterem lavantis.

§. 5. *Hujus immutationis causæ fuere duæ. Una est necessitas. Nam linguæ singulæ proprio in multis vocabulo desituuntur, eoque alienum arcessendum fuit.*

Itiusmodi est *gemmare* in vitibus: vel cum segetes *fitire*, aut fructus *laborare* dicuntur: aut cum dicimus *hominem durum*, vel *asperum*.

§. 6. *Huc quoque pertinet, cum translatum est significantius.*

*Ut, incensus ira: inflammatus cupiditate, lapsus errare.*

§. 7. *Altera causa ornatus.*

*Ut, fumen eloquentiæ, lumen orationis. Item cum Cicero Clodium ait esse fontem gloriæ Milonis, & alibi,*



bi, *segetem materiamque gloriæ ejus.*

§. 8. *Huc refer. quoque tum honestatem, cum dictu parum honesta voce deflecta explicantur, (nam quod turpe est, id inornatum est) tum verborum copiam, quia illa quoque orationis varietas ornat, & delectat.*

§. 9. *Fit autem inversio significationis quadrifariam, ac pro eo quatuor etiam sunt tropi primarii, Metaphora, Metonymia, Synecdoche, & Ironia,*

Nam vel res arcto aded vinculo conjunguntur, ut unum sit de alterius essentia, velut totum & pars, quæ *Synecdoche* commutat: vel non quidem unum de alterius essentia est, sed tamen cum essentia conjungitur; siye quia alterum alterius causa est: siye quod unum alteri insit, aut adsit, alterumve præcedat, aut sequatur (a), quæ invertit *Metonymia*: vel ne quidem conjuncta sunt cum essentia. sed aut similia tantum, cujusmodi commutat *Metaphora*: aut etiam opposita, quorum unum pro altero ponit *Ironia*. Ex his si splendorem, seu usum spectes, facile princeps est *Metaphora*: de qua idcirco, aliorum Rhetorum exemplo, primo loco dicturi sumus.

## Rhetorica Vossii.

## P

## CAP.

- (a) *Duplicem hic viam insistere licet. Nam vel ad metonymiam solum referemus, cum unum est alteri causa, aut subjectum: vel eodem pertinebit, cum unum se habet ut antecedens. Si prius placet, metalepsis, quæ commutat antecedens & consequens, species erit metonymiæ. Sin posterius arripueris, præter tropos quatuor commemoratos, erit & quintus tropus primarius Metalepsis.*

## C A P. XVI.

## DE METAPHORA.

## §. I.

**M**ETAPHORA *sive translatio, est tropus, quo verbum à propria significatione in alienam transferitur ob similitudinem. Itaque tria spectantur in metaphora; significatio propria, aliena, & similitudo.*

E. G. Dixit cum Ennio Virgilius (a):

*duo fulmina belli*

*Scipia*dos. . . Proprie in tempestatibus est fulmen. Improprè de homine dicitur in bello. Similitudo in eo consistit, quòd, ut fulmen est animantibus terribile, ac noxum, ita Scipio hostibus terrore esset maximo.

§. 2. *Metaphora alia petitur ab analogia, quæ inter quatuor est: alia à similitudine, quæ est inter duo.*

E. G. Ut se habet si caput ad hominem, ita princeps ad Remp. Est hæc gemina similitudo. Nam similia sunt, cum caput, & princeps, tum corpus, & Resp. Itaque si principem vocas caput Reipublicæ, fuerit prioris generis metaphora. At inter hominem versutum, & vulpem, est simplex similitudo, eoque, cum Christus Herodem, ob mores vulpinos, appellat vulpem, metaphora est posterioris.

§. 3. *Præterea metaphora vel reciproca est, vel non reciproca.*

Reciproca est in vocibus *aurigæ, & gubernatoris*. Nam & *auriga* pro gubernatore ponitur, & *gubernator* pro auriga. Item in vocabulis *alti & profundi*. Nam & *mare altum*, & *cælum* dicitur *profundum*.

Non reciproca est, *vertex* pro cacumine. Neque enim *cacumen* edicere vicissim liceat pro *vertice*.

§. 4. *Ducuntur metaphoræ à divinis, cælestibus, elementis, meteoris, lapidibus, metallis, plantis, bestis,*

(a) *Æneid.* 6.

flis, hominibus, eorumque operibus: adeo ut tam latè pateat metaphora, quam similitudo, quæ se in res omnes extendit.

§. 3. Maximè interim commendantur metaphoræ illæ, quæ rebus sensu carentibus actum quendam, & animum dant.

Ut illa VIII. Æn. Pontem indignatus Araxes, & illa Ciceronis pro Ligario: Quid enim tuus ille, Tubero, districtus in acie Pharsalica gladius agebat? cujus latus ille mucro petebat? qui sensus erat armorum tuorum?

§. 6. Debent metaphoræ esse verecundæ, ut migrasse, non irruisse in alienum locum videantur.

Cicero ad Tironem (a): Sed heus tu, qui *ναῦς* (b) esse meorum scriptorum soles, unde illud tam *ἄνθρωπος* (c); valetudini fideliter inserviando? Unde in istum locum, fideliter venit? cui verbo domicilium est proprium in officio. Migrationes in alienum multæ. Nam & doctrina, & domus, & ars, & ager etiam fidelis dici potest: ut sit, quomodo Theophrasto placet, verecunda translatio.

§. 7. At vitiosæ sunt metaphoræ, in quibus est dissimilitudo.

Itaque damnat Cicero (d) Ennianum illud, *Cæli ingentes fornices*: Nempe quia fornices nec magni sunt, nec totum complent circulum: fortasse & quia à rectis lateribus confluere soleant.

§. 8. Item, in quibus simile nimis longè ductum.

Ut, *Syrtim patrimonii*, & *Charyddim bonorum*. Pro illo, *scopulum*; pro hoc, *voraginem* rectè dixeris: quia sensus facilius feruntur ad ea, quæ visu, quam quæ auditu perceperunt. Poetis tamen, quam oratoribus, audacioribus hic esse licet.

§. 9. Fugiendæ etiam, quæ sumuntur à re turpi, b. e. obscenâ, aut sordidâ.

Ut, *stercus curiæ Glaucia*: *Respublica castrata mor-*

P 2

te

(a) Epist. 7. lib. 16. (b) Regula ac censor:

(c) Improprrium.

(d)

te Camilli : & illud, quod ex veteri oratore adducit Fabius, *persecuisti Reipubl. vomicas*.

§. 10. *Item, qui nimis amplificat.*

Ut, si puer dicatur *ferreus in studiis*. Neque enim id ei convenit ætati: licet ætates proventum rectè dixeris *καταγέρτες* (a), quod Didymi Grammatici olim cognomen fuit (b).

§. 11. *Nec minores debent esse re significata.*

Ut, *saxea verruca*.

§. 12. *Nec facilè recedendum à metaphora, à qua cœpit oratio. Vitiosè enim, si à fontibus cœperis, desinas in incendium.*

Interdum tamen id quoque elegantiae est. Ut cum Claudianus de legione Fulminatrice ait (c),

— *Nam flammeus imber in hostem*

*Decidit* —

Ubi *imber* pro copiis: ut Virgilio (d) *nimbus perditum*, *Flammeus* autem, quia legio, ut dixi, *Fulminatrix* vocaretur. Et *flammeum* etiam *imbrem* dici posse, arguit historia Sodomæ & Gomorræ: de qua sic Tertullianus (e): *Impietas ignium meruit imbres*.

§. 13. *Etsi autem nullus est florentior tropus, quique plus luminis afferat orationi, quàm metaphora; non tamen frequentari nimis debet. Nam ut modicus delestat usus, ita immodicus tædio complet; & ut modicus illustrat, ita immodicus obscurat: ut qui exeat in allegoriam aut ænigma.*

§. 14. *Quibus verò locis magis, quibus minùs; metaphoris uti liceat; id hujus loci non est, sed pertinet ad doctrinam de charactere.*

De quo sequenti libro dicemus.

## CAP.

(a) *Intestina habentem aream*. (b) *Suidas*.

(c) *De sexto consulatu Honorii vers. 342.*

(d) *Æneid. 7. vers. 793.* (e) *Libr. de Pallio c. 2.*

## C A P. V.

## DE METONYMIA.

## §. I.

**M**ETONYMIA, cùm sit ἀ μετὰ (a) & ὀνομα (b), ad verbum sonat transnominatio, vel potius transnomen, qua forma pro ἀντωνυμία pronomen dicimus. Alio nomine, Cicerone teste. Τὰ ἀλλὰ καὶ vocatur.

§. 2. Est verò tropus, quo causa externa (c) ponitur pro effectu, aut subiectum pro adjuncto, vel antecedens pro consequente, aut contrà.

§. 3. Itaque sex in univèrsum sunt ejus modi. Primus est causæ externæ pro effectu.

Ut, Mars pro bello, Ceres pro frugibus, Cicero, aut Livius pro scriptis. Sed dicimus: Vario Marte pugnatum. Virgil. (d) Onerantque canistris

Dona laboratæ Cereris.

Martial. (e).

Pellibus exiguis arctatur Livius ingens,  
Quem mea vix totum bibliotheca capit.

§. 4. Alter modus est, effecti pro causa.

Ut, expalluit, pro extimuit. Nam pallor est effectum timoris. Horatius (f):

Pindarici fontis qui non expalluit haustus.  
Sic pallida mors, quia mortui pallent. Horat. (g)  
Pallida mors æquo pulsat pede pauperum tabernas,  
Regumque turreis.

P 3

Vir-

---

(a) Trans. (b) Nomen. (c) Plerique tantum μετανῶν μίαν vocant, cum causa usurpatur pro effectu; vel subiectum pro adjuncto, aut contrà. Quod si places, cum antecedens ponitur pro consequenti, erit tropus singularis, ut annotavimus ad oram c. 2. §. 9. (d) Æneid. 1. (e) Lib. 14. dist. 109, (f) Lib. 3. Epist. 3. (g) Lib. 1. Od. 4.

te *Capilli* : & illud, quod ex veteri oratore adducit Fabius, *persecuisti Reipubl. vomicas*.

§. 10. Item, qui nimis amplificat.

Ut, si puer dicatur *ferreus in studiis*. Neque enim id ei convenit ætati: licet ætates provectum rectè dixeris *ἡδύτης* (a), quod Didymi Grammatici olim cognomen fuit (b).

§. 11. Nec minores debent esse re significata.

Ut, *saxea verruca*.

§. 12. Nec facilè recedendum à metaphora, à qua cæpit oratio. Vitiosè enim, si à fontibus cæperis, desinas in incendium.

Interdum tamen id quoque elegantix est. Ut cum Claudianus de legione Fulminatrice ait (c),

— Nam flammeus imber in hostem

Decidit —

Ubi *imber* pro copiis: ut Virgilio (d) *nimbus perditum*, *Flammeus* autem, quia legio, ut dixi, *Fulminatrix* vocaretur. Et *flammeum* etiam *imbrem* dici posse, arguit historia Sodomæ & Gomorræ: de qua sic Tertullianus (e): *Impietas ignium meruit imbres*.

§. 13. Et si autem nullus est florentior tropus, quique plus luminis asserat orationi, quàm metaphora; non tamen frequentari nimis debet. Nam ut modicus delectat usus, ita immodicus tædio complet; & ut modicus illustrat, ita immodicus obscurat: ut qui exeqt in allegoriam aut enigma.

§. 14. Quibus verò locis magis, quibus minùs; metaphoris uti liceat; id hujus loci non est, sed pertinet ad doctrinam de charactere.

De quo sequenti libro dicemus.

## CAP.

(a) *Intestina habentem ærea*. (b) *Suidas*.

(c) *De sexto consulatu Honorii* vers. 342.

(d) *Æneid.* 7. vers. 793. (e) *Libr. de Pallio* c. 2.

## C A P. V.

## DE METONYMIA.

## §. I.

**M**ETONYMIA, cùm sit ἀμετά (a) & ὁρμη (b), ad verbum sonat transnominatio, vel potius transnomen, qua forma pro ἀντωνυμία pronomen dicimus. Alio nomine, Cicerone teste. Τῶν ἀλλήλων vocatur.

§. 2. Est verò tropus, quo causa externa (c) ponitur pro effectu, aut subiectum pro adjuncto, vel antecedens pro consequente, aut contrà.

§. 3. Itaque sex in universum sunt ejus modi. Primus est causæ externæ pro effectu.

Ut, Mars pro bello, Ceres pro frugibus, Cícero, aut Lívius pro scriptis. Sed dicimus: Vario Marte pugnatum. Virgil. (d) *Operantque canistris*

*Dona laboratæ Cereris.*

Martial. (e).

*Pellibus exiguis arctatur Lívius ingens,*

*Quem mea vix totum bibliotheca capit.*

§. 4. Alter modus est, effecti pro causa.

Ut, expalluit, pro extimuit. Nam pallor est effectum timoris. Horatius (f):

*Pindarici fontis qui non expalluit haustus.*

Sic pallida mors, quia mortui pallent. Horat. (g)

*Pallida mors æquo pulsat pede pauperum tabernas,*

*Regumque turreis.*

P 3

Vir-

(a) Trans. (b) Nomen. (c) Plerique tantum μετὰ ὁρμη μὴ ἀντωνυμίας vocant, cum causa usurpatur pro effectu; vel subiectum pro adjuncto, aut contrà. Quod si placet, cum antecedens ponitur pro consequenti, erit tropus singularis, ut annotavimus ad oram c. 2. §. 9. (d) *Æneid.* 1. (e) *Lib.* 14. *dist.* 109, (f) *Lib.* 3. *Epist.* 3. (g) *Lib.* 1. *Od.* 4.

— *Scipiadae cladem Libyæ.*  
Hoc est, qui cladem Libyæ intulerunt. Sic sudor pro labore apud Mosem (a), & Hesiodum (b).

§ 5. *Tertius modus est subjecti pro adjuncto. Subjecti autem nomen laxè hic usurpatur pro eo, cui quid inest, vel adest, vel circa quod aliquid versatur. Itaque buccinam refer, cum continens ponitur pro contento (c).*

Cic. de orat. Ut omitiam illas omnium disciplinarum inventrices Athenæ, pro Atheniensibus: Pro lege Manilia: Testis est Italia &c. pro Italici. Sic rus pro rusticis. At aliter Catullo Volusii annales dicuntur

*Pleni vris, & infectiarum:*

Hoc est, rusticitatis. Quomodo & Græcos loqui, monet Hesychius, ἀγρὸ πλῆρης, ἀγροποιῶς πλήρης.

Item mensæ secundæ pro bellariis.

§ 6. *Item cum possessor ponitur pro re possessa.*

Ut cum Svetonius ait, Claudium venalem pendisse, hoc est, prædia ejus, pendente titulo ac libello proscripta. Simileque est illud apud Terentium Eun. (d), Comedendum aliquem propinare, hoc est bona alicujus. Cic. de Senect. Cujus ego villam contemplans: non enim longe abest à me, id est, à villa mea.

§ 7. *Præterea cum nomen rei signatæ tribuitur signo, Ut Ecl. III.*

Orpheaque in medio statuit, sylvasque sequentes, id est, cælatam Orphei & sylvarum imaginem, Sic Jupiter, pro statua Jovis. Ovid. Fast. 1.

*Jupiter angusta vix totus stabat in æde,  
Inque Jovis dextra fixile fulmen erat.*

§ 3.

(a) Gen. cap. 3. vers. 19. (b) Erys, vers. 287.

(c) Nisi magis placet, hanc esse metonymiam adjuncti, uti in Institutionum Oratoriarum opere eo probamus, quod locus locati, non locatum loci accidens sit. Sunt enim locus, & tempus, circumstantia rei: ut Philosophi consentiunt.

(d) Act. ult. Sc. ult.



§. 8. *Adhæc cum dux (a) ponitur pro exercitu.*

Ut cum dicimus, ab Annibale apud Cannas cæsa esse sexaginta Romanorum millia. Cu simile, cum patronus, vel advocatus ponitur pro cliente. Cicero pro Cæcinna: *Restituisse te dixit. Negome dicto prætoris restitutum esse.* Me, hoc est, clientem meum.

§. 9. *Item cum res, quæ in tempore sit, pro tempore usurpatur.*

Ut *messis* pro æstate, 1. Georg.

*Ante focum si frigus erit, si messis in umbra.* Sic.

*Tertia messis erat.*

§. 10. *Præterea cum objectum sumitur pro eo, circa quod versatur objectum.*

Ut, Ecl. 1. *resonare Amarillida*: hoc est, carmen de Amaryllide. Et Ecl. VI.

*Tum Phaethontiadas musco circumdat amaræ*

*Corticis, atque solo proceras erigit alnos.*

*Circumdat & erigit*, hoc est, esse circumdatas & erectas, carmine suo narrat.

§. 11. *Quartus metonymiæ modus est adjuncti pro subiecto.*

Virgil. Ecl. VIII,

*Necte tribus nodis ternos, Amarylli, colores.*

Terni colores pro ternis liciis triplicis coloris,

Et 1. Æneid.

— *Stratoque super discumbitur ostro.*

Hoc est, stragulis purpureo ostri colore tinctis.

§. 12. *Huc pertinet, cum contentum usurpatur pro continente.*

Ut. 1. Æn. *Vina corquant*, pro pateras.

§. 13. *Item cum ponitur tempus pro re, quæ in tempore est.*

Ut Philipp. IX. *Hujus seculi insolentia*: hoc est, hominum hujus seculi. Sic Virgil. 1. Æn.

*Aspera cum positis misceant secula bellis.*

Idem 4. Æneid.

---

(a) Nisi malis hic esse synecdochon partis. Vide c. seq. §. 7.

— Oculisve, aut pectore noctem Accipit.

Hoc est, somnum, qui noctu capitur.

§. 14. Item cum sumitur aliquid pro objecto, circa quod versatur.

Ut in illo B. Ignatii:

Ἐγὼς ἐμὴ ὁ σταυρωθεὶς, Amor meus est crucifixus ille, Amor, pro eo qui amatur.

§. 15. Item cum signum ponitur pro re signata.

Ut, toga pro pace. fasces pro magistratu. Ciceron(a):

Cedant arma togæ, concedat laurea linguae (b).

Maro 2. Georg.

Illum non populi fasces, non purpura regum

Flexit,

Huc refer, cum nomen ponitur pro re. Livius lib. 1. Ad singula oppida circumferendo arma nomen omne Latinum domuit. Et lib. 2. Longè is tum princeps Volsi nominis erat. Et alibi apud eundem passim: ut de Marone, Horatio, Tibullo, & aliis dicam. Sic Ciceroñi A vocatur litera salutaris, quia ea significatur Absolutio.

§. 16. Item cum numerus ponitur pro numerato.

Ut, Abiit ad plures, hoc est mortuos.

§. 17. Vulgò etiam ad metonymiam adjuncti refertur: cum virtutes vitæque ponuntur pro hominibus ipsis.

Cic. Verr. 1. Quas res luxuries in flagitiis, crudelitas in suppliciis, avaritia in contumeliis efficere potuisset. Luxuries pro luxurioso, crudelitas pro crudeli, avaritia pro avaro. Sic scelus pro scelesto, ars pro artifice. Sed quod ejusmodi referunt ad metonymiam adjuncti, id pinguiori ab iis fit Minerva. Nam si ad vivum reseceamus, scelus vel est scelerati forma essentialis, vel effectus ejus. Si prius placet, erit ea sinecdоче partis essentialis: sin posterius, fuerit metonymia effecti.

§. 18. Denique (ut superius dicebamus) ad metonymiam refertur, cum vel antecedens ponitur pro consequente:

(a) Orat. in Pison. & apud. Fabium.

(b) Al. laudi.

te: vel consequens pro antecedente. Utrumque Μεταλη-  
ψιν vulgò appellant.

Antecedenti pro consequente utimur, cum audire;  
vel auscultare, accipitur pro obtemperare. Terent.  
Andr. (a) Pamphilum ne adjutem an auscultem seni?  
Quomodo etiam apud Græcos sumuntur ἀπαρταί, (b) &  
(c) παρτίαι. (d) Similis est tropus, cum scri-  
bere usurpatur pro dare, rescribere pro reddere, tran-  
scribere pro tradere, sive jus suum in alium transferre.  
Horat. (e).

Scribe decem à Nerio, non est satis, adde Cicutæ  
Nodæsi tabulas centum.

Terent. Phorm. (e).

Argumentum illud denuo rescribi jube.

Ubi Donatus: Quoniam ad numerationem pecunia  
antecedit scriptum, rescribere dicebant pro remunera-  
re. Et sic infert, Næ ego perscripsi porro illis, qui-  
bus debui. (f)

Simile est subscribere pro assentiri. Ovid. (g)

Neque precor magni subscribe Cæsaris iræ.

Est & hujus generis.

— Lupi (h) Merim videre priores.

Hoc est, obmutuit, ut solent qui priores lupum vide-  
runt. Item,

— Fuimus (i) Troes, fuit Ilium, & ingens

Gloria Dardanidum,

Id est, esse desit.

Consequens contra pro antecedente ponitur in illo  
Ciceronis pro lege Manil. Quid, ad nos cum ab exteris  
nationibus venirent, captos querar, cum legati populi  
Romani redempti sint? Nam ex eo, quod redempti  
sint, captos fuisse intelligitur. Idem sic, quod, ut  
Do-

(a) Act. 1. Sc. 3. (b) Plutarch. (c) Matt. 8. 27.

(d) Sat. 3. libr. 2. (e) Act. 5. Scen. 8.

(f) Plura Servius in 7. Æneid. & Budeus prior. An-  
not. in Pandect. (g) 1. Trist. Eleg. ii.

(h) Ecl. 9. (i) Æneid. 2.

Donatus (a) ait, *dicere ponitur pro intelligere & scire*. Ut in illo: (b) *Fœneratum isthuc beneficium tibi pulcre decet*, & elibi apud eundem.

Possis & addere μετὰ αὐτὸν concomitantis, sive con-  
nexi, Ut in Scripturis, (c) *Tegere pedes*, pro exone-  
rare alvum.

## C A P. VI.

### DE SYNECDOCHE.

#### §. 1.

**S**YNECDOCHE est, cum totum ponitur pro parte,  
aut pars pro toto.

Atque inde & nomen. Nam συνεκδοχὴ ad verbum so-  
nat comprehensionem. Totum autem comprehendit  
partes suas.

At Grammaticis συνεκδοχὴ vocatur, cum nomen, aut  
verbum universale restringitur ad partem vel aliquid  
saltem speciale, quod per accusativum effertur. Ut,  
*Os humerosque Deasimilis. Rubet capillos. Induitur ve-*  
*stem.* Synecdochen autem appellant, quia particulare  
comprehenditur ab universali. Alii malunt vocare ἐκ-  
λεψις præpositionis secundum: ut apud Græcos intelligi  
solet κατὰ.

§. 2. Fit synecdoche sex modis: Primus est, cum ge-  
nus, quod est totum universale, ponitur pro specie.

Ut, *ales*, pro aquila. Virgil. in 12.

— *Prædamque ex unguibus ales*

*Proiecit fluvio.*

Et alibi *quadrupes* pro equo Marc. 16. 15. *Prædicare*  
*Evangelium omni creaturæ*, id est, homini. Sic *mor-*  
*tales* pro hominibus apud Plautum, (d) & apud Sal-  
lustium sæpius. Par ratio in verbis: ut *facere* pro sa-  
cri-

(a) In *Adel. Act. 5. Scen. 3.* (b) *Pbpr. Ad. 3. Sc. 2.*

(c) 1. *Regum*, sive *Samuelis cap. 24. vers. 4.*

(d) *Trinummo Action. 2. Scen. 1.*

grificare. Varro lib. 5. L. L. *Flamen Dialis agna Jovi facit*. Quomodo & Græci ἁγία & ἱεραία dicunt pro *Sanctæ*. Item *feminam cognoscere*, vel *ejus notitiam habere* (a), pro rem habere cum aliqua. Prout & Græci usurpant τὸ γινώσκειν: (b) Item *alloquitum* pro consolatione: *alloqui* (c) pro consolari; ut Græcis παραμυθεῖν & παραγορεύει.

§. 3. *Alter modus est, cum species contra usurpatur pro genere.*

Ut, *Eurus* vel *Aquilo*, pro quovis vento. *Sabellicus* sus, pro quolibet; *Myrtum*, vel *Carpathium mare*, pro quocunque. Maro (d):

— *Dentesque Sabellicus exacuit sus*

Propertius (e):

*Non ita Carpathiæ variant Aquilonibus undæ.*

Hoc pacto raro loquuntur Oratores.

§. 4. *Tertius modus est, cum totum essentiale ponitur pro sola materia, solave forma.*

Joh. 20. 13. *Sustulerunt dominum meum, nec scio, ubi posuerint eum*, hoc est, domini mei Jesu corpus.

§. 5. *Quartus modus est, cum contra pars formalis, aut materialis ponitur pro toto essentiali.*

Ut, anima pro homine. Cicero (f): *Vos meæ charissimæ animæ, sæpissime ad me scribite*. Sic corpus pro servo, Huc pertinet quoque *argentum* pro pecunia, *vasisque argenteis*; *ferrum* pro armis ferreis: quam quidam appellare malunt metonymiam materiæ. Cicer. Verr. 6. *Cum essent triclinia strata, argentumque expositum in cædibus.*

§. 6. *Quintus modus est, cum totum integrale usurpatur pro parte.*

Ut, Ecl. 1.

*Aut Ararim Parthus bibet, aut Germania Tigrim.*

Sic, *orbis terrarum* pro imperio Romano. Cic. epist. lib. 4.

(a) *Cæsar*. lib. 6. (b) *Catuli*: ad Cornif. *Horat.* Ep. od. 13.

(c) *Seneca* *Troad.* 3. 1. (d) *Georg.* lib. 3.

(e) *Libr.* 2. eleg. 5. (f) *Libr.* 14. *Epist.* 14.

lib. 4. *Rem vides quomodo se habeat, orbem terrarum, distributis impertiis ardere bello.*

§. 7. *Sextus modus est, cum contra pars integralis ponitur pro toto.*

Ut, *caput pro hominē, puppis pro navi, mucro pro gladio, tectum pro domo.* Livius lib. 21. *Placentini captivi ad duo millia liberorum capitum redditu colonis:* Et possis his accensere cūm Dux ponitur pro exercitu, quippe qui sit caput exercitus.

§. 8. *Ad duos postremos modos refer quoque, cum numerus singularis ponitur pro plurali, aut pluralis pro singulari, aut certus pro incerto, aut rotundus pro majori minorive.*

Singularis pro plurali, ut, apud Livium crebrò est. *Romanus prælio victor.* Ubi pars integralis usurpatur pro integro.

Pluralis pro singulari, ut illo Ciceronis ad Brutum (a), *Nos populo imposuimus, & oratores visi sumus.* Nam de se uno loquitur. Ut integro utatur pro parte. Sic lib. 2. de Off. *Maxime autem & gloria paratur & gratia defensionibus: eoque major si quando accidit, ut ei subveniatur, qui potentis alicujus opibus circumventuri urgerique videatur: ut nos & sæpe aliàs, & adolescentes contra L. Syllæ dominantis opes pro S. Roscio Amerino fecimus.* Vides, ut de se solo dicat, *Nos adolescentes fecimus.*

Certus pro incerto: ut *trecenta, vel sexcenta, pro plurimis.*

Rotundus numerus pro majori sumitur in illo Livii lib. 45. *A Chalcide trajicit trium millium spatio distantem portum, inclutum statione quondam mille navium Agamemnoniæ classis.* Nam centum & octoginta sex naves fuere supra mille: si earum quidem, quæ apud Homerum (b) recensentur, numerum ineamus.

Sed ad synecdochen totius integrantis pertinet, si rotundus numerus ponatur pro minori.

Ut si dicas, *reges imperasse Romæ annis ducenis*

---

(a) Apud Quintilianum libr. 8. cap. 6. quod est de Tropis (b) Iliad. β.

tis quinquaginta. Sunt enim tantum CGXLIV. Ideo Florus in prologo cum rotundo uti vellet, *prope* adiecit.

## C A P. VII.

## DE IRONIA.

## § I.

**I**RONIA est tropus, quo intelligitur contrarium ejus quod dicitur.

Nomen est ab *εἰρων*, quod est *dico*: unde *εἰρων*, *dis simulator*, quia aliter dicit, ac sentit; ex quo *εἰρων* accipi solet pro dissimulatione, qua aliter sentimus, aliter loquimur. Hinc Rhetoribus *εἰρωνία* est, *quæ diversum ei, quod dicit, intellectum parit*: ut à Fabio (a) definitur. Illusionem aliquibus dici idem (b) auctor est. Ironia est in illo Terentii (c): *O salve, bone vir! curasti probe*. Et illo Cicer. Verr. VII. *O præclarum imperatorem!* Et pro Quinctio: *Tum ille vir optimus: vereor ne se derideri putet, quod iterum jam dico, Optimus*.

§. 2. Intelligitur Ironia *bisariam*, vel personæ, rei-ve, de qua agitur, natura, vel pronuntiatione.

Prioris generis est illud pro C. Rabirio: *Namque hæc tua, quæ te hominem clementem, popularemque delectant; I, licet, colliga manus, quæ non modo hujus libertatis, mansuetudinisque non sunt; sed de Romuli quidem aut Numæ Pompilii: sed Tarquinii superbissimi, atque crudelissimi regis ista sunt cruciatus carmina, quæ ut homo lenis, ac popularis, libentissime commemoras; Caput obnubito, arbore infelici suspendito. Nam formulæ istæ crudelitatis indices, & quæ de Tarquinio* Su-

(a) Lib. 6. cap. 2. (b) Lib. 8. cap. 6.

(c) And. act. 5, sc. 6.

Superbo dicit, satis ostendunt, qua mente T. Labienum clementem ac mansuetum appellet. Posterioris generis est illud Ciceronis in Clodium: *Integritas tua te purgavit, mihi crede, pudor eripuit, vita ante adhaeseravit*. Ubi, ut Fabius (a) ait, *cum risu quodam contraria iis dixit, quae intelligi voluit*. Quamquam & ex persona rei quae natura, id facile cognoscitur, dummodo cogitemus, id, quod idem Fabius (b) monet, interesse, quid de quo dicatur. Nam inde patet, aut laudi simulatione detrahi, aut vituperatione ilaude aliquid concessum esse.

§. 3. *Ironiae, ut in jocis & salibus, ita etiam, cum acrius mordere volumus, usus est maximus. Atque interdum in exordio etiam adhibetur, quod securitatem causae offendit.*

Ut, apud Tullium pro Ligario: *Novum crimen: Caesar, &c.*

## C A P. VIII.

### DE METALEPSI, ANTONOMASIA

Et quae ΑΙΤΟΤΗΣ vocatur.

#### §. 1.

**V**IDIMUS haecenus de tropis primariis. Fabius, atque alii, plurimos adiciunt alios: verum ii vel sunt troporum species, vel affectiones, vel planè ad tropos non pertinent.

§. 2. *Primum inter species locum obtinet μεταλήψις, quae Latine sonat transumptio. Atque ita vocatur, cum antecedens ponitur pro consequente, aut contra. Effque ea Μετωνομασία species, de qua supra (c) diximus.*

Alias μεταλήψις quid sit, cap. prox. melius dicetur. Nempe quia ea notione non tam species tropi est, quam affectio ejus.

#### §. 3.

(a) Lib. 8. cap. 6. (b) C. 5. §. 13. unde exempla ejus ponantur. (c) Cap. 5. §. 1.



§. 3. *Proxima inter species est Ἀντονομασία. Latine ad verbum dicatur pronomination. Estque synecdoches species.*

§. 4. *Fit autem bifariam. Prior modus est, cum proprium sumitur pro communi.*

Ut, *Sardanapalus* pro molli, *Venus* pro formosa, *Irus* pro paupere, *Cræsus* pro divite. Ovid. lib. III. Trist. eleg. VII.

*Irus & est subito; qui modò Cræsus erat.*

Par ratio esse videtur, cum gentile usurpatur pro quovis, qui eisdem sit moribus. Ut *Cretensis* pro mendace, aut *Pænus* pro perfido. Sed hic modus, ut hujus loci est, quatenus proprium angustius est eo, pro quo sumitur: ita ad metaphoram referri potest, qua spectamus similitudinem inter propriam, & id cui tribuitur.

§. 7. *Alter Ἀντονομασίας modus est, cum commune sumitur pro proprio.*

Ut, *urbs* pro Roma. Sunt verò quinque in primis modi hujus generis.

I. Per *Patronymicum*: ut, *Saturnius* pro Jove, *Priamides* pro Hectore, *Atrides* pro Agamemnone, *Pelides* pro Achille, Horat. lib. I. Epist. II.

— *Nescior componere lites*

*Inter Peliden festinat, & inter Atriden.*

Atque hic modus solis convenit poetis.

II. Nomine gentili: ut, *Cytherea* pro Venere, *Arpinas*, pro Cicerone; qui modus & Oratoribus est concessus.

II. Per *epitheton*, ut (a), *Tbalamo quæ fixa reliquit Impius.*

*Impius* pro Ænea.

IV. Nomine studii. Ut, *Philosophus* pro Aristotele; *Orator* pro Demosthene, apud Græcos; pro Cicerone apud Romanos; ac *Poeta* itidem pro Homero aut Marone; *Apostolus* pro Paulo.

V. Per *periphrasi* reciproca. Ut (b) *Trojan bell scriptor*

ptor pro Homero. Nam, in quo falsi quidam, si  
 ἀντιστρέφει. (a) nullus fuerit tropus: ut, *ars bene loquen-*  
*di* pro Grammatica.

§. 6. *Tertia species est λιτότης, cum minus dicitur &*  
*plus intelligitur: unde synecdoche subjici posse liquet.*

Ut (b) *Munera nec sperno*, pro lubens accipio.  
 Item *non laudo* (c) hoc est, reprehendo. Vulgò *Li-*  
*ptotes* vocatur, sed corrupte cum hoc Grecum non  
 sit. At à λῆτος, id est, tenuis, fit λιτότης, quod κατὰ λῆξιν  
*extenuationem* sonat.

Sunt & aliæ troporum species, ut, κοῖβότης, σύλληψις  
 εὐφημισμός: sed harum pauci omnino Rhetorum me-  
 minere; eoque & nos hoc etiam loco eas præterimus;  
 Interim vid. de iis, si voles, quæ diximus in Oratoriis  
 Institut. lib. IV. cap. 10.

## C A P. IX.

### DE ALLEGORIA, CATACHRESI, Et Hyperbole.

#### §. 1.

**A**FFECTIONES troporum præcipuæ sunt *Metalep-*  
*sis, Allegoria, Catachresis, & Hyperbole.*

§. 2. *Metalepsis hoc est tropus multiplex in voce una:*  
*sive, cum gradatim ex una significatione proceditur in*  
*alienam.*

Ut (d), *Speluncis addidit atris*. Per atras intellige  
 obscuras, per obscuras profundas. Sic (e):

*Post aliquot, mea regna videns, mirabor aristas.*  
 Per aristas συνεκδοχικῶς intelligit segetes, sive messes;  
 per has autem μεταφωρικῶς signat annos.

§. 3. *Est hujusmodi affectio poetis, quàm oratoribus,*  
*accommodatior.*

§. 4. *Ἀλλογορίαν ad verbum dixeris diversifiloquium.*

Nam

(a) Convertuntur. (b) *Æn.* 7.

(c) *And. Al.* 2. sc. 6. (d) *Æn.* 1. (e) *Ecl.* 1.

Nam conflatur ea vox ex αἴθε (a) αἰσθητικὸν (b) Est  
verò allegoria tropus perpetuus, sive oratio ē pluribus  
tropis contexta.

Ita ut à tropis primariis non differat natura, sed ma-  
gnitudine, quæ major est in allegoria.

S. 5. Plurimum autem fit continuatione metaphoræ,  
adēdō quidem, ut multi hoc solum allegoriæ genus agno-  
verint.

Cic. pro M. Cælio: Quoniam emeruisse jam ē vadis;  
& scopulos prætervecta videtur oratio mea, perfacilis ni-  
bi reliquus cursus ostenditur. Item lib. I. de Orat. Nam  
qui locus quietis & tranquillitatis plenissimus fore videtur,  
in eo maximæ molestiarum & turbulentissimæ tempestates  
exstiterunt. Sic apud Horatium odi XII. lib. II.

*Contrahes vento nimium secundo*

*Turgida vela.*

Hoc est: ne te rebus prosperis nimis efferas.

S. 6. Interim ex aliis quoque tropis fit

Ita metonymia continuatur in illo: (c) *Sine Cere-  
re & Libero friget Venus.*

Synecdoches autem continuatio est in illo *Agrariæ II.*  
Cum haberet hæc Respublica Luscinos, Calatinos, A-  
cidinos, homines non solum honoribus populi, rebuf-  
que gestis, verum etiam patientia paupertatis ornatos:  
& tūm, cū erant Catones, Philippi, Lælii, quorum  
sapientiam, &c Ubi nomina illa personarum per *αἰσθη-  
τικὸν* accipi liquet ex ipsa, quam Cicero subjicit,  
explicatione. Idem factum in istoc orat. pro S. Roscio  
Amerino. Non necesse est omnes commemorare, Cur-  
tios, Marios, denique Mamercos, quos jam ætas à  
præliis avocabat: postremo Priamum ipsum, senem  
Antistium; quem non modo ætas, sed etiam leges,  
pugnare prohibebant.

S. 7. In allegoriis observandum, ut ne temerè alia  
ex genere rerum, quam cœperimus, definamus.

*Rhetorica Vossii.*

Q

Se-

(a) Aliud. (b) Dicere. (c) Terent. Eunuchus act. 4. sc. 1.

Secus ſi fiat, oritur plurimum ſœdiſſima rerum inconſequentia : ut de metaphora diximus c. IV. §. 12.

§. 8. In iſdem vitandum, ne his immoderate utamur, vel ne illis inſit obſcuritas, quæ ænigma efficit.

§. 9. Eſt enim ænigma, ambigua quædam allegoria ad occultandam rem notam, quam ſignificat, excogitata. Vix autem locum habet in orationibus publicis, quia non oportet circumſigere auditoribus.

Uſus tamen eo videtur Cicero pro Roſcio Amerino: Multos cælos non ad Thraſimenum lacum, ſed ad Seruilium vidimus. Quis ibi non eſt vulneratus ferro Phrygio? Verum Paulus Manutius ex veteri poeta ſumptum putat.

§. 10. Major longè eſt ænigmatum uſus in epistoſis, quia interdum in his neceſſe eſt, ut ſententias verborum involueris involvamus, quo intelligamur ab iis ſolis, ad quos ſcribimus.

Liquet id ex Ciceronis epistoſis ad Att. in quibus ipſe teſtatur (a), ſe quædam allegoriis obſcuſaſſe.

§. 11. Non tamen omne ænigma eſt allegoricum, cum & propriis verbis conſtare poſſit.

Patet id ex illo Maronis (b):

*Dic quibus in terris, & eris mihi magnus Apollo,  
Tres pateat cæli ſpatium non ampliùs ulnas.*

Nam, ſiquidem, quæ plurimorum ſententia eſt, intelligamus puteum profundiffimum, nulla hic erit troporum frequentatio, imò nec tropus. Quemadmodum neque ſi Cæli ſit proprium ut accipiamus de ſepulchro Cælii Mantuani, qui omnibus conſumptis, tantummodo ſpatium reſervarat, quod ſepulchro ſufficeret.

§. 12. Præterea in allegoria obſervandum oratori ut, ſi obſcurior ſit, proprium admisceat ad claritatem.

Quomodo Cicero lib. 1. Top. inquit: Sed quoniam avidum hominem ad has dicendi epulas recepi; ſic accipiam, ut reliquiarum ſit aliquid potius, quam te hinc patriam non ſatiatum diſcedere. Atque ita & Plato dixerat

---

(a) Lib. 3. ad Att. epiſt. 19. (b) Eccl. 2.

rat VII. de Rep. ἐσιώτης λόγων καλῶν, ὁ σκέψων (a) :  
 At pura fuerit allegoria, si omittatur in Cicerone ver-  
 bum dicendi : Nempe hoc pacto, ad has epulas rece-  
 pi, &c.

§. 13. Sequitur ΚΑΤΑΧΡΗΣΙΣ, sive Abusio; quæ  
 tropi est durities. Nam ita vocatur, quando vox ali-  
 qua licentiùs à propria significatione ad alienam deflecti-  
 tur.

Ita ut non deduci, sed irruere: non precariò, sed vi  
 venire videatur. Vide sub cap. IX. §. 6.

§. 14. Interdum verò abusio vocis ex origine ejus co-  
 gnoscitur: interdum item ex rei natura.

Ex origine vocis, ut in illo pro lege Manilia: Post-  
 eaquam maximas edificasset ornassetque classes. Et apud  
 Cæsarem lib. III. de bellò Gall. Naves interim longas  
 edificari in flumine Ligeri. Simileque hoc Maronis II.  
 Æn.

Instar montis equum divina Palladis arte  
 Edificant.

Ex natura rei intelligitur κατέχρησις, cum splendor  
 tribuitur voci. Ut apud Tullium de Senectute: Om-  
 nino canorum illud in voce splendet etiam, nescio quo  
 modo, in senectute. Item cum Mato (b) stagnum dixit  
 de mari, quomodo & Græci (c) appellant Νύμφη.

§. 15. Fit κατέχρησις, vel necessitatis, vel delectatio-  
 nis causa. Posterius genus vix invenies alibi, quam apud  
 poetas. Prius etiam oratoribus est concessum:

Prioris generis est, cum dicimus pyxidem auream,  
 vel argenteam; licet pyxis propriè sit èbuxo, ut ety-  
 mologia indicat.

Posterioris generis est illud Horatii lib. IV. od. IV.

— Vel Euris

Per Siculas equitavit undas.

Quæ, ut rectè Muretus (d) observat, audax planè  
 translatio est; neque unquam id ausurus fuerat poeta

Q 2 fine

(a) Victorium vide l. 2. var. Lect. cap. 14.

(b) 1. Æn. 115. & 11. Æn. 381. (c) Homer. u II.

Oppian. 2. Κυρήν. 15. 2 (d) Lib. 1. Var. c. 10.

sine veterum exemplo : sed similiter dixit Euripides Phœnissis : Ζεφύρα προκίς ἰππεύσαντες ἐν ἄρσιν. Quem & Oppianus postea imitatus tertio Ἀλγεύτ.

§. 16. Tertia affectio est Ὑπερβολή, quod ad verbum superjectionem, hoc est, excessum, sive eminentiam notat. Estque oratio augendo, vel minuendo, superans fidem

Augendo, ut quod Cicero, (a) & ex eo Fabius (b) refert de Memmio, homine prælongo, caput eum ad fornicem Fabii offendisse. Et apud Maronem (c) :

Candidior cygnis, hedera formosior alba.

Item, melle dulcior, plus millies audiui & similia.

Minuenduo, ut cum ait Maro : (d) Vix ossibus hærent

Item in illis, Codro pauperior, testudine tardior &c.

§. 17. Facit ὕπερβολή ἔμφασιν

Ut, cum poeta (e) ait :

Nulla fides, pietasque viris, qui castra sequuntur :

ἔμφατικώτερον hoc, quam si dixisset, Rara fides. Item

(f) Nusquam ruta fides, efficacius, quam illud, Rara ruta fides. Et illud Satyrici (g)

Semper habet lites, alternaque jurgia lectus,

In quo nupta jacet :

majorem habet ἔμφασιν. quàm si pro semper dixisset plurimum.

§. 18. Hæc causa est, cur in amplificando ea utamur, non quidem ut fallamus, sed ut per planè incredibile intelligatur penè incredibile. Interim videndum, ne ea modum omnem excedat; qua in re peccant adulatorcs.

## CAP.

(a) Lib. de Orat (b) Lib. 6. c. 3. (c) Ecl. 7.

(d) Ecl. 3. (e) Lucanus L. 10. (f) 4. Æn. 1.

(g) Juvenal. sat. 6.

## C A P. X.

DE SARCASMO ALIISQUE IRRISIONIS  
Speciebus: item Onomatopoeia, Anti-  
phrasi, & Hypallage.

## §. 1.

**E**T hæc de troporum tum speciebus, tum affectionibus. Subjiciemus deinceps quædam, quæ falsò inter tropos retulerunt. Ut sunt sex species irrisionis; Sarcasmus, Diasyrmus, Charientismus, Asteismus, Mycterismus. & Mimefis.

§. 2. Sarcasmus est hostilis irrisio super jam mortuo, aut cetò morituro.

Ut, Ave Rex Judæorum (a).

Item (b):

Inunc, & verbis virtutem illude superbis.

§. 3. Diasyrmus est inimica irrisio, sed extra cædem

Ut, Asinus ad lyram: Interstrepit anser olores (c).

Et illo, sanè luculento (d):

Larga quidem semper, Drauce, tibi copia fandi,  
Tunc cum bella manus poscunt, patribusque vocatis  
Primus ades: sed non replenda est Curia verbis.

§. 14. Charientismus à lepore ac gratia nomen accepit. Estque jocus cum amænitate mordax. Vel, ut alii malunt, si cum dura & aspera dictu, gratiosis & mollibus verbis mitigantur, & molliuntur.

Ut eùm Davus Pistrinum deprecans ait: (e) Bona verba, quæso. Simile huic (f) Di meliora.

§. 5. Asteismus est jocus urbanus.

Ut (g): Qui Baviū non odit, amet tua carmina.

Mævi,

Atque idem jungat vulpes, & mulgeat hircos.

h. e. Qui Baviū, ineptum poetam, amare potest,

Q 3

idem

(a) Matt. 27. 29. (b) Æn. 9. (c) Bul. 9. (d) Æn. 11.

(e) And. Act. 1. sc. 2. (f) Georg. 3. (g) Ecl. 3.

Idem exosculetur te, Mævi, poetam Bivio quoque deteriorē. Est & ejusce generis illud Neronis in servum furacem: *Nihil esse ei clausum, neque signatum.*

§. 6. *Μυκτηρισμός* fit, cum naso suspensio quempiam subsannamus.

Quod & nomen indicat. Nam *μυκτηρ* nasus. Cum autem gestu magis, quam verbis fiat; non est, quod ejus quis exemplum à nobis exspectet.

§. 7. *Μίμνησις*, Latine imitatio, aliena verba refert directa oratione, idque, ut volunt, deridendi causa.

Terent. (a)

At ego nesciebam quorsum tu ires; Parvula

Hinc est abrepta, eduxit mater pro sua.

Soror est dicta: cupio abducere, ut reddam suis.

§. 8. Quemadmodum autem species hæc irrisoria (quas Ironiæ subjici putarunt) falso inter tropos referunt, cum & propriis consent verbis: ita, hæc ipsa de causa & alia multa troporum numero excludi debent, quæ vulgo inter tropos reponantur. Eorum autem duo sunt genera.

§. 9. Quædam enim sunt schemata Rhetorica, ut Periphrasis & Icon; de quibus idcirco in σχηματολογία dicturi sumus: quædam nec tropi sunt, nec schemata, ut *Επίθετος*, de quo in amplificandi, itemque characterum doctrina agemus: quædam denique ad Grammaticam potius pertinent; idque vel ad *ετυμολογία*, ut *Ονματοποιία*, & *Αντίφρασις*; vel ad *συτάξις*, ut *Τωκλογία*.

§. 10. Si quidem *ονματοποιία* nihil aliud est, quam nominis fictio à sono.

Ut, balare, grunnire, &c. Quidam putant ita vocari, quandoque rei novum induitur nomen: Sed hi non distinguunt *ονματοποιία* à novatis.

§. 11. *Αντίφρασις* est vox à contrario dicta,

Istiusmodi, ex Grammaticorum sententia, cum alia plurima sunt, tum *Parcæ*, & *lucus*. At *Parcæ* fortasse ita dictæ, quia parcant. Dux enim parcut, sola



la Atropos filum abscindit. (a) *Lucus*, vel ita vocatus, quia lucet frequentibus sacrificiis, vel potius est à Græcis (b), quibus *λόχος*, *insidiæ*, unde *λοχίαι* (c), *sylvæ*, quia insidiantibus sit apta.

§ 12. *Hypallage* est *schema Grammaticum*, quo rerum structuræque ordo invertitur.

Ut apud Cicer. (d) *Gladium vagina vacuum in urbe non vidimus* pro *vaginam gladii vacuum*, Poetis est frequens. Ut apud Senecam *Thyeste* (e):

*Brutium ponto feriente Corum.*

Quod maluit cum posset:

*Brutio pontum feriente Coro.*

Et hæc de tropologia.

## C A P. XI.

### DE SCHEMATIBUS GENERATIM, DEQUE

illis speciatim, quæ defectu aut excessu  
figurant orationem.

#### §. I.

**A**LTERA Dignitatis pars in schematibus, sive figuris versatur. Est verò *schema*, forma orationis, quæ hæc alio quopiam modo, quam in versione significationis, à vulgari consuetudine immutatur in meliorem.

Schematis, & Figuræ voces, cum propriè dicantur de histrionum amictu ac gestibus; à theatris traductæ videntur in scholas Rhetorum. Nam, ut in illis histriones, sive actores scenici, pro personarum, quas sustinent, & affectuum, qui repræsentari debent, varietate, varios induebant habitus, variosque agebant gestus: ita & oratio, pro rerum, de quibus agitur. diversitate schematibus diversis, tanquam colorato ami-

Q 4 tu,

(a) Fusus de hoc agimus in Originum libris.

(b) Quamquam Syriacum esse malit Scoppas in conjectantibus lib. 2. c. 18. (c) Hesychius.

(d) Pro Marcello. (e) vers. 577.

Au, vestitur, ac quasi gestibus diversis animatur.

§. 2. *Schemata sunt duplicia; verborum, & rerum, Græcis, λέξεις & διανοίας.*

§. 3. *Inter ea hoc interest, quod schemata verborum collantur, si aut verba mutantur, aut ordo eorum invertatur: at schemata rerum, quibuscunque utaris verbis, aut quocunque ea ordine ponantur, permaneant; cetera non in verbis, sed in rebus, quandam habent dignitatem, vimque ornandæ orationis.*

E. G. *Inceptio* (a) *est amentium, baud amantium* λέξεις ἄχρημα *est: quia perierit schema, si pro amentium ponas stultorum, aut simile. Sed schema διαρρίπτει* *est, si quis patriam inducat loquentem, aut si utamur similitudine: quia quæcunque hic verba usurpes, aut quocunque ea ordine colloques, manebit schema.*

§. 4. *Verborum schemata sunt triplicia. Quædam consistunt in subtrientia, sive defectu; quædam in excessu; quædam in reliquo corpore orationis.*

§. 5. *Subtrientia figurantur Elipsis, & Asyndeton; quorum definitiones à Grammaticis notæ esse debent.*

Nempe Asyndeton copulæ est defectus; ellipsis verò alius partis, aut particulæ: quod & Græca scholia, quæ de schematibus exstant, ostendunt. In iis est: Ἀσύνδετον ἐστὶ φράσις, ἐν ᾗ πρὸς ἀλλήλους οἰσινδύοντες σύνδεσμοι. Ἐν μέλει δὲ ἐστὶ πρὸς ἀλλήλους ἰσολέξεις νοημένης ἐκ τῆς ἑνὸς φράξεως.

§. 6. *Rhetoris verò est insuper docere, quando exornent orationem. Ac Ellipsis quidem convenit exprimendo affectui.*

Ita admirationem indicat hoc Virgillii (b)

*Sed vos qui tandem? ubi omittitur, estis.*

§. 7. *Asyndeton autem valet ad celeritatem, atque animi impetum significandum.*

Virgil. IV. Æn.

*Ferte citi flammæ, date tela, impellite remos.*

§. 8. *Item, cum plura enumeranda sunt, quorum singula per se gravia sunt.*

Te-

(a) Ter. And. 1. 3. (b) 1. Æn.

Terent, Adelph. (a)

*Tot res repente circumvallant, unde emergi non potest:  
Vis, egestas, injustitia, solitudo, infamia.*

Item: (b)

*Persuasit nox, amor, vinum, adolescentia.*

*Humanum est.*

Apud Plaut. Asin. (c) Philenium meretrix ait:

*Mater, is quaestu est mihi.*

*Lingua pascit, corpus quaerit, animus orat, res monet.*

§. 9. Excessu figurationem, Pleonasmus, & Polysyndeton: quorum ille Ellipsi, hoc Asyndeto opponitur.

§. 10. Pleonasmus valet ad Emphasin.

Ut illud, (d) -- Vocemque his auribus hausi;  
quod rem certam indicat. Item, Ubinam gentium est?  
Et, Accipe hoc parvum munusculum: quorum illud  
magis exaggerat, hoc magis extenuat.

§. 11. Polysyndeton facit, ut res ipsa, de qua agitur,  
videatur major.

Cicer. (e) Me praeter ceteris & colit, & observat, &  
diligat. Item (f) Neque privati quicquam, neque pu-  
blici, neque profani, neque sacri in Sicilia reliquisse.

## C A P. XII.

### DE SCHEMATIBUS ΑΕΨΕΩΣ

quibus eadem vox repetitur.

#### §. 1.

**S**CHEMATA, quae in reliquo fiunt corpore orationis,  
vel eandem ponunt vocem, vel similes.

Eandem, ut amans amantem: similes: ut amantes  
amantes,

§. 2. Vox eadem est, vel sola appellatione, vel sola  
significatione, vel appellatione & significatione simul.

Ap-

(a) Aet. 3. sc. (b) Aet. 3. sc. 14. (c) Aet. 3. sc. 1.

(d) 4. Aet. (e) In epist. (f) In Verrem Aet. 6.

Appellatione sola; ut *veniam* nomen, & *veniam* verbum.

Significatione sola; ut *domus*, & *edes*.

Appellatione, & significatione simul; ut, *homo homini deus*, & *homo homini lupus*.

§. 3. Ἀντιθέσις dicitur, cum usurpatur vox eadem appellatione, non significatione.

Cicero epist. III. lib. VII. ad Att. Causam solùm illa causa (Cæsaris) non habet. Epist. XIV. lib. XIV. ad eundem: Quid ergo? ista culpa Brutorum? minimè illorum quidem: sed aliorum, brutorum, qui se cautos ac sapientes putant. Sic in tribus istis apud Cornificium (a): Cur eam rem tam studiosè curas, quæ multas tibi dabit curas? Item: Amari jucundum est, si curetur, ne quid insit amari. Item: Veniam ad vos, si mihi Senatus det veniam.

§. 4. Magnam in oblectando vim habet: præsertim non captata, sed velut oblata.

§. 5. Huc pertinet Πλοχὴ, quando vox uno loco personam, aut rem; altero mores, aliamve qualitatem, significat.

E. G. Ad illum diem Memmius erat Memmius, h. e. sui similis. Simia est simia: etiamsi aurea gestet insignia.

§. 6. Schema hoc non venustatem tantum, sed etiam acrimoniam addit orationi.

§. 7. Voces non appellatione, sed significatione easdem conjungunt. Συνορμια sive interpretatio, & ἐξερπυσία sive Expolitio.

§. 8. Συνορμια est, cum verba idem significantia conjunguntur.

Ut Cic. Catil. II. Abiit, excessit, evasit, erupit. Initio Catil. III. Bona, fortunas, conjuges, liberosque vestrum. Nam bona, & fortuna idem sunt. Philipp. V. Promitto, recipio, spondeoque.

§. 9. Utimur eo genere elocutionis, quoties uno verbo non satis videmur dignitatem aut magnitudinem rei de-

mon-

(a) Lib. 4. ad Herennium.

monstrare: ideoque in ejusdem significatione plura conferuntur.

Verba sunt Aquilæ Romani.

§. 10. Conciliat verò orationi tum gravitatem, tum acrimoniam.

Gravitatem quidem adfert in illo Ciceronis pro Muræna; ubi octona, vel amplius, <sup>diversæque</sup> exempla habemus: *Quæ præcatus sum à Diis immortalibus, iudices, more institutoque majorum, illo die quo auspiciatò comitiis centuriatis L. Murænam consulem renuncia- vi, ut ea res mihi, magistratuique meo, populo plebique Romanæ, bene atque feliciter eveniret: eadem precor ab iisdem Diis immortalibus, ob ejusdem hominis consula- tum unà cum salute obtinendum; & ut vestræ mentes, atque sententiæ, cum populi Romani voluntate suffragiisque consentiant, eaque res vobis populoque Romano pacem, tranquillitatem, otium, concordiam adferat. At acrem reddit rationem in illo Catilin. 1 Non feram, non patiar, non suam. Item in Pisonem: Ego te non vecordem, non furiosum, non mente captum, non tragico illo Oreste, aut Athamante dementiorem putem? Est post multa: O tenebræ, o lutum, o sordes.*

§. 11. Estque magno in hoc schemate delectu verborum opus ne <sup>variæ</sup> orationem onerent veris, quàm ornent.

§. 12. *Εἰσπύρις* est congregatio sententiarum idem significantium.

Ut Cic. pro Ligario: *Quid enim tuus ille Tubero in acie Pharsalica gladius agebat? cujus latus ille mucro petebat? qui sensus erat armorum tuorum? quæ tua mens, oculi, ardor animi? quid cupiebas? quid optabas? Quo in exemplo etiam Synonymia concurrit.*

§. 13. Utendum est *Εἰσπύρις*, cum prodest in aliqua re commorari, & diutius detinere auditorem: ut cum asseveramus, indignamur, dolemus, commiseramur, aut exprobramus aliquod, Lætitie quoque convenit. Sed cavendum, ne in re tenui varianda curiosam nimis, & superfluum operam ponamus; quod vitium *εἰσπύρις* vocatur.

§. 14. Schemata, quæ usurpant vocem & appellatio-  
ne

tiuntur pro diverso vocis repetitæ situ, partim aliunde.

§. 15. In iis, quæ situs ratione variant, repetitio fit: vel loco ejusdem generis; ut in Ἀναφορᾷ, Ἐπιφορᾷ, Συλλογῇ, & repetitione mediana: vel loco diversi generis; ut in Epanalepsi, Anadiplosi, repetitione principii, vel clausulæ in medio, & Epanodo.

§. 16. Ἀναφορὰ est repetitio ejusdem vocis in principio.

§. 17. Magnam orationi vim addit. Unde affectibus inservit: præcipuè, cum alterum insectamur, vel etiam laudamus.

In insectando quidem, ut apud Tullium Catil. 1. Nihil nocturnum præsidium palatii, nihil urbis vigiliæ, nihil consensus bonorum omnium, nihil hic munitissimus habendi senatus locus, nihil horum ora vultusque moverunt.

Alterius autem generis est hoc Maronis 1. Æn.

Tu mihi quodcumque hoc regni, tu sceptræ, Jovemque

Concilias, tu das epulis accumbere Divum.

Et Juvenalis illud lib. 3. Sat. 2.

— Roma parentem,

Roma patrem patriæ Ciceronem libera dixit,

§. 18. Nec tantum unum vocabulum; sed plura etiam initio repetuntur.

Nempe in superiori anaphoræ descriptione intelligendo vox non incomplexa solum, sed etiam complexa. Ac similiter in sequentibus schematibus accipere oportet. Ovidius lib. 2. de Ponto El. 2.

Grande voco meritum lacrimas, quibus ora rigabas,

Cum mea concreto sicca dolore forent.

Grande voco meritum inest solatia mentis,

Cum pariter nobis illa, tibi que daret.

Idem lib. IV. de Ponto El. 3. quatuor continua disticha, ac unum item pentametrum, incipit ab illis duobus verbis, Ille ego. Etiam Arnobius lib. 1. undecim periodos inchoat ab istis, Unus fuit è nobis.

§. 19. Quod si res opponantur, eleganter duplicatur anaphora.

Cicero in exordio orationis pro Rose. Amer. Accusant

santi qui fortuna hujus invaserunt: causam dicitis, cui, præter calamitatem nihil reliquerunt. Accusant ii, quibus occidi patrem Sexti Roscii bono fuit: causam dicit is, cui non modo luctum mors patris attulit, verum etiam egestatem. Accusant ii, qui hunc ipsum jugulare summe cupierunt, causam dicit is, qui etiam ad hoc ipsum iudicium cum præsidio venit, ne hic ibidem ante oculos vestros trucidetur. Denique accusant ii, quos populus poscit: causam dicit is, cui unus relictus ex illorum nefaria cæde restat.

§. 20. *Ἐπιφορά* sive *ἐπιστροφή* (a) est repetitio ejusdem vocis in clausulis. Eandemque, quam, *ἐκφορά*, vim habet.

Ut, Pœnos (b) populus Rom. justitia vicit, armis vicit, liberalitate vicit, Item: Frumenti maximus numerus è Gallia, peditatus amplissimæ copię è Gallia, equites numero plurimi è Gallia.

§. 21. Quod si *ἐκφορά*, & *ἐπιφορά* concurrant. *Συμπλοκή* (c) vocatur. Hoc schema ferè xxi' ἐπίτοις instituitur, eaqueres efficit, ut non venusta solum, sed etiam vehemens sit oratio.

Cic. pro Mil. Quis eos postulavit? Appius. Quis produxit? Appius. Cornificius: Quem Senatus damnavit, quem Pop. Rom. damnavit, quem omnium existimatio damnavit, cum sententiis vestris absolvetis?

Neque id simplicibus tantum verbis fit, sed etiam conjunctis. Uti *ἐπιστροφῆς* ratione fit in illo Arnobii lib. 1. Quando est humanum genus diluviis interemptum? non ante nos? Quando mundus incensus? non ante nos? Quando urbes amplissimæ marinis coopertæ sunt fluctibus? non ante nos? Quando cum feris bella, & prælia cum leonibus gesta sunt? non ante nos? Quando perniciēs populis venenatis ab anguibus data est? non ante nos.

§. 22. Valet in exaggerandis virtutibus, ac vitiis. Estque schema planè venustum, ac quod statim in sensus

(a) Cornificio est conversio. (b) Apud Cornificium,  
(c) Cornificio est complexio.

sus incurrat: ac propterea diutius continuari non debet; sed satis est, ut aliis schematibus varietur, ac temperetur.

§. 23. Medianam repetitionem appello, cum media mediis respondent.

Ut illo Milonianæ: *Quæ in senatu sæpe ab inimicis, ab improbis sæpe iactata sunt.* Sic Seneca Thyeste (a):

*Quem dies vidit veniens superbum,*

*Hunc dies vidit fugiens jacentem.*

§. 24. *Ἐπανάληψις* est repetitio ejusdem vocis in initio præcedentis, & fine sequentis sententiæ.

Cicero epilogo orat. pro Milone: *Negat enim se, negat ingratis civibus fecisse, quæ fecit: timidus, & omnia circumspicientibus pericula, non negat.* Idem in Verr. *Tenetur aliquando, & in rebus tum maximis, tum manifestis tenetur.* Et apud magistrum Herennianum: *Commotus non es, cum tibi pedes mater amplexaretur, non es commotus?* Ovid. Fest. lib. 6.

*Qui bibit inde, furit, procul hinc discedite, queis est*

*Cura bonæ mentis, qui bibit inde, furit.*

§. 25. *Ἀνὰ τὴν ὁδὸν* est repetitio in fine præcedentis, & initio sequentis sententiæ.

Virgil. 10. *Æneid.*

— *Sequitur pulcherrimum Astur,*

*Astur equo fidens.*

Polyptoto etiam permutatur, ut in illo pro Roscio: *Injuriam novo scelere conflata* putant oportere defendi: defendere ipsi, propter iniquitatem temporum, non audent.

§. 26. *Figura hæc non tantum suavitatem, sed etiam ἱμῶσιν habet.* Quod si conjungatur epanorthosi, sive correctioni, habet quoque acrimoniam.

Cicero Inveſt. 1. in Catil. *Hic tamen vivit. Vivit: imò in senatum venit.*

§. 27. Est & figura *ἀνέροπος*, cum media aut principio, aut clausulæ respondent.

Principio, ut illo Maronis 7. *Æneid.*

Te



*Te nemus Anglitæ, vitrea te Fucinus unda,  
Te liquidi fervere lacus.*

Glafulæ, ut in Verrinis: Hæc navis onusta præda  
Siciliensi, cum ipsa quoque esset ex præda.

§. 28. *Επὶ τὸν δὲ* est, cum, quæ prioriterant posita lo-  
co, posteriori; quæ posteriori, priori loco repetimus.

Cic. pro Plancio: Gratiam, qui refert, habet: &  
qui habet, eò, quodd habet, refert. Vellejus Patercu-  
lus de Quintilio Varo: Pecuniæ quàm non contem-  
tor, Syria, cui præfuerat, declaravit? quam pauper  
divitem ingressus, dives pauperem reliquit, Ubi &  
*πολύπλωτος*. Pertinet hæc figura etiam ad schemata  
*διάνοιαι*, vocaturque *ἀντιστάθεσις*; ut inferius dicemus.

§. 29. Vidimus ea repetitionis schemata, in quibus  
tantum locus spectatur: Sequuntur, in quibus non tam  
ficus consideratur; quàm vel pronuntiationis vehemen-  
tia, ut in Epizeuxi; vel connexio cum superioribus,  
ut in Gradatione; vel casus variatio, ut in Polyptoto.

§. 30. Est enim *Επὶ ζεύξις*, cum vox aliqua repetitur  
cum vehementia.

Cicero: (a): vos, vos inquam, ipsi, & senatus  
frequens restitit. Idem (b): non est, non est vobis;  
Quirites, eum eo hoste certamen, cum quo aliqua pa-  
cis possit esse conditio. Seneca in Medea (c): Da, da  
per auras curribus patris vehi.

§. 31. Interdum autem hæc vocabula aliqua, vel  
*παραβολῇ*, vel *παραδίσει*, intersecantur.

Vocula una est in illo Ciceronis: Vidi enim; vidi,  
ponitusque perspexi. Et hoc Senecæ, initio Medæ:  
Pacta, jam pacta ultio est. Et Act. IV. Majus his,  
majus parat Medea monstrum. At *παραδίσει* interseri-  
tur (d) in illo Tullii pro domo sua: Sed excitatus  
ali-

(a) Pro Post. (b) Philip. 4. (c) Sc. 1.

(d) In exemplis tamen, ubi repetitio post parentthesin ob solam  
fit sermonis perspicuitatem, Epizeuxis dici non meretur.  
Cujusmodi exempla ab allatis discernere difficile non erit.

aliquando, ( dicam, audiente ipso, quod sensi, & sentio ) excitatus, inquam, aliquando Cn. Pompeji nimum reconditus, & penitus abstrusus dolor. Sic Philipp. II. Hasta posita pro æde Jovis Statoris, bona, ( miserum me: consumptis enim lachrymis, tamen infixus animo hæret dolor ) bona inquam, Cn. Pompeji Magni, voci acerbissimæ subjecta præconis.

§. 32. Utimur Epizeuxi, ut aliquid *ἰμφοτικῶς* aut *ὑπὸ τῶν* dicamus.

§. 33. Gradatio, sive *Κλίμαξ* est, cum ita ab uno ad aliud transimus, ut eodem verbo connectamus inferiora superioribus.

Scipio Africanus. apud Isidorum, (a) Vi, atque ingratias (b) cum illo sponsonem feci, facta sponsonem ad judicem adduxi, adductum primo cætu damnavi, damnatum ex voluntate dimisi. Ex eodem Africano idem adduxit: Ex innocentia nascitur dignitas, ex dignitate honor, ex honore imperium, ex imperio libertas. Ibidem ex Graccho citat: Pueritia tua adolescentiæ tuæ in honestamentum fuit, adolescentia senectutis dedecoramentum, senectus Reip. flagitium. Apud Cornificium istud habes: Africano industria virtutem, virtus gloriam; gloria æmulos comparavit. Item: Nam quæ reliqua spes manet libertatis, si illis, & quod libet, licet; & quod licet, possunt, & quod possunt, audent; & quod audent, faciunt; & quod faciunt, vobis molestum est?

§. 34. Schema hoc multum habet venustatis; sed quod, ut Fabius ait; apertiore arte continet varius adhibendum: nec ferè, nisi res ipsæ habeant successionem, aut gradus: ut in genealogiis, imperiorum successionibus, ac similibus.

§. 35. Polypoton est, cum idem verbum variato casu ponitur. Casus autem vocem accipio Logicorum more, ut

(a) Lib. 2. Originum c. 21. (d) in vulgatis, atque etiam Notis meis, invenio, gratis coactus, sed duplici errore: nam & gratis pro ingratias, corruptè, & coactus, est ex glossa.

ut comprehendat variationem omnem ratione generis, numeri, graduum, modorum, temporum, personarum.

§. 36. Schema hoc quandoque simplicem & inaffectatam quandam venustatem adfert.

Ut illo Ciceronis pro Roscio Amerino: Si quis istorum dixisset, quos videtis adesse, in quibus summa auctoritas est, atque amplitudo: si verbum de Rep. fecisset, id quod in hac causa fieri necesse est; multo plura dixisse, quàm dixisset, putaretur ego: etiamsi omnia, quæ dicenda sunt, libere dixero, nequaquam tamen similiter oratio mea exire, atque in vulgus emanare poterit. Nec inconcinni sunt versiculi isti viri eruditi, quibus idem nomen per casus omnes ordine suo variavit: quamquam schema hic non tam se obtulerit sponte, quàm studio sit quæsitum:

*Cùm vanitas sit vanitatis filia,  
Et vanitati vanitatem procreet,  
O vanitas, quid vanitate vanius?*

§. 37. Sæpe etiam hoc schema vehementiam adfert.

Cicero pro Archia: Sed pleni sunt omnes libri, plene sapientum voces, plena exemplorum vetustas. Virgil. 4. Æneid.

*Litora litoribus contraria, fluctibus undas  
Imprecar, arma armis, pugnent ipsique nepotes.*

## C A P. XIII.

### DE SCHEMATIBUS.

In verbis similis soni.

#### §. 1.

**E**T hæc de repetitionis figuris. Sequuntur schemata, quæ respiciunt similitudinem. Similitudo verò ea vel inest à natura, sive ortu, vel ab accidente.

§. 2. Naturalis est in Παράμυσις (a) Conjungit enim voces, quarum una ab altera, vel utraque ab Rhetorica Vossii. R ea-

(a) Latinis dicitur Derivatio.

eadem derivatur. Ac plurimum ad delectandum valet.

Cicero in Lælio: *Sed ut rum ad senem senex de senectute: sic in hoc libro ad amicum amicissimus de amicitia scripsi.* Et eodem: *Etenim eo loco locati sumus, Plautus Persa: (a) Qui hero suo servire vult bene servus servitutem. Qui Atticissimus est: ut illud ejusdem, vomitum vomas, (b) somniavi somnium, (c) & alia multa apud eundem.*

§. 3. *Accidentaria similitudo minimùm est quadruplex. Fit enim vel ab immutatione vocis in similem appellatione, non significatione, ut in Παρονομασία: vel à positione diversarum vocum in eodem casu, ut in Ομοσπονία: vel à sono eodem in clausulis, ut in Ομοιοτελευτία vel à red- ditione unius pluriumve syllabarum in quacunque parte, ut in Παράχρησις. Docent id singulorum schematum defini- tiones.*

§. 4. *Est enim Παρονομασία, sive Agnominatio, cum parva verbi immutatione in aliam planè sententiam de- scenditur oratio.*

Terentius: (d) *Inceptio est amentium, haud aman- tium.* Cicero pro Cælio: *Civis bonarum artium, bona- rum partium, bonorum virorum.* Cornelius Nepos in Cimone: *Non magis amore quam more ductus.* Sic in veteri dicto: (e) *Septem convivium, novem convi- cium.* Quamquam Varro, ut obiter id dicam, nec ponum improbarit convivam. Nam volebat convivas intra Gratiarum & Musarum numerum consistere: ut nec pauciores essent, quam tres; nec plures, quam novem. Elegans etiam παρονομασία est in isto, quod Apollodorus Atheniensis, pictor præclarus, operi suo adscripserat:

Μωμήσεται τις μῦθον, ἢ μιμήσεται.

§. 5. *Schema hoc non tantum delectat, sed vehemen- tius etiam pungit.*

Ci-

(a) *Ad. 1. Sc. 1.* (b) *Rudente, Scen. Qui homo.*

(c) *Rud. Scen. quid isthuc.* (d) *And. Act. 1. Sc. 3.*

(e) *Culpabit aliquis hoc magis quam imitabitur.*

Cicero Philipp. 13. de Antonio: Cum in gremiis inimicarum mentum & mentem deponeres.

Seneca Troad.

*O timide, rerum dum secundarum status*

*Extollit animos: timide, cum increpuit metus*

*Regum.*

Tertullianus lib. de spectaculis cap. 25. Quid enim est de Ecclesia Dei in diaboli Ecclesiam tendere? de cælo, quod ajunt, in cænum?

§. 6. Ομοιόπτωτον, sive similiter cadens est, cum in eadem constructione duo, aut plura sunt verba, quæ iisdem casibus efferruntur. Casus autem voco non tantum nominum, pronominum, aut participiorum, sed etiam verborum.

Cic. pro leg. Manil. Ac primum quanta innocentia debent esse Imperatores! quanta deinde omnibus in rebus temperantia! quanta fide! quanta facilitate! quanto ingenio! quanta humanitate! Idem pro Archia: Hunc ego non diligam? non admirer? non omniratione defendendum putem?

§. 7. Nec tantum in fine deprehenditur; sed etiam media primis, aut summa mediis accommodantur.

Cic. 2. Accus. in Verr. Est idem Verres, qui fuit semper, ut ad audendum projectus, sic paratus ad audiendum: Ομοιόπτωτον sunt, audendum, audiendum, paratus, projectus.

§. 8. Ομοιότέλευτον, sive similiter desinens est, cum cola, aut commata, simili sono terminantur.

Cic. pro Mil. Non modò ad salutem ejus extinguendam, sed etiam gloriam per tales viros infringendam. Idem in Maniliana: Ut ejus semper voluntatibus non modo cives assenserint, socii obtemperarint, hostes obedi-erint; sed etiam venti tempestatesque obsecundarint.

Habet quoque locum in partibus indeclinabilibus: ut (a) Ejusdem non est, & facere fortiter; & vivere iustiter.

Ut aliis verò orationis lenocinis, ita hoc etiam

R 2

im:-

(a) Quintilianus lib. 6. cap. 3.

immodicè gaudet Apulejus: Ut lib. de Deo Socratis, ubi sic de genio scribit: Hic custos singularis præfectus, domesticus speculator, individuus arbiter, inseparabilis testis, malorum improbator, bonorum probator, si rite ad extremum animadvertatur, sedulo cognoscatur, religiosè colatur in rebus incertis prospector, dubiis præmonitor, periculosis viator, egenis opitulator, qui tibi queat tum somniis, tum signis, tum etiam fortasse coram, cum usus postulat, mala avertere, bona prosperare, humilia sublimare, nutantia fulcire, obscura clarare, sidera adversa corrigere.

§. 9. Παράχρησις est, cum una, pluresve syllabæ vocis antecedentis, in alia ejusdem membri repetuntur.

Plautus Menæchmis (a). Palla pallorem incutit. Cicero in Milonian: *Vivistiavis*. Ejusdem est versus iste:

O fortunatam natam me consule Romam!

§. 10. Schemata hæc, quæ in similitudine consistunt, etsi alibi quoque locum habent, in primis tamen commendantur in sententiis; quia & suavius influunt in animum, & diutius hærent. Sed parcè iis utendum oratori, quia fastidium citò audienti adferunt, fidemque abrogant orationis

## C A P. XIV.

### DE OCCUPATIONE, SUBJECTIONE, Communicatione, Confessione, & Concessione.

#### §. 1.

**S**chematum diuorior alia sunt ornamenta inventionis, alia dispositionis.

§. 2. Quæ inventionem ornant, vel magnis ad simplices conceptus pertinent, vel ad affectus.

§. 3. Priora vel ad explicationem, vel ad probationem, vel ad amplificationem referuntur.

§. 4.

§. 4. Prius sigillatim agemus de ornamentis probationis : deinde quia ut plurimum eadem sunt schemata, quibus nunc ad rem explicandam, nunc ad amplificandam utimur, conjunctim de utroque genere acturi sumus.

§. 5. Probationem ornant Πρόληψις sive Occupatio. Τποβολή sive subjectio, Αἰκασίνωσις, sive Communicatio, Παρομολογία sive Confessio ; & Εὔπειροπῆ sive Concessio.

§. 6. Πρόληψις, sive Occupatio est, cum id quod ab adversario objicitur, aut objici posse putamus, anticipamus, atque diluimus.

§. 7. Partes ejus sunt duæ ; ὑποφορά quæ objectionem proponit ; & ἀνθυποφορά, quæ objectioni respondet.

E. G. Objectio est in illo Didonis apud Maronem(a) :

*Verum anceps pugnae fuerat fortuna*

*At ἀνθυποφορά est, — Fuisse.*

*Quem metui moritura ?* -- Idem apud Ciceronem orat. pro Cælio : ὑποφορά habes in his verbis : *Dicet aliquis, Hæc igitur est tua disciplina ? sic tu instituis adolescentes, &c.* At paulò post subdit ἀνθυποφορά : *Ego si quis, judices, robore animi, &c.*

§. 8. Interdum verò ὑποφορά est concisa, interdum plane magnifica.

Concisa est ista pro lege Manilia : *Requiretur fortasse tunc, quemadmodum, cum hæc ita sint, reliquum possit esse magnum bellum. Cognoscite, Quirites ; non enim sine causa queri videtur.* Item pro Poitumo : *At habet & celat : sunt enim, qui ita loquuntur.*

At magnifica est 7. in Verrem : *Quid agam, judices ? quod accusationis meæ rationem conferam ? quod me vertam ? ad omnes enim meos impetus, quasi murus quidam, boni nomen Imperatoris opponitur. Non vilocum, video ubi se jactaturus sit Hortensius : belli pericula, tempora Reip. Imperatorum penuriam commemorabit : tum deprecabitur à vobis, tum etiam pro sub jure contendet, ne patiamini talem Imperatorem populi Romani, Sicularum testimoniis eripi, neve obreri*

R 3 lau-

( a ) Lib. 4. *Æneid.*

laudem Imperatoriam criminibus avaritiæ velitis. Hujusmodi quoque est illa, à qua orationem pro Sexto Roscio Cicero orditur.

§. 9. *Requirat hæc figura singularem prudentiam. Siquidem videndum est oratori, quæ tacita sint hominum judicia, quò propendeant animi, quid eos offendat, quid probent.*

§. 10. *Prolepsis vicina est ὑπεβλήσιν sive subjectio: quæ multa, quæ pro adversario dici possunt, breviter & minutatim proponuntur, atque ad singula breviter item respondetur.*

§. 11. *Subjectio alia perfecta est, alia imperfecta.*

§. 12. *Perfecta tribus partibus constat. Prima dicitur πρόπαισις, sive propositio. Altera tum ἀπαρίθμησις continet, sive remotionem. Tertia est συμπέρασμα, sive conclusio.*

Hisce partibus constat Subjectio illa apud Cic. orat. Pro Quintio: Dubitatur utrum sit probabilius, Sex. Nævium statim, si quid deberetur petiturum fuisse: an ne appellaturum quidem biennio? Appellandi tempus non erat? antequam anno plus vixit. In Gallia agi non potuit? at & in provincia jus dicebatur, & Romæ judicia fiebant. Restat, ut aut summa negligentia tibi obstiterit, aut unica liberalitas: si negligentiam dicet, mirabimur: si bonitatem, ridebimus, neque præterea, quid possis dicere invenio. Satis est argumenti, nihil esse debitum Nævio, quòd tamdiu nihil petivit.

Partes etiam universas habes in subiectione isthac pro Rosc. Amer. Rursus igitur eodem revertamur, & quaeramus, quæ tanta vitia fuerint in unico filio, quare is patri displiceret. At perspicuum est, nullum fuisse. Pater igitur amens, qui odisset eum sine causa, quem procrearat, at is quidem fuit omnium constantissimus. Ergo illud jam perspicuum profecto est, si neque amens pater, neque perditus filius fuerit: neque odii causam patri, neque sceleris filio fuisse. Egregium quoque exemplum est apud Demosthenem Philipp. 4. Est & hujus generis exemplum, quod primo loco apud Cornificium legitur.

§. 13.



§. 13. Imperfecta subjectio vocatur, in qua vel propositio, vel conclusio, vel utraque abest.

Cicero pro Plantio: Male judicavit populus: at judicavit: non debuit, ac potuit; non fero: at multo clarissimus, & sapientissimus cives tulerunt. Hujus etiam generis sunt secundum, tertiumque Subjectionis exemplum apud Cornificium.

§. 14. Multum (a) inest acrimoniæ & gravitatis in hac exornatione: Inprimis, si instituitur per anaphoram, ἐπιεικτικότητα, & interrogationem.

Cicero de Harusp. resp. Tu meam domum religiosam facere potuisti? ecqua mente? qua invaseras; qua manu? qua disturbaras; qua voce? qua incendi jufferas; qua lege? quam ne in illa quidem impunitate tua scripseras; quo pulvinari? quod stupraras; quo simulacro? quod ereptum ex meretricis simulacro, in Imperatoris monumento collocaras.

§. 15. Ἀνακοινωνία, sive communicatio est, qua adversarium consulimus, aut cum iudicibus, quid faciendum sit, quidve factum oportuerit, deliberamus.

Cicero pro C. Rabirio, perduellionis reo: Tu denique, Labiene, quid faceres tali in te, ac tempore; cum ignaviæ ratio te in fugam, atque in latebras impelleret: improbitas, & furor L. Saturnini in Capitolium accesserit; consules ad patriæ salutem, ac libertatem vocarent? quam tandem auctoritatem, quam vocem, cujus sectam sequi, cujus imperio parere potissimum velles?

Pro Publio Quinctio: Quæro abs te C. Aquilli, L. Luculle. P. Quinctili. M. Marcelle: vadimonium mihi non obiit quidem socius, & affinis meus, qui cum mihi necessitudo vetus, controversia de re pecuniaria retens intercedit, postulone à prætore, ut ejus bona mihi possidere liceat? an, cum Romæ domus ejus, uxor, liberi sint, domum potius denunciem? Quid est, quodd hæc tandem de re vobis possit videri?

Idem pro Cæcina: Quæro, si te hodie domum tuam

R 4 re-

(a) Cornificii verba sunt:

redeuntem coacti homines, & armati, non modo limine, rectoq; ædium tuarum, sed primo aditu, vestibuloque probibuerint, quid aucturus sis? Monet amicus meus, &c.

§. 16. *Aptum est hoc schema purgationi, multumque habet probabilitatis. In primis vero utile est confitenti, ac refellenti. Nam sicum adversario communicemus; valebit ad urgendam, atque extorquendam confessionem. Sin cum iudicibus; prodest ad eorum animos movendos, dum vident nos in ipsorum equitate fiduciam nostram collocare.*

§. 17. *παρομολογία, sive Confessio est, cum callide omnia adversario permittimus.*

Cic. pro Ligar. Habes igitur, Tubero, (quod accusatori maxime optandum) confitentem reum: sed tamen ita confitentem, se in ea parte fuisse, qua te, Tubero, qua virum omni laude dignum, patrem tuum. Itaque prius de vestro delicto confiteamini necesse est, quam Ligarii ullam culpam reprehendatis,

§. 18. *Utimur hoc schemate, cum confessio ipsi obest adversario.*

§. 19. *Ἐπιτροπή sive Concessio est, cum aliquid largimur adversario, ut reliquum feramus.*

§. 20. *Ἐστία vel seria, vel εἰρηκία: Seria convenit confidenti. Nam utimur ea, cum, parte concessa, nihilominus nos superiores fore confidimus.*

Ut illa pro Quinctio: Non dubitavi, iuquis, cum vadimonium desertum esset, bona proscribere. Improbè. Verùm quoniam tu id arrogas, & concedi postulas, concedamus.

Idem pro Rosc. Amer. Esto, causam proferre non potes: tamen si statim vicisse debeo, tamen de meo jure decedam: & tibi, quod causa non concederem, in hac concedam, fretus hujus innocentia, non quæro abs te, quare patrem Sex. Roscius occiderit: quæro quomodo occiderit?

Idem pro Flacco: Tribuo Græcis litetas, do multarum artium disciplinam, non adimo sermonis leporem, ingeniorum acumen, dicendi copiam; denique etiam, si qua sibi alia sumunt, non repugno: testimoniorum religionem & fidem nunquam ista natio coluit.

§. 21. *Ironica verò invidiam conflat adversario: præsertim quando congeriem habet variorum criminum, quæ concedi non possunt.*

Ut illa 4. Verrinæ: Verum esto; eripe hæreditatem propinquis, prædare in bonis alienis nomine civitatis, evertē leges, testamenta, voluntates mortuorum, jura vivorum: num etiam patris Heraclium bonis exturbare oportuit?

Idem Verr. 5. Est tuum, est ingenii prudentiæque tuæ: do hoc tibi, & concedo: scio, te Romæ, cum prætor esses, edicto tuo possessione hæreditatum ad alienos, à primis hæredibus ad secundos, à legibus ad libidinem tuam transtulisse: scio te superiorum omnium correxisse, &c.

## C A P. XV.

DE SENTENTIA, NOEMATE  
Et Distributione.

§. 1.

**S**CHEMATA, quibus ad explicandum, aut exaggerandum utimur, duum sunt generum: nam alia æquè, alia magis, minusve dicunt, quàm in re est.

§. 2. Priora vel sumuntur ab iis, quæ essentialia sunt, sive de re; vel conjuncta, sive in re; vel disjuncta, sive extra rem.

§. 3. De rei essentia sunt, cum alia, tum genus, species, & partes.

§. 4. E loco generis oriri videntur Γένος, & Νόμος.

§. 5. Γένος sive Sententia est generale pronunciatum earum rerum, quas in agendo sequimur, aut fugimus.

Cicero primo de off. Si ea, quæ acceperis utenda majore mensura, si modò possis, jubet reddere Hesiodus: quidnam beneficio provocati facere debemus? An non imitari agros fertiles, qui muliò plus afferunt, quam acceperunt? Pro Milone: Populi grati est, præmiis afficere bene meritos de Rep. cives: viri fortis, ne suppliciiis quidem moveri, ut fortiter fecisse pœniteat. Seneca

neca

neca Rhetor procemiis lib. I. contrövers. *Minimè probabili more turpe est docere; quod honestum est dicere.* Seneca philosoph. de vita beat. cap. XXX. *Sententiàm semper unius sequi, non vitæ est, sed factionis.* Idem lib. III. de benef. cap. XVII. *Gratum hominem semper beneficium delectat, ingratum semel.* Id epist. I. *Minus ex crastino penes debis, si hodierno manum injeceris.* Epist. LXXXIII. *Otium sine literis mors est, & vivi hominis sepultura.*

§. 6. *Sententiis utitur orator ad gravitatem (a) Etiam hoc habent, quòd simul docent, & delectant. In primis verò conveniunt hortanti, mōnenti, conselanti. Sed in oratione non debent frequentari, ne magis vivendi præceptores, quàm rei actores videamur,*

§. 7. *Népx, seu Cōgitatum, est allusio ad sententiàm, siue sententia personæ accommodata.*

E. G. *Gnome est, Nihil est tam populare, quàm bonitas. Ac Népx est, cum Cic. Cæsari hoc accommodat orat: pro Lig. Nihil habet nec fortuna tua majus, quàm ut possis; nec natura tua melius, quàm ut servare velis quàm plurimos. Item Gnome est: Imbellium est verbis, non armis bellum gerere. At Noema est in illo Livii lib. XXXI. Athenienses quidam literis verbisque bellum adversus Philippum gerebant: Item sententia est: Satiùs sit offendere veris, quàm adulando placere. At est Noema illud M. Senecæ lib. II. Contr. Maluerim veris offendere, quàm placere adulando. Hujusmodi Noema est & hoc pro Archia: Themistoclem illum, summum Athenis virum, dixisse ajunt, cum ex eo quæretetur: Quod acroama, aut cujus vocem libentissimè audiret? ejus à quo sua virtus optimè prædicaretur. Item de Senectute: Accipite, optimi adolescentes, veterem orationem Architzæ Tarentini, magni in primis, & præclari viri: Nullam esse capitaliorem pestem, quàm corporis voluptatem, hominibus dicebat à natura datam, cujus voluptatis avidæ libidines temere & effrenatè ad potiundum incitarentur. Hinc patriæ proditioes, hinc cum ho-*  
stibus

(a) Cic. lib. 3. de Orat.

stibus clandestina colloquia nasci, dicebat, &c.

§. 8. *A speciebus, & partibus, petitur Mætophōs sive Distributio. Fit enim hæc, cum totum in species, aut partes, deducimus.*

Ut si iustitiam, temperantiam, fortitudinem, cæterasque virtutes, commemorare malis, quam generatim dicere, omnem virtutem: item si senatum, equites & plebem dicas, pro universo populo Romano: aut caput, petus, ventrem, artus nomines, non contentus dicere, integrum hominis corpus. Sic in Pison. Age, senatus odit te, quod eum tu jure facere concedis, afflicto, & proditore, non modò dignitatis & autoritatis, sed omnino ordinis ac nominis sui. Videre te equites Rom. non possunt; quo ex ordine vir præstantissimus Actius est, te Consule, relegatus; Plebs Romana perditum cupit; ut cujus tu infamiam ea, quæ per latrones, & per servos, de me egeras, contulisti. Italia cuncta execratur, cujus idem tu superbissimè decreta & preces repudiasti.

Lycurgus apud Rutilium Lupum: Cujus omnes corporis partes ad nequitiam sunt appositissimæ, oculi ad petulantem lasciviam, manus ad rapinam, venter ad aviditatem, virilis naturæ membra, quæ non possumus honestè appellare, ad omne genus corruptelæ, pes ad fugam; profus ut ex hoc vitia, aut ipse ex vitiis ortus videatur.

Simile est hoc Julii Pollucis apud Philostratum (a) Proteus; Pharus miraculum Homericum est, multæ quidem ejus, diversæque formæ: in aquam attollitur, in ignem accenditur, in leonem excandescit, in suem ruit, serpit in draconem, assiluit in pantheram, assurgit in arborem. Nec abludit Licentii illud ad Augustinum:

*Spumat aper, fuit unda, fremit leo, sibilat anguis.*

Breviter dicere potuerant, Proteum in omnis se generis formas convertere.

§. 9. *Distributio, ut quandoque est necessitatis: ita sæpè ornatus, & copię causa, instituitur.*

Sed si necessariò fiat, potius ad inventionis argumenta, quam elocutionis schemata, pertinebit.

CAP.

(a) in vitis Sophistarum.

## C. A. P. XVI.

DE ÆTIOLOGIA, DIATIPOSI,  
Et Hypotyposi.

## §. 1.

**V**idimus schemata orta è locis rerum, quæ essentiam spectant.

§. 2. *Conjuncta, sive in re, sunt causa, effectus, & adjuncta.*

§. 3. *A causa petitur Αιτιολογία. Fit ea, cum in nar-  
rando facti ratio adjicitur. Eleganter autem fit cum  
gradatione.*

Ut, in illo Ovidii:

*Viderat hanc, visamque cupit, petiturque cupita.*

§ 4. *Quod si causa sit magis speciosa, quam vera,  
Color dicitur.*

Ut aqud Cic. pro leg. Manil. ubi cum orator veram impeditæ victoriæ causam referre nollet, (erat ea seditio militum, Lucullum, ducem suum, deferentium) rei scædæ hujusmodi addit colorem: *Noster exercitus, etsi orbem ex Tigranis regno ceperat, & præliis erat usus secundis: tamen nimia longinquitate, & desiderio suorum commovebatur.*

§. 5. *Ab effectis, & adjunctis, sumuntur διατύπωσις  
& Υποτύπωσις.*

§. 6. *Διατύπωσις est, cum res ita clarè copioseque exponitur, ut coram spectari videatur.*

Cic. pro Rosc. Amer. Etiamne in tam perspicuis rebus argumentatio quærenda, aut conjectura capienda sit? nonne vobis hæc, quæ audistis, cernere oculis videmini, judices? non illum miserum ignarum casus sui, redeuntem à cœna videtis? non positas insidias, non imperum repentinum? non versatur ante oculos vobis in cæde Glaucia? non adest iste T. Roscius? non suis manibus in curru collocat Automedontem illum, sui sceleris acerbissimi, nefariæque victoriæ nuncium:  
non

non orat, ut eam noctem pervigilet? ut honoris sui causa laboret? ut Capitoni quàm primùm nunciet? Id in descriptione convivii luxuriosi: (a) Videbar videre alios intrantes; alios verò exeuntes, quosdam ex vino vacillantes, quosdam hesternâ potatione oscitantes. Versatur inter hos Gallius unguentis oblitus, redimitus coronis. Humus erat immunda, lutulenta vino; coronis languidulis, & spinis cooperta piscium. Sic totum quidem dixeris, si urbem captam dixeris: sed brevis hic nuncius minùs penetrat in affectus. At si aperiās, quæ uno erant inclusa verbo, apparebunt, ut ait Fabius, & fuisse per domos ac templa flammæ, & ruentium tectorum fragor, & ex diversis clamoribus unus quidam sonus: aliorum fuga incerta, alii in extremo complexu suorum cohærentes, & infantium feminarumque ploratus, & malè usque in illum diem servati fato senes: tum profanorum sacrorumque direptio, efferentium prædās, repetentiumque discursus, & conata retinere infantem suum mater, & sicubi majus lucrum est, pugna inter victores.

§. 7. *Quod si simplicior dilucidiorque fuerit descriptio, ΤΑΥΤΩΣΙΣ vocatur.*

Ut illa Maronis V. *Æneid.*

*Constitit in digitos extemplo arrectus uterque.*

*Brachiaque ad superas interritis extulit auras.*

Sed vulgò ΔΙΕΤΥΨΙΣ & ΨΥΧΕΥΣΙΣ pro eodem schemate habentur.

## C A P. XVII.

### DE ASSIMILATIONIS SPECIEBUS Et Dissimilitudine.

§. 1.

**E**T hæc de schematibus petitis ex eorum locis, quæ ita rei insunt, ut non sint de ejus essentia.

Ter-

( a ) Apud Fabium lib. 8. cap. 3.

*Tertium genus ex locis oritur eorum, quæ sunt extrarem, siue disjuncta: ut sunt similia, comparata, opposita.*

§. 2. *Schemata, quæ ab similibus & comparatis petuntur, & continentur uno Assimilationis vocabulo.*

§. 3. *Est Assimilatio vel natura sua simplex, & vel natura partes habet, quas πρότασις & ἀποδοσις h. e. propositionem, & redditionem, appellant.*

§. 4. *Simplex est Εἰκὼς siue Imago; unde definitur, assimilatio protasi & apodosi carens, facta per particulam similis, velut, tanquam, instar, aut aliam hujus generis.*

Cicero in Paradox. Sed minutis interrogatiunculis, & quasi punctis, quod proposuit, efficit. Pro Dom. Et tu in hoc vulnere, tanquam unguis, existeres. In Vatinium: Repente enim te, tanquam serpens é latibulis, oculis eminentibus, inflato collo, tumidis cervicibus intulisti. Verr. III. Profectus est, non ut legatus populi Romani, sed ut quædam calamitas pervadere videretur.

§. 5. *Icon etsi ab oratoribus etiam usurpetur ad illustrandam orationem: tamen frequentari non debet. Præsertim quæ longior est. Nam magis poetis, quàm oratoribus, convenit.*

Auctores Aristoteles, & Fabius.

§. 6. *Assimilatio, quæ plures natura sua partes habet, instituitur, vel, ut doceat, quid fieri debeat, vel ut, quæ rei insunt, cognoscantur.*

§. 7. *Prioris generis est Παράδειγμα, siue Exemplum. Fit enim, cum factum, siue actus aliquis commemoratur, ut ostendatur eo, aliquem, vel simile facturum, vel facere debere.*

Aliquem simile acturum, indicatur, cùm negatur permittendum, ut rex Persarum in Ægyptum veniat, quia, cùm Darius, & Xerxes, Ægyptum occupassent, iidem cum exercitu trajecerunt in Græciam. Item si periculum esse dicas, ne, quemadmodum Marii, & Syllæ dissidium, ita Pompeii, & Cæsaris, laceret Remp.

§. 8. *Aliquid fieri debere, probatur quadrifariam; à per-*



persona vera, à fœla, à muto animante, & à re sensus experte.

A persona vera, ut si exemplo Josephi commendas castitatem.

A persona e poetarum fabulis petita, ut si idem ostendas Hypolyti exemplo.

A muto animante, ut : Delphini vagari minores in-comitatos non sinunt : quid nos facere liberis adhuc teneris oportet ?

A re sensus experte, ut : unaquæque arbor alit, quod genuit ; & non alet mater suo lacte liberos ?

§. 9. *Simpliciter aliquid inesse rei probant* Παραβολή sive Comparatio, & Συμβολή sive Collatio.

§. 10. Παραβολή sive Comparatio est, cum ad illustrandum id, de quo sermo est, petitur similitudo ab iis, quæ fuere, sunt, aut natura, casu rebus insunt.

E. G. Quæmadmodum lagena aquam, ita animus hominis ingrati beneficia facile admittit, sed reddit cum murmure, & querela. Ovid. XV. Met.

— Ut unda impellitur unda,

Urgeturque eadem veniens, urgetque priorem ;

Tempora sic fugiunt pariter, pariterque sequuntur.

Et nova sunt semper, nam quod fuit antè, reliquum est.

Fitque quod haud fuerat, momentaque cuncta novantur.

Seneca epist. XL. Ut qui sese meminerunt inquilinos esse, & in conducto habitare, & modestius se gerunt, & minus gravatim exeunt : ita qui intelligunt, domicilium corporis ad breve tempus à natura accommodatum esse, & vivunt temperantius, & libentius moriuntur.

§. 11. *Interdum ex fabulis quoque depromitur Comparatio.*

Cicero pro lege Manilia : Primùm ex suo regno sic Mithridates profugit, ut ex eodem Ponto Medea illa quondam profugisse dicitur : quam prædicant in fuga fratris sui membra in iis locis, quæ se parens persequeretur, dissipavisse, ut eorum collectio dispersa,

mic-

mœrorque patrius, celeritatem persequendi retardaret. Sic Mithridates fugiens, maximam vim auri, atque argenti, pulcherrimarumque rerum omnium, quas & à majoribus acceperat, & ipse bello superiore ex tota Asia direptas in suum regnum congesserat, in Ponto omnem reliquit. Hæc dum nostri colligunt omnia diligentius, rex ipse è manibus effugit. Ita illum in persequendi studio mœror, hos lætitia retardavit.

§. 12. Debet verò institui comparatio cum factis, aut rebus notis, & ejusmodi, quæ idonea sunt ad illustrandum, non item cum illis, quæ sunt obscura, aut etiam sordida, vel nimis vulgaria, aut etiam inepta.

§. 13. Συμβολή sive Collatio, est, quando substantiam cum substantia, aut accidens cum accidente conferimus, ut ex oppositione hac appareat, quantopere convenient, aut differant.

Ut si conferas Alexandrum, & Cæsarem; oleam, & vitem; ignaviam, & intemperantiam; &c. Cic. VI. in Verrem: Conferre hanc pacem cum illo bello: hujus prætoris adventum cum illius imperatoris victoria: hujus cohortem impuram cum illius exercitu invicta: hujus libidines cum illius continentia: ab illo, qui cepit, conditas: ab hoc, qui constitutas accepit, captas dicetis Syracusas. Etiam in orat. pro Rosc. Am. Illustre est exemplum collationis inter Roscium, qui causam diceret, & eos, qui accusarent. Id superius adduximus cap. XII. §. 19.

§. 14. Ex quatuor hisce speciebus secunda, & quarta, Exemplum nempe, & Collatio, magis videntur ad argumentorum inventionem, quàm ad schemata pertinere.

§. 15. Neque similibus tantum, sed etiam dissimilibus illustratur oratio. Vocatur hoc schema Ἀντιθέσις, sive Διφορέα, hoc est dissimilitudo, vel differentia. Hæc ea, quæ similia videri poterant, propria nota distinguit.

§. 16. Estque alia perfecta, alia imperfecta. Perfecta rationem diversitatis adjungit.

Ut illa apud Cornificium: Non enim quemadmodum in palæstra, qui tædas ardentes accepit; celerior est in  
cursu

*curfu continuo, quàm ille qui tradit: ita melior imperator novus, qui accipit exercitum, quàm ille, qui decedit. Propterea quòd defatigatus cursor integro facem: hic peritus imperator imperito exercitum tradit. Cicero pro Plancio: Dissimilis est pecuniæ debitio, & gratiæ, nam qui pecuniam dissolvit, statim non habet id, quod reddidit: qui autem debet, is retinet alienum: gratiam autem, & qui refert habet, & qui habet, is eo ipso, quòd habet, refert.*

§. 17. Imperfecta est, quæ rationem, cur dissimilia sint, non addit.

Ut apud Cornificium: In amicitia gerenda, sicut in certamine currèndi, non ita convenit exerceri, ut, quoad necesse sit, pervenire possit: sed ut productius studio & viribus ultra procurras.

## C A P. XVIII.

## DE SCHEMATIBUS,

Quibus opposita junguntur.

## §. I.

**A**B oppositis petuntur, Παρδιεσολη, Αντιθετον, Αντιμεταβληη & Οξύμωρον.

§. 2. Παρδιεσολη est, cum eorum, quæ vulgo ob vicinitatem confundi solent, remoto uno, alterum ponitur.

Ut, Non sapiens, sed astutus; non fortis, sed audax. At si sapienti insapiens, forti timidus opponatur, sequens schema erit.

§. 3. Est hoc schema illustrius, cum ratio additur.

Ut apud Rutilium Lupum: Quapropter nolo te sapius parcum appellare, cum sis avarus. Nam qui parcus est, utitur eo, quod satis est: tu contra propter avaritiam, quòd plus habes, magis egès.

§. 4. Convenit hæc figura refellenti, & reprehendenti.

§. 5. Αντιθετον est, cum ex planè contrariis constat oratio.

S

La-

Laxius vetò hunc hoc utimur nomine, ut eam, quæ preesse *art. 1. dicitur* dici solet, comprehendat.

§. 6. *Esque vel simplex, vel conjunctum.*

Simp'lex; ut apud C. c. pro lege Manil. *Hujus orationis difficilius est exitum quam principium invenire.* Sic Maro VII. *Æn.*

*Fledere si nequeo superos, Acheronta movebo.*  
Horat. sat. i. lib. i.

*Parvula nam ex implo est magni formica laboris.*

Ubi *art. 1. dicitur* etiam statuit verus interpret.

Conjunctum *art. 1. dicitur* est in hoc apud Cornificium: *Hab. ostentatio jucunda principia: eadem exitus amarissimos adfert.* Cic. pro Rosc. Amer. *Qui in sua res suis, et certissimus, et ei, ut fit, in se habens in aliena.* Idem pro Quili. Etio: *Plus hujus inopia possit ad misericordiam, quam nil us opes ad crudelitatem.* Passienus filius de Calpurnia apud Tacitum lib. IV. *Neque meliorem unquam servum, neque deteriorem dominum fuisse.*

Elegantissima *verba sunt art. 1. dicitur*, in quibus paria paribus, contraria contrariis sæpius respondent. Ut pro Posthumo: *Egentes in locupletes, perditi in bonos, servi in dominos armabantur.* Sic pro Milone, *Est enim hæc non scripta, sed nata lex: quam non didicimus, accepimus, legimus, verum ex natura ipsa arripimus, hausimus, expressimus: ad quam non docti, sed facti; non instituti, sed imbuti sumus:* item Catil. II. *Ex hac enim parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus; hinc constantia, illinc furor; hinc honestas, illinc turpitudine, hinc continentia, illinc libido; denique æquitas, temperantia, fortitudo, prudentia, virtutes omnes certant cum iniquitate, cum luxuria, cum temeritate, cum vitiis omnibus; postremo copiam, cum egestate; bona ratio, cum perdita; mens sana, cum amentia, bona denique spes, cum omnium desperatione.* Justinus lib. XXII. de Agathocle. *Syraculis suis obsessis, bellum nihilo minus in Africam transferente: Mira prorsus audacia,*  
ut,

tut, quibus in solo urbis suæ par non erat; eorum urbi bellum inferret; & qui sua tueri non poterat, impugnaret aliena, victusque victorem insultaret.

§. 7. *Αντιμεταβολή* sive *Commutatio* est, quando est contrarietas sensus cum verborum inversione.

Ut apud Cornificium: *Esse oportet, ut vivas, non vivere, ut edas*. Petronius: *Mirari equidem tam discordem libidinem cæpi, atque inter mōstrā numerare, quod ancilla haberet matronæ superbiam, & matronā ancillæ humilitatem*. Plinius in Panegyrico: *Non ideo vicisse videris, ut triumphares; sed triumphare, quia vinceret*. Estque in his etiam epanodos, nempe quatenus est verborum inversio. Sed ratione contrarietatis, quæ primò non verbis inest, sed rebus, omnino pertinent ad schemata *διανόεως* non *λέξεως*.

§. 8. *Convenit laudanti, & reprehendenti*.

§. 9. *Ὁξύμωρον* est, cum idem negatur de se ipso.

Conflata vox est ex *ὀξύς*, acutus, & *μωρίς*, fatuus. Nempe quia acutè dicitur, quod fatue prolatum videtur. Ita ait Terentius Eun. *Tu pol, si sapias, quod scis; nescis*. Tull. in Catil. *Cum tacent, clamant*. Cui non absimile illud in Bruto, sive de claris Oratoribus: *Tum etiam ea ipsa, de qua disputare ordinur, eloquentia obmutuit*. Et inferius: *Eloquentia loqui dediticuit*. Horatius lib. 1. od. XXXV.

*Insanientis dum sapientie*

*Consultus erro*.

Martial. lib. VII. epigr. LXXII.

*Quisquis ubique habitat, Maxime, nusquam habitat*.

Et ep. LXXIV.

*Vis dare, nec dare vis*.

## C A P. XIX.

DE DIGRESSIONE ET  
Epiphonemate.

§. 1.

**V**idimus Schemata petita ab iis, quæ vel de re sunt, vel in re, vel extrarem. Sunt verò & schemata, quæ ad diversa genera pertineant. Istiusmodi sunt Digressio, & Epiphonema.

§. 2. Digressio est alicujus rei, quæ tamen ad causæ utilitatem pertineat, extraordinem excurrens tractatio.

Græci vocant παρέκβασις, vel διέξοδος, vel etiam ἀνβολή. Ut apud Thucididem lib. 1. ἐπὶ τῇ ἐκβολῇ τῆς λόγου ἐπιστομῆς (a)

§. 3. Sumitur hæc à locis internis, cum ab hypothefi ad thesin transimus.

Ut cum Cicero oratione pro Archia ab eruditione poetæ hujus digreditur ad locum communem de studiis doctrinæ.

§. 4. Aliàs petitur ab iis, quæ non quidem de re, sed tamen in re sunt. Imò illis etiam, quæ sunt extrarem.

Ut cum occasione causæ finalis, circumstantiæ, vel rei similis, alio dilabimur. Huc refer digressionem illam de raptu Proserpinæ, quæ est Verrina VI.

§. 5. Videndum autem, ne digressio longior sit. Ingerere tamen demonstrativo, & omnibus, quæ delectationis causa scribuntur, longior esse potest: Sed & hic, & alias, ante longiorem digressionem præmunire animos conducit.

Ut II. in Verr. Atque aded, antequam de incommodis Siciliæ dico, pauca mihi videntur esse de provinciæ dignitate, venustate, utilitate dicenda.

§. 6. Sed nec digressio debet à proposito esse aliena.

Qua-

---

(a) Atque ab instituto sermone fueram digressus.

Quare tum demum digressione utemur, si sponte se offerat. At non item debet oratio cuneari, si metus sit, ne aliò divertamus animos auditorum.

§. 7. *Præterea nec durius ad propositum convenit redire.*

Commodè sanè redimus, si, postquam adduxerimus exemplum, illud ad præsens negotium applicemus. Facit hoc Cicero pro Sex. Roscio: *Hominem, inquit, longe audacissimum nuper habuimus in civitate, C. Fimbriam, &c.* Postea præsentì ita accommodat instituto: *Estne hoc illi dicto atque facto Fimbriæ non simillimum?*

§. 8. *Reditus ad propositum; Epanodos vocatur.*

Ut in exemplo jam allato. Item lib. II. de Orat. Sed utieo revertar unde hæc declinavit oratio.

§. 9. *At in minori digressione Epanodo opus non est. Tamen aliquid dicitur, quo digressio ab aliis distinguatur.*

Ut pro Milone: An vero, Judices, vos soli ignoratis? & quæ sequuntur. Digressionem hanc claudit istis verbis: Quam rem etsi necessario fecisti, tamen quoniam in meo inimico crudelitatem exprompsisti tuam, laudare non possum, irasci certè non debeo. Redit deinde ad institutum absque transiitione ulla. Hæc de Digressionem, & Epanodo.

§. 10. *Epiphonema est, cum rei narratæ, aut probatæ, velut coronis, adjicitur pronunciatum ex superioribus expressum.*

§. 11. *Fit hoc vel admirationis causa.*

Sic apud Maronem: (a) *Tantæ molis erat Romanam condere gentem.* Item: (b) *Adè à teneris adsuescere milium est.*

§. 12. *Vel fit, ut comprehendamus summam rei.*

Quomodo idem tempestatis descriptionem claudit his verbis: (c) *Ponto nox incubat atra: & postquam ostenderit, animalia singula ex re quapiam capere delectationem, subjicit: (d) Trahit sua quemque voluptas.*

§. 13. Vel denique fit, ut sententia firmet obſignetque ſuperiora.

Ita Demosthenes, (a) postquam de Philippi egerat improbitate, ſubdit: *Res ſecunda magnam vint habent ad occultanda & adumbranda iſtiusmodi probra,*

## C A P. XX.

### DE SCHEMATIBUS,

Quibus res exaggeratur.

§. 1.

**H**ACTENUS de ſchematibus, quæ æquè dicunt, ac in re eſt. ſequuntur ſchemata, quæ plus, aut minus dicunt. Ut ſunt *Αὐξάνει*, & *Ταπεινώνει*.

§. 2. *Αὐξάνει* eſt, cum utimur verbo excedente rei magnitudinem.

Ut ſi ſcelus dicas, pro errato; crudelem, pro ſevero; aut vulneraſſe, qui leviſſe perſtrinxit.

§. 3. Convenit accuſanti.

§. 4. *Contra Ταπεινώνει* ſive *Μειώνει* eſt, cum verbo humiliore, quam pro re, utimur.

Ut ſi erratum ponas, pro ſcelere; ſeverum, pro crudeli; aut perſtrinxiſſe dicas, qui vulneravit.

§. 5. Convenit refellenti.

§. 6. *Ταπεινώνει* genus eſt *Απόφασις*, quæ negatione contrarii plus ſignificat, quam dicit.

E. g. Nam hoc iure meo, auditores, dico, me labare, & industria curaſſe ſemper ſedulo, ne ſtudium eloquentiæ in poſtremis tenerem. Nam ſi quis hic diceret ut ſtudium eloquentiæ præ cæteris optime tenerem, vel, ut alijs eloquentia ſuperarem; tametiſi verum diceret, tamen arrogans vidèretur.

Diximus hoc de ſchemate quoque in Tropologia, quatenus *Συμπεδοχὴς* ſpecies eſt.

§. 7. Huc etiam referri poteſt *Παράλειψις*, ſive *Πρατερὴ*.



teritio. Fit ea, cum præterire nos aliquid velle dicimus, atque interim in transcurso id dicimus.

Cic. pro Cluente. Mittam illam primam libidinis injuriam: mitto nefarias generi nuptias: mitto cupiditate matris expulsam matrimonio filiam. Simile est hoc *Æn. X.* Quid repetam exultas Erycino in litore classes?

Quid rempestiarum revem, ventosque furentes,  
Æolia excitos, aut ætiam nubibus irim?

§. 8. Convenit laudanti, ac reprehendenti: item confirmanti, ac refellenti.

§. 9. Etiam ad exaggerandum, vel imminuendum, valent incrementum, & Periphrasis. Sed ut scde est quod plus, aut minus dicant, ita interdum æque dicunt, ac in re est.

Unde liquet, quatenus ad superiorem, quatenus item ad hunc schematum ordinem pertineant.

Incrementum est, cum velut gradibus quibusdam perveniat ad summum.

Cic. VII. in Verrem. Factus est vincire civem Romanum, scelus verberare, prope parricidium necare.

Miser homo est, qui ipse sibi, quod edit, querit,  
& id ægrè invenit.

Sed ille est miserior, qui & ægrè querit, & nihil invenit.

Ille miserrimus, qui cum esse cupit, quod edit, non habet.

§. 11. Periphrasis est, quæ rem unam multis ambimur verbis. Hæc interdum additur, ut rem magis conspicuam reddat, interdum, ut obumbrat.

Prioris generis est, cum Homerus initio operis Ulyssæm, Maro Æneam, circumloqui maluit, quam nominare. Posterioris generis est, cum Cicero in Miloniana, quia gravius erat dicere, Clodium à Milonis servis occisum, maluit illud hoc pacto mollire: In quos incensos ira, vitamque domini desperantes, cum incidisset, hæsit in pœnis, quas ab eo servi fideles pro domini vita expetiverunt. Item, ex quibus, qui animos fidei in dominum erant, & præsentés fuerunt, par-

## C. A. P. XVI.

DE ÆTIOLOGIA, DIATIPOSI,  
Et Hypotyposi.

## §. 1.

**V**idimus schemata orta è locis rerum, quæ essentiam spectant.

§. 2. *Conjuncta, sive in re, sunt causa, effectus, & adjuncta.*

§. 3. *A causa petitur Αἰτιολογία. Fit ea, cum in nar-  
rando facti ratio adjicitur. Eleganter autem fit cum  
gradatione.*

Ut, in illo Ovidii:

*Viderat hanc, visamque cupit, petiturque cupita.*

§ 4. *Quod si causa sit magis speciosa, quam vera,  
Color dicitur.*

Ut aqud Cic. pro leg. Manil. ubi cum orator veram impeditæ victoriæ causam referre nollet, (erat ea seditio militum, Lucullum, ducem suum, deferentium) rei scædæ hujusmodi addit colorem: *Noster exercitus, etsi orbem ex Tigranis regno ceperat, & præliis erat usus secundis: tamen nimia longinquitate, & desiderio suorum commovebatur.*

§. 5. *Ab effectis, & adjunctis, sumuntur διατύπωσις  
& ὑποτύπωσις.*

§. 6. *Διατύπωσις est, cum res ita clarè copioseque ex-  
ponitur, ut coram spectari videatur.*

Cic. pro Rosc. Amer. Etiamne in tam perspicuis rebus argumentatio quærenda, aut conjectura capienda sit? nonne vobis hæc, quæ audistis, cernere oculis videmini, judices? non illum miserum ignarum casus sui, redeuntem à cœna videtis? non positas insidias, non impetum repentinum? non versatur ante oculos vobis in cæde Glaucia? non adest iste T. Roscius? non suis manibus in curru collocat Automedontem illum, sui sceleris acerbissimi, nefariæque victoriæ nuncium:  
non

non orat, ut eam noctem pervigilet? ut honoris sui causa laboret? ut Capitoni quàm primùm nunciet? Id in descriptione convivii luxuriosi: (a) Videbar videre alios intrantes; alios verò exeuntes, quosdam ex vino vacillantes, quosdam hesternæ potatione oscitantes. Versatur inter hos Gallius unguentis oblitus, redimitus coronis. Humus erat immunda, lutulenta vino; coronis languidulis, & spinis cooperta piscium. Sic totum quidem dixeris, si urbem captam dixeris: sed brevis hic nuncius minùs penetrat in affectus. At si aperiās, quæ uno erant inclusa verbo, apparebunt, ut ait Fabius, & fuisse per domos ac templa flammæ, & ruentium tectorum fragor, & ex diversis clamoribus unus quidam sonus: aliorum fuga incerta, alii in extremo complexu suorum cohærentes, & infantium feminarumque ploratus, & malè usque in illum diem servati fati senes: tum profanorum sacrorumque direptio, efferentium prædās, repetentiumque discursus, & conata retinere infantem suum mater, & sicubi majus lucrum est, pugna inter victores.

§. 7. *Quod si simplicior dilucidiorque fuerit descriptio, ΤΑΥΤΩΣΙΣ vocatur.*

Ut illa Maronis V. *Æneid.*

*Constitit in digitos extemplo arrectus uterque.*

*Brachiaque ad superas interritus extulit auras.*

Sed vulgò ΔΙΕΤΥΩΣΙΣ & ΥΠΕΡΤΥΩΣΙΣ pro eodem schemate habentur.

## C A P. XVII.

### DE ASSIMILATIONIS SPECIEBUS Et Dissimilitudine.

§. I.

**E**T hæc de schematibus petitis ex eorum locis, quæ ita rei insunt, ut non sint de ejus essentia.

Ter-

---

(a) Apud Fabium lib. 8. cap. 3.

*Tertium genus ex locis oritur eorum, quæ sunt extra rem, siue disjuncta: ut sunt similia, comparata, opposita.*

§. 2. *Schemata, quæ ab similibus & comparatis petuntur, & continentur uno Assimilationis vocabulo.*

§. 3. *Est Assimilatio vel natura sua simplex, & vel natura partes habet, quas προτάσις & ἀποδοσις h. e. propositionem, & redditionem, appellant.*

§. 4. *Simplex est Εἰμὼρ siue Imago; unde definitur, assimilatio protasi & apodosi carens, facta per particulam similis, velut, tanquam, instar, aut aliam hujus generis.*

Cicero in Paradox. Sed minutis interrogatiunculis, & quasi punctis, quod proposuit, efficit. Pro Dom. Et tu in hoc vulnere, tanquam unguis, existeres. In Vatinium: Repente enim te, tanquam serpens e latibulis, oculis eminentibus, inflato collo, tumidis cervicibus intulisti. Verr. III. Profectus est, non ut legatus populi Romani, sed ut quædam calamitas pervadere videretur.

§. 5. *Icon etsi ab oratoribus etiam usurpetur ad illustrandam orationem: tamen frequentari non debet. Præsertim quæ longior est. Nam magis poetis, quàm oratoribus, convenit.*

Auctores Aristoteles, & Fabius.

§. 6. *Assimilatio, quæ plures natura sua partes habet, instituitur, vel, ut doceat, quid fieri debeat, vel ut, quæ rei insunt, cognoscantur.*

§. 7. *Prioris generis est Παράδειγμα, siue Exemplum. Fit enim, cum factum, siue actus aliquis commemoratur, ut ostendatur eo, aliquem, vel simile facturum, vel facere debere.*

Aliquem simile acturum, indicatur, cum negatur permittendum, ut rex Persarum in Ægyptum veniat, quia, cum Darius, & Xerxes, Ægyptum occupassent, iidem cum exercitu trajecerunt in Græciam. Item si periculum esse dicas, ne, quemadmodum Marii, & Syllæ dissidium, ita Pompeii, & Cæsaris, laceret Remp.

§. 8. *Aliquid fieri debere, probatur quadrifariam; à per-*

*persona vera, à fida, à muto animante, & à resensu experte.*

A persona vera, ut si exemplo Josephi commendas castitatem.

A persona e poetarum fabulis petita, ut si idem ostendas Hyppolyti exemplo.

A muto animante, ut : Delphini vagari minores in-comitatos non sinunt : quid nos facere liberis adhuc teneris oportet ?

A resensu experte, ut : unaquæque arbor alit, quod genuit : & non alet mater suo lacte liberos ?

§. 9. *Simpliciter aliquid inesse rei probant* Παραβολή *sive Comparatio, & Συμβολή sive Collatio.*

§. 10. Παραβολή *sive Comparatio est, cum ad illustrandum id, de quo sermo est, petitur similitudo ab iis, quæ fuere, sunt, aut natura, casu rebus insunt.*

E. G. Quæmadmodum lagena aquam, ita animus hominis ingrati benefecia facile admittit, sed reddit cum murmure, & querela. Ovid. XV. Met.

— Ut unda impellitur unda,

Urgeturque eadem veniens, urgetque priorem ;  
Tempora sic fugiunt pariter, pariterque sequuntur.  
Et nova sunt semper, nam quod fuit antè, reli-  
dum est.

Fitque quod haud fuerat, momentaque cuncta no-  
vantur.

Seneca epist. XL. Ut qui sese meminerunt inquilinos esse, & in conducto habitare, & modestius se gerunt, & minus gravatim exeunt : ita qui intelligunt, domicilium corporis ad breve tempus à natura accommodatum esse, & vivunt temperantius, & libentius moriuntur.

§. 11. *Interdum ex fabulis quoque depromitur Comparatio.*

Cicero pro lege Manilia : Primùm ex suo regno sic Mithridates profugit, ut ex eodem Ponto Medea illa quondam profugisse dicitur : quam prædicant in fuga fratris sui membra in iis locis, quæ se parens persequeretur, dissipavisse, ut eorum collectio dispersa,  
næ-

mœrorque patrius, celeritatem persequendi retardaret. Sic Mithridates fugiens, maximam vim auri, atque argenti, pulcherrimarumque rerum omnium, quas & à majoribus acceperat, & ipse bello superiore ex tota Asia direptas in suum regnum congesserat, in Ponto omnem reliquit. Hæc dum nostri colligunt omnia diligentius, rex ipse è manibus effugit. Ita illum in persequendi studio mœror, hos lætitia retardavit.

§. 12. Debet verò institui comparatio cum factis, aut rebus notis, & ejusmodi, quæ idonea sunt ad illustrandum, non item cum iis, quæ sunt obscura, aut etiam sordida, vel nimis vulgaria, aut etiam inepta.

§. 13. Συμβολή sive Collatio, est, quando substantiam cum substantia, aut accidens cum accidente conferimus, ut ex oppositione hac appareat, quantopere convenient, aut differant.

Ut si conferas Alexandrum, & Cæsarem; oleam, & vitem; ignaviam, & intemperantiam; &c. Cic. VI. in Verrem: Conferite hanc pacem cum illo bello: hujus prætoris adventum cum illius imperatoris victoria: hujus cohortem impuram cum illius exercitu invicta: hujus libidines cum illius continentia: ab illo, qui cepit, conditas: ab hoc, qui constitutas accepit, captas diceris Syracusas. Etiam in orat. pro Rosc. Am. Illustre est exemplum collationis inter Roscium, qui causam diceret, & eos, qui accusarent. Id superius adduximus cap. XII. §. 19.

§. 14. Ex quatuor hisce speciebus secunda, & quarta, Exemplum nempe, & Collatio, magis videntur ad argumentorum inventionem, quàm ad schemata pertinere.

§. 15. Neque similibus tantum, sed etiam dissimilibus illustratur oratio. Vocatur hoc schema Ἀντιστοιχία, sive Δυσστροφία, hoc est dissimilitudo, vel differentia. Hæc ea, quæ similia videri poterant, propria nota distinguit.

§. 16. Estque alia perfecta, alia imperfecta. Perfecta rationem diversitatis adjungit.

Ut illa apud Cornificium: Non enim quemadmodum in palæstra, qui tædas ardentes accepit; celerior est in  
tursu

*curfu continuo, quàm ille qui tradit: ita melior imperator novus, qui accipit exercitum, quàm ille, qui decedit. Propterea quòd defatigatus cursor integro facem: hic peritus imperator imperito exercitum tradit. Cicero pro Plancio: Dissimilis est pecuniæ debitiò, & gratiæ, nam qui pecuniam dissolvit, statim non habet id, quod reddidit: qui autem debet, is retinet alienum: gratiam autem, & qui refert habet, & qui habet, is eo ipso, quòd habet, refert.*

§. 17. Imperfecta est, quæ rationem, cur dissimilia sint, non addit.

Ut apud Cornificium: In amicitia gerenda, sicut in certamine currendi, non ita convenit exerceri, ut, quoad necesse sit, pervenire possit: sed ut productius studio & viribus ultra procurras.

## C A P. XVIII.

## DE SCHEMATIBUS,

Quibus opposita junguntur.

## §. I.

**A**B oppositis petuntur, Παράδικολη, Ἀντίθετον, Ἀντιμεταβληή & Ὁξύμωρον.

§. 2. Παράδικολη est, cum eorum, quæ vulgo ob vicinitatem confundi solent, remoto uno, alterum ponitur.

Ut, Non sapiens, sed astutus; non fortis, sed audax. At si sapienti insapiens, forti timidus opponatur, sequens schema erit.

§. 3. Est hoc schema illustrius, cum ratio additur.

Ut apud Rutilium Lupum: Quapropter nolo te sapius parcum appellare, cum sis avarus. Nam qui parcus est, utitur eo, quod satis est: tu contra propter avaritiam, quòd plus habes, magis egès.

§. 4. Convenit hæc figura refellenti, & reprehendenti.

§. 5. Ἀντίθετον est, cum ex planè contrariis constat oratio.

S

La-

Laxius vetò hunc hoc utimur nomine, ut eam, quæ presse *art. 3. et 4.* dici solet, comprehendat.

§. 6. *Esque vel simplex, vel conjunctum.*

Simplex; ut apud C. c. pro lege Manil. *Hujus orationis difficilius est exitum quam principium invenire.* Sic Maro VII. *Æn.*

*Flectere si nequeos superos, Acheronta movebo.*  
Horat. sat. 1. lib. 1.

*Parvula nam exemplo est magni formica laboris.*

Ubi *art. 3.* etiam statuit vetus interpres.

Conjunctum *art. 3. et 4.* est in hoc apud Cornificium:

*Hab. n. assentatio jucunda principia: eadem exitus amarissimos.* *ad. 11.* Cic. pro Rosc. Amer. *Qui in sua refuisset, certissimus, erat, ut fit, insciscus in aliena.* Idem pro Qu. Etio: *Plus hujus inopia possit ad misericordiam, quam nil us opes ad crudelitatem.* Passienus filius de Caligula. *pud Tacitum lib. IV. Neque meliorem unquam servum, neque deteriorem dominum fuisse.*

Elegantissima verò sunt *art. 3. et 4.* in quibus paria paribus, contraria contrariis, sæpius respondent. Ut pro Posthumo: Egentes in locupletes, perditi in bonos, servi in dominos armabantur. Sic pro Milone, Est enim hæc non scripta, sed nata lex: quam non didicimus, accepimus, legimus, verum ex natura ipsa arripimus, hausimus, expressimus: ad quam non docti, sed facti; non instituti, sed imbuti sumus: item Catil. II. Ex hac enim parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus; hinc constantia, illinc furor; hinc honestas, illinc turpitudine, hinc continentia, illinc libido; denique æquitas, temperantia, fortitudo, prudentia, virtutes omnes certant cum iniquitate, cum luxuria, cum temeritate, cum vitiis omnibus; postremo copiam, cum egestate; bona ratio, cum perdita; mens sana, cum amentia, bona denique spes, cum omnium desperatione, Justinus lib. XXII. de Agathocle. Syracusis suis obsessis, bellum nihilominus in Africam transferente: Mira prorsus audacia,

ut,



ut, quibus in solo urbis suæ par non erat, eorum urbi bellum inferret; & qui sua tueri non poterat, impugnet aliena, victusque victorem insultaret.

§. 7. *Antithesis sive Commutatio est, quando est contrarietas sensus cum verborum inversione.*

Ut apud Cornificium: *Esse oportet, ut vitas, non vivere, ut edas.* Petronius: *Mirari equidem tam discordem libidinem cæpi, atque inter monstra numerare, quod ancilla haberet matronæ superbiam, & matrona ancillæ humilitatem.* Plinius in Panegyrico: *Non ideo vicisse videris, ut triumphares; sed triumphare, quia vinceret.* Estque in his etiam epanodos, nempe quatenus est verborum inversio. Sed ratione contrarietatis, quæ primò non verbis inest, sed rebus, omnino pertinent ad schemata διαστροφῆς non ἀντιθέσεως.

§. 8. *Convenit laudanti, & reprehendenti.*

§. 9. *Ὁξύμωρος est, cum idem negatur de se ipso.*

Conflata vox est ex ὀξύς, acutus, & μωρός, fatuus. Nempe quia acutè dicitur, quod fatue prolatum videtur. Ita ait Terentius Eun. *Tu pol, si sapi, quod scis; nescis.* Tull. in Catil. *Cum tacent, clamant.* Cui non absimile illud in Bruto, sive de claris Oratoribus: *Tum etiam ea ipsa, de qua disputare ordinur, eloquentia obmutuit.* Et inferius: *Eloquentia loqui deditic.*

Horatius lib. 1. od. XXXV.

*Insanientis dum sapientie*

*Consultus erro.*

Martial. lib. VII. epigr. LXXII.

*Quisquis ubique habitat, Maxime, nusquam habitat.*

Et ep. LXXIV.

*Vis dare, nec dare vis.*

## C A P. XIX.

DE DIGRESSIONE ET  
Epiphonemate.

## §. 1.

**V**idimus Schemata petita ab iis, quæ vel de re sunt, vel in re, vel extraremi. Sunt verò & schemata, quæ ad diversa genera pertineant. Istiusmodi sunt Digressio, & Epiphonema.

§. 2. Digressio est alicujus rei, quæ tamen ad causæ utilitatem pertineat, extraordinem excurrens tractatio.

Græci vocant περιεξοδον, vel διεξοδον, vel etiam ὑπεβολήν. Ut apud Thucididem lib. 1. ἐπὶ τῇ ἐκβολῇ τῆς λόγου ἐπιπορεύμεν (a)

§. 3. Sumitur hæc à locis internis, cum ab hypothefi ad thesin transimus.

Ut cum Cicero oratione pro Archia ab eruditione poetæ hujus digreditur ad locum communem de studiis doctrinæ.

§. 4. Alias petitur ab iis, quæ non quidem de re, sed tamen in re sunt. Imò illis etiam, quæ sunt extrarem.

Ut cum occasione causæ finalis, circumstantiæ, vel rei similis, alio dilabimur. Huc refer digressionem illam de raptu Proserpinæ, quæ est Verrina VI.

§. 5. Videndum autem, ne digressio longior sit. Ingerere tamen demonstrativo, & omnibus, quæ delectationis causa scribuntur, longior esse potest: Sed & hic, & alias, ante longiorem digressionem præmunire animos conducit.

Ut II. in Verr. Atque aded, antequam de incommodis Siciliæ dico, pauca mihi videntur esse de provinciæ dignitate, venustate, utilitate dicenda.

§. 6. Sed nec digressio debet à proposito esse aliena.

Qua-

---

(a) Atque ab instituto sermone fueram digressus.

Quare tum demum digressionem utemur, si sponte se offerat. At non item debet oratio cuneari, si metus sit, ne aliò divertamus animos auditorum.

§. 7. *Præterea nec durius ad propositum convenit redire.*

Commodè sanè redimus, si, postquam adduxerimus exemplum, illud ad præsens negotium applicemus. Facit hoc Cicero pro Sex. Roscio. *Hominem, inquit, longe audacissimum nuper habuimus in civitate, C. Fimbriam, &c.* Postea præsentem ita accommodat instituto: *Estne hoc illi dicto atque facto Fimbriæ non simillimum?*

§. 8. *Reditus ad propositum* *Ἐπίστροφος* vocatur.

Ut in exemplo jam allato. Item lib. II. de Orat. Sed utieo revertar unde hæc declinavit oratio.

§. 9. *At in minori digressionem Epauodo opus non est. Tamen aliquid dicitur, quo digressio ab aliis distinguatur.*

Ut pro Milone: An vero, Judices, vos soli ignoratis? & quæ sequuntur. Digressionem hanc claudit istis verbis: Quam rem etsi necessario fecisti, tamen quoniam in meo inimico crudelitatem exprompsisti tuam, laudare non possum, irasci certè non debeo. Redit deinde ad institutum absque transitione ulla. Hæc de Digressionem, & Epauodo.

§. 10. *Epiphonema est, cum rei narratæ, aut probatæ, velut coronis, adjicitur pronunciatum ex superius expressum.*

§. 11. *Fit hoc vel admirationis causa.*

Sic apud Maronem: (a) *Tantæ molis erat Romanam condere gentem.* Item: (b) *Ad hæc à teneris adsuescere multum est.*

§. 12. *Vel fit, ut comprehendamus summam rei.*

Quomodo idem tempestatis descriptionem claudit his verbis: (c) *Ponto nox incubat atra: & postquam ostenderit, animalia singula ex re quapiam capere delectationem, subjicit: (d) Trahit sua quemque voluptas.*

§. 13. Vel denique fit, ut sententia firmet obliqueque superiora.

Ita Demosthenes, (a) postquam de Philippi egerat improbitate, subdit: Res secundæ magnam vim habent ad occultanda & adumbranda istiusmodi probra,

## C A P. XX.

### DE SCHEMATIBUS,

Quibus res exaggeratur.

§. 1.

**H**ACTENUS de schematibus, quæ æquè dicunt, & in re esse sequuntur schemata, quæ plus, aut minus dicunt. Ut sunt Αὐξήσις, & Ταπεινώσις.

§. 2. Αὐξήσις est, cum utimur verbo excedente rei magnitudinem.

Ut si scelus dicas, pro errato; crudelem, pro severo; aut vulnerasse, qui leviter perstrinxit.

§. 3. Convenit accusanti.

§. 4. Contra Ταπεινώσις sive Μείωσις est, cum verbo humiliore, quam pro re, utimur.

Ut si erratum ponas, pro scelere; severum, pro crudeli; aut perstrinxisse dicas, qui vulneravit.

§. 5. Convenit refellenti.

§. 6. Ταπεινώσις genus est Απότης, quæ negatione contrarii plus significat, quam dicit.

E.g. Nam hoc jure meo, auditores, dico, me labore, & industria curasse semper sedulo, ne studium eloquentiæ in postremis tenerem. Nam si quis hic diceret ut studium eloquentiæ præ cæteris optime tenerem, vel, ut alios eloquentia superarem; tametsi verum diceret, tamen arrogans videretur.

Diximus hoc de schemate quoque in Tropologia, quatenus Συμπεδοχὴ species est.

§. 7. Huc etiam referri potest Περὶ λέψις, sive Περι-

teritio. Fit ea, cum præterire nos aliquid velle dicimus, atque interim in transcurso id dicimus.

Cic. pro Cluente. Mittam illam primam libidinis injuriam: mitto nefarias generi nuptias: mitto cupiditate matris expulsam matrimonio filiam. Simile est hoc **En. X.**

Quid repetam ex istis Erycinæ in litore classes?

Quid tempestatum revem, ventosque furentes,  
Æolia excitos, aut ætiam nubibus irim?

§. 8. Convenit laudanti, ac reprehendenti: item confirmanti, ac refellenti.

§. 9. Etiam ad exaggerandum; vel imminuendum, valent incrementum; & Periphrasis. Sed ut sæpe est quod plus, aut minus dicant; ita interdum æque dicunt, ac in re est.

Unde liquet, quatenus ad superiorem, quatenus item ad hunc schematum ordinem pertineant.

Incipientium est, cum velut gradibus quibusdam perveniatur ad summum.

Cic. VII. in Verrem. Factus est vincere civem Romanum, scelus verberare, prope parricidium necare.

Miser homo est, qui ipse sibi, quod edit, querit,  
& id ægè invenit:

Sed ille est miser, qui ægè querit, & nihil invenit.

Ille miserrimus, qui cum esse cupit, quod edit, non habet.

§. 11. Periphrasis est, quæ rem unam multis ambimur verbis. Hæc interdum additur, ut rem magis conspicuam reddat, interdum, ut obumbrat.

Prioris generis est, cum Homerus initio operis Ulyssæm, Maro Æneam, circumloqui maluit; quàm nominare. Posterioris generis est, cum Cicero in Miloniana, quia gravius erat dicere, Clodium à Milonis servis occisum, maluit illud hoc pacto mollire: In quos incensos ira, vitamque domini desperantes, cum incidisset, hæsit in pœnis, quas ab eo servi fideles pro domini vita expetiverunt. Item, ex quibus, qui ab infidelibus in dominum erant, & præsentibus fuerunt, par-

tim occisi sunt, partim cum ad rhedam pugnari viderent, & domino succurrere prohiberentur, Milonemque occisum etiam ex ipso Clodio audirent, & ita esse putarent; fecerunt id servi Milonis (dicam enim, non derivandi criminis causa, sed ut factum est) neque imperante, neque sciente, neque præsente Domino, quod suos quisque servos in tali re facere voluisset.

§. 12. *Ad posterius hoc genus referendum, cum periphrasi cogimur uti honestatis causa.*

Istiusmodi sunt isthæc. Plautus *Curcul.* (a) *Me diare, quò saturi solent.* Varro: (b) *Retrimenta cibi qua exirent, per possicum vallem feci.* Signat quæ Græcis *περιττωματα* appellantur. Similiter ea Ciceroni sunt reliquæ cibi. Etiam urina Lucretio lib. IV. vocatur *saccatus corporis humor*; Senecæ (c) *humor obscenus.* & alibi: (d) *aqua imunda.* Imò olim etiam ominosum credebatur *lotium* nominare. Sanè Plinius (e) inter mortis præfagia reponit *præfandi humoris e corpore efflurium*: hoc est, lotii, quod honoris præfatione nominari debet.

## C A P. XXI.

### DE FIGURIS PERTINENTIBUS

*Ad argumenta Pertinentes.*

#### §. 1.

**V**IDIMUS de schematibus explicationis, probationis, & amplificationis. Nunc agamus de iis, quæ ad argumenta pertinent rudimenta.

§. 2. Sunt hæc duplicia: Alia generatim ad affectus pertinent; alia certam continent affectus speciem.

§. 3. Priora illa, vel absoluta sunt, vel relativa. Absoluta

(a) *Act. 2. sc. 3.* (b) *Apud Nonium in Poetica.*

(c) *Lib. 2. de Ira c. 3.* (d) *Lib. 2. de tranquillitate.* 18.

(e) *Lib. 7. cap. 15.*

*soluta sunt*; *Ἐκφώνησις*, sive exclamatio. *ἄπορία*, sive Dubitatio, Revocatio sui ipsius, & alieni sermonis commemoratio.

§. 4. *Ἐκφώνησις* sive exclamatio fit, quando oratio interjectionem habens expressam, aut intellectam, animi affectum, ac rei magnitudinem significat, eaque voce intentiori pronuntiatur.

Ut orat. 1. in Catil. *O tempora! O mores!* Et ad Att. (a) *O suaves epistolas tuas, uno tempore mihi datas duas!* quibus Evangelia quæ reddam, nescio, deberi quidem plane fatear.

Virgil. 2. *Æneid.* *Heu quæ nunc tellus, inquit, quæ me æquora possunt.*

Accipere? aut quid jam misero mihi denique restat?  
At intelligitur interjectio in illo ejusdem Ecl. 1.

Fortunate senex, ergo tua rura manebunt.

§. 5. Utendum Exclamatione, ubi res magnas persuaferis. Quare in epilogis maximè locum habet. At in minutis, aut controversis, velle cauti, frigidum fit, ac puerile.

§. 6. *Ἀπορία* sive Dubitatio fit, cum animus pendet, ac nescit, quid dicendum, agendumve sit. Unde & duplicem esse cognoscitur: unam verborum, alteram rerum.

Verborum dubitatio est illa apud Cornificium: Tu istud ausus es dicere, homo omnium mortalium? quæro, quonam te digno moribus tuis appellem nomine.

Cicero pro Quintio: quid si vadimonium omnino tibi cum P. Quintio nullum fuit, quo te nomine appellemus? improbum? at, etiamsi desertum vadimonium esset, tamen in ista postulatione, & proscriptione bonorum, improbissimus reperiebare, num malitiosum negas, fraudulentum? jam id quidem arrogas tibi, & præclarum putas, audacem? cupidum? perfidiosum? vulgaria, & obsoleta sunt: res autem nova, & inaudita.

In

In Verr. 6. Venio nunc ad istius, quemadmodum ipse appellat, studium; ut amici ejus, morbum & insaniam; ut Siculi, latrocinium; ego quo nomine appellem, nescio.

Rei verò dubitatio est in illo Cicer pro Cluentio: E. quidem, quod ad me attinet, quod me vertam, nescio. Negem fuisse illam infamiam judicii corrupti? negem illam rem agitatam in concionibus? jactatam in judiciis? commemoratam in senatu! Et quæ sequuntur. Item pro lege Manilia: Quo mihi etiam indignius videtur, obtestatum esse adhuc, Gabinio dicam, an Pompejo? an utrique? id quod est verius: ne legaretur A. Gabinus Cn. Pompejo expetenti, ac postulanti. Virgil. 3. Eneid. Eloquar? an sileam?

Et IV. Æneid.

*En quid agam? rursusne procos irrisa priores  
Experiar? Nomadumque petam connubia supplex?  
Quos ego jam toties sum dedignata maritos?  
Iliacas igitur classes, atque ultima Teucrum  
Jussa sequar?*

§. 7. Habet hoc schema magnam vim, ad rem amplificationem, & attentionem reddendum auditorem. Convenit laudanti, reprehendenti, dolenti, ac timenti quoque, idque in primis in exordiis, non orationum modò, sed etiam epistolarum.

§. 8. Revocatio sui ipsius est duplex, & expositiva, & A. & B. & C. & D. & E. & F. & G. & H. & I. & J. & K. & L. & M. & N. & O. & P. & Q. & R. & S. & T. & U. & V. & W. & X. & Y. & Z.

§. 9. Expositiva sive Correctio est, quæ tollit id, quod dictum est, & pro eo, quod magis idoneum videtur, reponit. Cic. pro Mil. Quæ ille leges, si modò leges nominandæ sunt, ac non facies urbis, & pestes Reip. Terenti. Heautont. (a)

— Filium unicum adolescentulum habeo, ab, quid dixi habere me? imò habui, & Chreme.

Nunc habeam, nec ne, incertum est.

§. 10.



§. 10. Magna ejus vis est in serils, & jolis, in au-  
gendo, & imminuendo. Neque satius fuisset primò rem  
propriè designare, quia futurum erat hoc pacto, ut hi-  
nus haberetur ratio.

Qua de re plenius Cornificius lib. 4.

§. 11. Auctoritas est, cum ita abruptus oratio, ut  
vix appareat, quid dicturus quis fuerit.

Ut illud Ciceronis (a) in Miloniana, non quò ex-  
stat, sed quam habuit. De nostrum enim onitum, Non  
audéo totum dicere.

§. 12. Conventio irato, & minanti, quo minus inusita-  
terent. Andr. (b)

— Quem quidem ego si sensero.

Sed quid opus est verbis?

Et Eun. (c)

— Ego te, furcifer,

si vivo. Sed istud, quicquid est, primum expedi.

Cic. Epist. ultima lib. 9. ad Att. Sed erit summissi-  
mus Servius, qui filium misit ad affligendum Gn. Pom-  
pejum, aut certe capiendum cum Pontio Tuthiaco, etsi  
hic quidem timoris causa, ille verò, sed stomacharide-  
sinamus.

§. 13. Etiam in dolore locum habet.

Cicero Epist. 22. lib. 7. ad Att. De Pompeio scio ni-  
hil; enimque nisi in navim se contulerit & conceptum iri  
puto. O celeritatem incredibilem! hujus autem nostri.  
Sed non possum sine dolore accusare eum, de quo an-  
gor, & crucior.

§. 14. Item utimur ob pudorem.

Ut in Ecl. Novimus & quid.

§. 15. Item propter dorem.

Hac de causa Philippi verba à Demosthene Philipp.  
1. intermitteri monet Ulpianus. Cicer. ad Castrum Bru-  
tus Mintinæ vix jam sustinebar: qui si conservatus, erit,  
vicinus: sin, (quod Divi omen avertant) omnes, om-  
nium concursus est ad vos.

§. 16.

(a) Apud Fabium. (b) Aët. 1. Sc. 1.

(c) Aët. 5. Sc. 5. (d) Malum omen.

§. 16. Item propter gravitatem. Nam quæ latent, putantur graviora.

Juvenalis Sat. 8.

Majorum primus quisquis fuit ille tuorum,  
Aut pastor fuit, aut illud, quod dicere nolo.

§. 17. Etiam ad sollicitudinem ac religionem conferre Fabius (a) monet.

Quod illustrat illo Cic. pro Milone: An hujus ille legis, quam Clodius à se inventam gloriatur, mentionem facere ausus esset, vivo Milone, ne dicam consule? de nostrum enim omnium, non audeo totum dicere.

§. 18. Apud Comicos verò etiam Ἀπορίτης est, cum sermo interpellatione alterius abrumptitur.

Ut apud Ter. And.

SIMO. Jubeo Chremetem. CHR. O! te ipsum querebam. Idem Heaut.

SYRUS. Ita res est hæc, nunc quasi cum. CLITI-

PHO. Quas, malum, ambages mihi

Narydre occipit.

§. 19. Figurata alieni sermonis commemoratio est duplex, Sermocinatio, & Prosopœja.

§. 20. Sermocinatio propriè est, cum sermo affingitur personæ, quæ præsentis sit instituti.

Cic. pro Quintio. Quid ad hæc Nævius? ridet scilicet nostram amentiam, qui in vita sua rationem summi officii desideremus, & instituta bonorum virorum requiramus. Quid mihi, inquit, cum ista summa sanctimonia, ac diligentia? viderint, inquit, ista officia viri boni: ista considerent, non quid habeam, sed quibus rebus invenerim, quærant.

Et eadem oratione; Qui inter tot annos ne appellaret quidem Quintium, cum potestas esset agendi quotidie: qui & ceteris non hoc palam dicit? Mihi si quid deberetur, peterem, atque adeo jampridem abstulissem, &c.

Idem pro S. Roscio: Cum hoc modo accusas, Erucci, nonne hoc palam dicis? Ego, quid acceperim, scio;

scio; quid dicam nescio: unum illud spectavi, &c.

§. 21. *Allis Sermocinatio etiam vocatur, cum verum sermonem recitat orator: neque id unius tantum, sed etiam, qui inter se & alterum, vel qui inter alios duos fuit.*

Sui, & Roscii sermonem refert Cicero pro Quinto: Diffidebam mehercule, C. Aquili, satis animo certo & confirmato me posse in hac causa consistere: sic cogitabam, cum contra dicturus esset Hortensius, & cum esset attentè auditurus Philippus, fore uti permultis in rebus timore prolaberer: Dicebam huic Q. Roscio, cujus soror est cum P. Quinto, cum à me peteret, & summe contenderet, ut propinquum suum defenderem: mihi perfidicile esse, contra tales oratores non modo tantam causam perorare, sed omnino verbum facere conari. Cum cupidius instaret, homini pro amicitia familiarius dixi, mihi videri ore durissimo esse, qui præsente eo gestum agere conaretur: qui verò cum ipso contenderent, eos, etiam si quid antea recti aut venusti habere visi sunt, id amittere: ne quid mihi ejusmodi accideret, cum contra talem artificem dicturus essem, me vereri. Tum mihi Roscius, & alia multa confirmandi mei causa dixit; & me hercule, si nihil diceret, tacito ipse officio, & studio, quod adhibebat erga propinquum suum, quemvis commoveret. Etenim cum artifex ejusmodi sit, ut solus dignus videatur esse, qui in scena spectetur: tum vir ejusmodi est, ut solus dignus videatur, qui ad non accedat. Veruntamen, quod si, inquit, habes ejusmodi causam, ut hoc tibi planum sit faciendum, neminem esse, qui possit biduo, aut summum triduo, septingenta millia passuum ambulare? tamenne vereris, ut possis hæc contra Hortensium contendere? minime, inquam. Sed quid ad rem? Nimirum, inquit, in eo causa consistit. Quomodo? Docet me ejusmodi rem & factum simul Sex. Nævii, quod si solum proferretur, satis esse deberet. Mox ibidem se & Nævium, colloquentes inducit. Item se, & Aquillium, orat. pro Cæcina. Festiva etiam illa collocutio pro Plan-  
cio:

tio: At ego, cum casu diebus ite in iteris faciendi causa, decedens e provincia, Puteolos forte venissem, cum plurimi, & lautissimi solent esse in his locis, concidi penè, iudices, eum ex me quidam quæsisset, quo die Roma exissem, & nunquid in ea esset novi? Cui cum respondissem, me e provincia decedere etiam me hercules, inquit, ut optinor, ex Africa. Huic ego jam stomachans fastidiosè, imò ex Sicilia, inquam. Tum quidam, quasi qui omnia sciret, quid, tu resois, inquit, hunc Syracusis Quæstorrem fuisse? Quid multa? destiti stomachari, & me unum ex iis feci, qui ad aquas venissem.

At alios duos colloquentes inducit verbis istis orat. pro Quintio: Quintius porro illum posse facere videbat, debere intelligebat; mentiri, quia causa cur mentiretur, non erat; non putabat, quasi domi nummos haberet; ita constituit Scapulis daturum. Nævium centionem facit: rogat, ut curet, quod dixissem. Tum, se vir optimus (vereor ne se derideri putet, quod iterum iam, Optimus, dico) qui hunc in summas angustias adductum putaret, ut eum suis conditionibus in ipso articulo temporis adstringeret, assem sese negat daturum, nisi prius de rebus, rationibusque societatis omnibus decidisset, & scisset sibi cum Quintio controversiæ nihil futurum. Posterius, inquit, ista videbimus: nunc hoc velim cures (si tibi videtur) quod dixisti. Negat se alia ratione facturum, quod promississet, non plus referre, quam si, cum auctionem venderet, domini iussu, quicquam promississet.

§. 22. Sermocinatio omnis hac habet, quod si apte instituat, fidem conciliat orationi. Nam alienum sensum, & quasi vocem auribus percipere videmus. Porro illud genus, quo sermonem alicui affingimus, maxime figuratum est. Nam ea dixisse aliquem dicimus, quæ fortasse cogitavisset, sed tamen palam dicere ausus non esset. At genus istoc, quod dialogum continet, (quod cum priori genere, ubi dialogismus, non dialogus est, temere confundunt) varius figuratum est, quia plurimum simplex est rei geste narratio.

§. 23. Hypocriticon est, cum aut personam mortuam,

tan-

tanquam vivam præsentemque, loquentem inducimus; aut personam facimus non personam, sive tribuendo ci sermonem, sive compellendo eam, quasi intelligat.

Prioris generis, quo mortuum loqui fingimus, est hoc apud Ciceronem orat. pro M. Cælio, ubi Appius Cæcus, quasi ab inferis excitatus, inducitur Clodium compellans: *Existat, inquit, ex hac ipsa familia aliquis, porissimum cæcus ille. Minimum enim dolore capiet, qui istam non videbit, qui profecto si existeris, sic aget, & sic loquetur: Mulier, quid tibi cum Cælio? quid cum homine adolescentulo? quid cum alieno? cur aut tam familiaris huic fuisti, ut aurum commedares: eut tam inimica, ut venenum timeres?* &c.

Posterioris generis est, cum Catilinaria prima patriam inducit loquentem cum Catilina: *Quæ, inquit, tecum Catilina sic agit, & quodammodo tacita loquitur. Nullum jam tot annos facinus exitit, nisi per te: nullum flagitium sine te: tibi uni multorum civium necesse, tibi vexatio direptioque sociorum impunita fuit, ac libera; tu non solum ad negligendas leges, & quæstiones verum etiam ad evertendas perfringendasque valuisti.* &c. Huc quoque refer, cum alloquimur res ratione destitutas, quasi intelligant. Ut in illo veteris poetæ apud Tullium: (a) *O domus antiqua, heu quàm dispari dominaris domino!* Ut vulgatam nunc lectionem ejus retineam loci, de quo tantopere disputant viri docti. Ejusdem est generis, cum prophetæ in sacris literis compellant cælum, maria, montes, similiaque.

§. 24. Conducit hoc schæmata tum ad fidem, tum ad motum. Ac in primis in nominatione, objurigatione, querimonia ac miseratione habet locum.

§. 25. Et hæc de schæmatibus ædificationis absolutis: sequuntur magis ad aliud relata. Sunt hujusmodi, Interrogatio, & Apostrophe.

§. 26. Interrogatio figura est, quando, ubi recte ratione uti poteramus, sermonem inflectimus.

E. G.

E. G. Dicere poterat Cicero: *Patent, Catilina, tua consilia; conjuratio tua omnium conscientia constricta tenetur; quid egeris, nemo ignorat.* Sed magis instat, urgetque cum ait: *Patere tua consilia non sentis? constricta iam omnium horum conscientia teneri conjurationem proxi- non vides? quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris?* Similiter dicere poterat Maro: (a)

*Ipse egote vidi Damonis, pessime, caprum*

*Excipere insidiis, multum latrantel yscfa.*

Sed plus spiritus, nervorumque habet:

*Non ego te vidi Damonis, pessime, caprum*

*Excipere insidiis?*

§. 27. Est hujus schematis usus multo maximus. Nam utimur eo ad magis asseverandum, aut urgendum; ad indignationem, admirationem, aliosve affectus exprimendos: idque in primis in rebus vel manifestis, vel jam demonstratis. Plurimum quoque valet ad probandum, quia verisimile non est, interrogatum fuisse oratorem, nisi putasset, adversarium nihil habiturum, quod respondeat. Prodest etiam ad parandam attentionem, quia aculei instar languentem excitat auditorem: ac denique valet ad varietatem orationi afferendam, dum, quod antea recte dictum erat oratione, id postea profertur inflexa.

§. 28. Quod si interrogationi subicitur responsio, Subjectio vocatur.

De qua diximus cap. 14.

§. 29. Apostrophe est cum sermonem aliò avertimus, quam instituta requirat oratio. Utimur ea ad urgendum adversarium.

Ut illa Ciceronis tertia in Verrem. (b) Nemo jam, Dolabella, neque tui, neque tuorum liberorum, quos tu miseros in egestate, atque in solitudine reliquisti, misereri potest. Verresne tibi tanti fuit, ut ejus libi-

libidinem, hominum innocentium sanguine sui velles?  
 iccircone exercitum, atque hostem relinquebas, ut tua  
 vi, & crudelitate, istius hominis improbiissimi pericu-  
 la sublevares?

§. 30. *Usurpamus quoque ad invocandum.*

Idem Cic. prima in Catil. Tum tu, Jupiter, qui sis-  
 dem, quibus hæc Urbs, auspiciis à Romulo es con-  
 stitutus, quem Statorem hujus urbis, atque imperii ve-  
 re nominamus; hunc, & hujus socios, à tuis aris, cæ-  
 terisque templis, à tectis urbis, ac mœnibus, à vita  
 fortunisque omnium civium arcebis; & omnes inimi-  
 cos bonorum, hostes patriæ, latrones Italiæ scelerum  
 fœdere inter se ac nefaria societate conjunctos, æternis  
 suppliciis vivos mortuosque mactabis.

§. 31. *Nec tantum ad personas fit, sed etiam res inanimas.*

Ut pro Milone: Vos enim jam, Albani tumultus atque  
 luci, vos, inquam, imploro atque obtestor, vosque Al-  
 banorum obvia aræ, sacrorum populi Romani sociæ, &  
 æquales, &c. Virgil. 3. *Æneid.*

— *Quid non mortalia pectora cogis,  
 Auris sacra fames!*

Et 2. *Æneid.*

O patria, o divum domus Ilium, & inclita bello  
 Mœnia Dardanidum!

§. 32. *Convenit hoc schema cum reprehendenti ac refel-  
 lenti: tum etiam dolenti; in primis, si ad personas ab-  
 sentes, aut res inanimas, convertatur oratio.*

§. 33. *Tantum de figuris generalibus affectuum: sunt  
 verò, quæ & specialem ornent affectum: cumque vel gra-  
 tum, vel ingratum, vel medium.*

§. 34. *Gratum ornat. Placuisse quos, ac letanti convenit.  
 Ut, (a) Vivamus, mea Lesbia, atque amemus.*

§. 35. *Ingratum ornant ea, quibus illusio, atque obre-  
 fatio inest: ut Σαρπαστος, Διαιτυπος, Χαρίστιος, aliæ-  
 que species irrisivæ: de quibus dictum, cum ea explica-  
 remus, quæ falso inter tropos retulerunt.*

*Rhetorica Vossii.*

T

§. 38.

(a) Catul. Epigr. 5

§. 36. *Ac pertinent hic quoque A<sup>a</sup>, sive execratio. Est ea hominis valde irati.*

Ut, (a) *Di isti Sagulio malè faciant.*

§. 37. *Ad medium affectum pertinent Δις, sive obsecratio.*

Ut, (b) *Quod te per superos, &c.*

§. 38. *Convenit dolenti, commendanti, hortanti, at timenti etiam, quatenus opem implorat.*

§. 39. *Etiam admiratio.*

Ut, (c) *O clementiam admirabilem, atque omni laude, prædicatione, literis monumentisque decorandam!*

§. 40. *Convenit laudanti, reprehendenti, irridenti.*

§. 41. *Item Εὐχῇ, sive vœtum.*

Ut, (d) *O utinam tunc, cum Lacedæmona classe pretebat.*

*Obrutus insanis esset adulter aquis.*

§. 42. *Convenit dolenti, timenti, speranti.*

## C A P. XXI.

### DE TRANSITIONE, REJECTIONE, Et Digressione.

#### §. I.

**E**NUMERAVIMUS figuras potissimas ad ordinandam inventionem pertinentes: supersunt ea, quæ dispositionem exornant. Hujusmodi sunt Transitiō, Rejectiō, & Revocatio.

§. 2. *Transitiō est, cum inseritur aliquid orationi, ut ab eo, quod diximus, commodè digrediamur ad id, quod superest.*

§. 3. *Est hæc vel perfecta, vel imperfecta.*

§. 4. *Perfecta dicit, quæ de re actum sit, & quid sequatur. Imperfecta alterum tantum facit.*

*Itaque perfecta est, cum Cic. Philipp. VII. ait: Satis*

(a) Cic. Epist. ad D. Brutum lib. 11. (b) Virgil. l. 2.

(c) Cicero pro Ligaro. (d) Vid. Epist. 1.



his multa de turpitudine : dicam deinceps ; quod proposui , de periculo &c. Item pro lege Manil. Quoniam de genere belli dixi , nunc de magnitudine pauca dicam .

Virgil. 2. Georg.

*Hactenus arborum cultus , & sidera cæli :*

*Nunc te , Bacche , canam :*

Imperfecta est in illo Cic. pro Rosc. Amerino : Age , nunc illa videamus , Judices ; quæ consecuta sunt . Et hoc Sallust. in Jugurth. De Africa , & ejus incolis , ad necessitudinem rei ; satis dictum .

§. 5. Utimur Transitione , cum oratio , aut epistola , plura habet capita : nec tantum orationi perspicuitatem adfert ; quod Hermogenes observat ; sed etiam utilis est ad parandam attentionem .

§. 6. Ἀποδιῶξις , ( a ) sive Rejection est , cum aliquid vel simpliciter ab oratione remouetur : vel in alium locum ac tempus rejicitur .

§. 7. Ac prius quidem genus convenit in primis refellenti : maximeque locum habet , siquid videatur vel leve , ac nugatorium ; vel per se planum , apertumque ; vel odiosum quodque in suspicionem relinquit , quam aperte dici , satius sit ; vel denique alienum , ac minimè pertinens ad præsens institutum . Alterum genus , quò quid in commodiorem locum reservatur , ad εὐταξίαν pertinet , orationemque perspicuam facit . Utrumque autem genus præstat ; nè quid utile , aut necessarium , omisisse videamus .

Prioris generis est illud Tullii pro S. Roscio : Erucii criminatio tota , ut arbitror , dissoluta est : nisi fortè expectatis , ut illa diluam , quæ de peculatu ; ac de ejusdem rebus commentitiis , inaudita nobis ante hoc tempus , ac nova obierit : quæ mihi isle visus est ex alia oratione declamare ; quam in alium reum commentaretur : ita neque ac crimen parricidii ; neque ad eum ; qui causam dicit ; pertinebant : Et eadem orat. Per multa sunt ; quæ dici possunt , quare intelligatur summam tibi facultatem fuisse maleficii suscipiendi : quæ non modò iccirco præte-

T 2

teo ,

(a) Male in vulgatis Julii Rufiniani codicibus vocatur Apodixis.

700, quod te ipse non libenter accuso, verum eo magis etiam, quod si de illis cædibus velim commemorare, quæ tum factæ sunt ista eadem ratione, qua S. Roscius occisus est, vereor ne ad plures oratio mea pertinere videatur. Idem pro Posthumio: Quid ego Senatui defendam hoc loco, iudices: omne quidem loco debeo, ita de me meritus est ille ordo. Sed id nec agitur hoc tempore: nec cum Posthumi causa res ista conjuncta est.

Alterius generis est etiam ista pro Plancio: Quam quidem tu loco, Cassi, etiam purgasti inimicos meos, meræque vitæ nullas ab illis infidias fuisse dixisti: posuit hoc idem Laterensis. quamobrem de isto paullo post plura dicam de te tantum requiro. Et item pro lege Manilia: Sed de Luculio dicam alio loco, & ita dicam, Quirites, neque vera laus ei detracta oratione nostra, neque falsa afficta esse videatur.

§. 8. Revocatio est, cum, quia longiores aliqua in re fuerimus, orationem ad principium revocamus.

E. G. Sed nimis hac de re multa: quare ingrum contraham orationem.

§. 9. Digressio quoque, etsi ad amplificandum ferè adhibetur; tamen ratione situs, hoc est quatenus excurrit extra ordinem primariarum orationis partium, pertinet ad dispositionem.

§. 10. Et hæc de schematibus, cum dixeris, tum divicias quæ, ut maximum orationi ornamentum adferunt, si parè, & prudenter adhibeantur: ita immodicè usurpata efficiunt, ut nimia illa leuocinia orationem magis meretrici similem reddant, quam matronæ.

Finis Libri Quarti.

GERARDI JOANNIS VOSSII

## PARTITIONUM

ORATORIARUM

LIBER QUINTUS.

## CAP. I.

## DE PRIMA, ALTERAQUE

Compositionis Parte, quæ sunt

Junctura, &amp; Ordo,

§. 1.

**N**UNC de Compositione dicamus, quæ ex idoneis  
verborum sententiarumque structura ornatum ad-  
fert orationi.

Tres siquidem feceramus (a) Elocutionis par-  
tes, Elegantiam, Dignitatem & Compositionem: qua-  
rum prima facit, ut emendatè & dilucidè dicamus: al-  
tera, ut ornatè utamur verbis sententiisque: tertia, de  
qua deinceps agendum, ut ordine singula collocentur.

§. 2. Compositioni subjiciuntur quatuor, Junctura,  
Ordo, Periodus, & Numerus.

§. 3. Junctura præstat, ut oratio sit lentis, & mollis;  
aut sonora, ac grandis; aut, si rei, de qua agitur, na-  
tura ita ferat, contrario modo sit affecta.

§. 4. Mollia suavitatem pariunt; eoque locus is est in  
rebus lætis, & jucundis: sonora grandiaque gignunt am-  
plitudinem, contra quam faciunt exilia, quæ iccirco in

T 3

re

(a) Lib. 1. cap. 6. §. 6. & cap. 3. §. 1.

re tenui locum habent. Dura asperaue conveniunt rebus duris, & asperis.

Sonantia in Pompejo Saturnino commendat Pilinius, (a) Ejusmodi est majestas. Exile est, inimicitie, Molle & lenē, liliū. Durum atque asperum Xerxes.

§. 5. Omne hoc metimur auribus; quarum judicium superbissimum est. Duo verò sunt, circa quæ judicium hoc versatur; sonus literarum, & syllabarum multitudo.

§. 6. Literarum sonus duobus æstimatur, natura earum in se, & earundem concursu.

§. 7. De priori sic statuimus. E vocalibus maximè sonat A, proximè Q, hinc E, postremum locum obtinet I.

§. 8. E consonis minus sonant mutæ: atque ex his ipsis minimè tenues, nisi accessione spiritus sive literæ H, tenuium exuerint naturam.

§. 9. E semivocalibus L. molle est, M. firmum, N. siccum, & rinniē, R. asperum, S. tumidum, X. stridulum, Z. suavius.

§. 10. In concursu literarum ista Fabius observat. Vitandus vocalium concursus, qui cum accedit, hiat, & interstitit, & quasi laborat oratio. Pessimè autem juncturæ; quæ easdem inter se literas committunt, sonabunt: Et in primis earum, quæ patulo, aut cavo ore, efferuntur, ut A. & O. In epistolis tamen, ut in doctrina de characterē dicemus, locum habet vocalium concursus, quia in his negligentia est pro cultu: item in sublimi stylo, quia eares facit ad granditatem orationis. Imò aliàs quoque angustī atque humilis animi est, nimis cum perhorrescere, cum indicet negligentiam hominis, de re potius quam verbis, laborantis.

§. 11. Adhæc nec conjungendæ sunt consonæ, quæ in commissurâ rixantur.

Argumento est; quod veteres, iugurias causa sæpe in

in compositione literas alias pro aliis substituerunt . Quia B, durè sonat ante F. itemque N, ante L, ideo aufero dixere : pro *abfera*, & colloco, pro *conloco* ; eadem in aliis ratio .

Nec difficile est causam reddere , cur alia aliis durius , molliusve ad aures accidant . Nam necesse est , durum gigni sonum concurrentibus literis , quæ habitu oris contrario proferuntur . Atqui B. P. M. & his similes , os claudunt : contra N. & K. aperiunt . Hanc contrarietatem Græci *Ἀντιποικίαν* appellant , quasi *rententiam* dicas . Ut in *carpa* , *ἐμάρτεν* . Nec *ἀντιποικία* ista tantum spectatur in diversi organi literis , ut si una palati, altera labialis sit ; sed etiam si una lenius , quam altera , spiritum pellat . Hujusmodi sunt B. & P. item C. & G. item D. & T. Unde iis concurrentibus , altera solet corrumpi , ne os molestè torqueatur : Estque hæc causa , cur non , ut *ab rege* , ita *ab Pamphilo* dicamus .

§. 12. Præterea videndum , ne ultima syllaba præcedentis dictionis sit prima sequentis . Interdum tamen id elegantia est .

Ut illa Maronis . *Fama malum* : Item apud Cicer. Phil. 1. *Quæ quæstia* . Item cum idem ait , *Res mihi invisæ visæ sunt* , Brute : & ille ejusdem , *O fortunatam natam me Consule Romam* ! Quæ duo cum Fabius ( a ) Cicer. excidisse scribit , planè judicium ejus desidero .

§. 13. Dispiciendum etiam , ne commissis inter se verbis duobus , ultima prioris , & prima posterioris syllaba , efficiant turpe aliquod nomen .

Id in causa fuit , cur veteres ( b ) nobiscum potius dixerint , quam circa *ἀνεσπέρην* . Vocant Græci *ἀνεσπερην* . Quale Servius etiam esse putat in his Maronis *Dorica castra* : & , *cæca caligine* . Nam ex syllabis concurrentibus nascitur vox *caca* . Quod tamen non refugit , vel saltem nec effugit Livius lib. XXIV. quo loco agit de Cn. Scipionis femore tragula confixo : *Haud dubium fuit , quin nisi ea mora intervenisset , castra eo die Punica capi potuerint* .

T 4

§. 14.

( a ) Lib. 9. cap. de compositione . ( b ) Cic. in Orat.

§. 14. Atque hæc de literarum potestate, quatenus vā-  
rium gloriū solum. Alterum erat syllabarum multitudo:  
de qua hoc solum præcipi opus est, vocabula mediocria  
preferri monosyllabis, & longis. Nam monosyllaba, mul-  
taque breviter, si continues, compositio clausulis suis con-  
cisa subsultabit. Et contra longiorum continuatio adfert  
quandam dicendi tarditatem.

Utile etiam monitum illud Dionysii Halicarnassensis  
Δὲ τοῦ μὴ γινώσκειν βραχέστερον μὴ ἀπὸ τοῦ πολυτάλλακτον, καὶ πλεονεκ-  
τεῖν, οὐδὲ γινώσκειν πολυτάκτον, γὰρ ἡ δέος ἐστὶν ἐπὶ τῷ λόγῳ. (a)

§. 15. ORDO sequitur: de qua (ut Fabii vestigiis in-  
festamus) illud primum cavendum, ut amplificando non de-  
crescat oratio, & fortiori subiungatur aliquid infirmius.

Ut, sacrilego fur, latroni petulans.

§. 16. In extendendo vero contrariis ordo locum habet.

§. 17. Præcedere etiam debet, quod natura vel digni-  
tate præstantius est.

Eoque viros, ac fœminas; diem, ac noctem; tor-  
tum, & occasum; potius dicemus, quàm rectorum  
Cicero tamen non refugit: noctes, diesque.

§. 18. Collocanda quoque ea priori loco, quæ ordine  
permutato sunt supervacua.

Quod utilissimum præceptum parùm idoneo exemplo  
à Fabio illustratur. Nam fratres gemini dicere jubet,  
quia, ut inquit, si præcesserunt gemini fratres, addere  
non est necesse. At gemini quoque esse possunt, qui  
fratres non sunt: eoque Cicero etiam, & Livius, ali-  
ter locuti.

§. 19. Adhæc verbo sensum claudere multo, si compo-  
sio sic patiatur, optimum est. In verbis enim sermonis vis  
inest. Sed id si asperum erit, cedat ratio numeris.

Plurimos alii canones ad jiciunt, non quidem asper-  
nandos pueritiæ, at non magnæ tamen rei. E paucis  
illis, quos adferam, cæterorum erit judicatio.

I. Ele-

(a) Convenit brevibus miscere longa, & plurium syllabarum:  
illis vero multisyllabis ea, quæ paucas habent syllabas. Hoc  
quippe suavitèr afficit auditum.

I. Eleganter aliquid interjicitur inter substantivum , & adjectivum ; ut longa illa ad Lentulum epistola : *Aut occultata nonnullorum odia , aut obscura in me studia cernebam* .

II. Adjectivum elegantius tum sublativo postponi solet , quando vel comparativus , aut superlativus ei , vel pronomen ; sub quo comprehendendo distributiva , partitiva , & numeralia .

E. G. *Virtute maxima , anteus quilibet , annus sextus* .

III. Si eleganter secundo loco ponitur : ut , *Id si feceris* .

IV. Quam venustius ponitur inter nomina inum locum obtinente Comparativo . E. G. *Boni , quam docti , gratiores esse debent . Ejus nomen , quam Solonis , illustrius* .

V. Negantia scite ponuntur loco extremo . Ita Cicero Philipp. II. *Qui honor post conditam hanc urbem habitus est togato ante me nemini* . Item Cæsar claudit his verbis librum secundum de bello Gallico : *Ob easque res , ex literis Cæsaris ; dies XV. supplicatio decreta est , quod ante id tempus acciderat nullis* . Paulò ante dixerat idem : *Cum jam defenderet nemo* .

Quem hujusmodi præceptiunculæ delectant , haurire eas poterit e Jacobi Publicii institutionibus , & Francisci Sylvii progymnasmatibus . Quædam etiam de iis melioris notæ rhetor , Nicolaus Caussin , in suis eloquentiæ parallelis lib. VII. cap. XV. Nos ad graviora properamus . Ad Periodum dico , & Numerum : quorum doctrina mirificam orationi venustatem adfert , eoque in hoc purgatis planè acribus opus est .

## C A P. II.

### DE INCISIS , MEMBRIS , PERIODIS .

#### §. I.

**A**CCEDAMUS nunc ad doctrinam de periodo . A cujus partibus ordiemur . Periodi alie partes

maiores, quæ Græcè *μέμνηται*, Latinis membra dicuntur; aliæ minores, quæ Græcis *κόμματα*, Latinis vocantur incisa.

§. 2. De Commatis, colt, & periodi definitione, non convenit Grammaticis, ac Rhetoribus: quia illi sensu orationis, hi magnitudine, aut numero, ea metiuntur. Itaque Grammaticis periodus est oratio per se absolvens sententiā, colon est pars Periodi, quæ extra periodum sententiā absolvere possit; comma est pars periodi, quæ extra periodum sententiā absolvere non possit. At Rhetores sæpe vocant aliquid comma, aut colon, quod propriè non est pars periodi: ut cū eum dicunt incisim aut membratim dicere, qui paucis verbis perficiat sententiā.

Rhetoribus enim comma est, Ne quid nimis. Colon est, Etiam capillus unus habet umbram suam. Grammaticis autem utrumque sit periodus, quia per se sententiā compleat, ac proinde post se exigit *τελευτή σιγμή*.

§. 3. Differunt comma & colon numero, ut Fabius docet. Nam incisum vult esse sensum non expleto numero conclusum: membrum autem definit, sensum numeris conclusum, sed à corpore abruptum, & per se nihil efficientem.

Itaque perfectum comma est hoc pro Ligario: Tullis arma contra te. Ubi syllabæ septem. At minora commata sunt ista pro eodem: Quæ tua mens? oculi? manus? ardor animi? quid cupiebas? quid optabas? Ubi comma duarum syllabarum est, manus: trium; oculi: quatuor; quæ tua mens? Item, quid optabas? quinque; ardor animi: nec non, quid cupiebas?

§. 4. Alii magnitudine potius distinguunt. Comma enim à duabus syllabis extendi ajunt usque ad septem: si ultra progrediatur, dici colon.

§. 5. Est autem comma, vel extra periodum, quod perfectam sententiā absolvere potest; vel periodi pars, eoque nihil absoluti significans.

§. 6. Incisa extra periodum frequentamus in oratione concitata, ac vehementi, quæque interrogationibus, ac responsionibus constat. Incisim quoque efferrī amant *ῥήματα* & apophthegmata.



§. 7. Ut autem comma, ita & colon, vel est pars periodi, vel non est. Extra periodum perficit sententiam re ipsa. In periodo non re ipsa, sed potestate, quia demum avulsam à periodo complet sententiam.

E. G. Cum regium sit benefacere, & audire malè; minimè sinistrum hoc iudicium turbare quemquam nostrum debet. Hæc periodus constat duobus colis. Utraque in periodo ponitur, suspendit animum. At potest tamen utraque complere sententiam. Nam perfecta sententia est: Regium est benefacere, & audire malè. Perfectus quoque sensus est: Iudicium hoc sinistrum quemquam nostrum turbare non debet.

§. 8. Colon vel est simplex, quod non resolvitur in incisa; vel compositum, quod ex incisiss componitur.

Simplex est: Cur clandestinis consiliis nos oppugnas?

Compositum: Obsequium amicos, veritas odium parit.

§. 9. Præterea cola sunt κομματα, sive brevvia, quæ intra septimam, ac duodecimam se continent syllabam: alia μέτρια, sive mediocria, quæ intra duodecimam, & decimam septimam, aut octavam: alia τεχνοτεν, sive oblonga, quæ hunc numerum excedunt: qualia & viginti quatuor syllabarum, atque ampliùs esse possunt.

§. 10. Cola κομματα locum habent in causis minoribus, & ubicunque acriter erit pugnaciterque dicendum. Item in narrationibus exceptis iis, quæ ornandi causa instituntur. Hæc enim lenis, & fluens contextus dicit.

Talis est narratio in Verrinis de raptu Proserpinæ.

§. 11. At cola mediocria, & oblonga, usurpanda in panegyricis, & causis gravibus, & in primis earum exordiis.

Ut liquet ex Ciceronis Miloniana, & Isocratis Panathenæico.

§. 12. De commate, & colo diximus, tum quâ periodi partes, tum quâ absolutè spectantur. Nunc videamus de periodo: quæ Latinis dicitur comprehensio, circumscriptio, continuatio, circuitus, verborum orbis, & ambitus.

Græcum nomen est περι, (a) & ὁδός (b) ac vocatur

(a) Circum, (b) Via,

tur ita, quia quasi in orbe quodam inclusa procurrat oratio.

§. 13. Ut verò intelligatur, quid orbem appellem; non ignorandum, duo esse orationis genera, unum naturale, alterum artificiosum.

§. 14. Naturale nunc incisim, nunc membratim, nunc utroque modo procurrit; nec orationi tribuit modum; sed eam ferri permittit, usque dum sola sensus necessitate terminetur. Idcirco Græcis Εἰρημνία, b. e. jugis ac pendens dictio vocatur.

§. 15. Artificiosum autem nec brevitate aures defraudat, nec longitudine satiat; sed modum adhibet, certisque terminis constringit orationem, ac gratia quadam harmoniæ jucunditate complet.

§. 16. Hæc si intra quatuor cola se contineat, periodus vocatur: si eam excedat, attamen in orbe conclusa procurrat, periodicum dicitur, quia periodo similis est.

§. 17. Periodus definitur ab Aristotele, dictio, quæ ex se habeat principium, & finem, & conspicuam magnitudinem.

Quæ definitio duo exigit. Unum est, ut periodus principium & finem habeat, non aliunde, quemadmodum fit in εἰρημνίᾳ sive interminata oratione, sed ex sese.

Altera conditio est, ut habeat magnitudinem, hoc est, ut facile perlustrari ac percipi possit. Cujusmodi est structura verborum circumducta, & quasi in orbem conclusa.

Est itaque hæc Aristotelez definitionis sententia: Periodus est oratio circumducta, ex sese principium ac finem habens, ac orbis magnitudinem, quæ uno intuitu facile conspiciatur, perceptaque moveat, ac delectet.

Eadem mente à quibusdam ex secundo Ciceronis de Oratore definitur in hunc modum: Oratio in quodam quasi orbe inclusa procurrens quoad insistat in singulis absolutisque sententiis. Cui definitioni consentit illa Cornificii: Continuatio (ita periodum vocat) est densa & continens frequentatio verborum cum ab-

olutione sententiarum.

Et si autem omnis verborum structura circumacta, & in orbem comprehensa, periodus vocatur, non ab Aristotele modo, sed etiam Cicerone, Cornificio, Demetrio, Fabio; Hermogenes tamen eam demum perfectam periodum esse censet, quæ vel epicheirematica est, hoc est argumentum continens; vel enthymematica, hoc est, partibus contrariis constans. Verum nequitiam in periodis necessarium est, ut argumentationem contineat; & si ea, quæ id faciat, cæteris præstet; ut quæ non solum pulchra sit, sed etiam lacertiosa. Et hæc de periodo in genere. Nunc de ejus divisione agamus.

§. 18. *Periodus vel est simplex, vel duorum, vel trium, vel quatuor membrorum.*

Græcè Ἀφελής, Δίκωλος, Τρίκωλος & Τετράκωλος.

§. 19. *Quod autem simplicem quandam esse periodum dico, id non ita intelligendum, quasi periodus, aliqua esse possit, quæ non habeat duas istas partes, quas vulgè πρότασις & ἀπόδοσις vocant; verum simplex dicitur, quia tantum est unius colli, et si hoc colon comprehendat duo commata, quorum prius πρότασις, posterius constituit ἀπόδοσις.*

E. G. Gratia tantum possumus, quantum victi. Hic & protasis, & apodosis, est comma, vel quasi comma. (a) eriodus tamen est, non colon, quia est oratio circumducta, ac κεκλήν. habet propter ἀπόδοσις.

§. 20. *Summum autem periodus est membrorum quatuor.*

Ut agnoscunt Demetrius, & Hermogenes, ac Terentianus quoque Maurus indicat, cum scribit:

*Quatuor è membris plenum formare videbit  
Rhetora circuitum, sive ambitus ille vocetur.*

§. 21. *Interdum tamen agnoscimus periodum constare è quin-*

(a) Addo quasi comma, propter eos, qui censent, comma summum esse septem syllabarum. Nempe etiam octo syllaba pro comma censentur, si commati jungantur.

è quinque membris : verum id tum fit , cum membra illa quinque breviter adeò sunt , ut non excedant quantitatem quatuor majusculorum membrorum :

Ita periodus hæc quinque constat colis : Videte igitur , quam iniqui accidat , quia res digna sit , ideò turpem existimationem sequi ; quia turpis existimatio sequitur , ideò rem indignam non judicati : Sanè & periodum plurium esse membrorum posse , quàm quatuor ; indicat quoque , quòd Cicero , cum hac de re tractat , semel iterumque eam FERÈ quatuor membrorum esse dicat . Quamquam & altera ratio est , cur ita Cicero loquatur . Nam *περίοδος* quoque , quia periodicè contextitur , sub periodo comprehendit : Apponam verba ejus in Oratore : Constat illè ambitus , & plena comprehensio è quatuor ferè partibus , & membra dicimus , ut aures impleat , & ne brevior sit , quam satis , sit , neque iongiore : quamquam utrumque nonnunquam , vel potius sæpe accidit , ut aut citius insistendum sit , aut longius procedendum , ne brevitatis defraudasse aures videatur , neve longitudo obtudisse : Et mox : E quatuor igitur , quasi hexametrorum instar versuum quod sit , constat ferè plena comprehensio : Illustre autem periodi quadrimembris exemplum habemus initio orat. pro Cæcina : Si quantum in agro , locisque desertis audacia potest , tantum in foro , atque in judiciis impudentia valeret ; non minùs in causa cederet A. Cæcina Sex . Æbuti impudentiæ , quantum in vi facienda cessit audaciæ .

§. 22. *Elegantissimæ sunt periodi , in quibus membra sunt æqualia , aut pene æqualia : Id cum fit ὁμοίως appellatur , sive Compar.*

Cic. in Manil. Extrema hyeme apparavit , ineunte vere suscepit , media æstate confecit : Idem pro Mil. Etenim hæc non scripta , sed nata lex ; quam non didicimus , accepimus , legimus , verùm ex natura ipsa arripimus , hausimus , expressimus , ad quam non docti , sed facti ; non instituti , sed imbuti sumus .

§. 23. *Ut hujusmodi sit oratio , non enumeratione confecti-*  
qui

quimur, quæ puerilis sit industria: sed usu & exercitatione, quæ faciunt, ut animi quodam sensu par membrum reddamus superiori.

§. 24. Ex illis verò periodis τεχνολογίαι, aut περὶ τεχνολογίας quarum membra imparia sunt, orationem illæ faciunt acriorem, quæ sunt βραχυλόγοι, hoc est, in quibus postremum membrum cæteris brevius est.

Ut in Miloniana: Postremò, nisi cum Dii immortales in eam mentem impulissent, ut homo effœnatus fortissimum virum conaretur occidere, hodie Remp. nullam haberemus.

§. 25. At si ornatui studeamus, præferendæ erunt, quarum membrum postremum longius est prioribus. Græci μακρολόγοι appellant.

Ut pro Marcello: Tantus enim est splendor in laude vera, tanta in magnitudine animi & consilii dignitas, ut hæc à virtute donata, cætera à fortuna commodata esse videantur.

§. 26. Quod si qua sententia longior occurrat, quàm ut ambitu venusto concludi possit, eam in plures partes secare licebit, quò singulis in orbe conclusis, plures fiant periodi.

§. 27. Periodis, Fabi teste, utimur in proœmiis gravium causarum, in locis communibus, in amplificationibus, itémque in épilogis. His addè ex Cornificio, in sententia, in contradio, itémque in explicanda conclusione.

§. 28. Non tamen diu nimis utendum est periodis; sed interserenda his commata, & cola, quo varietate hæc tollatur fastidium majorque oriatur delectatio.

De periodis hætenus.

§. 29. Quod si περὶ τεχνολογία excedatur, ac nihilominus orbe quodam conclusa feratur oratio, dicetur περιβόλη, vel περιεργασία.

Ut pro Archia: Si quid est in me ingenii, iudices, quod sentio quam sit exiguum: aut si qua exectitatio dicendi, in qua me non inficior mediocriter esse versatum: aut si hujus rei ratio aliqua, ab optimarum artium studiis & disciplina profecta, à qua ego nullum confiteor ætatis meæ tempus abhorruisse: earum rerum

firmum omnium vel in primis hic A. Licinius fructum  
à me repetere propè suo jure debet.

S. 30. *Sin vero non artificio, sed dicentis viribus terminetur*, πῶμα sive spiritus vocabitur. Est enim πῶμα compositio sententiam membris & incisís dimensam, pro oratoris spiritu, qui ejus voce perficitur, absolvens,

Sive, est oratio commatis & colis, sine verborum ambitu sententiam protrahens, quousque patitur spiritus dicentis.

S. 31. *Utumur eo in primis, cum gravia eventa narrantur.* Egregium πῶμα exemplum habemus in oratione Demosthenis pro Corona: & apud Cicero-  
nem orat. pro Domo, cum ait: Si revertar, &c.  
Et in ejusdem epilogo: Quo circate, Capitoline Jupiter, &c.

S. 32. *Quod si oratio etiam longius protrahatur, quam naturalis orationis spiritus ferat*, τῶς nomina-  
tur. Differunt enim πῶμα & τῶς, quod illud accom-  
modetur spiritui oratoris; hoc vero eum excedat, ac sit πῶμα dilatatum.

Hujusmodi τῶς habes exemplum septima Verri-  
na, cum ait: Nunc te Jupiter Opt. Max. &c. usque-  
ad, Vos etiam atque etiam, &c.

S. 33. *Est autem τῶς duplex: κατὰ κράτος sive imperus, & τῶς pressè sumpta.* Differunt hæc tum celeritate & tarditate, tum personis: Nam κατὰ κράτος celeriter procur-  
rit, & convenit accusatori; τῶς sedatior est, utitur  
que ea qui defendit.

### C A P. III.

### DE NUMERO.

#### § I.

**D**E incisís, membris, & ambitu vidimus, superest  
ut de numero dicamus. Per numerum autem hoc  
loco non intelligimus multitudinem ex unitatibus colle-  
ctam,

*Etiam, quomodo in Arithmeticis accipitur; sed numerum harmonicum, h. e. concentum nascentem ex motibus, aut temporibus aptè dispositis.*

Ita hac voce etiam usus Maro, cum ait: (a) *Numeros memini, si verba tenerem.* Item in isto, (b)

*Tum verò in numerum Faunosque ferasque videres Ludere.*

§. 2. *Non tamen hic de eo agimus numero, qui in solo consistit motu, aut sono rei inanime (qualis tripudiorum, instrumentorum musicorum, aut malleorum fabrilium) sed illo dumtaxat, qui in sermone humanoprehenditur, eoque definitur conveniens sententiæ sonus ex partium compositione nascens.*

§. 3. *Estque hic vel poeticus, vel oratorius. De poetico non est huius loci differere.*

§. 4. *Oratorius à nonnullis definitur ex Aristotele, rhythmus quidam non exquisitus, neque canorus, qualis est in poematibus & canticis, sed ita dissimulatus & latens, ut tamen sentiat, & orationem jucundo sine claudat. Vel è Cicerone hoc modo: Numerus est modus quidam orationis, qui è permixtis & confusis pedibus, & temporum, quibus constat, apta ratione nascitur.*

Exemplo definitionem hanc illustrabo. Venuustus planè numerus est in isto: *Nulla est tanta copia, quæ non ferro, ac viribus, debilitari frangique possit.* At perierit venustas, si inverso ordine dicas; *quæ non ferro, ac viribus, possit debilitari frangique.* Quare liquet, è varia pedum collatione numerum nasci, qui suaviter afficiat aures magisque animos moveat auditorum. Ideo optime ait Quintilianus: *Neque Demosthenes fulmina tantopere vibrasse dicetur, nisi numeris contorta fuissent.* Longè igitur falluntur, qui numeri sua vitate putant sermonem enervari. Nam effœminatam quidem, & enervem orationem reddit affectata compositio; cui fateor longè præferri debere eam, quæ dura & aspera est: verùm numerus moderatus revera vim atque impetum

*Rhetorica Vossii.*

V addit

(a) *Ecl. 4.* (b) *Ecl. 6.*

addit orationi; ut qui & movendo delectet, & delectando moveat, quæ duo sunt munera oratoris.

Nec est, quod dicat quisquam, olim quidem magnum fuisse numeti usum in foro; nunc verò non item, quia non agantur causæ continua oratione. Nam, ut de eo nihil dicam, quod plurimum hæc doctrina confert ad intelligendum artificium in antiquorum orationibus, cæterisque scriptis; sanè hodieque ea doctrina utilis est ecclesiasticis, ac legatis, omnibusque qui in senatu, aut ad populum orationem habent. Deinde maximos quoque hæc res fructus adfert in exarandis epistolis, orationibus, historiis, & nullo non scribendi genere.

Quæ cum ita sint, operæ pretium fecerimus, si paucis aperiamus, qui in primis pedes numerosam efficiant orationem.

§. 5. *Ac pedum quidem nullus non in orationem venit: unde Fabius mirari se ait, quod Aristoteles, Theophrastus, Dionysius Halicarnassæus, alique viri doctissimi pedum alios eligant, alios damnent. Verùm nec ipsi hæc pedes cæteros improbant, sed alios alius putant suaviore esse, aut magis sonoros; quod verissimum est. Nam tum pedum alii conveniunt principiis, alii mediis, alii clausulis, tum pedes ac numerus variant pro rei, de qua agitur, natura. De utroque deinceps agendum;*

§. 6. *Principiare & ius à longa incipere, docet Aristoteles, & Quintilianus; ideoque laudant pæona primum, qui primam stabilem tres breves habet:*

*Ut, Multa mihi necessaria.*

§. 7. *Molossus quoque principiis convenit.*

*Ut, Quæ res in civitate.*

§. 8. *Interdum quoque à brevibus incipit oratio.*

*Ut ab Anapæsto, Animadverti, judices: aut bacchio, Novum Crimen, C. Cæsar.*

§. 9. *Media, quia latent, minùs numerum requirunt. Sed tamen in iis quidam conatus; eoque, si fluere debet oratio, jambi aut trochæi in primis locum habent: si tarda esse debet, spondei.*

§. 10. *Sed in clausulis maxima opus est industria,*  
*quia*



quia in illis aures quiescunt. Optimè in hac, Cicerone teste, cadit ditrochæus.

Ut, Patris dictum sapiens temeritas filii comprobavit.

§. 11. Sed quo præclarior hic numerus, eo magis ejus satiètas vitanda est.

§. 12. Spondeo orationem crebrò claudit Demosthenes. Eum eleganter antecedit creticius.

Ut, De quo ego nihil dicam, nisi depellendi criminis causa. Atque hinc liquet molossum quoque orationis clausulæ convenire, dum ex quocunque pede habeat ante se brevem.

§. 13. At minus scilicet spondeum antecedit pyrrichius, pejus etiam pæon primus.

Ut, Brute dubitavè.

§. 14. At rectè spondeus præponitur jambo.

Ut, Iisdem in armis fui.

§. 15. Duo verò spondei non bene terminant, nisi consentiant tribus vocibus.

Ut, Cur de copiis nostris copias comparatis contra nos?

§. 16. Aristoteles commendat in fine pæona quartum, quia ob ultimam longam habet stabilem gradum. Sed dissentit ab eo Fabius, quia tres breves antecedant.

§. 17. Nec dactylum, & spondeum, Cicero aspernatur.

Ut, Ex illo fonte dolores.

§. 18. Sed Fabius male claudere ait, quia est finis hexametri.

§. 19. At tum in periodorum initis, tum mediis, tum clausulis, ornat amphibiacer.

Qui usitatius creticius dicitur, ut dignitas.

§. 20. Item dochimus, qui jambos constat & cretico.

Ut, Reipublicæ. Hinc Rufinus:

Principium, finem, ac medium tibi dochimus ornat.

§. 21. Plurimum autem, Fabii judicio, refert, num uno vocabulo, an pluribus, idem numerus contineatur. Nam illo robustior, hoc mollior fit oratio.

Mollius sanè sonat, criminis causa: validius com-

probaverunt; quod in fine durum fit. Quare ut, idem Fabius monet, hic quoque vitandum est, ne plurimum syllabarum verbis utamur in fine.

§. 22. Præterea, pro rei natura, aliis atque aliis pedibus utimur. Ubi pondus exigitur, longæ usurpandæ sunt syllabæ, quia hæc graviores reddunt orationem. Ubi velocitas requiritur, conveniunt breves, quæ eam celerem reddunt. At rebus asperis accommodatiores sunt jambi, non solum, quia duabus constant syllabis, eoque crebriorem quasi pulsus habent, quæ res lenitati contraria est: sed etiam quod omnibus partibus insurgant, & à brevibus nitantur in longas. Ideo rebus lenibus meliores sunt trochæi, quæ longis in breves cadunt.

§. 23. Nec æque numero studemus in singulis causarum generibus: Genus demonstrativum, quia ei proposita est delectatio, fusiores liberioresque habet numeros: eoquæ Ciceroni placet omnia scribi Isocrateo & Theopompeo more.

§. 24. At parcius numerum attendimus in deliberativo: idemque de iudiciali sentiendum, quia irasci aut dolere ob eum iudex non potest, quem putat vacare orationis calamistris.

§. 25. Sunt & quædam compositionis vitia. Primum est, si poetica sit. Versum enim heroicum, altumve è nobilioribus generibus in oratione fieri, foedissimum est.

§. 26. Deforme quoque est, si pars ejus posterior in clausula deprehendatur, aut prior in ingressu. Tamen ne præstantissimi quidem scriptores vitium hoc semper effugere potuerunt.

Ita Claudius Quadrigarius in XV. Annalium hunc habet phalæcium.

Grunnibat graviter pecu suillum.  
Citat Diomedes in primo.

§. 27. Alterum compositionis vitium est, si poetica quidem non sit, at uniusmodi tamen, ac continua. Nam in versificando quidem una lex datur, at in oratione similitudo tum satietatem, ac tedium parit, tum manifesta affectione fidem perdit.

§. 28. Quare dissimulatio in primis curæ esse debet,  
ut

ut numeri sponte fluxisse, non necessitate coacti esse, videantur.

§. 29. Ut autem lateat numerus, tum quæ maxime laborata sunt, solvi interdum debebunt, ne laborata videantur: tum etiam verborum sententiarumque pondere complenda erit oratio. Hoc enim pacto fiet, ut dum auditores sententias admirantur, de numero nihil cogitent; qui tamen si abesset, minus sententiæ delectassent.

§. 30. Hæc omnia verò non è à nobis dicta sunt, quo oratio (a), quæ ferri debet, ac fluere, dimetiendis pedibus consenscat; quod sane miseri sit. & in minimis occupati; verùm ut adsuescamus nos sedulo numerosæ orationi: quæ exercitatione paulatim futurum est, ut ea tempore etiam similia scribamus.

## C A P. IV.

DE TRIPLICI CHARACTERE,  
Speciatim de Magnifico, ac vitio ejus.

## §. 1.

**T**Radidimus hætenus generalia Elocutionis præcepta: Sequuntur specialia, quibus docetur, quomodo pro diversa materia, varioque animi motu, variet Elocutionis genus, sive dicendi Character.

Hanc de Characterè doctrinam, uti in illam de duabusejus affectionibus, excerpemus in primis aureolo è libello Demetrii, cui vulgò Phalerei cognomen tribuitur: sed ordine meliori pleraque omnia digeremus.

§. 2. Est Character triplex: magnificus, sive sublimis, humilis, sive tenuis, & æqualis, sive mediocris.

§. 3. Magnificentiæ consistit in sententiis, locutione, compositione.

§. 4. Ac SENTENTIÆ quidem magnificentiam

V 3

ad-

adferunt, si explicetur magna, atque illustris aliqua sive terrestris, sive navalis pugna: item, si sermo sit de celo, terrae. Neque enim sufficit, ut res, de quibus sermo est, amplae sint: sed etiam necesse est, ut gravia graviter dicantur.

§. 5. Quae LOCUTIONEM ornant, partim referuntur ad primam Elocutionis partem, quae Elegantia vocatur; partim ad alteram, quae Dignitas, sive figuratio dicitur.

§. 6. Ad primam pertinent quatuor verborum genera.

§. 7. Nam primo magnificentiam adferunt vocabula juncta; modo non sint composita more disthyrambico: sed similiae duo haec, legislator & Respublica. Sed neque frequentia nimis esse debent, quia oratio excederet formam pedestris sermonis.

§. 8. Praeterea idem praestant soluta.

Ut, postea verò quam, pro posteaquam; maximo te opere, pro maximopere. Nempe ubi vulgò in usu juncta, nos utemur solutis: at, si soluta magis consuetudo probet, nos juncta praepoñemus.

§. 9. Tertium genus constituunt facta quae Graeci ὀνομαστικὰ καὶ ἔκτρωτα appellant. Nam sapiens quiddam videtur novi nominis fabricatio, quia qui novat, videtur similis primis linguae autoribus. Debent autem, quae finguntur, esse plana, similiaque iis, quae sunt in usu. Alioqui non intelligemur, fietque oratio monstrosa.

§. 10. Quartum locum obtinent poetica, hoc est loci poetarum inserti orationi: verum hoc ut laudabiliter fiat, non sufficit, ut poetae verba trasponantur, sed ita imitandus poeta, ut aliud dicere videamur.

§. 11. Quatuor his verborum generibus addi possunt verba vetusta, quae & ipsa, Fabio teste, majestatem orationi adferunt, modo neque crebra sint, neque affectata, neque ab ultimis & jam oblitteratis petita temporibus.

§. 12. Quae ad DIGNITATEM pertinent, partim tropi sunt, partim schemata.

§. 13. E tropis in primis magnitudinem adferunt translationes. Sed observandum in his, ne sint nimis cre-

crebræ, aut longæ ductæ; aliæque, de quibus in tropologia (a) diximus.

§. 14. Idem quoque præstant Allegoriæ. Stiquidem sunt terrori accommodatæ. Videndum interim, ne Allegoria obscuritate sua fiat ænigma.

§. 15. E schematibus magnificentiam gignentibus alia sunt λέξεις, alia διατάξεις.

§. 16. Prioris generis est Antypallage, sive Antipiosis. Nam quicquid consuetudine fit, pusillum est, nec admirationem parit.

§. 17. Maximas quoque vires habent Ἀντιπαρά, Ἐπιπαρά, Ἀντιπλοσίοι aliæque schemata repetitionis. Ac illustris in primis est Ἀντιπαρά conjuncta cum Διαλύσει sive Dissolutione.

Sanè & parvus erat Nireus, & res ejus parvæ minutæque; ut qui tre tantum naves, ac paucos duxerit homines. Sed utriusque hujus figuræ beneficio, & Nireum magnum, & res ejus multas fecit Homerus, cum in hanc sententiam dicere maluit: Nireus ē Symo tres naves duxit, Nireus Aglajæ filius: & Charopi regis, Nireus eorum, qui ad Ilium venerant, post Achillem pulcherrimus.

§. 18. Interdum tamen & magnitudinem orationi affert Connexio, quæ Dissolutioni contraria est.

Ut, Militabant & Græci, & Cares, & Lycii, & Pamphylîi, & Phryges. Nam conjunctionis repetitio facit, ut infinita quædam videatur multitudo.

§. 19. Pertinet huc quoque Πλαγιασμός, sive casus obliquatio:

E. G. Non tam magnificum est, Cæsar in Italiam advenit, quàm, Cæsarem in Italiam advenire nuntiatur.

§. 20. E schematibus Διατάξεις commendatur Apostrophe. Nam quædam non dicta videntur majora. Item Epiphonemata. Quippe rem jam prolatam ornant, eoque divitias ostendunt orationis.

§. 21. Superest sublimis characteris COMPOSITIO.

Continet ea juncturam, ordinem, numerum & periodum.

§. 22. Quod ad juncturam, ea partim vocales spectat, partim consonas.

§. 23. Concurfus vocalium hoc in Characterere nec plane est conſectandus, cum immodicus ſi ſit, orationem diſſolvat, ac divellat; nec uſquequaque fugiendus, quia, id ſi fiat, oratio quaſi muta erit, atque expers ejus ſuavitatis, quæ in iis oritur junctis.

§. 24. Quod ad conſonarum concurſus, conducunt verba aſpera, ſimiliaque rebus, de quibus agitur.

Aſperam autem, ut ſuperius quoque monitum, ſunt, excors, parricida, Xerxes, ſimiliaque.

§. 25. Ad ordinem in primis pertinent conjunctiones, quæ crebræ ſunt in hoc ſtylo: ſed non reddit eas exquiſitè, nec expletivas temere infarcit.

§. 26. Obſervandum quoque, ut poſteriori loco ponamus, quæ magis ſunt illuſtria, ne à validiori decidiſſe videamur ad infirmius.

§. 27. Si numerum ſpectes, pæones, daſtylos, ac ſimiles pedes amat: contrà jambos, ac trochæos fugit.

§. 28. Si periodum conſideres, membriſ conſtet longioribus, utiturque dicendi genere circumducto.

§. 29. Et hæc generatim de characterere magnifico: qui cum aliis, tum in primis orationi convenit panegyricæ.

In ea, ut Dionyſius Halicarnaſſeus tradit, quæ de regibus vel Diis dicuntur, cum venuſtate, ſententiarum gravitate, & majeſtate verborum dici debent. Quæ verò ad collationes pertinent, inquirent ſermonem urbanum, ut idem monet.

§. 30. Characteri huic opponitur FORMA ΨΟΧΡΗ ſive FRIGIDA. Quæ & ipſa in tribus ſpectatur.

§. 31. Primo in ſententiis, ſi nimis hyperbolica ſint; aut ſi de parvis rebus loquamur, tanquam de maximis.

§. 32. Deinde in verbis. Quod ſit vocibus peregrinis, ac epithetis intempeſtivis, ut cum Alcidas dicit humidum ſudorem. Item ſi juncta fuerint more di-

ibj.

*Idyramborum: ac denique metaphoris grandibus, quæque magis convenient tragædiis.*

§. 33. Denique nascitur frigus è compositione, idque bifariam. Nam vel ea plane est numeri expers, ut si constet syllabis longis, vel nimis numerosa, ut cum nonnulli versus ponunt continuos aut manifestos.

Hoc voluit Demetrius, cum damnat μή κλειστόμενον ὑπὸ τῆς συνήκειας hoc est versus non occultatos oratione soluta, cui includuntur, sed adeò apertos, ut neminem lateant. Cæterum de discrimine styli grandis, & tumidi, vide & Plinium lib' IX. Epistol. XXVI. ad Luperum.

## C A P. V.

## DE CHARACTERE TENUI

Ac vitio ejus: Item charactere Me-  
diocri, vitioque opposito.

## §. I.

**V**idimus de stylo magnifico, sequitur tenuis. Hujus SENTENTIÆ sunt exiles; ut de casa, agello, exiguo stuvio, aut oppidulo.

§i 2. LOCUTIO est pura, perspicua, probabilis, & evidens. Fugit verba duplicia, facta ambigua: item casuum obliquationem.

§. 3. IN COMPOSITIONE vitat syllabarum longarum concursum, & membrorum longitudinem.

§. 4. Habet hic stylus in primis in EPISTOLIS locum, interdum tamen hæc quoque assurgunt, ut cum ad Reges, aut civitates scribitur. Verum familiarium epistolarum dispar est ratio, quæ intra tenuem ferè characterem subsistunt. Quare non incommode hoc loco paucis agemus de epistolarum sententiis, verbis, ac compositione.

§. 5. SENTENTIÆ, ac universæ materiæ ejus, sunt res familiares; aut publicæ: nec hæc ipsæ nimis prolixè tractandæ. Nam si aut de rebus philosophicis agamus, aut argumentum quidem sit epistolicum, sed  
ad

ad libri magnitudinem excreverit; epistolam nomen suum amittere, censet Demetrius.

§. 6. Contextuntur epistolæ VERBIS quotidianis, vel potius paulò ornatiis, quando epistola quodammodo dono mittitur amico.

§. 7. COMPOSITIO respuit numeros, ac verborum ambitum.

§. 8. Hec de stylo epistolico. Porro, ex mente Haliarnassei, nec in nuptiali oratione ab humili elocutione est recedendum, sed insistendum vestigiis Xenophontis: in paucis vero ad gravitatem efferenda oratio, si alicubi sententiarum cogat magnitudo,

§. 9. Tenui characteri vitium est vicinum, FORMA ARIDA, quæ & ipsa spectatur in sententiis, verbis & compositione.

Sententiis, ut cum quidam agebat, Xerxes descendit cum suis. Nam dicendum fuerat, cum innumerabili exercitu, cum tota Asia.

Verbis, ut si de parricida dicas, Euge tibi homicida. Nam & illud euge blandientis est, & homicida, pro parricida, satis grave non est.

Compositione denique, si crebra fuerint incisa, ut in Hippocratis aphorismo: Vita brevis, ars longa, occasio preceps, experientia fallax, iudicium difficile. Item si, cum de re maiori dicamus, periodo utamur, postrema sui parte truncata: ut qui Aristidem cognomen to Justum accusabat, quia non profectus esset ad pugnam Salaminiam: Atqui Ceres sua sponte venit, & nobiscum pugnavit: Aristides autem non. Tantum de nota tenui, atque arida.

§. 10. Superest character æquabilis, sive MEDIOCRIS; qui mediam, inter tenuem & magnificum stylum: obtinet naturam.

§. 11. Itaque & sententiæ ejus aliquantum se demittunt, neque tamen ad imum genus descendunt.

§. 12. Idem est iudicium de verbis: Nam magis, quam tenuis character, sectatur lepida jucundaque verborum ac sententiarum ornamenta: ut spernator vehementiores figuras, quæ sublimi generi tribuuntur; ut sunt grandes

Me-



*Metaphoræ*, *Interrogationes crebræ*, *Apostrophæ*, *Prosopopæjæ*, *Exclamationes*, & *similes*.

§. 13. *Plus; quam alia genera, numeris ac compositioni studeat.*

§. 14. *Vicinum est huic generi vitium FORMA FLUCTUANS, quod, aridum fugiens characterem, nimis assurgit, aut, inflatum ac tumidum vitans, humi serpit.*

## C A P. VI.

## DE VENUSTATE.

*Vitioque ei opposito.*

## §. I.

**H**ACTENUS de triplici characterè, vitiisque his oppositis. Agendum nunc de characterum affectionibus: cujusmodi inter alias sunt venustas & gravitas, quas falsò; veros esse characteres, putavit Demetrius.

§. 2. *Venustas est duplex, levior, & gravior.*

§. 3. *Leviores joci magis conveniunt Comædiis; unde crebri sunt apud Aristophanem, & Plautum.*

Hujus quoque generis est scomma Lysæ; (a) qui de vetula edentula dicebat, eam facilius numeraturam digitos, quàm dentes. Quod non apud Demetrium modò legas, sed etiam Athenæum. (b)

§. 4. *Gravior venustas est duplex. Prior est ad dignitatem, atque amplitudinem; cujusmodi apparet in poetis epicis.*

Ut cum Homerus (c) Nausicaen, ejusque imitatione Maro (d) Didonem comparat Dianæ.

§. 5. *Posterior est ad exacerbandum. Itaque terribilis est, εὐφρατική.*

Ut

(a.) *Oratione contra Æschium Socraticum, cujus titulus, De are alieno, ut ait Laertius: vel, De calumnia, ut est apud Athenæum.*

(b.) *Extremo libr. (c.) Odyss. 3. vers. 102.*

(d.) *4. Æneid.*

Ut cùm apud Homerum (a) Cyclops ait, hoc hospitale munus habiturum Ulysssem, quoddam post socios sit devorandus: quo lepore nihil crudelius.

§. 6. Est & altera venustatis distributio. Nam alia per se inest rebus, alia est in tractatione, alia in utroque.

§. 7. Primi generis sunt nympharum horti, hymenæi, amores, convivialia, choreæ, totaque poësis Sapphus.

§. 8. Alterius generis est, cùm de rebus natura odiosis leporem elicimus.

Ita Zenophon (b) invenit venustatem in homine invenusto, Aglaitida Persa, cùm ait, citius ex eo ignem, quàm risum elici posse.

§. 9. Terti generis, cùm tractatio res natura venustas venustiores facit.

Sanè florum conjunctio res est jucunda, sed lepidior redditur à Marone (c) versibus:

— Tibi lilia plenis

Ecce ferunt nymphæ calathis: tibi candida Nais  
Pallentes violas, & summa papavera carpens,  
Narcissum, & florem jungit bene olentis anethi.

§. 10. Spectatur autem ornatus in tribus: sententiis, locutione, & compositione.

§. 11. Sententiarum loci sunt minimùm tres. Primus est proverbiorum, quorum etiam alia aliis superducuntur. Alter est fabularum, sive hæc veteres, seu novæ. Tertius locus est timoris immutatio.

Ut si quis funem timuerit, quia serpentem esse putaret.

§. 12. Differunt autem plurimum ridicula, & venusta. Primò enim discrepant materia; cum, quæ natura venusta sunt, non ridentur; quæque ridentur, habeant deformitatem sine decore, aut admiratione. Deinde dictione; quæ in venustis pulchra, in ridiculis vulgaris. Præterea sine, qui illic est delectatio & laus, hic risus. Ac denique loco; qui in venustis etiam

( a ) Odyss. 10. vers. 309. ( b ) Lib. 2. de institut. Cyri

( c ) Ech. 2.

etiam tragœdia esse potest, in ridiculis non item. Et hæc de sententiis.

§. 13. Verborum venustas vel respicit elegantiam, vel dignitatem, seu figurationem.

§. 14. Ad priorem modum refer juncta. ac distichyrambica.

Ut in illo Pub. Syri Mimi:

Pietati cultrix, gracilipes, crotalifria,  
Avis exul hyemis.

§. 15. Item ὁρματοποίησιν, sive novata.

Cujusmodi est illud Augusti, (a) *vapidè se habere*, pro male; *betizare*, pro languere.

§. 16. Item hausta à plebe, sed tempestivè usurpata.

Quorum exempla fuggeret Plautus, in primis in sermone servorum.

§. 17. Ad dignitatem pertinent tropi, & schemata; τὸν λέξιν, τὸν δὲ νόμον.

§. 18. Inter tropos commendantur Metaphora, Allegoria, ac Hyperbolæ quoque, sed Sapphicæ.

Ut, *Auro magis aurea*. Nam comicæ magis sunt ridiculæ. quàm venustæ.

§. 19. E schematibus λέξιν amat Anaphoram, & Anadiplosin.

§. 20. Laudatur quoque in ea concisio sive sermonis brevis,

Ut illo Terentii (b)

— Simul alia circumspexo.

Sat in explorata sint. Video esse, pessulum ostio obdo.

Periisset venustas, dixisset: Et tuta quidem esse omnia, animadvertēbam.

§. 21. E schematibus Διωνίς amat εἰκόνες sive imaginem, ac Παράβολάν quoque sive Collationem: sed ea modum excedere non debet. Nam hyperbolicæ magis conveniunt poetis, quam oratoribus.

§. 22. Præterea gaudet Ἐκτροπή sive Correctione.

§. 23.

(a) Apud Svetonium in Augusti. c. 91.

(b) Eunuch. Act. 3. Sc. 5.

§. 13. In compositione denique, si oratio sit similis divulsæ, si membra non sint colligata, sed similia fractis; si periodi sint longæ, adeo, ut pene suffocent dicentem.

Hactenus de characteribus, eorumque affectionibus; quibus claudimus doctrinam Elocutionis.

## C A P. VIII.

### DE PRONUNCIATIONE, GENERATIM, Deque voce particulatim.

#### §. 1.

**S**upereſt PRONUNCIATIO ſive actio: poſtrema quidem oratorię facultatis pars, ſi ordinem intracando conſideres; ſed tanti illa momenti, ut primas, ſecundas, tertias et tribuerit Demoſthenes.

§. 2. Eſt verò Pronunciatio vocis geſuumque prorebus & verbis apta conformatio.

§. 3. Ejus quaſi fundamentum eſt memoria, ſive firma rerum verborumque comprehenſio. Nam, niſi memoriter dicamus, multum decedet de vi, & gratia pronunciationis: neque auditores tantopere mirabuntur oratorem.

Viris tamen principibus, item ægrotis, ſenibus, & qui ſe demum exercere incipiunt in arte oratoria, vitio vertinequit, ſi recitent è commentario.

§. 4. Memoria præcipuum lumen adfert ordo; eoque ſeu noſtra, ſeu aliena ediſcere volumus, ante omnia ſeriem orationis conſiderare oportet.

Nempe unum melius obſervamus, quàm multa. Quæ autem apte cohærent, quodammodo unum ſunt, quemadmodum ex pluribus annulis fit catena.

§. 5. Etiam memoria juvatur locorum imaginumque doctrina. Loci ſe habent inſtar chartæ; imagines, inſtar ſcripturæ.

Loco enim committitur imago, quæ nihil aliud eſt, quam ſimulacrum rei, de qua dicendum eſt. Loca ejuſmodi ſunt oſtium, fenestra, caminus, lectica &c. vel hortus, fons, collis &c. Imago Cæſaris ar-

gu

gumento erit, de Cæsare dicendum esse: ut equus, vel navis de equestri certamine, vel naumachia, agi debe-  
re. Sed & metaphorica admonent. Uelupus, sus, as-  
inus, significabunt primum de alicujus rapacitate, in-  
de de immunditie, ac denique de obruto ingenio tractari  
oportere. Item ovis, turtur, ciconia, representabunt  
mite ingenium, castitatem, pietatem erga parentes:  
atque iram in aliis.

§. 6. Sed omnis ista doctrina, quam operose multi per-  
sequuntur, à nobis hoc loco præteribitur, eò quod magna  
sui parte memoriam magis obruat, quàm juvet: & qua  
parte eam juvat, ad distinctam artem pertineat, quæ  
Μνημοσύνη (a) vocatur.

§. 7. Partes pronuntiationis sunt duæ: una vocem for-  
mat, altera corporis motum.

Illa aures, hæc oculos afficit ac movet: ab illa pro-  
nuntiationis, ab hac actionis nomen impositum est.

§. 8. Præcepta harum partium vel generalia sunt, quæ  
utramque respiciunt: vel specialia, quæ earum alteram  
tantum spectant.

§. 9. Prioris generis est præceptum istud, ut ne studio-  
se consedemur actionis delicias.

Alioqui verendum planè, ne idem nobis usu veniat,  
quod equis Sybaritarum. Nam, ut mollis erat popu-  
lus iste, equos etiam suos saltare ad modulos docebat.  
Sed ea res pessimè cessit. Nam cum Marte esset decre-  
tandum ad versus Crotonatas, equi lascivis motibus se  
atque universum exercitum (b) perdiderunt, Philisei  
(c) quoque exemplum ab hoc more nos revocare debet.  
Nam quia voce & gestu (d) erat: ideo in tantum  
displecuit imperatori Antonino, ut nequiquam concedere  
illi vellet immunitatem, quæ Rhetorum alii gauderent.  
Etiam ad ignominiam Sexti Tullii pertinet, quod tam se-  
rè Rhetorica Vossii.

X

lulus

(a) Memorialis. (b) Aristoteles lib. de Rep. Sybari-  
tarum, & ex Aristoteli lib. 12. & Aelianus lib. 16.  
de Anim. cap. 43. Item Suidas. (c) Philistatus  
de vitis Sapphi. lib. 2. (d) Effentiatum.

probaverunt; quod in fine durum fit. Quare ut, idem Fabius monet, hic quoque vitandum est, ne plurimum syllabarum verbis utamur in fine.

§. 22. Præterea, pro rei natura, aliis atque aliis pedibus utimur. Ubi pondus exigitur, longæ usurpandæ sunt syllabæ, quia hæ graviores reddunt orationem. Ubi velocitas requiritur, conveniunt breves, quæ eam celere reddunt. At rebus asperis accommodatiore sunt jambi, non solum, quia duabus constant syllabis, eoque crebriorem quasi pulsum habent, quæ res lenitati contraria est: sed etiam quod omnibus partibus insurgant, & à brevibus nitantur in longas. Ideo rebus lenibus meliores sunt trochæi, qui è longis in breves cadunt.

§. 23. Nec æque numero studemus in singulis causarum generibus: Genus demonstrativum, quia ei proposita est delectatio, fusiores liberioresque habet numeros: eoquæ Ciceroni placet omnia scribi Isocrateo & Theopompeo more.

§. 24. At parcius numerum attendimus in deliberatione: idemque de juridicali sentiendum, quia irasci aut dolere ob eum iudex non potest, quem putat vacare orationis calamistris.

§. 25. Sunt & quædam compositionis vitia. Primum est, si poetica sit. Versum enim heroicum, altumve. è notioribus generibus in oratione fieri, foedissimum est.

§. 26. Deforme quoque est, si pars ejus posterior in clausula deprehendatur, aut prior in ingressu. Tamen ne præstantissimi quidem scriptores vitium hoc semper effugere potuerunt.

Ita Claudius Quadrigarius in XV. Annalium hunc habet phalæcium.

Grunnibat graviter pecu suillum.

Citat Diomedes in primo.

§. 27. Alterum compositionis vitium est, si poetica quidem non sit, at uniusmodi tamen, ac continua. Nam in versificando quidem una lex datur, at in oratione similitudo tum satietatem, ac tedium parit, tum manifesta affectatione fidem perdit.

§. 28. Quare dissimulatio in primis curæ esse debet, ut

ut numeri sponte fluxisse, non necessitate coacti esse, videantur.

§. 29. Ut autem lateat numerus, tum quæ maxime laborata sunt, solvi interdum debebunt, ne laborata videantur: tum etiam verborum sententiarumque pondere complenda erit oratio. Hoc enim pacto fiet, ut dum auditores sententias admirantur, de numero nihil cogitent; qui tamen si abesset, minus sententiæ delectassent.

§. 30. Hec omnia verò non ed à nobis dicta sunt, quo oratio (a), quæ ferri debet, ac fluere, dimetiendis pedibus consenscat; quod sane miseri sit. & in minimis occupati; verum ut adsuescamus nos sedulo numerosæ orationi: quæ exercitatione paulatim futurum est, ut ex tempore etiam similia scribamus.

## C A P. IV.

### DE TRIPLICI CHARACTERE, Speciatim de Magnifico, ac vitio ejus.

#### §. 1.

**T**radidimus hætenus generalia Elocutionis præcepta: Sequuntur specialia, quibus docetur, quomodo pro diversa materia, varioque animi motu, variet Elocutionis genus, sive dicendi Character.

Hanc de Characterē doctrinam, uti in illam de duabusejus affectionibus, excerpemus in primis aureolo & libello Demetrii, cui vulgò Phalerei cognomen tribuitur: sed ordine meliori pleraque omnia digeremus.

§. 2. Est Character triplex: magnificus, sive sublimis, humilis, sive tenuis, & æqualis, sive mediocris.

§. 3. Magnificentia consistit in sententiis, locutione, compositione.

§. 4. Ac SENTENTIÆ quidem magnificentiam

V 3 ad-

adferunt, si explicetur magna, atque illustis aliqua sive terrestris, sive navalis pugna: item, si sermo sit de celo, terrae. Neque enim sufficit, ut res, de quibus sermo est, amplæ sint: sed etiam necesse est, ut gravia graviter dicantur.

§. 5. Quæ LOCUTIONEM ornant, partim referuntur ad primam Elocutionis partem, quæ Elegantiâ vocatur; partim ad alteram, quæ Dignitas, sive figuratio dicitur.

§. 6. Ad primam pertinent quatuor verborum genera.

§. 7. Nam primo magnificentiam adferunt vocabula juncta; modò non sint composita more dithyrambico: sed similia ac duo hæc, legislator & Respublica. Sed neque frequentia nimis esse debent, quia oratio excederet formam pedestris sermonis.

§. 8. Præterea idem præstant soluta.

Ut, postea verò quam, pro posteaquam; maximo te opere, pro maximopere. Nempe ubi vulgò in usu juncta, nos utemur solutis: at, si soluta magis consuetudo probet, nos juncta præponemus.

§. 9. Tertium genus constituunt facta quæ Græci ὀνομαστικὰ ἔρρημα appellant. Nam sapiens quiddam videtur novi nominis fabricatio, quia qui novat, videtur similis primis lingue autoribus. Debent autem, quæ finguntur, esse plana, similiaque iis, quæ sunt in usu. Alioqui non intelligemur, fietque oratio monstrosa.

§. 10. Quartum locum obtinent poetica, hoc est loci poetarum inserti orationi: verum hoc ut laudabiliter fiat, non sufficit, ut poetæ verba trasponantur, sed ita imitandus poeta, ut aliud dicere videamur.

§. 11. Quatuor his verborum generibus addi possunt verba vetusta, quæ & ipsa, Fabio teste, majestatem orationi adferunt, modo neque crebra sint, neque affectata, neque ab ultimis & jam oblitteratis petita temporibus.

§. 12. Quæ ad DIGNITATEM pertinent, partim tropi sunt, partim schemata.

§. 13. E tropis in primis magnitudinem adferunt translationes. Sed observandum in his, ne sint nimis cre-

cre-



crebræ, aut longe ductæ; aliaque, de quibus in tropologia (a) diximus,

§. 14. Idem quoque præstant Allegoriæ. Siquidem sunt terrori accommodatæ. Videndum interim, ne Allegoria obscuritate sua fiat ænigma.

§. 15. E schematibus magnificentiam gignentibus alia sunt λέξεις, alia διατάξεις.

§. 16. Prioris generis est Antypallage, sive Antiptosis. Nam quicquid consuetudine fit, pusillum est, nec admirationem parit.

§. 17. Maximas quoque vires habent Ἀντιπαρά, Ἐπιπρόφα, Ἀντιπρόσωπον aliaque schemata repetitionis. Ac illustris in primis est Ἀντιπρόφα conjuncta cum Διαλύσει sive Dissolutione.

Sanè & parvus erat Nireus, & res ejus parvæ minutæque; ut qui tre, tantum naves, ac paucos duxerit homines. Sed utriusque hujus figuræ beneficio, & Nireum magnum, & res ejus multas fecit Homerus, cum in hanc sententiam dicere maluit: Nireus ἐς Συνο tres naves duxit, Nireus Aglaïæ filius: & Charopi regis, Nireus eorum, qui ad Ilium venerant, post Achillem pulcherimus.

§. 18. Interdum tamen & magnitudinem orationi affert Connexio, quæ Dissolutioni contraria est.

Ut, Militabant & Græci, & Cares, & Lycii, & Pamphylî, & Phryges. Nam conjunctionis repetitio facit, ut infinita quædam videatur multitudo.

§. 19. Pertinet huc quoque Πλαγιασμός, sive casus obliquatio:

E. G. Non tam magnificum est, Cæsar in Italiam advenit, quàm, Cæsarem in Italiam advenire nuntiatur.

§. 20. E schematibus Διευρίαι commendatur Apostrophe. Nam quædam non dicta videntur majora. Item Epiphonemata. Quippe rem jam prolatam ornant, eoque divitias ostendunt orationis.

§. 21. Superest sublimis characteris COMPOSITIO.

V 4

Con-

Continet ea juncturam, ordinem, numerum & periodum.

§. 22. Quod ad juncturam, ea partim vocales spectat, partim consonas.

§. 23. Concurfus vocalium hoc in Characterere nec plane est consecrandus, cum immodicus si sit, orationem dissolvat, ac divellat; nec usquequaque fugiendus, quia, id si fiat, oratio quasi muta erit, atque expers ejus suavitatis, quæ in iis oritur junctis.

§. 24. Quod ad consonarum concursus, conducunt verba aspera, similiaque rebus, de quibus agitur.

Asperam autem, ut superius quoque monitum, sunt, excors, parricida, Xerxes, similiaque.

§. 25. Ad ordinem in primis pertinent conjunctiones, quæ crebræ sunt in hoc stylo: sed non reddit eas exquisitè, nec expletivas temere infarcit.

§. 26. Observandum quoque, ut posteriori loco ponamus, quæ magis sunt illustria, ne à validiori decidisse videamur ad infirmius.

§. 27. Si numerum spectes, pæones, dactylos, ac similes pedes amat: contra jambos, ac trochæos fugit.

§. 28. Si periodum consideres, membris constet longioribus, utiturque dicendi genere circumducto.

§. 29. Et hæc generatim de characterere magnifico: qui cum aliis, tum in primis orationi convenit panegyricæ.

In ea, ut Dionysius Halicarnasseus tradit, quæ de regibus vel Diis dicuntur, cum venustate, sententiarum gravitate, & majestate verborum dici debent. Quæ verò ad collationes pertinent, inquirent sermonem urbanum, ut idem monet.

§. 30. Characteri huic opponitur FORMA Ψυχρὴ sive FRIGIDA. Quæ & ipsa in tribus spectatur.

§. 31. Primo in sententiis, si nimis hyperbolica sint; aut si de parvis rebus loquamur, tanquam de maximis.

§. 32. Deinde in verbis. Quod fit vocibus peregrinis, ac epitbetis intempestivis, ut cum Alcidas dicit humidum sudorem. Item si juncta fuerint more di-

ibj.

*agrammorum: ac denique metaphoris grandibus, quæque magis convenient tragædiis.*

§. 33. Denique nascitur frigus è compositione, idque bifariam. Nam vel ea plane est numeri experta, ut si constet syllabis longis, vel nimis numerosa, ut cum nonnulli versus ponunt continuos aut manifestos.

Hoc voluit Demetrius, cum damnat *μη κλειστόμενον ὑπὸ τῆς συνεχίας* hoc est versus non occultatos oratione soluta, cui includuntur, sed adeò apertos, ut neminem lateant. Cæterum de discrimine styli grandis, & tumidi, vide & Plinium lib. IX. Epistol. XXVI. ad Luperum.

## C A P. V.

### DE CHARACTERE TENUI

Ac vitio ejus: Item caractere Mediocri, vitioque opposito.

#### §. 1.

**V**idimus de stylo magnifico, sequitur tenuis. Hujus SENTENTIÆ sunt exiles; ut de casa, agello, exiguo fluvio, aut oppidulo.

Si 2. LOCUTIO est pura, perspicua, probabilis, & evidens. Fugit verba duplicia, facta ambigua: item casuum obliquationem.

§. 3. IN COMPOSITIONE vitat syllabarum longarum concursum, & membrorum longitudinem.

§. 4. Habet hic stylus in primis in EPISTOLIS locum, interdum tamen hæc quoque assurgunt, ut cum ad Reges, aut civitates scribitur. Verum familiarium epistolarum dispar est ratio, quæ intra tenuem ferè characterem subsistunt. Quare non incommode hoc loco paucis agemus de epistolarum sententiis, verbis, ac compositione.

§. 5. SENTENTIÆ, ac universæ materiæ ejus, sunt res familiares; aut publicæ: nec hæc ipsæ nimis prolixè tractandæ. Nam si aut de rebus philosophicis agamus, aut argumentum quidem sit epistolicum, sed  
ad

ad libri magnitudinem excreverit; epistolam nomen suum amittere, censet Demetrius.

§. 6. Contextuntur epistolæ **VERBIS** quotidianis, vel potius paulò ornatiis, quando epistola quodammodo donò mittitur amico.

§. 7. **COMPOSITIO** respuit numeros, ac verborum ambitum.

§. 8. Hec de stylo epistolico. Porro, ex mente Haliarnassei, nec in nuptiali oratione ab humili elocutione est recedendum, sed insistendum vestigiis Xenophontis: in paucis vero ad gravitatem efferenda oratio, si alicubi sententiarum cogat magnitudo,

§. 9. Tenui characteri vitium est vicinum, **FORMA ARIDA**, quæ & ipsa spectatur in sententiis, verbis & compositione.

Sententiis, ut cum quidam agebat, Xerxes descendit cum suis. Nam dicendum fuerat, cum innumerabili exercitu, cum tota Asia.

Verbis, ut si de parricida dicas, *Euge tibi homicida*. Nam & illud *euge* blandientis est, & *homicida*, pro *parricida*, satis grave non est.

Compositione denique, si crebra fuerint incisa, ut in Hippocratis aphorismo: *Vita brevis, ars longa, occasio præceps, experientia fallax, iudicium difficile*. Item si, cum de re maiori dicamus, periodo utamur, postrema sui parte truncata: ut qui Aristidem cognomento Justum accusabat, quia non profectus esset ad pugnam Salaminiam: Atqui Ceres sua sponte venit, & nobiscum pugnavit: *Aristides autem non*. Tantum de nota tenui, atque arida.

§. 10. Superest character æquabilis, sive **MEDIOCRIS**; qui mediam, inter tenuem & magnificum stylum: obtinet naturam.

§. 11. Itaque & sententiæ ejus aliquantum se demittunt, neque tamen ad imum genus descendunt.

§. 12. Idem esto iudicium de verbis: Nam magis, quam tenuis character, sectatur lepida jucundaque verborum ac sententiarum ornamenta: ut spernator vehementiores figuras, quæ sublimi generi tribuuntur; ut sunt grandes

Me-

*Metaphoræ; Interrogationes crebræ, Apostrophæ, Prosopopæjæ, Exclamationes, & similes.*

§. 13. *Plus, quam aliæ genera, numeris ac compositioni studeat.*

§. 14. *Vicinum est huic generi vitium FORMA FLUCTUANS, quod, aridum fugiens characterem, nimis assurgit, aut, inflatum ac tumidum vitans, humi serpit.*

## C A P. VI.

## DE VENUSTATE.

Vitioque ei opposito.

## §. 1.

**H**ACTENUS de triplici characterè, utriusque his oppositis. Agendum nunc de characterum affectionibus: cujusmodi inter alias sunt venustas & gravitas, quas falsò; veros esse characteres, putavit Demetrius.

§. 2. *Venustas est duplex, levior, & gravior.*

§. 3. *Leviores joci magis conveniunt Comædiis; unde crebri sunt apud Aristophanem, & Plautum.*

Hujus quoque generis est scœmma Lysæ; (a) qui de vetula edentula dicebat; eam facilius numeraturam digitos, quam dentes. Quod non apud Demetrium modò legas, sed etiam Athenæum. (b)

§. 4. *Gravior venustas est duplex. Prior est ad dignitatem, atque amplitudinem; cujusmodi apparet in poetis epicis.*

Ut cum Homerus (c) Nausicaen, ejusque imitatione Maro (d) Didonem comparat Dianæ.

§. 5. *Posterior est ad exacerbandum. Itaque terribilis est, εμεφτικη.*

Ut

(a) *Oratione contra Æschium Socraticum, cujus titulus, De are alieno, ut ait Laertius: vel, De calumnia, ut est apud Athenæum.*

(b) *Extremo libr. (c) Odyss. 3. vers. 102.*

(d) *4. Æneid.*

Ut cùm apud Homerum (a) Cyclops ait, hoc hoſpitale munus habiturum Ulyſſem, quòd poſt ſocios ſit devorandus: quo lepore nihil crudelius.

§. 6. Eſt & altera venuſtatis diſtributio. Nam alia per ſe ineſt rebus, alia eſt in tractatione, alia in utroque.

§. 7. Primi generis ſunt nympharum horti, hymenæi, amores, convivia, choreæ, totaque poeſis Sapphus.

§. 8. Alterius generis eſt, cùm de rebus natura odioſis leporem elicimus.

Ita Zenophon (b) invenit venuſtatem in homine invenuſto, Aglaitida Perſa, cùm ait, citiùs ex eo ignem, quàm riſum elici poſſe.

§. 9. Terti generis, cùm tractatio res natura venuſtas venuſtiores facit.

Sanè ſorum conjunctio res eſt jucunda, ſed lepidior redditur à Marone (c) verſibus:

— Tibi lilia plenis

Ecce ferunt nymphæ calathis: tibi candida Nais

Pallentes violas, & ſumma papavera carpens,

Narciffum, & florem jungit bene olentis anethi.

§. 10. Spectatur autem ornatus in tribus: ſententiis, locutione, & compoſitione.

§. 11. Sententiarum loci ſunt minimùm tres. Primus eſt proverbiorum, quorum etiam alia aliis ſuperducuntur, Alter eſt fabularum, ſive hæc veteres, ſeu novæ. Tertius locus eſt timoris immutatio.

Ut ſi quis funem timuerit, quia ſerpentem eſſe putaret.

§. 12. Differunt autem plurimum ridicula, & venuſta. Primò enim diſcrepant materia; cum, quæ natura venuſta ſunt, non ridentur; quæque ridentur, habeant deformitatem ſine decore, aut admiratio-  
ne. Deinde diſtione; quæ in venuſtis pulchra, in ridiculis vulgaris. Præterea ſine, qui illic eſt delectatio & laus, hic riſus. Ac denique loco; qui in venuſtis etiam

(a) Odyſſ. 10. verſ. 309. (b) Lib. 2. de inſtitut. Cyri  
(c) Eccl. 2.

etiam tragœdia esse potest, in ridiculis non item. Et hæc de sententiis.

§. 13. Verborum venustas vel respicit elegantiam, vel dignitatem, seu figurationem.

§. 14. Ad priorem modum refer junctæ. ac distichambica.

Ut in illo Pub. Syri Mimi:

Pietati cultrix, gracilipes, crotalifria,  
Avis exul hyemis.

§. 15. Item ἰσοματοποιήματα, sive novata.

Cujusmodi est illud Augusti, (a) *vapidè se habere*, pro male; *betizare*, pro languere.

§. 16. Item *hausta à plebe*, sed tempestivè usurpata.

Quorum exempla fuggeret Plautus, in primis in sermone servorum.

§. 17. Ad dignitatem pertinent tropi, & schemata; *tum λέξεις, tum δεινότητες.*

§. 18. Inter tropos commendantur Metaphora, Allegoria, ac Hyperbolæ quoque, sed Sapphicæ.

Ut, *Auro magis aurea*. Nam comicæ magis sunt ridiculæ. quàm venustæ.

§. 19. E schematibus λέξεις amat Anaphoram, & Anadiplosin.

§. 20. Laudatur quoque in ea concisio sive sermonis brevis,

Ut illo Terentii (b)

— Simul alia circumspetto.

Sat in explorata sint. Video esse, pessulum ostio obdolo. Periisset venustas, dixisset: Et tuta quidem esse omnia, animadvertēbam.

§. 21. E schematibus δεινότητες amat εἰκόνες sive imaginem, ac Παραβολάς quoque sive Collationem: sed ea modum excedere non debet. Nam hyperbolica magis conveniunt poetis, quam oratoribus.

§. 22. Præterea gaudet Ἐκσυρσίσεις sive Correctione.

§. 23.

(a) Apud Suetonium in Augusti. cœp. 91.

(b) Eunuch. Act. 3. Sc. 5.

§. 23. Item inopinato; quod Παρά προσδοκίαν vocant.  
 §. 24. Item testis accusatione; quæ κατ' ἐξοχήν Σχήμα, si-  
 ve Figura appellatur.

§. 25. Superest compositio, quæ, quod ad iuncturam, suavitatem sectatur: quod ad ordinem, in συνδροσµῶ, si-  
 ve congerie, vulgaria priori, nova atque inusitata po-  
 steriorem collocat loco: quod ad periodum, ἀνακνύουσα si-  
 ve membra paria: quod ad numerum, ita versibus utitur vel  
 integris, vel dimidiatis, ut à nemine deprehendatur.

Ut initio orationis pro Archia poeta; In qua me non  
 inficior mediocriter esse versatum. Ubi totus est ihexa-  
 meter. Oritur quoque suavitas, si oratio sit versui si-  
 milis, in primis in clausulis: ut, ad quos conscientie  
 contagio pertinebat.

§. 26. Interdum etiam poetæ alicujus versus, emble-  
 matis insunt, inseritur orationi.

Ut à Cicerone in Pisoniana factum videmus. Sed in  
 primis id facere gaudet in philosophicis: ut in Academi-  
 cis Quæst. Tusculanis, aliisque.

§. 27. Opponitur Venustati. Κανονική: quæ & ipsa  
 partim in sententiis consistit, ut, Centaurus se ipsum  
 equitans: partim in verbis, ut, Risit rosa sua vicolor:  
 partim compositione, sive vel anapestica sit, vel similis  
 versibus mollibus ac fractis, quales sunt, qui constant  
 Ionicis à majore, ac Sotadei appellantur.

Κανονικός exemplum non unum in Arruntio observat  
 Seneca Epist. CXIV.

## C A P. VII.

### DE GRAVITATE, ET VITIO,

Quod ei opponitur.

§. I.

**D**E Venustate, & Κανονική, diximus hæcenus: su-  
 petest Gravitatis, quæ orationem molestam acerbam-  
 quæ facit.

§. 2. Huius sententiæ sunt per se acerbæ. Jocos quidem  
 ad-



adhibet, sed quibus admixta sit acerbitas.

§. 3. Locutio spectatur partim in verbis singulis, quæ ad primam pertinent Elocutionis partem; partim in tropis, & schematibus.

§. 4. Primi generis sunt, cum σύνθεσις sive composita, tum quæcunque asperitatem habent.

§. 5. Et tropis inserviunt grævitati Metaphoræ rem amplificantes. Item Allegoriæ, Emphasis, Hyperbole, Εὐφαισμοί.

§. 6. E schematibus λέξεις pertinent hæc, Ἀσύνητον, Ἀνιφορά, Ἐπίθεσις, Κλίμαξ. At fugit verba similia, aliaque scitamenta, quæ magis ludentis sunt, quàm lædenti.

§. 7. E schematibus Διανοίας commendantur maximè Præteritio, Apostrophe, Prosopopæia, Icon, Interrogatio, Ἀντίθεσις, Ἐπανεστιασίς, sive insultus orationis, ac denique λόγος ἐσχηματισμένος, sive oratio aliquem perstringens.

§. 8. Fit ea multifariam. Nam interdum ambiguit loquimur, interdum mutamus personam, idque tum vituperando similem, tum laudando dissimilem.

§. 9. Interdum, quia de aliquo tutum dicere non est, universè diximus, quid fieri soleat, aut debeat; aut interrogando amicè ingenuam elicimus confessionem.

§. 10. Supereſt compositio. Ea, quod ad juncturam, est vocalibus hiulca, consonantibus aspera. Quod ad ordinem, in extrema periodi parte collocat, quod maximè asperum, indignumque est. Quod ad periodum, usurpat in primis κῶδα κρυπτική, & periodos in fine adstrictas contortasque.

§. 11. Vitium gravitati oppositum dicitur ἄχρηστος λέξις sive INVENUSTUM, quod itidem consistit in rebus, verbis, compositione.

§. 12. In rebus peccatur, si sint turpes, & obscæne In verbis, si rebus non respondeant.

Ut cum Clitarchus ait: Depascit quidem loca montana, involat autem in cavas quercus. De vespæ genere loquitur, tanquam de bove fero, aut apro Erymanthio.

§. 13. In compositione denique, si oratio sit similis divulsæ, si membra non sint colligata, sed similia fractis; si periodi sint longæ, adeò, ut pene suffocent dicentem. Haftenus de characteribus, eorumque affectionibus; quibus claudimus doctrinam Elocutionis.

## C A P. VIII.

### DE PRONUNCIATIONE, GENERATIM, Deque voce particulatim.

#### §. 1.

**S**upereſt PRONUNCIATIO ſive actio: poſtrema quidem oratoricæ facultatis pars, ſi ordinem in tractando conſideres; ſed tantum illa momenti, ut primas, ſecundas, tertias et tribuerit Demoſthenes.

§. 2. Eſt verò Pronunciatio vocis geſtumque pro rebus & verbis apta conformatio.

§. 3. Ejus quaſi fundamentum eſt memoria, ſive firma rerum verborumque comprehenſio. Nam, niſi memoriter dicamus, multum decedet de vi, & gratia pronunciationis: neque auditores tantopere mirabuntur oratorem.

Viris tamen principibus, item ægrotis, ſenibus, & qui ſe demum exercere incipiunt in arte oratoria, vitio vertinequit, ſi recitent de commentario.

§. 4. Memoria præcipuum lumen adfert ordo; eoque ſeu noſtra, ſeu aliena ediſcere volumus, ante omnia ſeriem orationis conſiderare oportet.

Nempe unum melius obſervamus, quàm multa. Quæ autem apte cohærent, quodammodo unum ſunt, quemadmodum ex pluribus annulis fit catena.

§. 5. Etiam memoria juvatur locorum imaginumque doctrina. Locis ſe habent inſtar chartæ; imagines, inſtar ſcripturæ.

Loco enim committitur imago, quæ nihil aliud eſt, quam ſimulacrum rei, de qua dicendum eſt. Loca ejusmodi ſunt oſtium, fenestra, caminus, lectica &c. vel hortus, fons, collis &c. Imago Cæſaris ar-  
gu

gumento erit, de Cæsare dicendum esse: ut equus, vel navis de equestri certamine, vel naumachia, agi debe-  
re. Sed & metaphorica admonent. Uel lupus, fus, asinus, significabunt primùm de alicujus rapacitate, inde de immunditie, ac denique de obruso ingenio tractari oportere. Item ovis, turtur, ciconia, repræsentabunt mite ingenium, castitatem, pietatem erga parentes: atque ita in aliis.

§. 6. Sed omnis ista doctrina, quam operosè multi persequuntur, à nobis hoc loco præteribitur, eò quod magna sui parte memoriam magis obruat, quàm juvet: & qua parte eam juvat, ad distinetam artem pertineat, quæ *Memorialis* (a) vocatur.

§. 7. Partes pronuntiationis sunt duæ: una vocem format, altera corporis motum.

Illa aures, hæc oculos afficit ac movet: ab illa pronuntiationis, ab hac actionis nomen impositum est.

§. 8. Præcepta harum partium vel generalia sunt, quæ utramque respiciunt: vel specialia, quæ earum alteram tantum spectant.

§. 9. Prioris generis est præceptum istud, ut ne studio se conficteamur actionis delicias.

Alioqui verendum plane, ne idem nobis usu veniat, quod equis Sybaritarum. Nam, ut mollis erat populus iste, equos etiam suos saltatè ad modulos docebat. Sed ea res pessimè cessit. Nam cum Marte esset decretandum adversus Crotonatas, equi lascivis motibus se atque universum exercitum (b) perdidit, Philisci (c) quoque exemplum ab hoc more nos revocare debet. Non quia voce & gestu (d) erat: ideo in tantum displicuit imperatori Antonino, ut ne cuiquam concedere illi vellet immunitatem, quæ Rhetorum alii gauderent. Etiam ad ignominiam Sexti Tullii pertinet, quod tam for-

Rhetorica Vossii.

X

lutus

(a) Memorialis. (b) Aristoteles lib. de Rep. Sybaritarum, & ex Aristoteli lib. 12. & Aelianus lib. 16. de Anim. cap. 43. Item Suidas. (c) Philiscus de vitis Sepbisi. lib. 2. (d) Eschylus.

lucus ac mollis fuerit in agendo; ut saltationis genus ab eo Titii nomen (a) invenerit.

§. 10. *Nec propterea ars in totum negligi debet: sed modus solum requiritur: Nam ut affectatio artis adversatur gravitati: ita ejus neglectus auferam ac rusticam reddit actionem.*

§. 11. *Præcepta, quæ ad solam pertinent vocem, vel totam respiciunt orationem vel partem duntaxat.*

§. 12. *Priora sunt vel de qualitate, vel de quantitate vocis.*

§. 13. *Ratione qualitatis curandum, ut vox sit clara, itemque varia, cui repugnat  $\mu\epsilon\lambda\acute{o}\delta\eta\mu\alpha$ : item ne sit nimis præceps, sed cum mora proferatur.*

§. 14. *Ratione qualitatis videndum, ut vox intendatur ac remittatur pro multitudine auditorum. Sed tamen nec ascendat ad extremum, nec descendat. Nam vox ima si sit, vim non habet: & in acutissimo clamore, ne rumpatur, periculum est.*

Et quod majus incitiæ fuerit argumentum, quàm clamore applausum quærere velle? Quales verius clamatores dixeris, quam oratores. Cicero (b) eos claudis esse similes dicebat. Nempe quia, ut hi, ob imbecillitatem suam, ad equum confugiunt, ita isti in voce Stentorea, tanquam in jumento, fiduciam omnem apud imperitos reponunt. Atqui, ut bene olim dictum fuit,  $\epsilon\ \gamma\iota\gamma\iota\sigma\kappa\iota\tau\alpha\iota\ \alpha\upsilon\tau\omicron\iota\ \tau\omicron\upsilon\tau\omicron\iota\ \tau\omicron\upsilon\tau\omicron\iota\ \tau\omicron\upsilon\tau\omicron\iota$  (c) Nec solum hac parte peccant artisignari; sed, ut nihil est undique perfectum, est cum etiam exorbitent viri præstantes. Taliserat Q. Haterius, quem sufflaminandum esse, scire dicebat Augustus. (d) Idcirco parere solet liberto, qui vehementius currentem refrenaret.

§. 15. *Præcepta, quæ partem tantum orationis spectant, vel majorem ejus partem respiciunt; vel minorem.*

§. 16.

(a) Cicero de claris Oratoribus. (b) Plutarchus in Cicero, & ex eo Photius in Biblioth. cap. 245.

(c) Non ex voce, sed ex mente. (d) M. Seneca in epitome contr. pref. lib. 4.

§. 16. Quod ad partes majores, in exordiis ultimū voce submissiori, postea magis insurgit vox: ac in narratione quidem est plana. aperta que, in contentione acrior, in primis in argumentando; in epilogo excitata, quasi parata victoria.

§. 17. Quod ad partes minores, verba singula pronuntianda sunt articulatē, & euphonia quidem euphonia; verba conjuncta, si numerus insit, cum quadam vocis modulatione sunt proferenda: res grandes dicendæ cum majestate quadam, atroces concitatē: suadebimus voce gravi, laudabimus magnifica: in ira utimur voce incitata crebroque interrupta, in miseratione verō flexibili ac tristi.

## C A P. IX.

## DE CORPORIS MOTU.

## §. 1.

**H**ACTENUS de voce, sequitur corporis motus: a quo duplicia sunt præcepta. Alia enim Ethica sunt, & ad civilitatem morum pertinent: alia Rhetorica, quæ non universam spectant vitam, sed orationem ad persuadendum idoneam.

§. 2. Priora petenda ex Ethicis. Posteriora partim respiciunt totum corpus, partim certam corporis partem.

§. 3. Ad totum corpus pertinent status, qui erectus & celsus esse debet, ita tamen: ut si in corona sit dicendum, adsit virilis in latera flexio:

§. 4. Vultus, ad quem & frontis oculorumque conformatio pertinet, debet pro rerum natura esse lætus, tristis, blandus, minax, erectus, demissus: (a)

X 2

§. 5.

(a) Quod interdum tristitia est: ut apud Cic. in Cl. & C. 1. de belli Galli interdum vetecundia: ut Æn. 1. Tum breviter Dido vultum demissa profatur.

§. 5. *Cervice utendum recta, non tamen rigida.*

§. 6. *Humeri non allevandi.*

§. 7. *Brachia non projicienda, nisi in vehementi affectu: quod si quid uberius ac speciosius tractemus, brachio dextro exspaciamur in latus dextrum: sinistro brachio rarius utimur, nec ferè nisi eatenus, ut quasi normalem angulum efficiamus.*

§. 8. *Manus optimè à sinistro incipit latere, ac dextro deponitur.*

§. 9. *Pedus ferire, aut femur, prope scenicum est.*

§. 10. *Idem judicandum de suppositione pedum, qua olim utebantur in contentionibus aut incipiendis, aut finiendis.*

Atque hæc de gestu corporis sufficiat monuisse, Reliqua, quæ ad actionem pertinent, exercitationi relinquamus: ut cui plus hoc agendi artificium debeat, quàm præceptis. Vel cui ista non sufficiunt, cætera petat ex Cornificii lib. III. ad Herennium, Fabio lib. XI. & XIII. ubi copiosè de his agit: tum ex institutionibus nostris Oratoriis, quibus, ut alia multa, ita hanc etiam partem, plenius sumus persecuti.

F I N I S.



I N-

## I N D E X.

Numerus, qui hoc (\*) signum proximè sequitur, rei cuiusque, tropi, aut schematis sedem propriam indicat.

<b>A</b> bjecti	108	Amici	43.
Abſoluta deliberatio	36	Amor	* 89. 133. 140. <u>199</u>
laudatio	<u>29. 36</u>	ἀμφιβολία	<u>221.</u>
Abuſio	<u>243</u>	ἀμφιβολίας status	<u>57</u>
Accuſatio recta	317	Amplificatio	<u>186. * 194 295</u>
Accuſator	<u>38</u>	303	
ἐχθρὸς λόγος	<u>319</u>	Amplificationis loci	<u>24</u>
ἐχθρὸς status	<u>56</u>	Anadiploſis	<u>254. * 311 317</u>
Actio	<u>195. * 201. 320</u>	ἀνακεφαλαιώσις	<u>48. * 197</u>
Actionis exclusio	<u>61</u>	ἀνακαινώσις	<u>261. * 263</u>
Adhortatio	<u>125. * 146</u>	Analogia	<u>226</u>
Admirabile genus	<u>165</u>	ἀναφορά	* <u>252. 263. 311. 317.</u>
Admiratio	<u>299. * 290</u>	319	
Adoleſcens	<u>104</u>	ἀντικειμενικὴ contentio	<u>189.</u>
Æmulatio	* <u>96. 141. 198</u>	<u>194</u>	
Ænigma	<u>242. * 311</u>	ἀνκυσρφή	<u>222</u>
Æquabilis character	<u>309. * 315</u>	Anceps genus	<u>166</u>
Æquitas	<u>53</u>	ἀνομοιωσις	<u>272</u>
Æquum	<u>24. * 31</u>	ἀντανάγκαισις	<u>250</u>
Ætas	<u>43. 103. &amp; ſeq.</u>	ἀντιμεταβολή	<u>273</u>
Ætates Romani ſermonis	<u>216</u>	ἀντιμετάθεσις	<u>257</u>
ἀντιλογία	<u>268</u>	ἀντινομίας status	<u>52</u>
ἄτιος	<u>38</u>	Antiphrasiſ	* <u>246</u>
Affectus	<u>69. * 100. 103</u>	ἀντιπροβολή	<u>38</u>
Affectuum commotio	<u>198</u>	Antiptoſis	<u>311</u>
Agnominatio	<u>258</u>	Antiqua vocabula	<u>210</u>
ἀντιό		ἀντισυλλογισμός	<u>194</u>
Alieni ſermonis contemptio	<u>280. * 284.</u>	ἀντίθεσις	<u>274</u>
ratio	<u>231. * 241</u>	ἀντίθετον	<u>273. 274. 319</u>
Allegoria	<u>311. 317. 319.</u>	ἀντιτύπια	<u>295</u>
Ambigua verba	<u>313</u>	Antonomaſia	<u>239</u>
Ambigui status	<u>60</u>	ἀπαίτησις τῶν ἐλέγχων	<u>48</u>
Ambitus verb.	<u>199. 314</u>	ἀπαράθυμις	<u>262</u>
		ἀφαιρεσις	<u>260</u>

ἀφελής περίοδος	301
ἀπίθανον	44
ἀποβατήριος λόγος	130
ἀποδεικτικὰ argumenta	14
ἀποδίωξις	292
ἀπόδοσις	178. 179. 301
Apologus	8
Apophthegma	293
ἀποπλάνησις	194
ἀπρεμία	159. 381
ἀποσιώπησις	283. * ibii.
311. 319.	
Apostrophe	288. 315
ἀρετή	290
ἀρχή	165
Argumentatio	189
Argumentum	* 9. 12. 189
Argumentorum enumeratio	197
Arida forma dicendi	314
Aristocratia	103
Artificioſa oratio	299
Artium vocabula	294. 296.
312. 319	
Assimilatio	270
Assumpta argumenta	14
Assumptio	190
Assumptivus status	54
Asteismus	245. * 327
Afyndeton	* 248. 249. 319.
ἄτεχνα argumenta	13
Attentio	156. * 166
Auditor triplex	15
Aures purgatæ	297
Aurium judicium	294
αὐξήσις	* 278
αὐξίωσις	178. * 193

## B

B Arbara vocab.	213
βάρσις	178

Benevolentia	101. 164. * 165
βίωσις	194
βραχύκωλος periodus	303
βραχυλογία	221
Breves syllabæ	308
Brevia κῶλα	299
vocabula	296
Brevitas sermonis	* 221. 304.

## C item κ' χ.

K καίμεφρον	296
κακοζήλεια	300
καμπή	301
Casus	257
Casus obliquatio	* 311. 315
Catachresis	240. * 243
καταφορά	304
κατασκευαστική contentio	189
κατασκευή	179
Causa	4
Causarum genera	15
Character dicendi	309
χαρμετισμός	245. 289
Circuitus	299
Circumscriptio	ibi.
Circumducta oratio	302
Circumstantiæ	43. 185
κλίμαξ	* 256. 119
κοινότης	340
Cogitatum	266
κῶλα	297
Collatio	271. * 272. 317
Collectio	50. 50
Color	54
Coloris expers status	57
κόμματα	* 298. 301. in not.
κομματικὰ κῶλα	299. 319
Commendatio	136
Communicatio	260. * 263
Commutatio	275
Compar	303

## Com.



Comparata	15	Correctio	255. * 282. 318
Comparata deliberatio	36	κρίσις	38
laudatio	29. 36		
Comparatio	36. 51. 52. 54	D	
97. * 271		D eorum	23. 24
Complexio	189. * 233. in not.	Deductio	195
Composita vocab.	310. 318	Δείσις	290
Compositum	299	Defensio	44
Compositio	203. 204. 223	Defensor	38
* 293. 312. 313. 317. 319		Definitio	36. 51
Comprehensio	299	Dehorratio	148
Concessio	260. * 264	Delectatio	80
Conciliatio	138	Deliberativum genus	324. *
Concionatorium genus	30	39. 71. 171. 308	
Concisio	317	δημηγορικόν genus	30
Concitaro	137	Democratia	103
Conclusio	141. 266.	Demonstrativum genus	15. *
Confessio	260. * 264	39. 126. 184. 276. 308	
Confidentia	74	Deprecatio	57. * 159.
Confirmatio	69. 162. 265. * 189	Depulsio	38
Confutatio	162. * 194	Derivatio	258. in not.
Congeries	315	Descriptio	84.
Conjecturalis status	* 40	Despectio	ibid.
Connexio	178	Dialecticæ & Rhetoricæ di-	
Consecutio	52	scrimen	6
Consolatio	123. * 144	Dialogismus	286
Consuetudo	51. 52. 63. 209	Dialogus	ibid.
Consultatio	4	διάλξις	311
Contemptus	* 99. 195. 199	διαφορά	27
Contentio	162. 163. * 180. 323	Diafyrmus	245. * 246. 290
Continens	38	διατυπῶσις	185. * 268
Continua narratio	182	δικανικόν genus	38
Continuatio	299. 301	δίκωλος periodus	301
Contrariarum legum status	17. 58.	δίηγησις	181
Controversia	4	διέξοδος	185
Conversio	108. in not.	Differentia	272
Copia verborum	225	Difficile	24. 29. * 34
Corporis habitus	44	Digesta propositio	187
motus	421	Dignitas	29. 303. 204. 223. 310
		Digressio	20. 28. 46. * 276

Dispositio	161. 1291	επιτάξεις	316
Dispositio Rhetorica & Dia-		Epanodus	252. * 255. 277
lectica differunt	2. 161	Epanorthosis	255. 282. * ibid.
Dissimilitudo	272	317. 12	
Dissolutio	311	εφοδος	155
Diffusio	170	επιβατήριος λόγος	131
Distributio	276	Epichrematica periodus	84
Dithyrambica vocabula	310.	επιδεικτικὸν genus	16
311. 3. 317		Epilogus	* 196. 204. 303. 323
Diversiloquium	240	Epinhponema	176. 277. 312
Divites	106	επιφορά	252. * 253. 311
Dolor	105	Epistola	155. 200. 217.
Dubitatio	281	in not.	294
Duplicia verba	314	επιστροφή	254
Dura vocabula	294	επιτακτικὸς λόγος	30
δυσπαρεκλήθην genus	167	Epithalamium	118
E. it. s. & c.		Epirheton	239. 246. 313
Educatio	43	επιρρητική	261. * 264
εὐβολία	276	Epizeuxis	255. 319
εὐκλαστικὸν genus	30	εὐχέλαια	253
εὐφώνησις	281	ἔθνη	13
οἰκῶν	246. * 370. 318	Ethopoeja	73
Elegantia	* 203. 294. 310	εὐχεριστική oratio	128
εὐλογική contentio	189. 194	εὐχὴ	289
Ellipsis	248	Eventus	34
Elocutio	202	εὐχέλαια	106
ἐμφασίς	* 244. 319	Evidentia	219
ἐγκωμίου	16	εὐφημισμός	240. 319
ἐγκωμικεῖον genus	16	εὐφροσύνη	295
ἐνδοξον	6	Exaggeratio	193
ἐνστικτός	194	Exclamatio	* 281. 224.
ἐντελικὰ argumenta	13	Exclusio actionis	61
Enthymema	109. * 192	Execratio	195. * 290
Enthymematica periodus	301	Exempla	35. 147.
Enumeratio	262	Exemplum	180. * 193. 370.
Enumeratio argumentorum		ἐξργασία	250. * 251
197		Exhortatio	140
ἐπαγωγὴ	193	Exilia vocabula	294
Epanalepsis	252. * 254	Exordium	162. 163. 238
		382. 299. 319.	

Ex-

Expositio	<u>250</u>	Γενναῖος	ibid.
Expositulatio	*157. 158	Gestus corporis	<u>323</u>
Exprobratio	<u>159</u>	Gloriosum	<u>24. 29. 31. *</u> <u>13</u>
Extenuatio	296	γνώμη	<u>266. 268</u>
ἐξοθενισμός	<u>194</u>	γνώμη ἀποθέτω	51
F		Gradatio	<u>255. *</u> <u>90</u>
Facile	<u>23. 29. *</u> <u>33</u>	Græca	264
Facta	<u>24</u>	Grandia vocabula	<u>194</u>
Facta vocabula	*310. <u>314</u>	Grandis stylus	<u>315</u>
Facti probatio	<u>38</u>	Gratia	*82. <u>150</u>
signa	<u>44</u>	Gratiatum actio	<u>126</u>
Facultas	ibid.	Gratulatio	<u>198</u>
Fama	<u>65</u>	Gratulatoria Oratio	128
Fides	162. <u>163. *</u> <u>189</u>	Gravitas	<u>315. *</u> <u>358</u>
Fiducia	<u>72. *</u> <u>75</u>	H. it.	<u>26</u>
Figura (κατ' ἐξοχήν)	<u>317</u>	H	
Figuratio	310. <u>316</u>	Habitus	<u>101</u>
Finitivus status	<u>40. *</u> <u>50</u>	Habitus corporis	<u>43</u>
Firmamentum accusatoris	<u>38</u>	Historica elocutio	262
Fluctuans forma discendi	<u>315</u>	phrasis	214
Fortuna	<u>104. *</u> <u>106</u>	vocabula	ibid.
Fortunati	<u>108</u>	ομοιότητων	<u>258. *</u> <u>263</u>
Frigida forma dicendi	313	ομοιότητεωτον	* <u>259</u>
Funeris oratio	<u>119</u>	ὀνομασία	221
G		Honestā vocabula	<u>204. *</u> <u>225</u>
Γενεθλιακός λόγος	<u>119</u>	Honestum	*26. <u>29. 147</u>
Genus	<u>43</u>	ὄρος	51
Genus turpe, anceps παραδο- ξον <u>165. humile</u> <u>166. ob-</u>		Humile genus	<u>166</u>
scurum	<u>167</u>	Humilis character	309
Genera causarum	14	Hypallage	<u>229. 245. *</u> <u>247</u>
Generis seu generalis sta-	<u>52</u>	ὑπάλληξη προσώπων	<u>155</u>
tus	<u>106</u>	Hyperbāton	<u>199</u>
Generosi		Hyperbole	<u>240. 244. 313</u>
		ὑπεβολή	<u>227. 261. *</u> <u>262</u>
		ὑποθέσεις	<u>195</u>
		ὑποφορά	<u>415. 29. 36</u>
		ὑποκρίσις	<u>73. 85. 115</u>
		ὑπερτύωσις	<u>268. *</u> <u>269</u>
		X	3
			1 Con.

## I

I Con. vid. *σινός*

Ignobiles 107

Imago \* 270. 318

Imitatio 5. \* 247

Impetus 46

Impossibile 14

Impulsio 41

Impunitatis spes 42

Inartificiale argumentum 63

Incisa 297

Incredibile 45

Incrementum 279

Increpacio 188

Indignatio \* 93. 194. 199

Inductio 189. \* 193

Inductio legis 60

Infelices 108

Infiçialis status 41

Inhonestia vocabula 200

Inimicitia 91

Injuria major, minor 61

Inopinatum 318

Insinuatio 105

Insita argumenta 14

Insultus orationis 319

Intentio 36

Intercessio 150

Intercisa narratio 182

Interminata oratio 300

Interpretatio 250

Interrogatio 195. 264. \* 315

319

Inventiva 153. \* 154

Inventio 5. \* 7. 109. 260

Invenustum 320

Inverecundia 80

Invidia \* 94. 153. 199

Joci \* 316. 319

Ira \* 83. 133

Ironia 225 \* 237. 246

Ironica concessio 265

Irrisio \* 290

ισόκωλος \* 203. 218

Jucundum 29 \* 33. 147

Judicatio 39. 40. 41

Judicatum 53

Jugis dictio 300

Juncta vocabula \* 310. 217

Junctura \* 293. 312. 319

Juridiciale genus 55. \* 32

76. 170. 175. 306

Juridicialis causa 184

status 53

Juris præscriptio 61

Jusjurandum 63 \* 67

Justum 24

Juvenis 103

## K. Vide C.

## L

Lætitia 80

Lamentatoria oratio

129

Latina vocab. 204. 209

Latinitas 203

Latinus sermo. vid. Romanus

Laus, Laudatio 15. \* 16. \*

109. 110. 111. 112. 113. 114

115. 117. 122. 132. 133. 136

137. 138. 146. 151. 156. 168

Lectio 216

Legalis status 57

Leges 62 \* 63

Legis inductio 60

Legislatoris sententia 50 \* 51

Legitimum 24 \* 31

Lenitas 86

Lex

Lex	53	199	
λέξις εἰρημένη	<u>300</u>	Mimesis	245. * 244
Liptotes	<u>240</u>	Minor	<u>189</u>
Litterarum concursus	<u>292</u>	μείωσις	277
sonus	<u>294</u>	Misericordia	* <u>95. 141. 199</u>
λιτότης	238. * 240. 278	Mollia vocabula	<u>294</u>
Loci	<u>9</u>	Monarchia	103
Loci Dialectici seu generales		Monitio	133
<u>35</u>		Monosyllab. vocab.	295
Loci Rhetorici seu speciales		μοροτορία	<u>322</u>
24		Mores	101
Locutio	<u>30. 35. 310. 319</u>	Mysterismus	<u>246. * 246</u>
Logicæ cognitio ad Rhetoricam afferenda	10		
λογισμός	185		
λόγος	<u>13</u>		
λόγος σχηματισμένος	<u>319</u>		
Longa vocabula	296		
Longæ syllabæ	307. 313		

## M

<b>M</b> Απροκωλία	221		
μακρόκωλος periodus			
<u>303</u>			
Magnificus character	309		
Magnum	<u>14</u>		
Major	<u>189</u>		
Mediocria κῶλα	<u>299</u>		
vocabula	<u>296</u>		
Mediocris character	309. * <u>315</u>		
Memoria	<u>6. 320</u>		
μερισμός	<u>267</u>		
μετάληψις	<u>60. * 240. in</u>		
not. <u>240. * 239. * 290</u>			
μεταφορά	<u>214. * 316. 313. 315</u>		
<u>317. 319</u>			
Metonymia	225. * <u>229</u>		
μέτρικα κῶλα	<u>299</u>		
Metus	* <u>72. 140. 141. 144. 145</u>		

## N

<b>N</b> Arratio	<u>8. 162. *</u>		
<u>181. 323</u>			
Natalicia Oratio	<u>119</u>		
Natio	<u>43</u>		
Natura	<u>53</u>		
Naturalis oratio	301		
Necessarium	<u>29. * 32. 147</u>		
Necessitatis simulatio	<u>155</u>		
Negotialis status	<u>52. * 57</u>		
Nobilitas	105		
νόημα	<u>265</u>		
νομοθέτης γράμμα	<u>51</u>		
Nova vocabula	<u>209. * 217</u>		
220.			
Novata vocabula	212. * <u>213</u>		
220. 356.			
Numerus	<u>294. * 304. 312 313</u>		
351. <u>315</u>			
Nuptialis oratio	* <u>114. 314</u>		
νυθητική Epistola	<u>140</u>		

## O

<b>O</b> Bjurgatio	154		
Obliqua commendatio			
	177		



177			
gratiarum Actio	128	P. item	†
gratulatio	129		
petitio	151		
Obliquatio casus	* 311. 314	P Acta	63. * 66
Obliquitas in narrando	185	Pactum	53
Oblonga cola	299	πακτισμός	289
Obscœna vocabula	209	Panegyrica oratio	* 109. 111
Obscuritas sermonis	222	299. 312	
Obscurum genus	167	πανηγυρικὸν γένος	16
Obsecratio	290	πανηγυρικός λόγος	16
Obsoleta vocab.	211. * 220	παρὰ προσδοκίαν	318
Occupatio	260	παρεβολή	* 271. 318
Odium	* 91. 133. 177. 141. 153	παρεδοξολογία	273
199		παράδειγμα	193. * 270
Officium oratorium	3	παρεδοξὸν genus	165
ὁρομνητοποίησις	214. 245. 246. 310	παραινετική Epistola	140
316		παράλειψις	279
Oratio, qua urbs principem		παρέκβασις	276
donat corona 113. in adven.		παρήχησις	289 * 291
tu novi præfecti, urbis ibid.		παρηγμῆν	257
in discessu aut reditu 130.		παρεμβολή	255
legati auxilium exposcē-		παρενθεσις	ibid.
tis, 152. ad principem, ut		Partis status	66
ad nos venire dignetur.		παρρηγοργία	261. * 264
ibid. De cæteris, vide in		παρρηγοργία	253. * 258.
suis literis, ut de Panegy-		Partes orationis	162
rica in P. &c.		Partitio	187
Orator	2	Parvum	14
Oratoria elocutio	* 20. 235	πάθη	13. * 69. 101
238		παθοποιία	198
vocabula	213	Pauperes	108. Pedes 306
Oratorius numerus	305	Pendens dictio	300
Orbis verborum	318	Peregrina vocab.	* 205. 313.
Ordo	293 * 295. 312. 320	περιβολή	301. 304
Ornatus	317	Pericula	72
Ὀξύμωρον	273. * 275	Periodicum	300.
		Periodus	294. * 297. * 300
		312. 318. 320	
		Periphrasis	246. 269
		* 281	

Peroratio	162. *	196	Pronunciatio	202. 215. *	320
Persona		16	προπεμπτικός λόγος	11	131
Personæ qualitas		43	Propositio	162. *	186
Perpicuitas		219		262. 269	
Persuadibile		6	Propositio major, minor		
Perturbatio		101		189	
Petitio	*	150. 167	Propositum		4
Philosophica elocutio		202	Propria vocab.	*	220. 239
vocabula		251	πρὸς τι		51
πίσις		189	Protopopæja	284. *	287. 315
πιδανόν		6		319	
Pium	24. *	31	προσώτα ὑπαλλαγή		155
πλαγιασμοίς		311	προσπίχσις ἀνάγκης		155
Plebeja vocabula		318	πρότασις	178. 262. 276	
Pleonasmus		249	προπεμπτική	Epistola	140
πλοκή		250	Proverbium		316
πνεῦμα	*	304	Prudentia		101
Poetica compositio		308	Ψυχή forma dicendi		312
Poetica elocutio	21. 202. 234		Pudor	*	77. 136
	240. 244. 270. 318.		Purgatio		56
Poetica vocab.	214.	310	Puritas		253
Poeticus numerus		305			
Polyptoton	256. *	ibid.			
Poly syndeton		249.			
Possibile	14. *	32. 146. 150			
Postulatio probationum		48			
Potentes		107			
Prælidium narrationis		181			
Præscriptio juris		61			
Præteritio	*	279. 319			
Principium		165			
Probabile		5			
Probatio		162			
Probitas		101			
προβολή		39			
πρόεικτος		181			
Progymnasmata		8			
πρόληψις		264			
Promissio		166			
Pronominatio		239			

Q

Q	Uæstio	4
	Quæstiones	63
	Qualitatis status	40. * 52
	Quantitas	51. 52
	Quantitatis status	40. * 61
	Quotidiana verba	314

R

R	Ara vocabula	210. *	211
		220	
	Ratio defensoris		39
	Ratiocinatio		41?
	Ratiocinationis status	37. *	
		59	
	Rationalis status		52

Re-

Recta gratiarum actio	126	voluntatis	43
petitio	151	Significantia vocabuli	<u>209</u>
Rejunctio	<u>290.</u> * <u>291</u>	Similiter cadens	<u>259</u>
Relatio	<u>54</u>	desinens	ibid.
Remotio	* <u>55.</u> <u>262</u>	Similitudo	<u>226</u>
Renitentia	<u>295</u>	Simplex colon	299
Repetitio mediana	252 *	Simplex periodus	301
254		Simplex propositio	232
Repetitio principii, vel clausulæ in medio	<u>252.</u> <u>254.</u>	Simplex status	52
Reprehensio	21	Soluta vocabula	310
Res	* <u>27.</u> * <u>319</u>	Sonantia seu sonora vocabula	293
Retorsio	<u>194</u>	Sordida vocabula	209
Revocatio	<u>292.</u> * <u>287</u>	Spes	* <u>75.</u> <u>141.</u> <u>199</u>
Revocatio sui ipsius	281 * <u>282</u>	Spes impunitatis	<u>43</u>
Rhetor	2	Spiritus	304
Rhetorica	1. seq.	ῥῆσις	39
ῥῆσις & δικηνοῦς status	<u>57</u>	Status	<u>39</u>
Ridiculum	<u>316</u>	Studium	<u>43</u>
Romani sermonis ætates		Suasio	<u>139.</u> <u>170</u>
<u>216</u>		Suasorium genus	30
Rumor	<u>65</u>	Suavitas	<u>318</u>

## S

Sarcasmus	* <u>245.</u> <u>289</u>	Superjectio	<u>294</u>
Schema	<u>224.</u> * <u>247.</u> <u>311</u>	Syllabarum multitudo	<u>294</u>
σχῆμα (κατ' ἑξοχὴν)	<u>317</u>	295.	
σχηματικὴν cola	299	σύλληψις	<u>240</u>
cripti & sententiæ status	<u>57</u>	συλλογισμός	51. * <u>189</u>
criptores	<u>216</u>	συλλογισμῶ status	57. * <u>59</u>
ejuncta propositio	<u>187</u>	συμβολή	271. * <u>272</u>
enex	104	συμπερασμῶ	262
ententia	<u>203.</u> * <u>265.</u> <u>308.</u>	συμπλοκή	<u>252.</u> <u>253</u>
309. <u>313.</u> <u>314.</u> <u>316.</u> <u>318.</u>		σύγχυσις	318
319		Synecdoche	<u>225.</u> * <u>235</u>
Sententia legislatoris	<u>50.</u> * <u>51</u>	συνέχου	<u>39</u>
Sermocinatio	<u>284</u>	συνθυμία	250
Sexus	<u>43</u>	σύνθετα vocabula	319
Signa facti	<u>44.</u> <u>45</u>	συνθετικὴ Epistola	136



T. it. 8.

V

<b>T</b> Ακείνωσις	<u>278</u>	<b>V</b> Enustas	<u>315</u>
τάσις	<u>304</u>	Venustum	<u>316</u>
τηλικότης	<u>52</u>	Verba	* <u>204.</u> * <u>310</u>
Tenuis character	<u>309.</u> * <u>313</u>	<u>314.</u> <u>315.</u> <u>316.</u> <u>318.</u> <u>319</u>	
Testes, Testimonia	<u>6.</u> * <u>64</u>	Verbi & voluntatis status	<u>37</u>
τετράκωλος periodus	<u>301.</u> <u>303</u>	Verecundia	<u>77</u>
Θέσις	<u>253.</u> <u>36</u>	Versus	<u>310.</u> <u>319.</u> <u>320</u>
Thetica laus	<u>28</u>	Vetera seu vetusta vocabula	
Timor 199. vide & Metus	<u>209.</u> <u>310</u>	Violatio	<u>194</u>
Timoris immutatio	<u>316</u>	Vira anteaſta	<u>43</u>
Tormenta	<u>63.</u> <u>66</u>	Vitæ genus	<u>43</u>
Transitio	<u>290</u>	Vituperatio	<u>16.</u> * <u>21.</u> <u>168</u>
Translatio	* <u>226.</u> <u>310</u>	Vocabula 204. Vide & Verba	
Translativus ſtatus	<u>60</u>	Voluntas	* <u>41.</u> <u>48</u>
Transumptio	<u>239</u>	Votum	<u>290</u>
τρίκωλος periodus	<u>301.</u> <u>303</u>	Vox	<u>321.</u> <u>322</u>
Tropus	* <u>144.</u> <u>310</u>	Utile	<u>24.</u> <u>329.</u> * <u>1.</u> <u>42.</u> <u>147</u>
Tumidus ſtylus	<u>314</u>	Vulgaria vocabula	<u>199</u>
Turpe genus	<u>160.</u> <u>167</u>		

Y. vide H.

F I N I S.

MAG 204275

1. The first part of the document is a list of names and addresses. The names are written in a cursive hand, and the addresses are written in a more formal, printed hand. The list is organized into two columns, with names on the left and addresses on the right.

2. The second part of the document is a list of names and addresses, similar to the first part. The names are written in a cursive hand, and the addresses are written in a more formal, printed hand. The list is organized into two columns, with names on the left and addresses on the right.

3. The third part of the document is a list of names and addresses, similar to the first two parts. The names are written in a cursive hand, and the addresses are written in a more formal, printed hand. The list is organized into two columns, with names on the left and addresses on the right.

4. The fourth part of the document is a list of names and addresses, similar to the first three parts. The names are written in a cursive hand, and the addresses are written in a more formal, printed hand. The list is organized into two columns, with names on the left and addresses on the right.

5. The fifth part of the document is a list of names and addresses, similar to the first four parts. The names are written in a cursive hand, and the addresses are written in a more formal, printed hand. The list is organized into two columns, with names on the left and addresses on the right.

18 11 18







